

清光緒五年刻本 原書版框  
高二〇四毫米寬二八八毫米

小西腴山館詩集  
小西腴山館文集  
小西腴山館主人自著年譜

吳大廷撰





清光緒五年刻本 原書版框  
高二〇四毫米寬二八八毫米

小西腴山館詩集  
小西腴山館文集  
小西腴山館主人自著年譜

吳大廷撰

吳大廷 字桐雲，湖南沅陵人。生於道光四年十二月初八日（一八二五），卒於光緒三年（一八七七）。咸豐五年（一八五五）舉人。初以拔貢入貲爲內閣中書，與胡林翼、左宗棠、曾國藩等相交。同治元年（一八六二）受安徽巡撫李續宜薦，補用員外郎。翌年以道員記名，四年授福建鹽法道。五年遷福建臺灣道，七年開缺。卒贈太僕寺卿。工詩古文辭，爲文恪守方苞義法，與舒燾、王拯、馮志沂、吳汝綸等友善，以文字相切磋。撰述甚富，有《福建票鹽志略》、《臺灣進退志》、《小酉腴山館詩集》，《小酉腴山館文集》等。參考文獻：《續碑傳集》卷三八、《桐城文學淵源考》卷二、《昭代名人尺牘續集小傳》卷二〇、《小酉腴山館主人自著年譜》

小酉腴山  
館詩集

光緒五年  
季秋之月  
興化劉熙載署檢

小酉腴山館詩集序

烏虜此余亡友吳君桐雲之所為詩也君以去秋自滬入 覲及還則已倏然病病逾月而卒方君疾劇伏枕作書抵余倦倦以遺藁見屬余雖諾而慰之然猶冀其復起豈料竟承訣耶君家本辰沅鍾大小酉山之秀少卓犖負奇氣讀書貫百氏自其登拔萃科領鄉薦入直內閣即已超外時俗銳意為詩古文辭與京師諸名公相倡和咸豐辛酉胡文忠公開府鄂渚奏調君參贊軍事歷官南省凡艱難險阻與一切可喜可愕悲憤無聊之氣寄之詩者尤多蓋嘗稽其生平履跡踰河洛走燕趙徘徊都下仰 宮闕之壯麗還涉洞庭浮漢沿江臨馬當以望洪都歷黃山白嶽而下金陵南航閩海渡臺洋西過函谷關登終南之山訪漢唐以來故跡既乃流連三泖九峰之間談禪普陀時駕颺輪與洪濤相上下計所經行何啻萬里其於山水清靈奇傑之氣盡寓於目而得於心故其為詩正變迭出不名一家而神與古會不失詩人意旨其可傳於後無疑也雖然君之志豈但欲以詩傳耶當其起而從軍慨然以宏濟鉅艱為己任崎嶇岳鄂江皖間累著偉績李中丞希庵唐中丞義渠洎今侯相左公皆雅重君才深相倚畀先後薦之 朝授福建鹽法道調臺灣道所至異政燁然昭人

耳目君於此時謂不世之功業可立致也豈意未竟其  
 用遽以病去哉及曾文正公再鎮江南奏起君治舟師  
 海上未幾文正公薨君於是迴翔滬上者八年去秋復  
 由南北洋大臣交章薦君而君死矣然君雖中道淪滯  
 而忠愛之意每飯不忘嘗與余抵掌當世之務究切得  
 失利病輒歔歔扼腕恨不能身親振之退而作為詩歌  
 一篇之中三致意焉夫以君之才與其志使得大用於  
 世其所設施當未可限量區區詩歌奚足為君重惜乎  
 久輟不起及將起而遽死也後之人徒見其詩而已豈  
 不悲哉君古文守望溪義法卓然可傳詩則已有刻者

小酉腴山館詩集序

二

自甲戌以前每得若干首輒自梓為一集余嘗病其過  
 碎謂分集不如編年君避余言屬桐城蕭君敬孚為之  
 編校蓋有意乎重訂而未迫也茲蕭君取其前刻若干  
 集按年編定分古今體各三卷而余論次其乙亥以後  
 之作得百五十餘首分古今體各一卷并付蕭君續為  
 校彙不復標分集名雖用余言實君遺意也統顏曰小  
 酉腴山館詩集亦君舊所自署也

光緒四年季冬中浣貴池劉瑞芬拜序

小酉腴山館詩集目錄

沅陵 吳大廷 桐雲

卷一 古體

上蔡道中女弟生日偶成 辛亥

秋日作 壬子

送石蘭泉之幕山左

寄女兒 癸丑

中秋書懷二首

贈別張鶴丞

贈松雲出都三首 丁巳

小酉腴山館詩集目錄

一

自題匹馬出關圖

寄懷王小琳

題向碧喬刺史蘇溪春詠圖卽以送別

送石蘭泉之官保定四首

讀蘇詩書後

讀史雜感四首

題孫芝房侍讀蒼筤詩集

張小石比部侍母之蜀二首 戊午

寄鄭小珊督學山左四首

王小琳學博以玉杯見貽賦此誌謝 己未

送成奎元協戎出都二首

得左丈季高書卻寄二首 庚申

古劍歌為周琳圃作

贈李澗陔之任奉天二首

書所見

歲暮懷人詩七首

劉松雲大令

鮑敦庵大令

成奎元協領

奎文軒刺史

小西腴山館詩集目錄 二

祥錫九學博

王小琳學博

李澗陔大令

卷一 古體

送別王子懷少司馬一首 辛酉

代柬王少鶴樞部

過磁州

南陽懷古

邱將軍 在田 輓歌

濂溪先生祠

贈友人

泊蘄州懷黃翔雲郎中 壬戌

寄懷葉介唐觀察

登石鐘山謁昭忠祠

泊小孤山

書懷呈諸友人三首 甲子

九日

題李春樵司馬柳陰垂釣小照

臺陽書事 丁卯

書懷

小西腴山館詩集目錄 三

哭李恕皆觀察 有序 戊辰

暑月臥病壽山方伯邀同臥雲舍人過訪令家僮

謳以侑酒壽山臥雲用昌黎山石韻先後詩成

仍次韻答之

梁禮堂銓部以詩贈別賦此奉餞

別新城楊臥雲舍人

除夕舟次挂榜山感賦

度七盤坡至藍田縣作 己巳

袁筱塢學士招飲灌園

歸過七盤坡示從者用杜工部飛仙閣韻

由龍駒寨乘小鯁子赴樊城苦熱寄呈總理船政

沈公幼丹

次林穎叔方伯見贈原韻即以奉命

萬年清輪舟自煙臺北發遇颶風

舟次天津追懷張振之少京兆石蘭泉藩經

大直沽驗船謠

自煙臺登舟回滬

五虎門

秋夜不寐 庚午

秋夜盼桐城方存之不至

小西廝山館詩集目錄 四

盼家書不至

讀儀衛軒詩集

赴楊村送曾侯相入都

卷二 古體

送范鶴生員外回鄂 辛未

普陀舟中晚景卽事

五月二十八日游普陀普濟寺

夜坐感懷

借梁寵亭司馬劉蘊山廣文周漸遠大令避暑至

徐家衛酒樓

八月八日曾相侯招遊莫愁湖會飲

題孟襄陽踏雪尋梅圖

除夕歎

壬申正月十八日乘恬吉輪船赴吳淞至銅沙海

外操習英國水戰陣法操畢船回詩以紀之 壬申

登焦山觀楊忠愍公遺墨卷子

晚自焦山歸舟

春日游西樓卽事

三月二日錢塘周琳栗同年招游平湖秋月孤山

放鶴亭三潭映月諸勝卽柬琳栗

小西廝山館詩集目錄 五

小金山

木瀆行

游天平山謁唐柱國麗水范公墓

秋感四首

重九日梁梅村邀同寵亭子新遊虎邱

題沈仲復同年蝶硯廬圖

寒食節自滬瀆泛舟至黃渡作 癸酉

吳江舟次別雪琴宮保歸舟有感賦此卻寄

題秦道亭畫

閏六月十日游普陀小住數日記之以詩

八月二十五日大雨自黃浦赴吳淞入夜陰雲密布黎明晴而出洋屢試屢驗詩以紀之

泊大羊山卽事

自上海至泖湖阻風甲戌

題郭子澗太守讀書秋樹根圖

卷四 古體

惜別篇爲沈仲復同年作 乙亥

感懷

法雨寺訪梅次楊石泉中丞韻

寺外逢眾僧言自峨眉來朝普陀者感賦長句

小西腴山館詩集目錄 六

孟春邀修伯香曾紫垣梁亞甫孫星垣四茂才遊

龍華遇兩馬莪園鎮軍留宿寺中卽席賦此并

邀請君同作

冷齋勘書圖爲錢警石年丈作

三月十日指劉芝田方伯遊揚州徐仁山方伯讌

於平山堂卽席用王漁洋集平山堂韻

遊雨花臺飲永甯第二泉次漁洋木末亭韻

陳浚生太守屬題其尊人堯農先生碧湘老屋圖

次郭筠仙侍郎韻

六月八日乘舟赴松江訪李質堂軍門

六月十二日馮竹儒觀察招劉芝田方伯及余陪

張子青制府宴於徐園稼雲樓竹儒以事先歸

園主人徐雨之部郎倩西人照制府芝田及余

三人小像得詩一首

乘惠吉輪船出吳淞遇大風有感

七夕

七月廿一日同劉芝田方伯邀馮竹儒吉雲觀察

昆季張雲溪車門褚心齋黃琴生兩太守次日

飲於一粟庵是日病作詰朝竟不能赴戲東芝

田並呈竹儒諸君子

小西腴山館詩集目錄 七

春夜遣懷 丙子

謝李眉生同年惠贈自臨古帖大小行楷并和予

所贈詩韻二首

金陵懷古邀修伯薌萬劍門同作

讀長慶集偶成

江上行 有序

江陰弔閻典史

幽穿雪鴻卷子爲馮尹平刺史作二首

三月朔日在吳淞口作

清明感賦

小雲栖

柯巖

洋務官

流品歎

六月七日晨赴南園借芝田觀荷竹儒留飲竟日

乃散

游惠泉山

夜泊楓橋有懷漁洋山人

吳淞校場月夜訪菊有感

感懷二首

小西腴山館詩集目錄

八

雜感八首

徐吉雲邀幕中諸人遊徐家滙酒樓抵暮乃歸丑丁

旅夜不寐

自寒食清明連日爲雨阻不得出游作此遣悶

清明後五日竹儒招同芝田竹鷗雲溪蘭生牧九

及其弟吉雲乘船看桃花過龍華寺早飯旋赴

徐家滙酒樓小飲畢歸過靜安寺看古井

上巳邀陳曼壽蔡寵九葛隱耕萬劍盟汪曉村胡

鐵梅黃俊生謝瀛士展襖曼壽請余首唱作此

以示同座諸子

讀史二首

再哭陳秋谷

宿法雨寺僧樓聽巖間瀑聲有感贈方丈立山師

送張智山萬劍盟修墅春往游法華洞觀音洞諸

勝

海上病中作

津門感懷

贈范少鶴用山谷韻

宿東華門

冬月二十九日黃昏枕上作

小西腴山館詩集目錄

九

卷五 今體

哭亡友舒伯魯農部 壬子

經定興縣謁楊椒山先生墓

臘月廿八日閱邸報 賞還向榮提督銜接授

欽差大臣關防喜而有作

除夕前一日借秋蟾至法源寺奠伯魯民部

出都將半月矣追思九江失守賊得順流直下爲

之憮然 癸丑

贈桐城方子觀同年二首 丁巳

懷李澍陔同年



贈李遜吾年丈

贈吳又桓比部

送曾穉鴻于役西陲

嚴仙舫通政 子告出都詩以送之

先母忌辰作

同邑胡恕堂方伯屬校北上吟書後

寄祥廣文錫九瀋陽

送成奎元還瀋陽二首

贈某徵士

寒食 戊午

小西腴山館詩集目錄

十

追悼外兄漢京

孫漢京旅櫬出都感賦

贈胡恕堂方伯之任甘肅二首

弔李迪庵中丞

聞劉松雲入都

感事四首

訪王子槐侍郎 時己 子告

送王璧人丁憂回里二首 己未

九月七日感賦

哭孫芝房侍讀二首

除夕書懷

送鮑敦庵司馬出都 庚申

落第後夢哭梁矩亭師

送陳右銘出都

讀陶詩書後

過保定示石生少相 辛酉

過湯陰謁岳武穆祠

鄭州道中

襄城遇雨

新店舖登舟

小西腴山館詩集目錄

十一

見月

校定何龍臣太僕遺集 壬戌

中秋客黃州作 甲子

別喜桂亭都護

早秋

夜泊蘇州城南遇雨

贈別夏弢甫舍人二首

薛慰農太守以八圖索題各系以詩 乙丑

椿庭侍讀

棧夢談經

滁山村學

淮水秋風

燕市紅塵

鴛湖春夢

章門戢影

滬濱從軍

大雨度仙霞嶺

前詩意有未盡再成一律

過五顯嶺

悼王子懷侍郎

有序

小西腴山館詩集目錄

三

賦呈左爵宮保二首

將赴臺灣留別徐樹人中丞

中丞以詩賜和期望甚厚仍疊前韻奉答

再奉鈞和復疊前韻奉答

古意

九月廿六日交卸巖篆前夕大風雨悵然有感成

詩四首

卷六

今體

東瀛八景詩

八首存二丁卯

斐亭聽濤

澄臺觀海

乙丑十月九日將東渡澎臺寅僚餞於鈞龍臺周

壽珊方伯夏小濤觀察與焉壽珊復留一日宴

於安瀾館所與會者皆相知人也追憶舊游為

之慨然

盼替人不至書此排悶

戊辰

壽山方伯以閩中感事懷古詩五首見示尚論古

人獨抒己見因依次奉和仍用杜少陵詠懷古

蹟韻

憶臺灣

小西腴山館詩集目錄

三

臘月望日自閩旋辰重過洞庭

寄沈幼丹中丞二首

安鄉晚泊

己巳

舟中卽事四首

清明

荊州懷古

江陵懷張文忠公

沙市易舟北行舟中卽事二首

讀漁洋山人詩集書後五首

舟次襄陽余將入秦先遣章子亮赴閩作此誌別

將發襄陽送子亮回閩三首

舟次老河口寄呈左爵督

浙川

荆紫關

自竹林關赴龍駒寨舟行卽事

四皓祠

微雨過秦嶺拜韓文公祠次何大復韻

自牧護關赴藍橋

藍橋

三原

小酉腴山館詩集目錄

一四

乾東鎮早發

遊薦福寺塔

遊慈恩寺塔

暮雨歸赴藍田縣作

次袁筱塢學士贈別原韻二首

龍駒寨

六月十二夕苦熱夜泊涼水亭

晚泊漢川有懷陝甘爵督左公

遇范鶴生於漢口喜極而作

將回福建由漢口乘輪船赴上海作

館頭

重至福州

舟泊上海送周壽珊方伯赴漢陽

遇李眉生廉訪上海眉生以詩贈別次韻答之二

首

舟泊烟臺亡友巴厚庵別駕之子成月川大令來

見并出所寄厚庵書札見感而有作

入都四首

自題宣南話別圖

大沽口阻冰不得登舟改由陸路赴烟臺途中有

小酉腴山館詩集目錄

五

作

萊州

舟次甯波追悼葛王鄭三鎮

題顧亭林先生詩集後

閩海歸裝圖爲余蔭庭題

庚午

移居馬江山船政提調公署

寄懷周壽珊甘肅

半野軒夜坐

送別曲

別上海

津門紀事二首有序

津門寄內

卷七今體

蘇州雜吟五首辛未

游普陀山四首

得范月槎司馬淮安書卽寄

送章子亮回沅陵

哭龍陽陳少海景滄同年二首有序

排悶

登金山寺

小酉腴山館詩集目錄 六

詠延平王朱成功有序

校定馬莪園總戎詩稿書後

自龍華寺外閱操夜歸

送馬莪園總戎歸桐城

壬申元旦感懷壬申

除夕易笏山觀察來訪賦贈二首

普陀雜吟四首

紫竹林

磬陀石

後寺梅

珠寶佛

將出遊遣悶而盆梅盛開因載之登舟詩以紀之

二首

自瓜洲赴揚州

梅花嶺拜史閣部墓二首

自海甯赴杭州途中作

西湖雜吟五首

蘇小墳

岳王墓

飛來峰

小酉腴山館詩集目錄 七

一線天

冷泉亭

張智三大令招遊南湖煙雨樓二首

秦淮絕句四首

東亭二首有序

苦雨東劉芝田觀察

自甬上江東岸乘舟赴小白河途中作

贈陳禹門同年政鑰

夜泊銅沙

寄內二首

悼亡四首 癸酉

清明至蘇州作

贈李眉生廉訪二首

偕梁村五湖散人遊古雪菴次彭雪琴宮保韻

贈彭雪琴少司馬

游芳園

次湘陰張笠臣見贈原韻即送之歸湖南二首

九月廿五日偕李與吾軍門登采石磯尋太白酒樓

輓湘鄉劉震仙中丞二首 有序

小酉腴山館詩集目錄

輓巴陵吳南屏廣文二首 有序

輓監利王子壽比部

二月廿八日馮君竹儒邀同劉融齋中先沈仲復

劉芝田兩方伯赴龍華看桃花飲於火藥局歸

塗有作 甲戌

自滬上坐輪船赴閩

至福州船政署

九日登丹鳳樓

題符子琴芋園清謙圖

送韓子和嵯尹歸沅陵

守歲

卷八 今體

元旦用遺山韻 乙亥

春夜浮海赴普陀

早春偕陳秋谷修伯香雨茂才遊普陀宿法雨寺

禪房時天將雨

次修伯香留別普陀韻

宿法雨寺禪房次伯香韻

次曾紫垣冒雨遊龍華寺韻

二月同曾仰堦刺史兒子文元遊元墓看梅憩聖

小酉腴山館詩集目錄

恩寺還元閣次宋牧仲韻六首

三月偕劉芝田趙梓芳洪琴西段小湖諸君遊半

山寺謝公墩觀銅管作

燕子磯阻風二日次王漁洋詩韻

苦雨東劉芝田

苦雨有感

聞順天大旱二麥已枯復得此詩

後寺方丈立山和尚知余將到普陀掉舟來迎作

此示之

自磬陀寺下山過大佛頭入觀音洞觀蓮花洋風

景幽奇爲前遊所未有作詩二首

遊法華洞諸勝

吳淞舟中看月

贈楊厚庵宮保

重九卽事二首

題陳容齋所藏曾文正公遺像暨眞書冊子

次焦山定慧寺芥航方丈退院詩韻

除夕寄王姬辰州有序

將游蘇門先柬眉生廉訪同年丙子

人日乘輪船出吳淞口次修伯薌感懷原韻

小西廐山館詩集目錄 三

正月十四夜月

春夜泛舟赴金陵

大雨自瓜洲乘舟東下作

題胡鐵梅小照

寒食由甬江赴山陰舟中作二首

前詩意有未盡再賦七律一首

夜過王陽明先生故里

漢高士嚴子陵故里

東友

古蘭亭

若耶溪戲占

禹陵

戲占

夜泊呂口

登虞山

虞仲墓

子游墓

吳淞演武樓口占感懷四首

送同邑修伯薌茂才自上海回長沙秋試二首

倉橋寄室雜詠四首

小百廐山館詩集目錄 三

新竹

小港

靜院

小樓

秋日書齋遣懷

九日借蔡夢九萬劍門梁寵亭孫子明萃秀堂登

高酒後有作

秣陵

丙寅春院江湖大令惟寅爲余繪福建醴署扁額

茶半香初橫幅寫景絕佳皆是實境余去任十

年大令歿亦數月矣滬上偶披畫軸感不去懷  
得小詩二章

馮展雲閣學自福建督學回京道經滬濱流連旬

餘卽送之北上二首

臘八日初度作

臘月望日甬上大雪貝鐵生總戎招同劉蘊山廣

文飲酒聽曲有作

雪後自甬上冒雨乘輪舟返滬作

穀日就醫孟河道中雜感五首 丁丑

題顧西梅李白舉杯邀月圖

小酉腴山館詩集目錄 三

哭葉介唐觀察二首

上已邀同人展禊各以詩見贈賦此奉答

題竹添漸卿棧雲峽雨日記

希贊臣將軍自杭州調荊州入都 陛見道出滬

上先辱過訪賦此奉贈兼以送別二首

海上贈萬劍盟

送竹添漸卿歸日本

送曾毅勇侯劼剛自上海航海赴京

五泊煙臺

偶吟

自津門乘舟赴通州二首

通州

潞河舟中寄家書作

都門中秋遇雨

重九

旅夜

小酉腴山館詩集目錄 終

小酉腴山館詩集目錄 三

三

小酉腴山館詩集卷第一

沅陵 吳大廷 桐雲

古體

上蔡道中女弟生日偶成 辛亥

有妹有妹年二十少小相依長離邊痛哉母亡妹八齡  
八年父復搆危疾夜深雪淚背人啼湯藥躬親未離膝  
去年阿妹賦于歸正我仗劍長征日我苦風塵妹不知  
妹今設帳我記之上堂拜翁姑翁姑新婦自歡娛下堂  
思父母父母九泉怕回首至親獨我還遠遊默默傷心  
涕強收但願女蘿施松柏同心永結無煩憂

小酉腴山館詩集一

十

秋日作 壬子

百卉戀秋日零露終相摧生意故常在窗陰滋綠苔物  
情老自愛感歎胡為哉我欲語蟋蟀無復聲悲哀

送石蘭泉之幕山左

沈沈白晝晦淒淒朔風寒蒼蒼望泰岱渺渺青雲端石  
君我深友攀仰若鸞鸞投分閱兩載燕市同悲歡奮翼  
翔九霄半空摧羽翰 君辛壬兩批籌錄  
子亦薦而未售 抱玉每泣卞上  
書空效韓坐此攬明鏡忽忽為華顛君今赴山左許生  
困長安而我復何為趙北徒盤桓常恨如參商出沒相  
見難攜手步空庭三五月團圓亦知會有期臨別忽辛

酸

寄女兄 癸丑

我生無長兄長者獨一姊我年甫四齡姊已成人矣憶  
昔于歸時阿父勤省視上為謀稻梁下為買絲枲姊生  
胡不辰父病忽不起豈無燎鬢情離別從今始憶當出  
門時姊為治行李臨別悽無言回頭淚如水淚下不可  
收客心付東流三年不見姊一日煎百憂繁豈無女弟  
年少不知愁繁豈無弱婦荆布安所求姊遇詎不淑姊  
命實不猶行當焚筆研為姊力田疇同根分榮枯恐貽  
後人羞

小酉腴山館詩集一

二

中秋書懷二首

秋風激鳴雁切切傷人心借問何愁苦云去衡陽岑路  
遠別儔侶嬾嬾為孤禽豈必無同伴嗟哉少知音我欲  
奮兩翼寥闊相追尋不惜霜露冷但虞羅網侵感此增  
紆鬱涕泗沾衣襟

蟾魄秉陰靈三五現圓景矧乃屆中秋萬里共清耿豈  
不娛心神可惜委荒憬皓色欺窗虛單衾愁夜永妄想  
躡青冥俯瞰楚山頂罡風忽倒吹使我困馳騁閭闔自  
洞開人事味深省寂坐待雞鳴傷哉此萍梗

贈別張鶴丞



西風獵獵入庭樹，倡條敗葉紛無數。胡笳四起愁人腸，  
不合臨歧送行去。黃沙漭漭日西馳，畿疆百里森旌旗。  
大羊反覆豺狼怒，時天津有夷船停泊奉命防海連鎮尚未奏凱爾胡決去無  
稽，疑得非丈夫。羞殘屈意氣，感激刺蛟螭。憶初作客遼  
陽戍，一笑相逢如舊故。爭期并翼凌高冥，未肯雙禽困  
行露。真宰上訴天，茫茫飄然君去無。回顧望海亭，化鶴  
嶺飛塵蕩滯匿。光景射虎石，黃金臺懷古。怆怆祛煩哀，  
願君新歡建孤竹。烹鮮製錦酬司牧，明年南風大麥黃。  
與君重話盧龍麓，時君分府永平

贈松雲出都三首 丁巳

小西腴山館詩集一

三

城陰萬楊柳，綠上依依枝。折枝贈我友，行行嗟此辭。輕  
車若逐電，慙亂埃塵披。望遠蔽兩目，四顧悽以悲。不惜  
後會難，所苦知音稀。側身望東海，思逐征雲飛。  
君昔送我時，歷歷珠林路。珠林寺在遠西十二里一鞭指雙橋，又  
是送君處。雙橋距京二十里燕鴈相代飛，分番疊來去。人生宇  
宙閒，譬若風前絮。飄零任所之行矣，莫回顧。雙雞本無  
知，別離乃爾預。君令嗣曾隨送珠林寺子子亦隨送雙橋  
別君廿四日，計程到瀋水。真樂在天倫，歸裝喜妻子。浣  
塵訪故人，巴厚卷奎文軒祥錫九王小琳耳翦燭呼盃  
觴珍錯羅八簋，只恐訊京華。啞咽不能止，請君肯與余至好必問訊

及我欲凌空，飛羽翼。陷泥滓，遠道悲山川。交情託生死，  
大海翻波濤。早寄雙赤鯉。

自題匹馬出關圖

生不願立談，唾手竊瘡相。側身袞袞雲霄上，亦不願腰  
纏萬貫青銅錢。買笑一擲隨風煙，但願世有知心如鮑  
叔。萬里投荒死，亦足南皮遇我獨有情。張張之慨然邀  
我出關行，關外海風浪拍天。關前長城尖，削山松杏雪  
花如掌。大探勝直到，醫閭巔主賓相。顧稱壯絕狂，嘯一  
聲。山石裂便須九塞清，邊塵揮刀劃雲雲欲掣。春風彈  
指年復年，投鞭徑渡大凌川。功名著述兩無就，令人空

小西腴山館詩集一

四

斷伯牙絃，振翁差滿回里未一日卒昌江詩老，曜仙耀。李遜吾明府年丈為  
我補寫出關圖，馬頭旁掛金僕姑。黃沙白草紛模糊，燕  
公羽化不可呼。他日勝游得似無。

寄懷王小琳

我昔客瀋陽，交遊半奇傑。垂晚識王郎，皎皎似冰雪。劍  
腸納赤心，剌頸傾熱血。暮去朝復來，流光如電掣。緬唯  
珠林寺，揮淚與君別。孤鳥倦游翔，雙魚無斷絕。嗟子嬾  
且頑，俯仰一跛整。胡為久見眷，有如磁戀鐵。解君腰閒  
囊，縫我衣中纈。坐令思古歡，抗懷企英哲。疇曩二三子，  
曾踏南城月。劉松雲延膏源李對陔均先後到京濁酒陶素心，明鏡映華

髮君獨臥 留都波濤阻 渤碣斫地一悲歌 寶刀向空折 忍涕訴相思 願更已厚 錫 卷 九 說堂堂青玉案 粲粲珊瑚 玦可人 期儻來庶解離情結

題向碧喬刺史蘇溪春詠圖即以送別

五溪山水天下奇 呼吸雲霧吞蛟螭 鬱盤往往弄光怪 浦澈一帶尤險巖 君家舊宅蘇溪間 繞屋萬點青螺鬟 過橋臨水覓奇句 花香鳥語娛心顏 寫生湯子老詞友 長沙湯 小語 近祖思翁遠迂叟 擣染邱壑劇清幽 四十年來無此手 笑余苦向長安住 回首家山渺何處 披圖權作臥游看 往來歷歷兒時路 安能快結王翰綠 誅茅同住

小酉峽山館詩集一

五

溪山巔下視人寰 莽塵土凌空縹緲如飛仙 浮雲蒼狗那忍說 揮淚金臺與君別 願君唾手射天狼 指日衣錦歸故鄉 我亦投簪旋舊里有田不歸如江水 坡 句 雕琢雲霞狎鷺鷗 著我兩人圖畫裏

送石蘭泉之官保定四首

驚飈下枯葉 流澌膠巨川 看君策蹇去 使我百憂煎 吾黨二三子 磊落皆英賢 許生厭塵鞅 歸耕陽羨田 君忽宦泰州 健翮凌雲鶩 行藏各異路 我獨騎幽燕 何時共樽酒 一慰心拳拳 臨歧勉自愛 中道勿棄捐 葉捐勿復道 四顧慘以悲 京華盛儔侶 中心暱所私 沈

憂儻紆鬱君來一吐之情 眞久逾篤 漏盡神忘疲 整策忽我別 脚躑當訴誰 相彼求友鳥 高下常追隨 離居念同心 能勿淚漣漣

漣河復何益 室家滋隱憂 南北異水土 動與百草謀 君學三折肱 岐黃亦所優 隨時一診治 沈痼旋立瘳 君巧不可階 君去不能留 願爲醫國手 人間洗瘡疣 區區家室計行矣 安足愁

愁緒如亂絲 欲理嗟無由 愛君質獨厚 憐君體獨柔 風雪易疾疾 防護時當周 但祈葆玉體 百年非悠悠 況君宦畿輔 咫尺聯皇州 停雲望西山 征鴻無倦休 長此慰

小酉峽山館詩集一

六

飢渴焉用悲 阻修

讀蘇詩書後

大造孕萬變 應機隨所觸 化身爲東坡 逞筆競追逐 方其構意時 萬象衍心目 小兒苦囁嚅 不得從心欲 公起力追之 混沌鑿其腹 時若萬道泉 奔騰不一束 又若九碗蘭幽香 彌空谷 初疑鍾瑰奇 生是實使獨 澄思探奧窔 一一出心曲 我生苦耽吟 登高先跛足 再拜誦公詩 稍稍能遠俗 文章猶緒餘 秉義實純篤 投荒匪爲窮 殺身匪爲辱 才大不竟施 千古同聲哭

讀史雜感四首

西蜀僻以弱逼處當強隣後主尤庸懦漢業何能振  
衮臥龍公矯矯伊呂倫傾心與委任遠邁骨肉親遂使  
奮六出率師圖中原天苟假歲月炎運當重新勳業竟  
何就長歌懷古人

高洋狂小兒狐媚竊寶位始尙明政刑積漸敢縱恣左  
右一楊愔頗亦號能事推心兩不疑薦辟從其類遂使  
荒淫朝故物不遠墜賢聖況相承匪直百里寄保邦括  
一言任人天下治

苻秦譬車薪晉僅一杯水火王水太衰朝食宜滅此盈  
庭苦諫諍曰朝有人矣安元將相睦國未可圖耳龍驤  
奮獨斷一蹶果不起我思穎濱言重臣國所倚大呼排  
九閭培養從今始

汴京逼契丹立國勢本弱澶淵未大創公然肆狙攫下  
逮神宗朝真元如隕籜是時司馬公威德中外灼再起  
界鈞衡虜酋皆詫愕相戒勿開邊塞塵靜以肅公輔無  
代無願言慎所託吾欲前席陳古人不可作

題孫芝房侍讀蒼筤詩集  
孫子起承明文名震寰宇辛苦田間來蓄憤思一吐妖  
鳥銜金萱忍痛遽終古甫到京遠居母憂悲慘旱魚情寂寞墳  
站主所以坡老言但願愚且魯疾呼叫皇靈忌才亦何

小西腴山館詩集一 七

苦

贈張小石比部侍母之蜀二首戊午  
過眼歎春暮漸漸垂楊綠看君奉板輿揮手向西蜀迢  
迢劍門道并絡炳英縛試尋丞相祠載訪灑西屋獨余  
失良朋仗誰進忠告飛鴻儻北來寄我華陽錄終當念  
蒼生萬里紆驥足

君家有嚴親石卿中丞高名亞韓范一麾守滇南台嚴誰敢  
犯文忠雅知人林少穆制軍密疏動宸覽威激奮功名幕  
府盡英選左季高郎中子亦命世英承家殊譽譽經濟非空  
談措施重實踐行矣勿徒傷努力各勉勉

小西腴山館詩集一 八

寄鄭小珊督學山左四首

生小厭脂韋稜稜露徹骨冷眼看世人狂言驚坐客壯  
從嚴丈遊仙舟通政稍稍知折節澄懷斂喧囂不掉三寸舌  
分當久浮沈一編自怡悅

先生今山公冰鑿精揀擇不圖養菘蔬參蕙蘭列感  
激數往還誼親略形迹秋風野鹿鳴青齊賦行役欲渡  
舟無梁狂歌天地窄

文章雖末技根柢重經術積靡迄道咸華文每少質公  
獨挽澆風衣冠存尹姑公以闡墨見示率皆先正典型不路陋習昔宋景祐  
初太學互傳述是時士人競尙奇譎號太學體不遇歐陽公奇詭仗誰

翻復古果有心今古如一律

文山屏豪華諸葛尚淡泊內美絕外欣艱危庶足託公  
生性清儉自奉抑何薄中州昔開藩心跡共昭灼終當  
寄封圻林總歌豈樂持謝魯諸生矯若雲中鶴

王小琳學博以玉杯見貽賦此誌謝己未

有友尙肝膽爾我絕嫌猜迢遞自遼海貽我一玉杯團  
團似明月皎皎無纖埃皎皎見情懷團團恐乖離三復  
陳几席懷抱鬱不開安得凌風翼聯翩東海隈

送成奎元協戎出都二首

人生不患別但苦見面難偶別旋復見焉用心悲酸記

小酉腴山館詩集一

九

君歲丁巳別我風雪寒及茲復攜手歲月如轉丸聯轡  
尋遊舊呼杯傾肺肝豈不憂將別且盡須臾歡離合與  
苦樂天道本循環唯應崇令德前路非漫漫

王業始遼瀋實惟豐沛鄉側聞犬羊輩海上紛披猖  
宸衷塵根本遣帥籌團防君實參戎務壁壘生輝光行  
軍重分數判若畫井疆布置一以定矢石挺不僵敢退

縮者斬那懼火與湯庶幾伸 天討海波永不揚

聖朝尙寬大獨賑 恩汪洋如何伏戎莽白晝敢跳踉

近頗事捕斬頭顱遙相望今年盛京捕緝盜盜仍熾

毋乃味厥方不見冀渤海刀劍銷鋒鋦又不見韓韶盜

賊遠遁藏願君告大帥洽絲持其綱慎簡賢司牧爲民  
蘇疲疴積漸復本業良莠歸平康丈夫生世間要須紀  
旂常行矣勉自愛勿徒兒女傷

得左丈季高書卻寄二首庚申

日日望君來忽忽遺一紙開緘讀未竟淚下如覆水時  
局正艱危狂瀾仗君砥如何更中傷忍心供喉指一身  
亮區區安危獨誰恃三復萋斐篇吾道嗟匪兇

先生曠世才管樂毋乃是黃巾躡東南當者輒披靡威  
慨贊戎機洞澈彼與己用兵如處方攻劑達腠理大功  
不言功誇議從茲始我 皇信聖明天高聽則邇哀

小酉腴山館詩集一

十

哀民渴飢終當藉公起

古劍歌爲周琳圖作

周君義烈士慷慨負俠骨防身有古劍見者豎毛髮卽  
今豺虎滿郊隴鬱鬱京國安所求胡不提劍斬賊頭看  
君萬里行封侯

贈李澍陔之任奉天二首

黔南有佳士與我交莫逆感激締婚姻女蘿施松柏別  
來今五年茲會良可惜出當連君鑣處當接吾席胡爲  
見面難忽忽行期逼我欲擊筑歌恐子增悽惻去去勿

重陳百怪掀渤碣看君掣長鯨努力書竹帛

我心子能識子才我所知古來懷才人往往歎數奇匪  
獨歎數奇幽隱恐叢疵陽明聖賢徒卧龍亦羽儀致知  
與甯靜卓哉百世師我劣百無能君才信難羈勿謂大  
節完細行或可虧望古遠培養經緯此其資行矣各珍  
重勿徒兒女爲

書所見

道旁有老婦面垢髮未梳借問爾何來云脫憂患餘夷  
兵滿京國九陌成荒墟言盡淚亦竭我聞意躊躇古有  
社稷臣撥亂言非虛堂堂大中國人傑無時無今豈不  
任人毋乃非賢歟賢者不見用或文法拘坐此百無

小酉腴山館詩集一

七

補哀我小民愚民誰當恤感慨空長吁

歲暮懷人詩七首

劉松雲大令 名祀宛平人

今人苦無才多才或詭俗吾子獨異人才高復行篤戎  
幕需英賢大事共君屬胡爲狎壺觴豪飲醉醺醺勸君  
善養生騰驥紆駿足

鮑敦庵大令 名師劍麻城人

腐儒昧戎機寇盜紛無忌君於文吏中心獨喜武事常  
率百健兒縛賊如兒戲顧念古陣圖用兵出人意願君  
慎所發勉旃成國器

成奎元協領 名殿齋遼陽漢軍人

蚤歲登將台恂默如儒士飢渴愛人才揮金等泥滓年  
來海波揚橫行敢如此制勝豈無人武臣多惜死願君  
斬長鯨持用報 天子

奎文軒刺史 名壽京蒙古人

君家舊將門奮身起爲吏守邊赫有聲 倅昌圖 盜賊驚 著名  
辟易稂莠旣湔除嘉苗要生遂不見古循良恩威實兼  
至遺法今尙存願君師其意

祥錫九學博 名齡甯遠漢軍人

末俗騫聲華居下豔牙燾君心胡異人甯可食無肉 庚

小酉腴山館詩集一

三

君捷南宮以令用 自呈願改教職 落拓官廣文盤餐飽苜蓿視我如弟  
昆性情尤懇篤別去遺君詩恐君不忍讀

王小琳學博 名紹元臨榆人

記我初識君即如百年久百年有盛衰兩心無妍醜咄  
嗟困一官依人竟何有 君以訓導待 銓久未得缺 我欲力振之默默  
嗟徒手且當息壤盟皇穹不余負

李謝陵大令 名文森鎮遠人

李子抱忠孝銳意徇 君國慷慨願勤王惜哉未度  
德 仲秋都中之變 君請召募勤王 宣聖重好謀我戰所以克願今抑鋒  
鉞斂之歸篤實他日儻逢時看君滅殘賊

小酉腴山館詩集卷第一

終

小酉腴山館詩集一

三

小酉腴山館詩集卷第二

沅陵 吳大廷 桐雲

古體三十九首

送別王子懷少司馬一首 辛酉

孤坐抱簡牘公來忽我辭語余勿悽惻聚散理如茲我  
聞色慘沮口諾心彌悲四海正鼎沸人才亦已卑冀公  
柄大政唾雨蘇瘡痍胡為蘊憂憫逝往不復疑我欲陳  
天闕虎豹蹲 形墀發言不見省淚下沾我衣  
腐儒抱孤僻舉世少相親往往厠廣坐卷舌不敢伸公  
獨不遐棄往復飲我醇被酒忘忌諱肝肺時一傾一旦

小酉腴山館詩集二

一

遽分袂惻惻摧心神蓄疑當誰質古義當誰陳坐此懷  
令德兀兀忘朝昏長歌一太息涕泗沾衣巾

代東王少鶴樞部

我聞上元一梅叟 伯言先生 文法授自惜抱翁小儒破碎瀕  
章句砥柱不使狂瀾東王君與梅舊莫逆文得其神略  
其迹梅老化去杳難追百年壇坫誰當持我亦結習耽  
文詞痛哉俗骨難為醫更願向子求刀圭

過磁州

半池荷葉貼鏡十里楊花拂隄吾欲移家小住夕陽流  
水橋西

南陽懷古

昔聞卧龍岡今走南陽路祠宇近在岡西頭曾是當年  
三顧處可憐天意未與劉六出三分志未酬即今羣盜  
如煙霧安得先生為借箸隆中抱膝人未逢白雲惆悵  
隔江樹

邱將軍 在田 輓歌

南陽總兵人姓邱氏曰在田將略優酒半慷慨看吳鈞  
英姿颯爽衰鄂流是時米賊紛中州公怒攘袂持戈矛  
十盪十決風雲愁一呼直前薄賊酋逆賊破膽心為憂  
呼曰老虎名實侔杞子國前烽火稠大吏十萬統貔貅

小酉腴山館詩集二

二

畏賊不進賊所羞檄公保衛公曰休我前擊賊曷敢留  
壯士七百隨兜鍪振臂一戰煙塵收金印斗大當封侯  
大吏胡為忘同仇百計陷公與公讎公憤腰刀跨驍騮  
力戰格鬪賊踐蹂自持利匕堪其喉賊爭奪公衾襁周  
送公尸歸鳴八鷓萬姓號哭聲啾啾血戰一圖光九幽  
青燐化碧啼鴉鴉公績雖著志未酬長城自壞將誰尤  
安得劍斬佞臣頭

濂溪先生祠

濂溪先生道州產千秋絕學此能續清獻名德久乃知  
大中大夫獨具眼後來洛學衍真傳集大成者朱新安

導河儻游崑崙頂微公孰為開厥先潛室何人敢致疑  
端文百代真相知庖犧復生尼山出語雖近誇終非私  
恨我生亦同公里迢迢未溯濱江水他鄉異域拜公祠  
萬古高山一仰止曾聞絕脈留河汾圖說一一探其真  
篋中尚有讀書錄更欲相從一問津

贈友人

吾子產龍陽年少何純潔昔年赴銓曹就我共劇切揭  
來一官走武昌我亦奉 命參戎行黃鶴樓頭一握手  
茫茫天地悲老荒男兒出處均有道俯仰焉用傷懷抱  
富貴何如陌上花功名爭似階前草卷舒在我無屈伸

小酉腴山館詩集二

三

寸田尺宅完吾真一任天寒與風急須作當門定腳人

泊蘄州懷黃翔雲郎中 壬戌

晴日曛曛掛江樹篙師鼓棹中流去逆風驚起打人頭  
泊向蘄州水曲處吾友跌宕武庫郎餘事亦頗工文章  
屋梁落月照顏色客子江頭正愁絕

寄懷葉介唐觀察

葉侯作吏今所稀不取米粒布一絲孳民若子嚴若師  
外貌雖瘠神不衰任事廉悍無險夷根極性情為設施  
愛才尤若性命依懇款周摯無毫私我初赴軍人所嘗  
雨雲翻覆百不宜君於其中辨滄漭以左右余心力疲



侍郎顧之喜曰噫命廢君等臭味無差迤迤內洽外分  
厥司盍簪未久俄別離黃鶴樓頭淚如漸霍六荒荒廢  
不洽君以書來勤詢咨陋儒豈識兵家機惟君諒我能  
勿疵竭來扁舟臥江涓思君道阻音問違志事耿耿當  
訴誰巴臨李子亦權奇儲源以心相許無然疑軍中衣  
食易寒飢更願因君一訊之

登石鐘山謁昭忠祠

昔聞石鐘山今過湖口縣停舟縱步凌蒼陰雲滅沒  
赤日現傳聞髮賊此窟巢楚人喋血曾苦戰死綬只今  
餘高祠昭忠兩字分明見英魂毅魄各千秋山色湖光

小酉腴山館詩集二

四

臨四面展觀未竟心已悲寺僧邀我遊別院平臺曲池  
清且幽梅蘭芸芍紛一片頓疑瀛島非人閒滄海那覺  
桑田變誰欺意匠為經營衡陽侍郎此締建彭公湘鄉  
老筆亦雄奇潯生使相肯使坡仙名獨擅評茶讀畫鎮勾留  
斜陽回江如匹練歷歷但覺心目開匆匆愧缺蘋蘩薦  
我聞厲鬼能殺賊果爾終當一樽奠他年且漫考石鐘  
待補諸君忠義傳

泊小孤山

潯陽東下灣復灣乘輿扁舟獨往還江心一峯忽湧出  
榜人云是小孤山巉巖萬仞疑無路俯眺風帆不知數

妝臺聞在最高頭明璫翠羽今何處

書懷呈諸友人三首甲子

黃蘗蘊寒性蓮子多苦心翳豈昧時好違己非所欽蛾  
眉叢嫉忌由來非我今所以屈大夫甯死湘江潯離騷  
與天問字字餘哀音

磊磊孤生柏託根叢山阿堅操無曲節霜雪良已多保  
護恐不勤矧乃施斧柯斧柯亦何患含貞蘊天和終須  
成樑棟持之貢玉坡

馳驅枉終日詭遇乃獲禽技能匪不巧枉尺而直尋所  
以賢達人畧迹原其心鄭昌訟寬饒此疏傳至今高誼

小酉腴山館詩集二

五

詎云遠悲哉懷知音

九日

去年停棹板子磯太平府蓬窗滴滴臥聽雨今年泊舟  
潯陽城晴日曛曛低入戶天道陰晴有變遷我生行役  
胡徒苦何不左手持蟹螯右手泛菊觴一樽邀友醉重  
陽登高西向一極目辰山千里煙蒼茫誰使守風阻溢  
浦千旗獵獵爭飛舞匡廬遙望不得登孤舟兀坐誰與  
語坐此感歎懷故鄉百年佳節豈有常琵琶聞昔多哀  
怨我亦聞聲已斷腸

題李春樵司馬柳陰垂釣小照



巴陵李君何雄豪酒酣抗辯驚兒曹杭州佐郡正草創  
修舉未憚身劬勞一日披圖飲我酒逸情忽慕礪溪叟  
臨淵羨魚把釣絲輕舫芒屨穿高柳君豈有意戀林壑  
利鎖名韁苦羈縛千頃煙波一葉舟得魚沽酒未爲惡  
世閒榮悴難具陳風波何處堪容身還君此圖三太息  
天涯我亦倦遊人

臺陽書事 丁卯

去冬涖東甯踰春及秋社匪必無微勞施濟亦已寡固  
緣制錦疏實乏斧柯假誓將謝朝簪歸隱衡門下父老  
前致詞官無遽我捨自官今巡臺政始去害馬絃誦徧

小西腴山館詩集二

六

宮牆農商樂郊野我民雖曰愚豈盡無知者願留活我  
民萬閒依廣廈我聞益自慚默默淚如瀉輾轉不成眠  
漏盡殘燭施

書懷

誰謂天處高禱祈無不應孟夏季冬兩次亢燥將有旱  
災地震之變經於夜半焚香  
默禱皆獲大雨誰謂臺民頑施令罔弗聽山海本與區南北各  
底定徐當洗澆漓鄒魯化可證秋風昨夜生忽動尊罍  
與自恐蹈浮沈匪曰忘報稱蠻獠苦扳轅十室無一廢  
番峒今桐鄉冥情豈不依我行有深衷要未安獨醒去  
去別蓬壺萬里波光瑩

哭李恕皆觀察有序 戊辰

正月十二日得石小岑孝廉去年八月十九日  
長沙來書恕皆觀察隨張月卿制府入湘將取  
道辰沅由黔赴滇不料八月初旬以暴疾旅死  
星沙余聞之欲哭無聲爲傍徨莫措者累日夜  
嗟乎恕皆孝悌忠信今之善人同治四年以廬  
鳳道署皖南道爲大吏所劾奉 旨送部引見  
其時母夫人八十有二與眷屬數十人皆在皖  
不得已拮据入 覲奉 旨以道員發往雲南  
余閱邸抄卽憂其不能終事母氏而不圖伊竟

小西腴山館詩集二

七

捨其老母以逝也且恕皆年三十有八尙無子  
老母與其眷屬微特不能歸卽歸亦將何以爲  
計天之降禍慘矣而恕皆遭之如此論理有不  
可控詰者故爲詩以弔之

李侯失意朝 玉京崎嶇翻作滇南行坐令高堂老白  
髮萬里漂泊羈皖城兩地相望不相見母兒痛哭淚如  
霰尙冀名成奉板輿睨荆江上重歡讌豈知鵬鳥墮君  
側昭潭千里隔邛莛巫陽不爲招羈魂我聞蒿里今惶  
惑君行孝友動鬼神平生風義尤絕倫卽論當官亦譽  
審一蹶豈至終沈淪沈淪偶爾亦無惡太息斯人不可

作伯道無兒已堪傷考叔有母將誰託至今親屬困異  
方食指嗷嗷悲斷腸黔南皖北兩無著魂靈恍惚棲何  
鄉亦知人生誰無死嗟君何為獨至此空令哀湘弔賈  
心反袂浪浪淚如水淚如水亦何益遺羹縱難慰晨昏  
推宅猶當念疇昔以此告君君勿嗔一生一死交更親  
君今瞑目無可說但乞英靈託故人

暑月臥病壽山方伯邀同臥雲舍人過訪令家僮  
謳以侑酒壽山臥雲用昌黎山石韻先後詩成  
仍次韻答之

我初嬰疾酒力微朋來亦復羽觴飛隨分杯盤未草草

小酉腴山館詩集二 八

芟菱實美荔支肥吾友周侯最愛我楊子以次知者稀  
酒酣慷慨談時事何曾天下忘溺飢空拳支撐乏柯斧  
衡門寂寂常掩扉是時日暮夜色暝枯蕉瑟瑟煙霏霏  
試喚家僮度清曲高燒銀燭張四圍玉簫金管坐忘倦  
漏盡不覺露沾衣陶寫偶爾託絲竹我輩豈受庸俗鞿  
酒闌樂罷月已出我將臥矣君且歸

梁禮堂銓部以詩贈別賦此奉答

我初官三山聞名未相識海東卸征塵訂交乃把臂共事  
政把臂論心擊唾壺談笑徑欲吞天吳應許越裳來翡翠  
翠忍教南海遺明珠螺江昨夜秋風起夢魂忽渡濱湘

水貽我河梁一卷詩深情婉轉風人旨我讀君詩感君  
意平生息壤分明記壯夫終建橫海功英雄不灑歧途  
淚此時且去展松楸余方河離亭小別君無憂樓船儻  
拜將軍 命請看軍鋒重習流

別新城楊臥雲舍人

素志秉孤尚生悔塵俗偶轉海來炎荒乃幸與君友君  
家門第高關西大字麻姑拭舊題茶半香初偶吟嘯聽事  
之齋酒痕狼籍青玻璃海東忽別二年久武夷山色頻  
回首絕無圖畫到雞斯君富收燕在福贖有篇章在人  
口舊愁未了新懽續前歌後唱樂未足王翰當年曾結

小酉腴山館詩集二 九

鄰便擬同住西湖曲無端又向沅湘去洞庭君山渺煙  
霧恰時杜若滿芳汀徘徊應是思君處

除夕舟次掛榜山感賦

朝辭漳江浦暮宿秦洞西家家換春帖照映青玻璃烹  
羊屠豕會鄰里我獨見之增愴悽何人不度歲何歲無  
除夕半生事壯遊百憂胡以積願念將歸人兩地傷離  
遞離迷亦何常所悲佳節逼旁有親知進酒漿欲飲不  
飲心傍徨壺頭咫尺徒相望武夷更在天一方君不見  
南飛鴻雁翔青雪聲聲嘹唳呼其羣又不見朔方邊馬  
嘶北風前者騰踏後者從男兒生不博封侯何為苦作

汗漫游不如閉戶耽著述空文亦足垂千秋吁嗟乎空  
文亦足垂千秋三萬卷儘供冥搜新義創獲如琳瑯明  
月爲我室造化爲我儔六虛與我同周流焉知世有昨  
牢愁

度七盤坡至藍田縣作己巳

高車未是峻秦嶺不爲崇藍橋西上山萬重萬山攢簇  
四其中上山猶尚可下山愁殺我上山如在山腹行左  
縈右拂尚有情下山山坡坡七盤一盤一折何噴噴上  
山下山四十里才予銜石齒齒下窺瀾水只目前卻  
似萬丈深潭裏回頭遙望終南山依然佳氣滿函關解

小酉腴山館詩集二

十

發且坐玉山院下坡後高莫待暮山飛鳥還

袁筱塢學士招飲灌園

長安名花昔勝銀青油翠纔度芳春長安名勝今如掃  
離宮別館委荒草灌園亭樹窈而幽翰林置酒臨清流  
我坐小池醉忘倦令人猶憶曲江頭

歸過七盤坡示從者用杜工部飛仙閣韻

我昨賦七盤苦心抽柔毫今茲復歷此恍似過百牢自  
踵漸登頂飛泉如驚濤山尖挹雲接雨驟挾風號始覺  
終南山峯粵齊天高所喜倏新霽展翫神忘勞簡書苦  
敦迫險阻安敢逃男兒重忠義作歌最爾曹

由龍駒寨乘小鯤子赴樊城苦熱寄呈總理船政

沈公幼丹

時奉沈公奏調  
回閩襄理船政

赤日騰空如火烈纖雲四捲百草折我舟如葉冒暑行  
以水沃船船亦熱船熱不沾身身熱惱殺人熱風吹入  
短篷裏流汗生癢癢化紫可憐丹水又漢津水程晝夜  
未能止安得叩天乞清風片飄飛渡東海東尚有肝腸  
冰雪似願斬長鯨報知己

次林穎叔方伯見贈原韻卽以奉會

人生遇合信云奇但得百年未死時天南地北會相見  
只恐緇塵染素絲西來走馬長安道晨星落落幾知好

小酉腴山館詩集二

七

解組我方藉病閒掛冠君復爲親老憶昔西夷構禍年  
析津京國騰烽煙枋臣擣舌噤無語讜議獨仗使君賢  
水部郎耶初識我辛酉春會飲於  
王少鶴座中長身鶴立餘瑣瑣一  
別風塵倏十年文酒追思今尙頗魚書日昨墨未乾笑  
談舌底翻波瀾征西終藉東山起豈宜留殢空周南不  
才我已簪紱謝桐鄉猶苦思春柘時自泰  
返閩功成他日返  
三山一尊待君話林下

萬年清輪舟自烟台北發遇大風

我昨發滬濱舟行疾于矢三日如在鏡湖遊天空海闊  
波如綺我今發烟台南風激激催瞬息亦堪走千里鯨

魚起舞滄溟開若然一嘯狂風起奔濤捲入船窗裏天  
 精日色為低昂雷碾電氣相傾倚大沽彌望但目前驚  
 颺倒注波洞漩雙輪踏虛柁無力衙衙不進心茫然須  
 與軋鴉輪聲止萬斛舟只一葉耳逆潮乘風且怒號天  
 吳奮爪蚪礪齒是時蘭枯菊亦老朔風日日南船少海  
 上誰逢安期生高歌不見田橫島惟聞自強緣我  
 后羣靈鞭撻鼉鼉走此船本意雄海邦水犀之甲精且  
 厚胡不返風達津沽橫海能懾千艷鴟鴻毛遇風魚縱  
 壑斬蛟驅鱷今豈無

舟次天津追懷張振之少京兆石蘭泉藩經

小西廐山館詩集二

三

業業望瀛臺鬱鬱河邊柳默默傷人心淒淒念我友緊  
 惟鍾子期實始南皮叟振之先生南皮人同邑得石生醇篤亦  
 吾偶石蘭泉旅欄向曆文安勝芳鎮墓木諒成陰宿草應未朽我欲持  
 隻雞腹痛悲已久公家有程期不得酌卮酒海潮知我  
 心夜夜為悲吼攬衣上柁樓明星如大斗

大直沽驗船謠時奉旨委三口通商大臣勘驗萬年清輪船

朝發紫竹林暮宿直沽頭相去不咫尺霜風鳴颼颼朝  
 發直沽北暮宿直沽南朝暮直沽裏鬱鬱何以堪輪艘  
 一日可千里胡為限此衣帶水水淺本難容大舟而況  
 河流曲無比我初語長年長年不謂然驗船使者昨上

船旌旗照耀星日懸使者雖清廉與從何知焉朝朝船  
 頭走船尾張口怒目來索錢吁嗟乎此船本意藩京國  
 天府之錢何由得使者明日大沽回汝曹四顧無顏色  
 自烟台登舟回滬

我昨直沽沿東下輪蹄日日走荒野田蕪地僻少人蹤  
 誰念悠悠行路者十月初過萊州城岱宗山色還崢嶸  
 胸懷到此一開拓轉愁河凍心怛怛竭來驅車過黃縣  
 海汊海水分明現碣石宮遙不得登蓬萊閣近或當見  
 夙昔夢想遊其巔海風泱泱浪拍天蘇董墨妙稱二絕  
 摩措無術心煩煎差幸烟台泊樓櫓榜人去留不自主

小西廐山館詩集二

三

朝當伐鼓辭福山暮便揚帆下申浦回頭遙望之眾山  
 蜃樓海市空人閒習流儻有屠鯨日尚擬乘風一往還  
 五虎門

五虎門前山高高白犬洋外多驚濤篙師遇之輒躑躅  
 連檣列艦停征橈閩中奇險世無比我獨乘風四過此  
 上畏簡書下民岳謂予不信如江水

秋夜不寐庚午

流光不待人歎焉秋已夕灑灑玉露清熒熒銀漢碧粲  
 余非秋士殷憂胡以積閨中望遠心海上未歸客默默  
 愁人腸永夜未能釋

秋夜盼桐城方存之不至

涼颺發海上秋色一何多沈沈坐旅館脈脈瞻星河中心有所思路阻當如何非關狎私昵所期在切磋滄沱汎新漲易水涵空波安得乘鷺鳧同攬扶桑柯

盼家書不至

秋雲澹欲流午潮暮還落微波千里來書札信堪託胡爲久寂寥旅思曠無著疎梧辭故枝流螢度高閣掩卷一長吟但見天宇闊

讀儀衛軒詩集

秋風吹葉落蓬屋有客挑燈把卷讀搜奇抉怪中吐葩

小西腴山館詩集二

古

寒筍森森如束玉先生博探許鄭詞先生精詣程朱期餘事亦繼昌黎躅郊寒島瘦安足爲

赴楊村送曾侯相入都

天津關外野竹橫楊村河畔秋水生元侯從此朝玉京余亦心隨過禁城禁城舊是經行處咫尺茫茫隔煙霧望而不卽心傍徨何日含香奏 帝傍

小西腴山館詩集卷第二終

小西腴山館詩集卷第三

沅陵 吳大廷 桐雲

古體三十首

送范鶴生員外回鄂 辛未

我昨赴秣陵聞君去江北嗣得闔門書君復游越國是時天氣寒西湖雲如墨望君式邁歸雙腋生羽翼遲遲君始來忽忽歲云逼圍爐話申江呼僮烹鷓鴣留君待新年爲余祛舊惑新年倏已來留君苦不得迢迢武昌城渺渺樊川側黃浦一掛帆去去杳難卽它日如相思此境成追憶

小西腴山館詩集三

普陀舟中晚景卽事

普陀山上夕陽收普陀山下海潮流波平樹靜峰簇簇涼生暑退雲悠悠犀軍解甲回舟急漁艇收帆垂表立一舉願使煙塵清枯魚莫更嗟何及

辛未五月二十八日游普陀普濟寺

詰旦踐僧約來訪招提境山樹橫綠陰池荷盪紅影獅窟肅塵心方丈中懸禪聲發新警小坐便陶然不知炎晝永

夜坐感懷

蝸居毒暑淫空庭稍閒敞敲枕看星繁推蓬延月上葛

衣怯蟲攢花階亂蟲響天運苟不移吾生將安仰

借梁寵亭司馬劉蘊山廣文周漸達大令避暑至

徐家衛酒樓

寒暑本推移炎威亦已太邀友越市中納涼至郊外花  
徑薜蘿牽茅亭蘆葦葢累觴俗慮清四面清風會偃仰  
懽忘歸餘芬猶醺醲

八月八日曾相侯招遊莫愁湖會飲

石城雄江表豺虎竟窟穴百戰恢故都湘人苦喋血山  
川雖依然名蹟渺遺轍相侯今泉薨此邦三駐節民氣  
涸復蘇猶恐火餘熱選勝莫愁湖樓臺新燦列匪以恣

小西腴山館詩集三

二

歡娛要合萬姓悅憂樂總緣民相侯實人傑一朝宴眾  
賓清酒芬且列走也陪末座憑眺舒輻結蘭杜甫經秋  
茵蒼已凋葉螺黛橫遠山涼雨濺飛沫秦淮燈舫稀元  
武清波竭亭館此獨新似待名賢設願復集管絃壺中  
樂歲月盛衰潛轉移俗子那堪說感歎紀勝遊忍共煙  
灰滅

題孟襄陽踏雪尋梅圖

長安城頭雪花灑灑橋宛似孤山孤誰與騎驢縱游覽  
襄陽風流吁已無詩名亦頗動人主可憐淪落仍三輔  
雪亦有時落梅亦有時放奔走豈必無奚僮如此清興

難爲狀皖池胡子工丹青爲我寫景如寫生朔風吹雪  
滿煙樹想見當年覓詩處何當狂吟西入關松雲高臥  
終南山疲驢破帽亦自得徑擬從公圖畫間

除夕歎

堂堂歲月祖滾滾雙丸速迢迢念室家屢屢易寒煥病  
妻困支離弱妾傷惻獨嗟余豈薄倖念此腸轉輾高鶩  
愧鶻鴻卑棲類雞鶩當歸不自歸作計殊碌碌僮奴不  
解事謂言春酒熟舉杯不成懼聒耳喧爆竹已矣勿重  
陳夜夢西山麓

壬申正月十八日余乘恬吉輪船赴吳淞時感靖

小西腴山館詩集三

三

測海二輪船先泊口內薄暮過威靖船將以誌  
朝赴銅沙海外操習英國水戰陣法而雨聲浙  
浙長年請改期當告之日余每出洋操兵雖雨  
必晴可勿慮已而果然或者海不揚波天寶相  
之耶操畢船回詩以記之 王申

朝登恬吉船暮宿威靖船測海亦泊吳淞邊三船鼎峙  
旌旗懸我欲乘船出銅沙銅沙波浪高無涯夜深風雨  
紛交加將前且卻人咨嗟怪底天公解人意東方詰旦  
烘朝霞一船在前二船在後一船向西行二船並東走  
東西相距百丈餘車輪湧水如飛鳧前船忽撞後船腰



後船振舵條已遙前船欲撞撞不得後船已過前船側  
前船後船轉舵回萬礮齊轟海水墨礮聲未絕鼓聲起  
三船已進吳淞裏回頭舉酒酌天公願得年年歲歲永  
靖龍龍宮

登焦山觀楊忠愍遺墨卷子

昔游定慧寺鼎銘歎奇絕今過仰止軒忠愍留遺墨鼎  
銘兩度勤摩挲忠諫遺風更不磨椒山焦山并千古吐  
氣猶截生蛟鼉平生好爲山水游亦思直節垂千秋頻  
年浪跡不稱意坐見長江萬里流

晚自焦山歸舟

小西腴山館詩集三

四

朝登枕江樓暮問西津渡回頭望隱居蒼煙橫枯樹上  
有飢鷹飛飛飛竟何處微風淨素波纖月籠輕霧此境  
足清幽徑擬誅茅住

春日游西樓卽事今爲湖南會館

滬居苦逼窄來作蘇臺遊蘇臺有鄉邸庭宇敞而幽信  
步開東閣訪古登西樓樓中昔歌舞夜夜揚清謳清歌  
復能幾零落同荒邱吾鄉雅好事層樓窈且脩樓下鏡  
水石楊柳當風柔白梅尙澹蕩玄桃紅暎溝穿石陟假  
阜楸杵置四周其旁種新竹新綠何油油因茲悟元化  
興廢無停輞何當解羈鞅詠終年留仰睇天宇空

雲何悠悠

三月二日錢塘周琳栗同年招游平湖秋月孤山  
放鶴亭三潭映月諸勝卽東琳栗

野性入世百不宜一念墮落悔難贖猛尋山水撲塵襟  
剛從靈隱到天竺主人走价來招邀酒船已泊茅山曲  
茅山東去湖水平四面湖光照眼明縱無秋月供吟眺  
坐對孤山覺有情孤山有道山不孤和靖先生此巢居  
巢居闕爲梅妻鶴子未岑寂復有理管同西湖  
先生故居梅妻鶴子未岑寂復有理管同西湖  
先生故居梅妻鶴子未岑寂復有理管同西湖  
先生故居梅妻鶴子未岑寂復有理管同西湖  
夜去明珠如可掬朝來秀色還堪餐秀色終朝看不足

小西腴山館詩集三

五

夕陽已墮青山腹昔年湖水悵榛蕪同治三年余游西湖時尙葑草蒙茸  
今日游踪苦匆促恨我山水無因緣羨君歸有湖上田  
他年如許賦招隱願向湖中借一椽

小金山

微雨從東來挂帆指吳會遙見小金山清芬滌埃盪移  
舟一登臨眾水如衣帶青翠環菜畦波瀾滙沙瀨坐對  
慧泉山蘭風送菴鶴咫尺同天涯造化弄狡獪萬事皆  
如此何用發深嘆

木瀆行

朝向木瀆去暮從木瀆還長橋短橋相鈎連來往煙水

空明閒濛濛細雨飛歌筵中有美人理瑤瑟似傷遲暮  
吁可憐人生萬事皆自然君不見畢氏園昔日繁盛今  
荒阡

游天平山謁唐柱國麗水范公墓

維舟木瀆潯呼輿爲山行靈巖以西更巖絕天平山勢  
何崢嶸高義莊前一駐馬訪碑卻立楓林下一坏託體  
冠東吳萬笏朝天抵西華滄桑閱世已千載古今陵寢  
都遷改惟有先賢遺跡存百代流芳今尚在吁嗟乎世  
人致身苦不早榮華轉眼淪荒草何如砥礪立功勳風  
義千秋萬世存君不見范氏墳

小西腴口館詩集三

六

秋感四首

皇穹敘四時迎送不相假暑退涼自生倏忽成代謝人  
生一世閒誰是長年者肆志便爲佳萬乘那堪詫不見  
羊裘公垂釣滄江下  
長源學神仙子房託辟穀功名不可常往哲留高躅妄  
庸何蚩蚩志降身亦辱微名竟何成枉以身徇欲不如  
臥深山韜真葆幽獨  
外美何足欣良貴乃堪悅古來賢達人所以慕奇節童  
項不肯低陶腰不肯折繫豈別肺腸微尙秉孤特浩歌  
懷古人商聲彌激烈

攬衣上高臺秋風何浩浩可憐木槿花容顏非不好昨  
日開紫蘂今日委青草繁華不斯須鄙哉何足道志士  
有深衷榮名以爲寶

重九日梁梅村邀同寵亭子新遊虎邱

去年二月登虎邱劍池春水綠油油杪秋單舸復過此  
二仙亭畔風颼颼今年重九遊蘇臺有客有客登高來  
虎邱禪寺新締造俯臨吳會何雄哉可惜闔閭墳已滅  
可惜眞娘空斷碣白傅祠亦無復存孟嘉往事何須說  
惟有燈船畧似昔張燈命酒堪留客琵琶一聲水上來  
痛飲狂呼拓金戟吁嗟乎痛飲狂呼拓金戟撫時感事

小西腴山館詩集三

七

知何益不如委心任去留縱浪大化無煩憂君不見陶  
淵明挂冠佳逸逃糟邱焉能低頭事督郵白衣送酒事  
雖杳猶有清節垂千秋

題沈仲復同年鰈硯廬圖

昔有一完璞脫胎於汧陽中有雙魚紋鱗甲生光芒知  
我希者貴至寶甯終藏特達遇休文拂拭何焜煌初擬  
剖作研端溪遜精良繼乃見雙乙不知何吉祥聞魚有  
比目兩兩同鴛鴦果遇富春姝花葉何相當鴻案有倡  
和鳳鳴中宮商襲以龍文錦置之玉鏡旁合璧署小字  
一一鐫成行有時脩眉史濡毫煤麝香有時寫心畫腕



底雙鳳翔煙雲墨池繞恐爲龍飛揚雙聲互酬唱新詩  
爭劍鋸物生必有偶造化實主張唯君天作合璇閣文  
字光嫻綠締翰墨靜好結文房作詩紀瑞兆天地共八  
長子孫永寶用此研傳玉堂

寒食節自滬濱泛舟至黃渡作 癸酉

我自賦悼亡嗒焉鍵一戶春氣歛已深桃花亂紅雨會  
值禁煙時擘舟越黃浦浦旁墳纍纍紙錢競飛舞牛醫  
夏畦兒誰能忘父祖而我獨何爲柳州同毒苦故墳當  
成邱新墳應負土遺愁愁更來百憂向誰剖何當歸故  
園麥飯它年補

小酉腴山館詩集三 八

吳江舟次別雪琴宮保歸舟有感賦此卻寄

吳江江畔泛歸舟拂拂回風打石尤猶憶昨朝停夾浦  
戈船舉酒臨清流 雪翁過余卽次夾浦 江頭一別帆如矢  
柳澗湖中狎煙水明朝滬濱駐征橈橫塘十里風蕭蕭  
時雪翁向吳中 東亭日夜思君甚 東亭余滬寓所建亭名 付與春江上下

題秦誼亭畫

遠山青濛濛古松陰城傍山架小橋高低見茅屋隔  
村不見人幽賞寄空谷

閏六月十日游普陀小住數日記之以詩

居世恆不樂乃作海上游海上有名山梵宇清且脩是  
時正炎夏煩暑忽已收長空炯明月萬象森以幽不知  
方寸內何者纖塵留禪榻偶靜憩好鳥鳴啾啾萬事不  
挂眼造化爲同儔徑擬受一塵棄世如蜉蝣爲問安期  
生可能招手不

八月廿五日大雨自黃浦赴吳淞入夜陰雲密布

陳秋谷茂才謂明日不能出洋操兵余曰無慮  
也黎明果晴蓋屢試屢驗神之相之者至矣詩  
以紀之

春申江上雨瀟瀟吳淞口外翻驚濤黑雲夜方千丈密

小酉腴山館詩集三 九

紅日曉已三竿高橫海威靈若有神晴空萬里催騰輪  
鞭霆走電未曾息驅鱷屠鯨要有人

泊大羊山卽事

小羊山山青青海山春草經秋榮大羊山山高羣山  
雜還回奔濤昔聞此山穢穢羊多頭山神嗜羊估舶酬  
鄭氏西犯曾泊此軍人屠羊如屠牛山神見之勃然怒  
天吳虜爪飢蛟呿戈船一觸帆檣傾千艘零落無歸路  
前身神應典屬國忠義直欲吞殘賊海若頻年競效靈  
波臣萬里來趨職我今海上釣六鰲鵝鶴無聲靜不驕  
修竦雙條巨空宇餘霞千尺懸孤標 二句舟中所見斜陽返照

入煙樹島上漁舟卸帆去微聞仙樂水上鳴不見初平叱石處

自上海至泖湖阻風 甲戌

朝從海上來暮向湖邊宿湖海連連水一掬朝向湖中行暮仍湖口住前湖後湖同一處問爾稽滯何因緣湖心風雨難行船欲往仍復空回旋人言出門好誰知在家樂出門愁雨復愁風在家隨意無束縛掉頭我意欲回舟百城坐擁輕諸侯何為出門空爾愁

題郭子靜太守讀書秋樹根圖

堂前楓柏樹門外蘆荻洲中有秋子書堂清且脩倚

小西腴山館詩集三

十

樹看秋色低頭聲呶嘍道術探姬孔文事窮韓歐旁搜逮諸子辛苦為校讐云此紹家學 子靜為吾友筠仙中丞之猶子意誠舍人 子百勤無一媮為問萬戶侯可易此樂不寫圖索我句使我懷百憂吾衰已廢學歲月坐如流何當架一椽從君湘江秋

小西腴山館詩集卷第三 終

小西腴山館詩集卷第四

沅陵 吳大廷 桐雲

古體五十八首

惜別篇 為沈仲復同年作時仲復由蘇松太道遷河南按察使

我有同心友翩然辭玉堂弭節到申浦上下相頡頏朝與論經史暮與卜行藏忘形到爾汝和聲鳴鏘鏘願為雲與龍不願參與商天意殊難測良會豈有常一朝破寵命司州待急裝北瞻河與洛王氣猶葱蒼雲路此發軔八表隨翺翔行當持玉斧為君關八荒余獨感離索惻惻悲中腸晨夕誰共數憂樂誰共嘗惻惻復

小西腴山館詩集四

一

惻惻憂傷復憂傷悠悠念心旌嫋嫋風中颺但願我輩心譬彼金石剛心性無閒隔天地同久長長言何有極聊以發篇章願得置懷衷日日在君旁君旁那可得此情不可忘

感懷

我從入世來乖迕恆八九事事定於前於我究何有畢竟味乘時人捷我則否邵平東陵瓜勢去僅盈畝眼前祿萬鍾不如一杯酒身局斗室閒心遊千載後

法雨寺訪梅次楊石泉中丞韻

訪梅來古刹花寺兩清絕閱時幾百年根皮似頑鐵花

開纔隔年花謝又一瞥因茲悟元機得失無愠悅題詩  
留上方踪跡印泥雪

寺外逢眾僧言自峨眉來朝普陀者感賦長句  
僧從峨眉來應識峨眉事峨眉山上普賢壇何如大士  
落伽地彼佛我佛總慈悲現身說法開羣迷回頭一覺  
便是岸安用跋涉披緇爲

孟春邀修伯香曾紫垣梁亞甫孫星垣四茂才遊  
龍華遇雨馬莪園鎮軍留宿寺中卽席賦此并  
邀諸君同作

淼淼春申江迢迢龍華路煌煌海上樓燦燦三珠樹中

小酉映山館詩集四

二

道况坦夷春遊可聯步籬外幾梅花顏色尙如故也曾  
飽風霜猶能邀雨露春游未及闌春雨忽如注冒雨款  
僧關好友得良晤舉酒快唱酬高談絕瞻顧試呼碧紗  
籠爲弄新詩句奚必共嬾殘深夜煨山芋

冷齋勸書圖爲錢警石年丈作

六籍自遭秦火劫百家諸子盡殘缺勸書不遇讀書人  
大義微言日湮沒君不見環緒水刊出易林沿譌踵謬  
非自今又不見金根竟改作金銀世傳贗本紛失眞可  
憐文字味源流大義憑將何處求乾嘉以來尙樸學能  
從略藝窺班劉流風餘韻今幾人警石先生眞絕倫作

官不厭廣文冷勸書時與賢聖親四十年華一彈指萬  
卷丹鉛落筆底默勘同異分邊旁精校白黑究終始百  
城坐擁輕諸侯老屋三開日打頭安得載酒問奇字從  
公日日畫圖游

三月十日借劉芝田方伯遊揚州徐仁山方伯讌

於平山堂卽席用王漁洋集平山堂詩韻

揚州一別屢星霜邀友選勝當春陽十年豺虎遍窟穴

迷樓螢苑今何方達官幸遇風雅客方子藏都分俸重

建平山堂層樓傑閣頗宏麗隔江山色青蒼蒼淮東壯

觀此第一廟前嵌石有淮東第一觀五字亂後何幸來相羊歐蘇去今

小酉映山館詩集四

三

已千載興廢况幾經滄桑紅橋淺水流湯湯北瞻袁浦

南鐵瓮風帆上下何飄揚煙開霧散雲冥茫南陵仁山

人好客置高宴要言令我留篇章憶昔貞觀李襲譽引

渠會築勾城塘曠寬直須擴經濟風流何敢慚軒裳君

等各懷匡世略豈徒高居勝辟疆仰天大笑忽已醉軒

輿如與船低昂蜀岡勝遊那易得肯教明月催歸裝

遊雨花臺飲永甯第二泉次漁洋木末亭韻

我游雨花臺遙望新洲浦八寺已無存薔薇紅如許時

室薔薇盛開泉水自甘寒風颯仍浦澈廢壘昔蟲沙荒隴今

苗黍猶憶癸亥秋幕府夜深語余前曾訪曾帥况浦彈

指遽星周俯仰迹已古

陳淀生太守屬題其尊人堯農先生碧湘老屋圖

次郭筠先侍郎韻

萬古汨羅一江水風人騷客今遺幾自從黃巾桂管來  
湘州城外莽榛杞碧湘舊為鄭公鄉一炬咸陽無已侈  
追思執經老屋前立雪累時移日晷太邛逸叟與何豪  
招呼儕輩桐陰底飛觴醉月無拘束各寫騷情絕塵滓  
香山九老那足誇飲中八仙差自喜俄焉七叟仍歸然  
一叟已入九泉裏恨我去國年復年識荆未盡甯非恥  
七叟均未及拜謁世人貴耳而賤目成敗多然足譽毀楚人三

小西腴山館詩集四

四

戶能亡秦螳臂當車胡為耳揮戈一舉烟塵清東下關  
地三千里飛芻挽粟蔽江來義聲袞袞誰公擬竟老以在籍倡  
捐助餉最為出色世上已無負嵎虎人間空有逐羶蟻華  
力敘四品卿銜  
屋山邛何足論叟也觀化窮無始我今更辱紀羣游城  
南卜鄰當可俟請看蘭芷徧豐沅畢竟風騷誰繼起

六月八日乘舟赴松江訪李質堂軍門

故人近住九峯山翩然乘興遊雲閒一舟掉入菰蘆裏

薰微星月生林端大將威名昔冠軍郎君年少更能文

願捐才藝崇德行江東不必羨機雲質堂二三子延師督課甚勤皆回籍

試鄉

六月十二日馮竹儒觀察招劉芝田方伯及余陪

張子青制府宴於徐園稼雲樓竹儒以事先歸

園主人徐雨之部郎倩西人照制府芝田及余

三人小像得詩一首

西人愛花木處處治園圃布置惜未工雷同吾弗取快  
哉徐氏園良工獨心苦結構昔未成圖畫已楚楚去年三月  
園主人宴客用西法今茲成大觀高樓踞黃浦麥隴翠  
園映眾賓余與焉浪浮稻畦黃雲吐坐攬得超曠勝景時窺戶其下闢荷  
池珠露迎風舞搖草與珍禽前後列軒廡人傑迺地靈  
嘉賓更賢主樂哉盡日留獲此陪杖屨不待邀明月圖

小西腴山館詩集四

五

繪妙今古他日廣流傳定到雞林賈

乘惠吉輪船出吳淞遇到雞林有感

昨夜駕舟赴淞浦陣陣狂風吹急雨星月晃蕩生微茫  
拍天波浪蛟鼉舞高樓大艦如葉浮雨聲濤聲夜未休  
風伯何苦費氣力竟欲來往無行舟我欲訟之排天門  
熊豹咆哮虎兕蹲安心堅臥待晴霽會看一掃風霾昏

七夕

東坡愛重九野夫愛七夕時節本無知情性各有癖飛

星從東來去去將安適仰看河漢流忽覺炎熇失秋澄

不須與風露浩已積陶然忘漏長誰家夜吹笛

七月廿一日同劉芝田方伯邀馮竹儒吉雲觀察

昆季張雲溪軍門楮心齋黃琴生兩太守次日

飲於一粟庵是日病作詰朝竟不能赴戲束芝

田並呈竹儒諸君子

我昨邀君同宴客預揀猩紅與熊白非徒盛饌希魯風

老饕亦抱東坡癖豈知食指竟不動涔涔頭汗如山重

爾羊不肯踏菜園應欠寒齋三百饗人間萬事莫非命

區區飲啄亦前定多君爲我致殷勤他日強飲當造請

春夜遣懷

丙子

寒風敲門雪打屋人世年華悲轉轂桃符又換一年新

小西腴山館詩集四

六

黃梁入夢何時熟感時頗懷平子愁失路恥學唐衢哭

功名本是鏡中花富貴況等風前燭託身幸仗天地寬

入世肯效蝸蠻觸不見古來賢達人春日夜游猶未足

縱然身後銘鼎鐘那及生前飽醪醑詩成一笑驚鬼神

人生行樂須青春

謝李眉生同年惠贈自臨古帖大小行楷并和予

所贈詩韻二首

身甯謝黃緩不肯拋墨卿新詩荷書贈乃勝遺教經心

血所蘊結筆墨發菁英雅意豈敢負吾將黏曲屏

君夙擅筆法喜作擘窠書近來益奇縱鶴銘那能踰投

我四巨幅寶之千璠璣但願傳家法寫論付官奴

金陵懷古邀修伯薌萬劍門同作

自我游白門往來不記數不見六朝人但歷六朝路湖

名尙莫愁桃葉猶呼渡王謝風流屬阿誰張孔顏色已

非故不見昔時長板橋楊柳青青今幾樹臨春結綺久

霏塵壁月瓊枝墮朝露我來欲訪段侯家朱門草沒不

知處秦淮清淺淪滄桑惟有鳧鷖自來去

讀長慶集偶成

我讀長慶集愛玩未肯休胸中所蘊釀一一如探喉了

不知得喪萬事水上漚既似陶靖節亦似韋蘇州忘機

小西腴山館詩集四

七

返沖澹樸處不可求樂府五十篇尤足包贏劉斯人如

可作吾將把臂游杳杳望難卽茫茫生我愁不見千載

下傳世非王侯

江上行有序

余自金陵返棹本擬赴揚州訪友便道再赴孟

河求醫均因風雨阻滯不果孤寂無聊隨意賦

詩令修伯薌萬劍門和之晨夕各得若干篇詩

成而天亦放晴因題曰江上行時丙子二月十

三日也

既不能腰纏跨鶴下揚州春風買笑聽歌喉又不能孟

河放棹求醫工著手春生談笑中惟有閑坐孤篷底江  
頭日日風和雨伴游猶伴有故人修伯題襟且喜逢吟  
侶萬劍朝吟詩暮吟詩詩聲兩聲誰得知朝飲酒暮飲  
酒詩方脫手酒在口詩成天意亦返風噓噓曉日三竿  
紅且編新集追元白莫更尊前唱惱公

江陰弔閻典史

暨陽城外江連海波浪撼天天容改山河兩戒歸清時  
惟有一片孤城在孤城近傍君山隈千軍萬馬聲如雷  
鐵礮轟城城欲開城破復完何能摧君已甘心臥山澤  
時危感慨紆奇策烈丈夫誓為國殤降將軍來作說客

小酉腴山館詩集四

八

平原睢陽那復有君生已在千載後明知螳臂難當車  
忠義與古期不朽人生百年誰無死死要重與泰山似  
君不見閻典史

幽穿雪鴻卷子為馮尹平刺史作二首

沈沈清晝晦凜凜陰風寒黯黯圓扉中惻惻心為酸禍  
來始无妄智不知其端運乖會所邁心慊夢自安翰墨  
偶游戲妙蹟追荆關大覺豈易有掩卷為長歎  
誰謂縲紲苦坦如衽席安誰謂土室隘浩如天宇寬福  
堂肇魏晉命名豈無端昔者忠愍公長松寫屈蟠妙蹟  
豈易得惟茲差比肩敢敬告令子寶之同瑜璠他日招

君魂颯颯來天山

三月朔日在吳淞口作

天公欲作三月三盲風淒厲雨廉纖大聲撼空如虎嘯  
繁聲切切昏鴉叫江空湧浪立千尺平沙斷岸多春草  
芳草平鋪碧似茵淞口嬉春無麗人香車寶馬涉何處  
官道但見衝轆輪時英人在吳淞築鐵路走火車關道止之不得  
醜輪日夜三  
千里海山咫尺胡為耳上海虹口至寶山大官阻輪阻  
不得紅毛顧盼多矜色問天何事驕遠人天公不語眉  
為顰吁嗟行路自古難且喜道旁多芳蘭采蘭盈掬將  
貽誰悠悠官道春風吹風吹不止欲上天罡風倒挂扶

小酉腴山館詩集四

九

桑巔流觴曲水依然在令人空憶永和年

清明感賦

朝發古虞城暮走山陰道道旁多古墳城下生春草草  
枯還再榮墳荒無人掃我欲焚紙錢持慰泉下槁流涕  
感春暉憂心怒如擣時三月十日為

小雲栖

紹興府城西

白雲在天不可呼用蘇誰其栖之開土廬寺外綠竹樹  
萬挺寺內白桃花一株就中昔賢餘妙墨點綴湖山更  
生色出門一笑天宇空雲山萬疊青濛濛何不移家烟  
波中



柯巖又名七星巖

何年泰華飛此一拳石墮在山陰柯橋突兀之峭壁神  
工鬼斧所不到潭洞陰涵太古碧中有蛟龍窟穴千萬  
年化為七巖撐向天巖下霧雨自呼吸巖上松竹森樞  
娟我疑人世不應有此奇恐是葛洪鍊丹之所遺天陰  
夜黑樵採絕驂鸞鶴相邀嬉不知何時鑿此混沌腹  
編竹為椽葦為屋中有笛材具妙音摧折迺入中郎目  
中郎去今已千載桑田滄海幾嘗在惟有玲瓏好巖壑  
閱恆河沙終不改終不改將若何後來好事何其多樓  
閣層層抑何崢嶸文昌上欲摘七星洞寶月夜來吹笙

小西腴山館詩集四

十

寺右有洞賓亭平生足跡小天下勝遊得此蓋亦冥矧  
上有文昌閣乃暮春三月天處處湮波通畫船船行到此不同顧欲  
乞慈雲為小住寺右壁嵌白雲在天若可留舉酒坐對  
琅玕樹與修伯齋萬劍門梁亞甫吁嗟乎舉酒坐對青  
琅玕斜陽墮樹飛鳥還出門仰天一大笑二石離世獨  
立何噴阮我欲題詩紀遊躅青蓮去後誰敢續微聞海  
上神山縹緲不可求此即洞天福地三十六

洋務官

西人入中華四周腹與鄙文字既不同語言亦殊軌  
聖主懷遠人鞭笞不忍使調停稍失宜釁即生匪賊

小西腴山館詩集

丹詔訪人才與 國分憂喜不必讀孔孟書不必究  
程朱旨第識夷情通夷語昨者貧賤今朱紫何為埋頭  
兀兀如螻蟻衣食不足常飢寒君不見洋務官

流品歎

魏晉重門第家世寒微無人齒今者冠蓋麗且都有時  
或是平頭奴宋明重科名起家異路人人輕今者烜赫  
多官府半是工匠半商賈昔日之官人畏如虎今日之  
官人賤如鼠人賤處處有提攜人貴違時棄如泥求官  
祇患無階梯好漢那怕出身低吁嗟乎好漢那怕出身  
低流品如今久不齊

小西腴山館詩集四

二

六月七日晨赴南園借芝田觀荷竹儒留飲竟日

乃散

昔人詠芙蓉每愛日初出雕飾謝毋庸天然獨麗絕我  
晨遊南園信矣非髣髴色欲奪朝霞委仍含朔雪晨露  
未遠晞清香淨丈室一友酷愛花芝繞池穿林樾一友  
雅好客儒舉觴待新月各愜心所歡天趣時流溢士女  
任紛來要與民同悅宴罷日西沈返照紅一抹題詩紀  
遊蹤風流永無歇

遊惠泉山

惠泉寺外聽松亭寺門左有大石鐫聽松二字傳為李陽水筆惠泉山下泉

水清天下品泉此第二在山不使微塵生遠者高顧曾  
講學近來 宸翰尤崢嶸泉上有 繞廟詩刻汲泉煮茶

瀟心性歸來夕照方西傾

夜泊楓橋有懷漁洋山人

山人過楓橋時月黑大雨列炬躡屢登寒山寺

題詩留 登而去

昨夜泊楓橋細想題詩處寒山鐘已沈我欲尋煙語漁  
洋謫仙人詩筆澹容與那隨歷劫灰英靈自來去

吳淞校場月夜訪菊有感

昔聞孟夫子踏雪尋梅花我今遊淞口步月訪黃華黃  
華有本性貞勁無微瑕五色雖異種化元同一家宜伴

小西廐山館詩集四

三

幽人室翻隨海客植物理殊不齊吾生亦有涯聊復遣  
詩思挑燈醉流霞

感懷二首

愚生叔季後夢想唐虞前唐虞去今久中惘何由宣朔  
風西北來百卉慘不妍分當守元默萬事付自然

金人三緘口多言懼招尤白圭有微玷遂為畢世羞矧  
生千載後風俗日以偷元黃久易色欲語嗟誰儔理亂

姑置之遐哉巢與由

雜感八首

墨突不得黔孔席不暇煖良由飢溺心汲汲不容緩陋

哉楚接輿狂歌亦已誕不聞皋與夔猶甘屏閒散

薑桂有辣性不因老異轍松柏有貞操豈以寒改節丈

夫挺世閒金石同堅烈入水不得濡入火不得熱如何

柔道牽心變廣平鐵

在天有成象在地有定形人處三才閒胡為苟蠅營得

隴復望蜀妄想何由平知足乃不辱此語當書紳

烏何為而黑鶴何為而白此自本天成原不關人責直

道棄如遺顛倒快胸膈誰能起魯叟彌縫挽王迹

賈誼哭時事阮籍哭路歧用成語此實發中藏並非由偽

為如何強哭者飾詐工姦欺欺人縱不覺欺心悔曷追

小西廐山館詩集四

三

不見楊朱三偽哭為世嗤哀樂須中節卓哉百世師

二氣判剛柔得中斯為美過剛誠易折過柔亦易靡從

來惟妾婦柔順為正軌不然工善柔便與便佞比不聞

亞聖言氣與天地似直養夫如何剛大而已矣

大地蘊高山謙光如可掬否發平等心循分亦無辱胡

為屢強求往往添蛇足不見多上人君子所不欲

人生秉陰陽理直無回曲城府為洞開光明幽可燭厚

貌而深情終究難免俗胡不勉忠信片言諾無徇

徐吉雲邀幕中諸人遊徐家匯酒樓抵暮乃歸丑

端居意不適驅馬出郊原春氣鬱未動薄雲蔭邱樊暖



暖道旁樹陰陰誰氏園停車上酒樓肴核紛以繁薄飲  
不成醉含意誰與言起視投林鳥林杪日已昏驅車亟  
歸去燈火明前邨

旅夜不寐

非愁始出門出門愁更來孤燈夜寂寂懷抱誰爲開時  
當二月春將半平分晝夜無長短夜游莫問大小年請  
讀南華第一篇

自寒食清明連日爲雨阻不得出游作此遣悶

端居念物華三春賤過半頗聞郊原外景光足游翫李  
白閒桃紅楊柳青不斷思爲信步游藉免攢眉歎愁雨

小西腴山館詩集四

一四

復愁風泥深恐沒訐何當祝新晴快攜詩酒伴飽看原  
上花放懷得一粲

清明後五日竹儒招同芝田竹鷗雲溪蘭生牧九

及其弟吉雲乘船看桃花過龍華寺早飯旋赴

徐家匯酒樓小飲畢歸過靜安寺看古井

南海馮君性好客碧桃兩岸鋪筵席昂研談碁局未終

竹儒攜研數方與蘭生品評移船已到梵王宅梵王香積有清廚竟

將肉食輕伊蒲已是清明過佳節況逢晴霽滿平蕪平

原一望路迢迢萬樹桃花絳蠟飄漫把離腸訴楊柳竹

儒將出關且將美酒飲葡萄酒耐人羨飲中仙飛馬直  
迎觀樞

到靜安前廣場但覺無塵土古寺誰知有湧泉在山泉  
清出山濁胸懷願各葆寒玉要是龍華會上人知證前  
因非碌碌

上已邀陳曼壽蔡龍九葛隱耕萬劍盟汪曉邨胡

鐵梅黃俊生謝瀛士展襖曼壽請余首唱作此

以示同座諸子

去年上巳游蘭亭茂林修竹天宇清今年上巳雨和風

邀友展襖蘆廬中眾賓高會殊不惡脫略形骸去拘縛

詩情跌宕各飛騰觴政從容互酬酢座中老少那足論

曼壽五十三采蘭贈芍休具陳但願作圖繼逸少鐵梅善畫

小西腴山館詩集四

五

風流重見永和人

讀史二首

樊侯感狼星雄偉故無匹豈惟戰功多忠諫亦第一淮

陰偶過臨皇皇爲屈膝把臂許入林於韓未爲失羞與

噲等伍夷然獨不屑人才有短長心知口難說仰望天

悠悠肝腸內爲熱

漢武社稷臣汲黯誰與亢資望邁當時出入宜將相何

故張湯輩後來每居上君本愛清靜黃老秉微尙用人

太不公難免心怏怏王道本人情此意吾能諒幸有史

筆存後世足瞻仰

再哭秋谷

男兒志四方結交滿天下究竟同心人於世蓋亦寡憶  
我二三友少小同粉社伴我走天涯忘形到杯罍韓逝  
謂旭君又殂懷抱向誰寫再為蒿里歌客淚空盈把

宿法雨寺僧樓聽巖間瀑布聲有感贈方丈立山  
師

去年一年不到山山僧屢約緣終慳今年六月航海來  
山僧一見心顏開桑下三宿猶有情況我早結物外盟  
伊蒲屢歲飽香積談元往往到深更深更寂寂斷音響  
淙淙不斷疑湖長細思乃是瀑布流曉看竹管承簷上

小西腴山館詩集四

六

佛言有情須無情誰識無聲卻有聲此中妙諦無言說  
留與山僧異日聽

送張智山萬劍盟修墅春往游法華洞觀音洞諸  
勝

洛伽山介山海閒天風海濤晝夜喧看山莫如看法華  
奇峯怪石龍騰掣觀海莫如觀音洞蓮花洋上波濤闊  
頻年百事歎數奇獨許游山作導師君等往探須領畧  
歸來說與野夫知

海上病中作

秋霽已淡旬登眺足欣暢胡為伏臆輪棲遲獨海上骨

月惜乖分親朋斷尋訪二豎復欺人陰虛陽又亢醫難  
遇緩和舟但逐波浪冥想無何鄉聊以寓超曠

津門感懷

憶昔別津門庚申重九後辛苦賦南征隨節未為久大  
星倏西沈謂曾文正公淪落遂不偶航海復北來相知亦云  
厚李相國舊歡雖難廣今情亦難負秋澄夜宇清撫劍  
看星斗

贈范少鶴用山谷韻

堂堂歲月徂青鬢日潛換志學貴及時筆墨戒娛玩吾  
生起偏陋又值世多難經學慚鹵莽追思令我惋吾子

小西腴山館詩集四

七

富家學驥子已血汗努力養靈根尺勇無寸懦精進營  
堅攻疑義如冰散培養劇深醇文采自璀璨終期歸平  
澹非徒誇爛漫

宿東華門

自我謫塵寰辛苦辭鸞掖絲綸閣下青苔痕可有當年  
舊履跡人生飄轉如風沙東華忽漫停征車臥聽宮壺  
滴漏遲猶憶薰衣上直時

冬月二十九日黃昏枕上作

有晝必有夜有生必有死天運本循環此是常事耳憶  
昔同治初沈疴幾不起全賴文正師撫摩視猶子應盡

便須盡長恐二豎累不料十五年一病復爾爾皮皴血  
已枯如挂荆棘裏吾其學蒙莊物外逍遙矣

小西腴山館詩集卷第四 終

小西腴山館詩集四

末

小西腴山館詩集卷第五

沉陵 吳大廷 桐雲

今體七十六首

哭亡友舒伯魯農部 壬子

早歲薄科舉冥心究典墳都門纔識我泉路忽悲君大  
雅漸消歇高談不可聞一杯酌燕市誰與細論文  
並世幾英俊如君實可哀死生嗟異路車馬不重來季  
子原知己 南坪 孝廉 南豐實愛才 濼生 宗伯 憑棺共涕泗天道可  
能猜

經定興縣謁楊椒山先生墓

小西腴山館詩集五

一

無復嚴仇黨千秋自仰公奇冤同少保浩氣失陳東兩  
疏懸星日孤墳重獄嵩忠魂渺何處憑弔起悲風

臘月廿八日閱邸報 賞還向榮提督銜接授

欽差大臣關防喜而有作

鳳銜丹詔下瑤京爭報元戎典重兵國有西平梟逆賊  
天留道濟作長城荆襄要隘兼攻守吳越人民寄死生  
轉瞬元宵佳節近崑崙一戰盼功成

除夕前一日偕秋蟾至法源寺奠伯魯民部

已矣君長往憑棺恨寂寥歲將明日盡魂共故人招海  
內文章在家鄉骨肉遙從誰共酬和淚眼望青霄

出都將半月矣追思九江失守賊得順流直下為

之憮然癸丑春正赴遼東學幕塗中作

鳥獸各分散還應重責成孫恩窮作盜王翦老能兵謂軍門突陣嚴軍令銜枚過賊營平戎饒勇略莫再任縱橫

贈桐城方子觀同年二首丁巳

君家烜赫望溪翁一代文章此正宗墜緒欲扶心尚壯故鄉多難遇偏窮邱墳歷亂荆榛裏骨肉崎嶇道路中

握手悲歡雜情緒茫茫時局問蒼穹

乍離虎口自南來矗立天門鬱未開車馬勞勞還落魄

公鄉袞袞孰憐才夷吾遇尙遲三沐杜甫詩應賦七哀

小酉腴山館詩集五

二

我亦奇窮傷抑塞未能拔爾獨徘徊

懷李澍陔同年

一別經年不見君城南搔首望黔雲見傳警報頻頻至未忍哀啼處處聞念亂當為團練使出奇還整武威軍交深骨肉關心甚不獨天涯悵失羣

贈李遜吾年丈

歸去南屏伯魯死吳廣文名敏樹舒郎中名壽皆吾鄉能詩古文辭者寥寥吾黨

獨公賢萬言揮灑狂供奉三絕風流老鄭虔尙有豪情

談國計公司鐸新田督兵殺賊卻將餘事訂詩篇公近為余訂小酉腴山館

鈔詩白山黑水分明在一再披圖意惘然振之京兆差滿同里卒余甚悲

之公為余補寫匹馬出關圖以誌懷

贈吳又桓比部

忍向黃州臥薛蘿自攜詩卷駐蠻坡人傳者舊凋零盡君舊館陶老愛平反笑語多君慈迎養在京殺賊經年同畫餅君在籍辦團著效以官兵不出力故大功未就談天有口尙懸河引盃看劍無窮憾俯仰金臺一放歌

送曾樺鴻于役西陲

匹馬向秋風牢愁一洗空才經窮微老詩到出關雄紫塞撐天外黃沙落酒中防身孤劍在翹首倚崆峒

嚴仙舫通政 予告出都詩以送之

小酉腴山館詩集五

三

長沙一別已三春復向金臺拂研塵兩世循良書上考

百年康濟屬斯人公之尊人樂園方伯功在陝中入祀鄉賢名宦祠公仕中州亦治行稱最

礪帷算信無遺策公屢與各軍帥書皆劄勝要言惜未獲竟其用柱石天留未

盡身莫戀五溪煙月好瓊樓高處夜寒新

先母忌辰作

竟為無母子辛苦廿年來一妹尙生別同胞妹一人適同里張氏孤兒太不才招魂空邸舍薦食到泉臺臥夢松楸側蕭蕭

風雨哀

同邑胡恕堂方伯屬校北上吟書後

生被微名誤羈桎帝鄉憑君話薊樹還與問辰

陽老輩嗟寥落新詩各激昂天南兵未洗何處覓川梁

寄祥廣文錫九藩陽

欲取瑤琴月下彈美人迢遞紫雲端高歌曾醉葡萄酒  
別路空懷苜蓿盤回首老成寥落盡傾心一見古今難  
何時共翦榆蔕燭重話生平到夜闌

送成奎元還瀋陽二首

寒鴈下榆關看君匹馬還客心懸薊樹鄉夢落遼山任  
重甯當負時危未敢閒堂堂根本地遺蹟祭形攀  
亦恨別期促其如王事勞煙塵銷鎧仗風雪滿弓刀裘  
馬任兒輩勳庸屬我曹離懷拋未得且與醉芳醪

小西腴山館詩集五

四

贈某徵士

茫茫人海一諸生垂老胸羅十萬兵何日謨謀清宇宙  
空教奔走動公卿道高不受泥塗辱才大翻令世俗驚  
滿眼瘡痍消未得只今賈誼涕縱橫

寒食

時節又寒食羈栖總未歸雙親邱壟隔孤子夢魂飛掃  
奠頻年缺蹉跎萬事非疚心向誰訴唯有淚沾衣

追悼外兄漢京

丙辰年漢京為送眷入都歿於京邸時旅櫬尚未歸葬

累爾走京國匆匆遽喪身招魂唯我獨為鬼向誰親決  
計當歸骨尋思倍愴神江鄉一回首淒絕未亡人

孫漢京旅櫬出都感賦

亦識豺狼滿魂靈奈戒途蒼黃問家室慟哭到妻孥君  
且依先塋余當撫藐孤百年如健在端不負今吾

贈胡恕堂方伯之任甘肅二首

六十詩翁未全老旌旄忽漫向臨洮秋風出塞朝乘傳  
明月當關夜帶刀萬里芻糧銀峪富四山鎖鑰玉門牢  
側聞隴外飛塵肅幾歲單于遠遁逃

曾共燕臺典玉醪高歌青眼謝兒曹屯田重見東山起  
校獵爭看北斗高依舊荒城吹感築何當美酒醉葡萄  
因君卻憶鄜梁叟嚴拙舫通政寂寞田間隱豹韜

小西腴山館詩集五

五

弔李迪庵中丞

拔起江忠烈羅節後頻年苦戰爭不曾王翦老重見絳侯  
生力竟回天竭功難浴日成東南莽豺虎何處覓長城  
聞劉松雲入都時扶母柩歸葬

聞君護丹旄仗劍瀋陽來待述龍肝表同登郭隗臺致  
身當報主濟變況需才芒角飢腸鬱相逢且舉杯

感事四首

何物逞樓櫓公然狎颶風鬪驚滄海外虎視大江中宛  
入無人境誰持克敵弓艱危望飛將戮力正華戎  
傾國恣深入愚哉技可知閉關飢虎豹揮劍斬蛟螭救

命當無暇乘虛敢爾為繞朝謀不用搔首一嗟咨  
累葉 敦休養承平二百年豈無抱忠孝獨出濟迤邐  
破格恩當重登壇令要專 廟謨信明斷沈耳凱歌旋  
時局竟如此呼天發浩歎功成諸將易策定重臣難舊  
德唐裴度高懷晉謝安斯人今儻在唾手靖凶殘

訪王子槐侍郎

時已 予告

風節久積靡巋然碩果存行藏當代少朝野一身尊憂  
國正多事繼公誰直言滿腔蓄孤憤來此且重論

送王璧人丁憂回里二首

已未

忽復送君別麻衣出 帝都秋來莽風雨珍重涉長途

小酉腴山館詩集五

六

伐石詞無媿

壁人求余 文表墓

憑棺眼欲枯析薪遺構在莫更

泣啼烏

才送又柩去君行又戒途百年同過客四海一窮儒古  
道向誰篤奇書且自娛明年春水綠吾亦返重湖

九月七日感賦

曾記去年逢此日妻孥含淚獨南征光陰飄瞥如奔電  
骨肉無端太薄情去國四千仍拙宦遲余卅五未成名  
空增邱壠松楸慕臥夢蕭蕭風雨聲

哭孫芝房侍讀二首

曾見麻衣出 帝都晨星寥落苦愁余忽添屈賈重泉

伴空檢幽燕一紙書正月有書來至 四月君竟死中歲飄零家國感  
十年骨肉死生餘奇才未拔沈憂老腸斷衡陽雁到初  
二年粵遊北竄君奉老母同長 沙其配暨仲未兩弟先後死亡  
年來培養劇温醇送抱推襟臭味親伯業平生唯嗜學  
元賓著作是傳人豈知姓字驚斯卒翻使憎嫌到鬼神  
惆悵蒼篋遺集在莫教湮鬱委荒榛

除夕書懷

十年遊子去鄉閭太息匆匆歲又除灑涕一樽向空奠  
天涯何處是吾廬

送鮑敦庵司馬出都

庚申

小酉腴山館詩集五

七

曾作遼陽客因君憶舊遊親知半豪傑

謂成奎元奎文 軒劉松雲祥錫

琳諸君小雅誼儘縟縵銀鉅見才調廉明裕遠猷近聞事

防海寄語奮同仇

落第後夢哭梁矩亭師

榮悴適然耳如何感不禁人憐青眼少夢入黑甜深一  
掬死生淚千秋沆瀣心唯當崇令德地下慰知音

送陳右銘出都

君今復此別吾黨更何人渺渺千秋業茫茫百感身微  
言艱獨討高義向誰陳余亦欲歸去湖西願結隣

梧諸

讀陶詩書後

萬人如海一身閒把卷長吟晝掩關歲月自勞吾自逸  
義皇原只在人間

過保定示石生少相辛酉

往事關心怕舉杯雪鴻泥爪鎮裴徊十年一掬西州淚  
曾共而翁匹馬來

過湯陰謁岳武穆祠

堂堂蕩水岳王宮鑄鐵何人列跪同一代興衰飛鳥外  
千秋恩怨暮煙中人懷少保雙忠憤天奪汾陽再造功  
北伐南征成底事古今長策在和戎

小酉腴山館詩集五

八

鄭州道中

獵獵北風鳴沙深礙馬行路迷芳草合山缺斷雲生無  
地容方軌頻年未被兵惟聞憂歎歲蠲貨不勝情

襄城遇雨

奉命向南征崎嶇敢憚行山川趨楚塞風雨走襄城  
回望瀆濱遠歸臨汝水清併將懷古意且晚盼銷兵

新店鋪登舟南至樊城百里

莫憂泥雨阻行程小小扁舟隔岸橫一日輕風三尺水  
臥看山色過樊城

見月

烽火年年劇可哀聞黃州蕪水蕪州均為賊蹂武昌戒嚴一輪恍欲渡江

來化身願作天邊月不管人間有劫灰

校定何龍臣太僕遺集壬戌

一別人天隔遺編子細論工非關字句學已悟根源克  
敵完臣職捐軀報國恩三河他日過翦紙為招魂君難於三河

中秋客黃州作甲子

去歲別濠上三軍慘淡愁是日自臨淮下三十里茅灘冒雨長行將士多可憐者  
夢猶呼殺賊身已繫歸舟廢壘沿隄接洪湖撥酒流歲  
華彈指過秋思滿黃州

小酉腴山館詩集五

九

別喜桂亭都護

臨別渾無語回思祇慘神幽燕多俠氣荆楚一狂人累  
日歡投轄連朝快飲醇可堪遽分袂何日接芳塵

早秋

客中袞袞歲華流暑盡涼生又早秋一寸壯心懷國  
難百年佳日伴羈愁公卿自昔皆青眼湖海如今換黑  
黑頭鴟鼠鷄雛成底事人間萬事總浮漚

夜泊蘇州城南遇雨

流水長橋曲曲移黃花紫蠟正當時不堪夜半新寒甚  
秋雨秋風短簿祠



贈別夏毀甫舍人二首

時客武林左  
宮保節署

亂後詩書賤何人識老成湘陰開幕府皖國有耆英講

學宗元晦傳經近伏生羨君猶老健吾道足千城

頗訝德星聚蒼蒼黃週武林高文重彝鼎君為余賦小酉  
映山館文鈔

新韻抵瑯琳陸相憐才意請左  
宮保昌黎薦士心可堪遠驪

唱迢遞阻川岑

薛慰農太守以八圖索題各系以詩

乙丑

椿庭侍讀

猶憶為兒日依依課讀時不堪蒲柳質早廢蓼莪詩雲  
白思親久燈青入夢遲對圖三太息客鬢漸成絲

小酉映山館詩集五

十

棣萼談經

嗟我鮮兄弟如君復可傷壘篋雙玉笛生死一黃梁政  
美行春地燈寒聽雨牀恐人譽三鳳悽切不成行君昆  
仲三

人皆登甲乙  
科仲氏先歿

滁山村學

豐樂歐陽後文成講誦新縹緗千萬軸童冠兩三人冬  
學書聲朗春山黛色嫩不堪回首處城郭墮荆榛

淮水秋風

千載秦淮水秋風未變聲鋒消瓜步戍雲護石頭城兄  
弟曾文戰朋儕試酒兵滄桑今幾易惆悵鶴鶻情

燕市紅塵

曾忝絲綸掌輪蹄踏靦塵似聞求駿馬何日畫麒麟況

有荆花燦同探杏苑春君兄弟三人同應會試  
君與仲兄同提南宮一朝悲

斷鴈振觸最傷神

鸞湖春夢

君本通經彥曾充上國賓懶為香案吏來現宰官身馬  
隊書誰校鸞湖跡已陳祗餘棠蔭在父老口碑新

章門戢影

自來遭世亂去住兩艱難廬阜秋容瘦澎湖暮雨寒乾  
坤身世窄朋舊酒盃寬最苦傳凶耗秋風玉樹殘君仲  
兄以

小酉映山館詩集五

七

給諫典試江  
西歿於貢院

滬濱從軍

丹詔下蓬萊申江幕府開佐軍嫺虎豹下筆走風雷榮  
戰連雲轟樓船奏凱回海氛今盡洗信仗出羣材

大兩度仙霞嶺

捧檄星馳曉度關仙霞巖絕費躋攀茲行峭壁懸崖裏  
鎮日淒風苦雨聞百道奔泉如戰馬四圍叢木似家山

丈夫肝膽酬知已敢戀桑麻十畝閑時奉左爵帥  
奏調由浙赴閩

前詩意有未盡再成一律

古殿嵬峩聳碧空廟在半  
嶺之上千章喬木蔽葱蘢山當甌越



封圻內人在煙雲晦霧中飛瀑遠從千丈落當關祇藉  
一夫功時艱防險資材武莫漫金貂插總戎時衛州鎮  
奉調赴圍

過五顯嶺

孤劍赴關微羣峰欲蔽天路隨山脚轉家在嶺腰懸水  
響常疑雨雲深宛帶煙征途休道苦還擬勒燕然

悼王子懷侍郎有序

余交公京師在咸豐戊午其時公已請告為  
錄其諫章數十藏之壬戌公再起用以書抵余  
訪問時事余就所知者答之未至京而公已讞

小酉腴山館詩集五

三

獄山左驛滯年餘奉諱歸里甲子三月公歸自  
京師余適赴皖不期而晤於安慶執手歎歎者  
久之閱日別去今年春夏猶屢得公書不謂遽  
成古人傷哉

直聲清節似公難再起東山志未殫芒屨麻衣悲皖國  
青燈濁酒憶長安音書斷絕纔三月生死淒涼已萬端  
猶有諫章留篋笥編摩他日怕重看

賦呈左爵宮保二首

湘中山水九州無天挺人豪翊壯圖蓮幕運籌羣盜定  
柳營誓眾健兒趨新承節鉞兼三省公適拜節制閩粵  
江三省主客各軍

命早見烽煙靖五湖麟閣雲臺俱第一不教江左數夷  
吾

君門萬里鑒孤忠拔自憂心悄悄中盪穢除殘臣績懋  
分茅胙土主恩崇林逋亭畔秋霜肅歐冶城邊瘴霧  
空聞說先皇還涕淚扶天浴日勵全功

將赴臺灣留別徐樹人中丞

萬里清秋白露橫樓船指日起東瀛激昂越石投戈意  
惆悵昌黎薦士情可有勳猷垂絕島難將詩酒訴平生  
他時鹿耳一同首卿月重霄歲歲明

中丞以詩賜和期望甚厚仍疊前韻奉答

小酉腴山館詩集五

三

七十詩人老氣橫曾持使節到滄瀛公曾備  
兵臺灣六條按部  
遺前軌半世憐才出至情相馬公眞同伯樂封侯我敢  
望班生惟餘肝膽酬知意願竭忠貞翊聖明

再奉鈞和復疊前韻奉答

倚馬文成老筆橫幸邀青眼勝登瀛憂民惠政根經術  
報國忠忱本性情犴烏蠻花遺愛在青燈白酒別愁  
生可能重廁鵷班末天意茫茫苦未明

古意

二女難爲合他生轉益悲入宮易遭妬何必定蛾眉  
九月二十六日交卸離篆前夕大風雨悵然有感

成詩四首

百年宿垢盡前除鹽法新榮兩卷書剛見書成行又別

攀輦臥轍苦愁余眾商販知余有調臺

立法須知法外心非關點石化黃金余去年四月十三日接篆前任僅移

交四千餘金余視事年半除撥支用五十萬金外現交後任將近三十萬金鴛鴦繡譜分明

在祇恐無人肯細尋

茶半香初一榻橫齋名年餘心跡幸雙清庭前蕉竹知吾

別併作秋宵風雨聲夜半風雨甚大

富貴功名本儻然人閒萬事況浮煙只餘三尺長生木

烏石山頭歷歲年眾商販於烏石山天后宮供余長生祿位

小酉腴山館詩集五

古

小酉腴山館詩集卷第五

小酉腴山館詩集卷第六

沅陵 吳大廷 桐雲

今體七十七首

斐亭聽濤東瀛八景之一在道署內 丁卯

誰遣洪濤徹夜鳴斐亭遷客夢魂驚並無急雨飄風勢

竟似金戈鐵馬聲萬水應歸烏石港烏石港在嗎瑪蘭為萬水朝宗之處

大波疑撼赤嵌城如今幸決樓船策已建議改修戰船 肯使陽

侯怒不平

澄臺觀海東瀛八景之一在道署內

百年遺構此澄臺取次登臨倦眼開海色遠隨朝日霽

小酉腴山館詩集六

一

濤聲高壓晚潮回揚舫何日騎鯨去攬勝曾經戲馬來

永念烽烟清島嶼艱難慙負濟川才

乙丑十月九日將東渡寅僚餞於釣龍臺周壽珊

方伯夏小濤觀察與焉壽珊復留一日宴於安

瀾館所與會者皆相知人也追憶舊游為之慨

然

已分崇朝別還為一日留壺觴聯上剎簪蓋盡名流風

景猶如昔煙濤不可求海東一回首腸斷木蘭舟

盼替人不至書此排悶戊辰 寂寂臥官閣昏昏緬故廬關心惟樂歲遣悶仗新書海

樹雲低處煙濤月上初愁懷誰與訴歸夢落樵漁

壽山方伯以閩中感事懷古詩五首見示尙論古

人獨抒已見因依次奉和仍用杜少陵詠懷古

蹟韻

仙霞一嶺盤天際橫絕東南甌越間大海儘堪通市舶

故鄉無此好溪山設科多士明經去施賑憑人乞米還

循吏自來敦敦養我非柯述也情關柯述

文武恬嬉豈解悲兩河忽報下金師蒼黃盡室逃生日

感激提兵禦敵時忍死要存冠履分退休還繫廟廊思

孤忠耿耿投閑散鑄錯如今我尙疑李綱

小酉腴山館詩集六

二

何物朝京敢闖門方田更爲擾遐村竊權交合深宮祕

惑主奸令白晝昏豎子也知謀逐父黨人還有未招魂

從來直枉關興廢願與朝端一細論蔡京

當年荆國甘愚弄何況君王坐法宮水火要成門戶局

戈矛卽在話言中校讐曾附三經義編管仍爲八十翁

試問王門諸佞幸傾邪反覆幾人同呂惠卿

端明學士古遺直衰貶賢袞節概高偶以文章現鱗爪

若論書畫但皮毛便親未厭居鄰郡善俗何曾忘爾曹

興建動關經久計萬安一渡肯言勞蔡襄

憶臺灣

猶記塞帷駐海濱巡方問俗勵忠恂但添翼舍爲興學

豈忍舟車苦算緡番社少奸三尺法君恩分作萬家

春別來恨乏攀援計孤貧兒童竹馬迎屢接臺中吏民來書兒童聞余

奉旨回任日在海濱盼望

臘月望日自閩旋辰重過洞庭

又過黃陵廟霜風滿洞庭混茫千渚白隱約數峯青九

派潯陽接孤帆夕照停牙琴如可作還與問湘靈

寄沈幼丹中丞二首

早年清望重當時驟陟強台遇亦奇甌越崎嶇迎詔

勅豫章婦孺望旌旗公以道員奉旨赴曾營途次建甯得實授江西巡撫之命伯

小酉腴山館詩集六

三

安久著無前績何武常留去後思聞說西江碑在口冀

公復起拯瘡痍

帝遣親臣治舳艫泰西精製未全疎周官新續考工記

公時總理船政漢史別修平準書琛賚四夷歸控制風雲萬里

護儲胥會看橫海消烽燧徧采葑菲亦逮予

安鄉晚泊己巳

落日安鄉道維舟傍碧蕪荒陂泛鵝鴨春水漲菰蒲煙

月浩如許江籬渺欲無卻憐隄畔柳鄉思引尊鱸

舟中卽事二首

夾岸菜花黃棹舟清溪曲何物最牽情處處垂楊綠

春樹任禽哢波光入窈冥可能攀杜若離思滿芳汀  
蘭芷生沅澧芬芳向襲人猛思千古事酌酒弔靈均  
迅湍碧如練枯樹青作芽蘅皋何處是愁煞白楊花

清明

江上墳頭半紙錢清明寒食暮春天一盂麥飯吾真負  
寥闊征颿二十年

荆州懷古

瀟湘千里一孤舟斜日東風倚柁樓黃蓋立功曾赤壁  
紫髯失策是荆州孫劉往事成殘劫關塞依然控上流  
獨使襄樊功未就回頭勒馬古今愁

小酉腴山館詩集六

四

江陵懷張文忠公

何處江陵宅遺編細討論笑談夷狄卻威重廟廷尊胎  
禍猶駢乘招讒恨止樊兩宮無復作誰照覆盆冤

沙市易舟北行舟中卽事二首

渺渺荆江短短棹春雲漠漠雨蕭蕭沮關十里水三尺  
才過長橋又短橋

隄邊楊柳碧毵毵倒射天光入蔚藍幾曲清溪兩岸屋  
風光髣髴是江南

讀漁洋山人詩集書後五首

天昌文運順康年崛起新城眾口賢阨塞關河金粉地

盡收奇景入詩篇

使事何曾獮祭魚早年胸富五車書請看咳唾生珠處

可有人閒煙火無

李何已杳鍾譚死一代歌謠得正聲要識淵源詩派處

少陵野老玉溪生

同輩施山汪翁又杜村陳孝才名兩宋敦仲亦相親梅

村絕調當時少縞紵如何失此人

漢庭老吏盛才名絕似研都又鍊京原本何嘗不精厚

論詩吾不直宣城梅柏規詩云漢廷老吏推

舟次襄陽余將入秦先遣章子亮赴閩作此誌別

小酉腴山館詩集六

五

與君同泛五溪棹千里江津接漢陰灞上營連天漠漠

武夷春暝晝沈沈正添羊傅登山感況有汪倫送別心

惆悵銅鞮襄水曲不堪揮手付長吟

將發襄陽送子亮回閩三首

朝飲宜城酒暮聽銅鞮曲持此遣離愁深斷還續

未醺習家池還阻隆中路但看峴首山飛淚寄煙樹

人道襄陽樂古曲 我道襄陽愁襄江流日夜不到海東

頭

舟次老河口寄呈左爵督

茫茫天漢水日夜向東馳山勢連鄖國河流枕屈祠人

趨秦棧遠帆落渚宮遙憶邠州月清光照大旗時問

駐節邠州

浙川 舊是商於地張儀誑楚王只今臘丹水暮靄浙川涼

荆紫關

薄暮赴荆關仰看飛鳥還川猶歸漢上路已指秦山古  
木平沙外巖城萬仞閒千秋三戶恨流水總潺潺

自竹林關赴龍駒寨舟行即事

險絕秦川路崎嶇過太行舟穿山罅走水落石難忙樹  
雜枝猶綠崖高麥未黃可憐團練地戰績已全荒嘉慶開蓋

小西腴山館詩集六

六

方泌為龍駒寨州同曾練鄉兵殺賊同治二年石遂攻龍駒寨而無人能禦之者哀哉

四皓祠關在商州西關外金鷄原

昔下嚴陵瀨今過四皓祠每懷高節日是我遠征時漢  
代空枌杜商山尚紫芝逶迤深谷裏應與白雲期

微雨過秦嶺拜韓文公祠次河大復韻

破曉登秦嶺文公舊有祠空山猿嘯處微雨客來時道  
在窮何病官榮久孰知平生辦香意展拜有餘思

自牧護關赴藍橋

牧護關前宿靄稠藍橋新見水西流可憐亂石巘駘路  
一夜征人盡白頭

藍橋

秦川南折水迢遙秦嶺高高插碧霄一路鷓鴣啼不住  
和風和雨過藍橋

三原

卻出長安道池陽匹馬來眾山遙野合清水抱城迴理  
學久榛莽謂王和御史怒馬少卿理川原徧草萊側聞賢大府辛苦

二渠開劉克菴中丞

乾東鎮早發醴泉縣境

棲鳥尙安宿征輶已展鞍曉風吹峪水殘月下昭陵頻  
歲憂西事何當早中興護羌今校尉戰伐望飛騰

小西腴山館詩集六

七

遊慈恩寺塔俗名小雁塔

舊是隋場邸興唐締造初琳宮荒徑裏孤塔劫灰餘鹿  
苑空精舍寺左為鹿苑精舍龍圖拱帝居武功鐘不見訪古意

遊慈恩寺塔俗名大雁塔

鼓勇試登眺凭虛望漢陂仍環涇渭水無復杜岑詩世  
變餘殘塔苔深沒斷碑惟看門洞側壁刻褚公書塔左有褚書聖

暮雨歸赴藍田縣作

乍向藍田去重來暮雨涼怒聲喧野水昏景蔽頽陽竹

里人何在椒園蹟半荒夜深猶未息誰問朝川莊

次袁筱塢學士贈別原韻二首時學士寓西安兼理左公西征糧臺

街命赴關隴新從奏凱回君以平捻回京旋命將宏充拜西征之命

國績還仗鄧侯才許我為同志逢君舉百杯青門一揮

手愁緒幾時開

灞岸于戈後垂楊百不堪可憐攀折處萬里赴閩南

龍駒寨相傳項王烏騶產此四名載州志

重瞳霸業恨無成空贖龍駒紀寨名千載竹林關下水

關為赴龍駒寨水口至今猶作不平鳴

六月十三夕苦熱夜泊涼水亭浙川境

小西腴山館詩集六 八

萬里丹江棹炎歊苦未休清風山澤闕落日古今愁行

漸月華滿臥聽泉水流勞生緣底事蹤跡一沙鷗

晚泊漢川有懷陝甘爵督左公

嶠漾從西下東流滙沔陽北風瀆口厲落日漢川涼山

勢趨黃鶴邊峰望白狼何當急飛輓好與靖西羌東南協節由鄂城糧臺轉運

遇范鶴生於漢口喜極而作

與君京國論交日一別宣南已十年秦地羽書雲出塞

漢皋新漲水連天莫愁今日容顏改尚有前生翰墨緣

此去名山堪挂席可能重見瘴江邊與訂遊閩之約

將回福建由漢口乘輪船赴上海作

閩嶠孤臣萬里回晴川東下怒濤堆青煙一縷橫江過

白舫千尋破浪來列戍連城間戰伐吳頭楚尾接樓臺

可能臥榻容舒睡橫海軍鋒正賴才

館頭

五虎門前形狀殊館頭山水九州無何當妙手黃筌筆

寫入丹青作畫圖

重至福州

千尺臺江水重懷般若因山川猶故國花鳥亦親人秦

晉兵戈日時左公奏保河東劉中丞奏調陝西乾坤骯髒身鈞臺真可

小西腴山館詩集六 九

託吾欲老垂綸

舟泊上海送周壽珊方伯赴漢

為客江潭歲幾更翻來江上送行旌銷魂暮雨吳娘曲

合合臨歧唱渭城

遇李眉生廉訪上海眉生以詩贈別次韻答之二

首

我方放浪歸鯤島君亦蕭閒寄虎山申浦天教作重九

未應搖落感江關

才調君應七寶床東山絲竹那能忘不堪回首淮南北

辛苦人間百戰場

舟泊烟台亡友巴厚菴別駕之子成月川大令來

見并出所寄厚菴書札見感而有作

瑯琊濱島國過此感難禁驚見故人子如聞海上琴黃  
壚悲已久黑水蹟難尋惟幸餘書札行行見我心

入都四首

十年不踏春明路瞥見觚稜事事哀惆悵木蘭天北極  
鼎湖龍去不重來

嗣主龍興萬象新 兩宮賢聖比宣仁東南底定幽

燕靖須信中朝大有人

自從一別鷓鴣侶擾攘風塵苦未休忽見五雲清切地

小酉映山館詩集六

十一

管臺能否許重遊

金齏玉蠟倚雲邊輦路重經意豁然願得荷花花放日

碧筒盃湧酒如泉

自題宣南話別圖

忍飲離觴去 帝都良宵佳會一時無人聞北里清音

作天補西園雅集圖四海英流歸輦轂十年遊宦老江

湖長安他日重披卷可有高陽舊酒徒

大沽口阻冰不得登舟改由陸路赴烟台途中有

作

朝辭渤海城暮赴大沽行津鼓聽方寂河水結已成煙

迷鰲背影風亂馬蹄聲目斷蜉蝣島艱難返旆征

萊州

驅馬走東萊川原實壯哉岱雲浮嶂起海日抱城來陰  
主何勞問沙壇未足哀惟應念時局一上戍軍臺

舟次甯波追悼葛王鄭三鎮

招寶山前路波斯敢不臣鑿涎虛蜃市鼎沸鬪鮫人萬  
國今通使三忠此喪身我來思敵愾憑弔總傷神

題顧亭林先生詩集後

勝朝吳下一諸生畢世栖栖旅客情高蹈自希龐隱士  
傳經未讓鄭康成昂藏大志期追古憂患餘年尚論兵

小酉映山館詩集六

十二

卽誦詩歌亦奇健猶能吐氣截長鯨

閩海歸裝圖爲余蔭庭題 庚午

琴囊書劍一肩挑於越溪山別路遙最是不堪回首處

螺州芳草雨瀟瀟

移居馬江山船政提調公署

東望羅星塔孤標欲俯攀海舟晨市集漁唱晚潮還樓  
閣陀陀裏煙雲晦靄閒十洲果清宴便擬此中間

寄懷周壽珊甘肅

西征車馬似雲屯未忍憂勞累 至尊劍指天山應  
破膽詩成隴水總消魂豪情徑擬平青海壯士終當入



玉門腸斷陽關三疊後清樽何日得重論

半野軒夜坐

疎星耿碧空涼月延虛榭夜靜不成眠一蟲鳴階下

送別曲

江頭輪舶去如飛目斷征帆淚滿衣但願會長離別短  
載將郎去載郎歸

別上海

黃浦灘頭浪拍船湖心亭畔草如煙池荷颭颭初苞後  
堤柳搖搖欲暮天海色混茫蓬島路客愁牢落酒樽邊  
生涯莫笑風塵老重別龍門又一年

小酉腴山館詩集六

三

津門紀事三首 有序

天主教流行中華為日雖久尙未徧布自成豐  
十年與各外國通商後法國逞其兵力威脅直  
省遍立教堂弁以邪術迷拐男女竟有剜眼剖  
心之事良民伸訴地方官無可如何積憤已深  
同治九年五月二十三日遂有天津民聚眾戕  
殺法領事豐大業及法夷十七人俄夷三人弁  
將津郡教堂學堂仁慈堂一律焚燬法國駐京  
夷酋紛調兵船停泊紫竹林地方藉端恫喝當  
事者欲以求和了局現奉 旨命曾侯相駐津

查辦而國事未定和戰兩歧余適督運閩米至

津目擊時艱憂心如瘳撫時感事情見乎詞

燕趙悲歌地華戎混處場甘人同趙卒一炬付咸陽他  
族慣要挾朝端要主張須知相司馬未便任猖狂

憑仗樓船力揚帆逼直沽夷情工反覆國是漫糲糊橫  
海屠鯨手防軍落雁都紛紛籌策者可解火攻無

世豈無韓岳其如隱忍何川原三輔壯忠義兩河多投  
餌捐金帛丸泥設罽羅願期三島外早日靖鯨波

津門寄內

憶昨發閩海書來莽鬱紆 五月自閩赴津得元  
兒書道內子病狀 知卿困

小酉腴山館詩集六

三

床褥老我走江湖藥可靈山採醫逢國手無巴陵秋草  
路歸夢越津沽

小酉腴山館詩集卷第六 終



小西腴山館詩集卷第七

沅陵 吳大廷 桐雲

今體七十六首

蘇州雜吟五首 辛未

七年前踏閩門路劫後殘灰百感生今日扁舟重過此  
晴絲風絮闌闌城

懷古重來訪虎邱五人遺墓已千秋英靈颯沓今何處  
日暮寒潮空自流

吳王霸業冷斜陽劍水池邊墓草荒金虎玉魚無覓處  
殘碑徒見古真孃

小西腴山館詩集七

吳孃夜半發清謳暮雨瀟瀟水閣頭自別蘇州猶記憶  
香山當日最風流

破楚門東草似茵滄浪亭畔柳絲勻天涯旅客休寥落  
尚有平生兩故人 謂何子貞太史丈  
李眉生廉訪同年

游普陀山四首

普陀名勝擅南天佛頂山前景萬千下視茫茫莽塵海  
何人為證上乘禪 佛頂山寺

前寺前頭水滿池虹橋一道鎮相思依稀玉竦金鰲地  
猶憶薰衣上直時 前寺 雍正時出帑所  
修規模與 禁城相似

後寺傾頹迥異前琳宮梵宇委荒煙晚來鐘磬上方出

猶有清音淡俗緣 後寺

危崖千丈畫冥冥終古寒潮未肯停色卽是空空卽色  
欲從何處覓仙靈 梵音洞 俗傳洞  
中髣髴時見佛像

得范月槎司馬淮安書卽寄

歡會苦難再音書亦易沈十年離別恨一紙故人心袁  
浦洪湖漲吳淞毒暑侵時艱思將略欲爲弔淮陰

送章子亮回沅陵

今日一樽酒明朝返故山絕江挽申浦飛鳥下辰關鄉  
夢漁樵外吾生戰伐閒何當脫塵鞅輕舸共君還

哭龍陽陳少海 景滄 同年二首 有序

小西腴山館詩集七

同治十年四月湖南土匪起事竄陷益陽龍陽  
兩邑少海罵賊不屈子某廩生某監生以救父

同時遇害奉 旨優卹

蠶爾湖湘地狂呼逞亂民可堪賢父子同日報君親目  
已無豺豕名應重嶽辰側聞 哀痛詔 褒卹荷 深

仁

朗水一揮手音塵遂莫攀美爭推曲逆節竟媿常山青  
史編忠孝丹心激懦頑祇餘知己淚飛向洞庭聞

排闥

造化小兒真狡獪東方游戲非拘疏至人了了超生死

俗子紛紛校毀譽同輩漸看成異物謂周壽稱陳少海天涯到處便吾廬但教縱浪無憂喜任作浮萍與散樗

登金山寺

焦山無恙金山燬幾度經過百感生忽觀樓臺新結構公然世宙際清平嚴關仍扼南徐鎮遠水斜趨北固城回首斬王埋伏處寒潮猶作不平鳴寺有韓斬王祠

詠延平王朱成功有敘

曩閱海防諸書臺灣志每稱鄭成功為鄭逆及閱小腆紀年南疆釋史成功受隆武知遇賜國姓其父芝龍降泣諫弗聽乃遁跡海濱謀興復

小酉腴山館詩集七

三

其父迭次諭降不從永明王入緬猶通表厥後立國東瀛仍明正朔我 仁皇帝稱成功為明室遺臣大哉王言可以為萬古人臣教忠之勸矣而秉筆者猶以逆書豈不悖哉後有脩史者其亟刪正焉可也

隆武已薨永明虜樓船百戰幾曾聞聲名嶺海漳潮外氣概孫郎伯仲間兼伯符仲謀之長身死猶存明正朔節堅何異宋厓山遺臣 天語分明在穢筆從今要盡刪

校定馬莪園總戎詩稿書後

仲宣于役憂思積杜老哀時涕淚多尙幸少年經百戰

歸來雙鬢未曾歸

自龍華寺外閱操衣歸

曾是嬉春處重經霽夕霏地荒星月淡村小樹林稀近浦見燈火回頭憶鼓鼙時艱崇武畧邊借露沾衣

送馬莪園總戎歸桐城時託訪先輩遺集

英風颯颯許重拳一夜鄉心鼓棹違鷁首離卮黃歇浦馬頭殘雪皖公山桐鄉可許搜文獻末俗終當激懦頑旦晚解裝慰飢渴遲君三泖五湖閒

壬申元旦感懷壬申

桃符又換一年新省視昂藏七尺身可許功名懸白日

小酉腴山館詩集七

四

不成歲月再青春海南名狂知楊僕河內人猶望寇恂自笑去從俱失策韶光虛擲滬江濱

除夕易笏山觀察來訪賦贈二首

自別京華十二春天教重聚滬江濱正憐海內知交少況值天涯獻歲新柏葉椒花除夕酒鸞肩火色百年身引杯看劍無窮恨猶有高歌動鬼神

君歷戎行人苦辛如余飄泊亦風塵滔滔時局方無極鼎鼎勳名要有人庾信幽愁終結轡元龍豪氣尙嶙峋澄清快慰平生志旦晚湘西好卜鄰

普陀雜吟四首

紫竹林

空聞紫竹林但見紫竹石石上紫竹紋或恐是仙迹

磐陀石

相傳大士說法處  
遊人多題名其上

聞是傳經處磐陀石尚存本來空色相斤斧莫留痕

後寺梅

寺前後白梅數  
株皆數百年物

千歲常依佛孤根只護苔一生清白意先向早春開

珠寶佛

仁願時以內府珠寶觀音大  
士像送普陀後寺住持僧性統供養

清淨千峰閣華嚴七寶裝珠光猶的的膜拜頌君王

將出游遣悶而益梅盛開因載之登舟詩以紀之

二首

小西腴山館詩集七

五

一年憔悴一年愁春風閉小樓忽覩盆梅動清興

滿船今日載花游

採花蜂到記前朝紅白參差分外嬌願得花開莫花謝

孤舟煙雨總魂銷

自瓜洲赴揚州

瓜洲江畔早潮平揚子津頭風日晴安得煙花留客住

平山堂上待清明

梅花嶺拜史閣部墓二首

夢想懷忠正今來過墓嗟遊人薦蘋藻知己但梅花魂

返新亭館心傷舊國家不堪憑弔恨飄泊正天涯時間曾候

耗四

前世文丞相同心謝疊山寸心扶歷劫一世備諸艱拮

据羣姦裏崎嶇四鎮閒空餘滿腔血長共碧梅斑

自海甯赴杭州途中作

海甯東去水波寒縱棹菰蘆洗眼看一路青山青不斷

扁舟不覺是臨安

西湖雜吟五首

蘇小墳

天憐絕代姿千古一奇遇生依西子湖死傍岳王墓

岳王墓

小西腴山館詩集七

六

埋骨棲霞山遺恨黃龍府岳王有孤墳趙家無寸土

飛來峰

僧言天外峰飛來不知處分明鷺嶺來世人昧其故

一線天

路苔春彌滋巖瀑暑猶波中間一線天隱隱見仙佛

冷泉亭

鷺嶺有冷泉巍然翼亭子呼取熱中人相與證斯旨

張智三大令招遊南湖煙雨樓二首

兩片風絲澹似秋野夫乘興一來游湖山雄遠曾杭郡

水木清華自秀州清淺波紋鷺出浴微茫煙霧客登樓

何當筇笠青囊裏八詠亭前繫釣舟

翠華昔日此經過臨幸皆有詩游石劫後豐碑蹟不磨

奎藻星辰千載麗春江煙雨晚來多桃花柳葉梅村曲

蟹舍漁莊竹垞歌敘舊更兼懷古意舉杯未覺醉顏酡

秦淮絕句四首

秦淮河畔畫船停桃葉渡頭汀草青不道繁華銷歇後

落梅猶向笛中聽

何處樓臺是六朝零垣斷甃總魂銷聽殘暮雨瀟瀟曲

我自傷心過板橋

秦樓楚館委荒煙韻事誰傳燕子箋惟有鍾山青似昔

小酉腴山館詩集七

七

聞歌猶落酒杯前

竹枝絕妙王郎句燈舫驚傳杜老歌回首當年繁盛日

青衫鬢客淚痕多

東亭二首有序

壬申仲夏余於滬寓迤東建一小亭以滌煩而

卻暑未一月落成取東坡行香子小詞之意顏

曰東亭紀之以詩

東望指蓬瀛新亭正落成海風申浦厲暑雨柳湖平不

斷飄檣影時聞欸乃聲此閒堪嘯詠休用嘆浮生

四面清風會中宵夜月明龍華孤塔影虹口晚潮聲結

構未嫌隘登臨足暢情他年紀名勝留待後人評

苦雨東劉芝田觀察

鞞客正悲秋霖霖未肯休詩書燒燭短風雨閉門愁肝

膽餘孤劍乾坤老一邱何當共原父沈醉看吳鉤

自甬上江東岸乘舟赴小白河途中作

甬上泛孤艇風光信美哉青山當檻立綠水抱橋迴紅

葉點林莽黃雲映酒杯時晚稻未收此閒堪卜築徑擬挈家

來

贈陳禹門同年政鑰

廿載齊年友曾將短札裁曾有書通問而未獲一見相逢今一笑那

小酉腴山館詩集七

八

惜醉千回好客青樽滿聞歌白髮催君喜聽曲每招飲必以曲侑酒卽

看 宣室召莫負救時才

夜泊銅沙

銅沙渚外怒濤侵一夕煙波此處深燒燭觀書憑反側

吾生浮海任升沈欲銘碣石雲雷闕思託名山歲月駸

便擬長辭蓬島去成連終日聽鳴琴

寄內二首

聞汝向人說垂危苦憶余閒關千里外契闊卅年餘幸

未填溝壑猶當訊起居洞庭春水漲臨發莫躊躇

汝少卽依我追隨肯暫離忽成三歲別未負百年期眠

食須珍重兒孫好護持勉留襄內政會有月圓時

悼亡四首 癸酉

汝竟不能待飄然入夜臺去臘寄內詩有今春歸視之語可憐纏痲疾

從此脫塵埃夢返江濤惡魂來海嘯哀傷心疎一訣地

下恨難裁

與汝為夫婦恩恩卅五年懽期能有幾離緒總無邊此

別遽終古埋憂到九泉何時一樽酒和淚滴新阡

頗憶辭家日宵深風雨哀汝猶扶病起我已命船開已

正月自閩歸里妻已病困二月夜半風雨登舟赴秦妻猶強起相送南望或重見東流竟

不回它年歸故里總帳定塵埋

小酉映山館詩集七 九

汝最憐兒女拋離恐未安雖然皆長大都不識艱難况

我漸衰老追思益楚酸素琴應在挂孤調那堪彈

清明至蘇州作

東皇刻意作清明桃柳芳菲畫不成一路風帆收未得

淡雲斜日衛王城

贈李眉生廉訪同年二首

錦里家何在淒涼客路中寒煙言子宅斜日闔閭宮骨

月情猶昨升沈道不窮莫言俱老大意氣尙能雄

愁絕峨眉客天才世一空蠶叢迷故國鶴欄狎春風仙

吏藏吳市鄉心過蜀宮去留須早計吾輩豈蒿蓬

借梁梅村五湖散人遊古雪菴次彭雪琴宮保韻

莫釐峯下暫勾留古雪菴前景物幽東嶗林巖雲外寺

北湖風月水邊樓鄉賢曾此停游展雪老詩係次安化

鄉先我輩重來豁醉眸他日煙波容泛宅具區還擬釣

槎頭

贈彭雪琴少司馬

衡山靈秀挺人豪百戰書生擁節旄半壁東南歸保障

大江吳楚靖波濤魯連逃賞風猶昨李泌還山節並高

三絕尙留餘事在不徒勳業亞蕭曹

游芳園

小酉映山館詩集七 十

郊外訪秋色馳驅馬足忙徑圍青草闊風過白芙涼矮

樹低成蓋叢柯密作牆西人喜行樂吾亦暫相羊

次湘陰張笠臣見贈原韻卽送之歸湖南二首笠臣

本浙江儘先補用道以辦援黔營務未赴

年來鄰燭荷分光又喜申江得舉旣門第從來推玉筍

才名卽見縮銀章沅湘南服今綏靖風月西泠要主張

忽憶故人去天末好憑長笛奏伊涼格靖伯君同邑人

侍卽堅臥亦云人郭筠仙中丞亦君同邑人盛世豈宜箕穎高天

下謀謨多肉食古來譽毀但皮毛黃沙成畔朝披策青

草湖邊夜聽濤寄語比肩投袂起彤廷早已注丹豪

九月廿五日借李與吾軍門登采石磯尋太白酒樓遺址

謫仙歸去已千載青山萬古悠悠偶登采石惟殘碣  
非復騷人舊酒樓醉膽狂騎滄海月詩魂吟冷楚江秋  
古人不見雅音歇使我茫茫百感愁

輓湘鄉劉霞仙中丞二首 有序

中丞與余從未謀面曾兩書寄李勇毅公邀余  
入蜀又與胡霽林少宰黃子壽太史每論並世  
人材必及鄙人古稱神交殆不是過今中丞薨  
矣生前既缺書問身後又不獲經紀其喪余其

小酉腴山館詩集七 七

何以爲情第二章頸聯紀實亦自咎也

自別函關路經年閉戶餘豈忘天下事時讀古人書吾  
道賴撐拄蒼生訊起居騎箕何太速搔首重踟躕  
范鐸同高隱安陽並幹材空聞善夫死不見子衡來秦  
蜀留遺愛湖湘失此才料應歌楚些山鬼有餘哀

輓巴陵吳南屏廣文二首 有序

南叟自稱梓湖老人正月杪曾有書見寄尙未  
作會適張笠臣書來叟忽於八月八日歿於長  
沙志局追念老成典型殆盡詩以哀之

海內論耆宿吾宗鬱重名文章歸太僕經學鄭康成古

誼留今日前賢法後生愁遺天忍不南望涕縱橫  
猶記春江暖昭潭有寄書遺文應未失後死竟何如羅  
水助哀怨梓湖冷釣漁他年理歸棹南浦莽愁余

輓監利王子壽比部

當代論詞伯螺山句獨工悲吟天寶後宗派杜陵翁遺  
老荆衡盡比部與梓湖交狂歌天地空試將書札檢慚負  
意何窮每寄書必附以詩期許過望

二月廿八日馮君竹儒邀余同劉庸齋中允沈仲  
復劉芝田兩方伯赴龍華看桃花飲於火藥局  
歸塗有作 甲戌

小酉腴山館詩集七 七

龍華高會豔陽天修禊行看百卉妍一路桃花千澗水  
風流不讓永和年

自滬上坐輪船赴閩 時應閩督之召

滬上一爲別炎荒波浪高指揮走雷電談笑失風濤海  
客休相詫書生若箇豪何當驅巨鱷八表恣游翱

至福州船政署

飛舸東來訪故居提調吳惟允爲設行館於故居秋風還爲弔無諸重  
逢不乏心知者謂李子和制府林穎叔方伯一別眞成腹痛餘謂周受山  
韓旭九子峯巒猶似昔全臺消息近何如那堪門外驪  
駒唱剛是依依話舊初

九日登丹鳳樓 時客上海五載

青龍鎮外寒煙暝丹鳳城南秋氣涼永日愁中經五載  
百年客裏又重陽人閒萬事不稱意天上雙丸爲底忙  
安得白衣來送酒陶然一醉樂羲皇

題符子琴芋園清讌圖

芋園當日記曾游彈指年華廿四秋久恨朋儕虛雅集  
謂揚小園 猶畱池館結名流天涯逢子開青眼歲月無  
李雲衣 情換黑頭何日對床聽雨側 對床聽雨芋園 扁舟容我  
狎沙鷗

送韓子和嵯尹歸沅陵

小西腴山館詩集七

三

與君幾日得周旋 君自閩來 又遣分飛各一天萬里關  
申未一月 山淹旅客大江風雪逼殘年春申浦上新懽少屈子祠  
邊別恨綿一事不堪共回首鷓鴣原畔叫愁鷗 謂君兄

守歲

辭年守歲鬧兒童衰朽曹騰一枕中忽訝鷄鳴窗紙白  
不知容易又春風

小西腴山館詩集卷第七 終

小西腴山館詩集卷第八

沅陵 吳大廷 桐雲

今體九十五首

元旦用遺山韻 乙亥

五十未全老 用歲 衰顏倏又新敢忘平日志慚對少年

人 嗣服當繩

武親仁並善鄰車書大一統

薄海莫揚塵

春夜浮海赴普陀

老夫乘興欲遊東縹緲仙源有路通春夜星辰微澗漾  
佛天雲水自空濛人疑碧落虛無裏船在青山俯仰中

小西腴山館詩集八

一

一笑廳輪歸鳥疾敢將遊戲等飛鴻

早春偕陳秋谷修伯香兩茂才遊普陀樹法雨寺

禪房時天將雨

蕭疏山後寺黯淡佛前檠微辨風雲色不聞雞犬聲蓮

花僧誦偈貝葉客談經恨乏坡公帶山門鎮未成 黃山谷

屏山及贈周道輔兩詩皆庚通青

次修伯香留別普陀韻

欲行且去莫淹留溟渤期君汗漫遊到耳風濤同戰馬  
放懷天地一虛舟悟來莊子逍遙意洗盡虞卿骯髒愁  
遮莫雲山回首望歸心已過海東頭



宿法雨寺禪房次伯香韻

寺古山深夜不扇一燈常照佛龕青微言欲闡陀羅咒

時閱禪門日誦大字為書遺教經僧取求書樹影擎雲留鳥宿潮聲

挾雨喚僧聽化城此日真忘返塵思都教付窈冥

次曾紫垣冒雨遊龍華寺韻

樹遠含輕霧橋長接斷原龍華雲裏寺雁塔水邊村好

和新詩句重尋舊酒痕余不時赴寺訪馬義園會飲莫言春晝永風

雨已黃昏

二月同曾仰塔刺史兒子文元遊元墓看梅憩聖

恩寺還元閣次宋牧仲韻六首

小西腴山館詩集八 二

古寺矗西南微陽一角含梅香千頃雪松影萬重嵐堂

好四宜訪四宜堂在還元閣後泉難七寶探七寶泉久湮有田歸未得

猿鶴替人慚

一雨忽飛灑僧樓日已沈名山自今古遺墨感人琴懸閣

沈歸愚莊滋圃詩經卷尙應在寺有藏經閣巖巒如許深茲

游真勝絕何處着塵心

宸游曾到此皆嘗臨幸此寺純廟 奎藻壯

山河竹樹沿巖種梅花佔地多耕叱飽魚菽啼鳥雜絃

歌爭說吾家好香雪海在吾家山明朝杖策過

芒屨穿雲過飄飄隧道香董尋陽墓在寺右里許好游同謝客妙

語愧君房閣圯延山色天然圖畫閣已廢林稀漏日光何當泛

笠澤千里任汪洋

玄墓南頭望高低遠近花假山真磊落玄墓後有奇石俗謂之真假山

老樹總杈柯水月看疑待松風靜不譁月四字石刻

御筆仁廟 軍持誰插取朝夕對寒葩

我來香雪海爽氣出林閒美景消凡豔穹碑鎮百蠻香雪海嶺上有純廟御碑

集題詩且破顏

三月偕劉芝田趙梓芳洪琴西段小湖諸君遊半

山寺謝公墩觀銅管作

小西腴山館詩集八 三

半山寺傍謝公墩晉宋風流百代存淝水成功緣計定

鍾山歸老亦君恩皇陵廢殿空遺址銅管通潮尙有痕

何事苦爭名勝地大家立馬弔黃昏

燕子磯阻風二日次王漁洋詩韻

東風三月何狂甚兩日停輪燕子磯遠望並無船下水

長空徒見鳥高飛連山噴雪幾曾斷官舫銀燈幸可依

好在天涯俱是客白門柳色愴忘歸

苦雨柬劉芝田

自從梅雨困潮濕累月愁聞點滴聲安得故人提榼至

登高把酒返新晴



苦雨有感

樓外天光墨橋邊浦水渾龜從泥裏曳蟻向垓中翻坐  
廢農田業徒留屋漏痕廣川繁露學祈禱豈無門

聞順天大旱二麥已枯復得此詩

陰陽一愆伏水旱便多憂江左秧難插燕南麥未收直北  
收甚歉天心殊未測人事要先謀袞袞諸臺省如何味  
簞籌

後寺方丈立山和尚知余將到普陀掉舟來迎作  
此示之

年來癖性與僧親海上遊山未厭頻聽我自來還自去

小西腴山館詩集八

四

叮嚀為謝送迎人

自磐陀寺下山過大佛頭入觀音洞觀蓮花洋風

景幽奇為前遊所未有作詩二首

萬山重疊海迴環林木陰森插翠鬢信是仙靈真窟宅

茫茫何處問人間

一望蓮洋指願閒懸崖峭壁隱禪關葛洪丹竈梅仙井

可許騎鯨夜半還

遊法華洞諸勝

攀林踴閣恣幽探巖壑嵌空碧筍簃奚止洞天三十六  
鳥飛不到有精藍

吳淞舟中看月

樓船橫海鎮中流溽暑炎威入夜收皓色半奩雲掩映  
晶光一道水沈浮蛟龍熟睡千潭靜草木銷聲萬象幽  
試問此時方寸地大千何處點塵留

贈楊厚庵宮保

時奉命巡閱長江水師兼勘吳淞礮臺來滬

與君一別皖公山十載音塵杳莫攀朝闕遠從辰極  
至思家同在酉溪閒羊公裘帶高諸將漢世樓船鎮百  
蠻料得西人應破膽邊門無事不須關

重九卽事三首

危樓一角矗東南丹鳳昂霄瑞氣含海舶周遭憑遠覽

小西腴山館詩集八

五

雲梯深邃耐幽探登高恰好逢重九知己無多只二三

旦晚烽煙消要淨時中英因滇案幾至失和未須搖落感江潭借友登樓丹鳳

點春堂外舞筵開猶記前年賭酒來去年借同人宴蔣湘泉王補帆雨中

此丞於只道雅觀宜樹石豈期異境現樓臺游外園多次未登山

滿城煙火添詩料曲逕巖巒踏破苔徑合攜家移此住

劉安雞犬亦仙哉借友人登豫園石山

着屐人生能幾兩得逢佳節便開筵菓蔬入饌皆精美

琴榻留賓亦靜便竟把黃金擲虛牝何須白晝羨登仙

停盃輟筯一長嘯蕭瑟三秋九月天同劉芝田借張雲溪宅宴馮竹儒諸

君

題陳容齋所藏曾文正公遺像暨真書冊子

曾上勝碁樓前朝古蹟留遺容俄在眼羈客不勝愁老  
 淚如泉湧韶光付水流那堪重觀比慟哭到西州三月  
 同劉君芝田游莫愁湖登勝碁樓忽覩文正師遺像悲  
 從中來淚潄潄不能忍悲公耶抑自悲耶不能辨也  
 公豈因書重零縑世所珍干戈尙揮灑公此書在周  
 帶自天人我亦藏遺墨壬戌公爲余撰陳言務去法昌  
 字庚申又爲余撰宏規欲控九州外精不妄希司馬公十六  
 語真探兩宋前十四字皆書楹聯相贈誰堪證夙因還  
 君三太息靈爽若爲親

次焦山定慧寺芥航方丈退院詩韻

小酉腴山館詩集八

六

早歲焦仙結勝因俄思兜率去朝眞吟詩作畫皆陳迹  
 芥公能火盡薪傳幸有人芥航授法於弟撤手游行三  
 詩畫界外回頭自在百年身何當斷梗飄蓬客他日從公一  
 問津

除夕寄王姬辰州有序

姬事余二十年同治十年二月由滬回里攝內  
 政十三年夏四月率子婦輩來滬祝余五月初  
 度光緒元年四月仍率子婦輩回籍瞬息歲除  
 姬不能忘情於余余亦不能忘情於姬也情無  
 所寄因見乎詞

人道思鄉苦余傷望遠情別憐今歲又燈似去年明門  
 掩寒雲色魂驚爆竹聲對人羞飲泣寂寞守殘更

將游蘇門先柬眉生廉訪同年

天空浩浩走鸞輪又道桃符已換新小別尙思叢桂晚  
 去秋八月尙清游須趁早梅春談心每到忘形處炙手  
 嗆他附熱人一事報君煩記取竹鑪茶竈好鋪陳

八日乘輪船出吳淞口次修伯薌感懷原韻

過盡將寒未暖天正逢人日樂陶然屏風花綵疑含雨  
 晝日樓船欲破煙祕監得君思往事武鄉遺陣至今綿  
 懷新念舊無窮意願趁東風早著鞭

小酉腴山館詩集八

七

正月十四夜月

果然明日是元宵海上歌燈破寂寥夜靜不知寒徹骨  
 貪看月色過倉橋

春夜泛舟赴金陵

日夜鸞輪急春江數客程草瓜步路雲黯石頭城六  
 代前塵盡繁華百感生都將家國恨付與棹歌聲

大雨自瓜洲乘舟東下作

萬里長江路孤篷趁暮潮一天苦風雨兩點失金焦桃  
 柳經春寂魚龍近海驕可能攜斗酒呼月出林梢

題胡鐵梅小照

人羨丹青絕妙姿翩翩風度少年時會心別有酸鹹在  
韓柳文章李杜詩

寒食由甬江赴山陰舟中作二首

客中寒食放舟行郊野無人喚賣餠惟有孤篷聽歷歷  
斜風細浪晚潮生

東風吹我鬢絲絲客裏難忘節候移好是浙東清絕地  
青山流水放翁詩

前詩意有未盡再賦七律一首

爲愛探奇入剡中蒲帆十幅趁輕風青鞵布襪時時具  
綠樹黃花處處同時菜花到眼雲山千粉本側身天地

小西腴山館詩集八

八

一孤篷魯墟項里遊將徧好賦新詩紀雪鴻  
夜過王陽明先生故里

姚江一道月分明薄靄疎星水抱城步武今纔過故里  
心香我欲拜先生孤身虎穴危如縵九死龍場道乃成  
仰止高山殊未已笑他譏議到勳名

漢高士嚴子陵故里碑在陽明碑左

龍泉山對富春山老子披裘去未還天子已歸塵土裏  
客星猶在水雲間一生事業供漁釣百代風徽激懦頑  
卻憶桐廬江上路巖巒何日得重攀自乙丑正月登富春釣臺距今十二年

矣年

東友

聲名官職俱無分鐘鼎山林兩不宜一事報君應羨我  
山川佳處必留詩

古蘭亭

平生夢想未忘處去秋欲游蘭亭未果卻到蘭亭感慨生勝蹟無  
多還歷劫古人不朽在高名崇山峻嶺猶陳迹墨沼鵝  
池非昔情稍喜松篁知客意因風吹送管絃聲蘭亭不始於右軍而以墨池鵝池繫之蘭亭未免杜撰

若耶溪戲占

鏡湖湖水碧粼粼鏡湖湖裏谿景新三十六溪猶似昨

小西腴山館詩集八

九

溪邊少箇浣紗人

禹陵

稽山極目聳峻嶒萬壑流泉護禹陵五嶽英靈羣辟至  
千秋明德百王憑亭園空石蹤猶在龍化梅梁得未曾  
舊是 鑿輿修謁地雲初切莫廢嘗烝守陵戶皆姓氏之後

戲占

天與清閒福人嗟運數奇箇中消息意惟有白雲知余戊辰冬乞假庚午奏調來江南沈滯八年人皆爲余惜之然使幸而柄用東南佳山水未必能如此暢遊也

夜泊呂口時赴常熟迎沈制府廿里齊門路溪行正送春昨日夏立雲低難辨樹月白解依

人胥口通前驛虞山訪去津六年曾泊此辛苦向誰陳  
同治十年迎請曾文正公亦泊舟於此

登虞山

虞山百尺聳孤標鎖鑰勾吳障海潮大地山川風習習  
先賢祠墓草蕭蕭簪纓華胄猶如故文采風流已寂寥  
物換星移嗟屢易不堪遺事問前朝

虞仲墓

誰變勾吳俗孤墳拜仲雍至今思採藥無處問留蹤江  
海藏遺魄邪岐憶舊封友恭兄弟意芬苾有餘悰

子游墓

小酉腴山館詩集八

十一

我愛言夫子高風杳莫攀南來衍洙泗北學化荆蠻文

物盛今日衣冠託故山荆川那堪並妄論要從刪王遵巖序

唐荆川文謂吳中文學之盛前有子游後有荆川未免標榜太過

吳淞演武樓口占感懷四首

感事來登海上樓戕戕戈艦鎮中流指揮若定風濤失

驅鯨屠鯨望上游

春申潮汐接吳淞憑眺高樓第一重安得中流存砥柱

海西蛟蜃早消烽

鵝鶴千羣拜下風旌旗掩映海霞紅何年上柱新籌筆

四大瀛洲指掌中

南瞻上海北崇明形勝天然鑄得成誰是斬蛟好身手  
天吳戢影共渝平

送同邑修伯薌茂才自上海回長沙秋試二首

吾邑論才俊清詞獨子工聲名申浦上吟嘯泖湖中金  
井梧桐落十八日銀蟾桂樹濃此番攀折處知到廣寒宮

宮

落日黃陵廟秋風屈子祠扁舟隨處泊幽意有誰知石  
介重聯襪石鶴泉選士為君外兄至契孫登共賞奇君與同里孫星垣茂才偕行

倉橋寄室雜詠四首

小酉腴山館詩集八

十一

新竹

曾在南榮下新栽竹數竿拂窗姿天矯權當籜龍看

小港

莫笑鄰園闔衡門傍水開鳴榔聲不斷知是夜潮來

靜院

院靜涼如水雲輕薄似羅卧看秋月色路遠欲如何

小樓

牆角倚微流春秋一小樓開窗向東望林木滿橋頭

秋日書齋遣懷時溽暑甚聯

閉閣屏塵事閒中歲月長竹簾陰淡日籐榻細延涼香

茗消清晝輕颺引曲廊蕭疎吾意足無復羨軒裳

九日偕蔡夢九萬劍門梁寵亭孫子明萃秀堂登

高酒後有作

天高風急鴈來秋九日登臨氣尚道此地爭誇山石好

去年猶有雪鴻留去年九日惜秋谷亞甫伯酒龍詩虎

知無敵蔡萬二人皆喜作古往今來總是浮同作天涯

游宦客持螯一破旅人愁

秣陵

七年無數秣陵來贏得閒身亦快哉半世功名江上水

六朝金粉草閒苔但聞徵召多賢峻幾見英雄起草萊

小西腴山館詩集八

七

試上蔣山頻極目愁雲黯黯總難開

丙寅春皖江胡大令惟寅爲余繪福建離署扁額

茶半香初橫幅寫景絕佳皆是實境余去任十

年大令歿亦數月矣滬上偶披畫軸感不去懷

得小詩二章

茶半香初認故吾年光如水重嗟吁雪泥鴻爪無尋處

日向西風對畫圖

一琴一鶴伴清娛秋雨梧桐翠竹俱鶴化人亡成往事

空餘遺墨落江湖

馮展雲閣學自福建督學回京道經滬濱流連旬

餘卽送之北上二首

海上波濤惡君今破浪來百年耆舊盡十日笑顏開日

下芳塵接江邊臘鼓催歸途梅正放香雪伴吟杯

曩讀君篇什猶存杜老風法書追大令畫筆壓關種同

輩貞元少 天家 倚昇隆好將民疾苦且晚達

宸聰

臘八日初度作

人世光陰電火馳回頭又是佛生時臘八日爲彌勒

華視草磨驢久淮海橫戈下馬遲江左長同流寓客聞

南空有去思碑前塵默數真堪笑便到百年亦可知

小西腴山館詩集八

七

臘月望日甬上大雪貝鐵生總戎招同劉蘊山廣

文飲酒聽曲有作

一片甬東土紛紛雪作花但聞歌子夜何處問盧家頗

解箏琵琶不知風雨加青衫無用濕落拓久天涯

雪後自甬上冒雨乘輪舟返滬作

招寶山前雪未消七星泉外雨蕭蕭豪情徑欲乘槎去

駕海鞭霆策六鰲

穀日就醫孟河道中雜感五首 丁丑

孟嘉山下路迢迢短草平蕪太寂寥春景仗誰爲點綴

紙鳶風緊嘆重霄

邊城日夕怒濤撞南枕，  
里陵北大江，  
偃伯靈臺今已久。  
那庸國士謝無雙。

求方問藥遠來多，  
傳說天醫照孟河。  
可是長房留嫡派，

白頭老子尚婆娑。  
醫士費伯雄年已七十八

馬生技術亦名揚，  
頗擅千金并辦方。  
莫笑劉蕡為風漢，

也煩調劑為親嘗。  
余以兩腿風溼復求馬佩之診治

春風簸簸滿沙汀，  
穉柳文桃破未曾好。  
是天晴宜放棹，

扁舟沽酒過延陵。

題顧西梅李白舉盃邀月圖

未許談名利，  
高風緬謫仙。  
忽從天寶後，  
偶遇畫圖前。  
絳

小酉腴山館詩集八

一四

酒紅闌外秋煙暮，  
月天虎頭家法在。  
妙墨總流傳

哭葉介唐觀察二首

皖水一為別，  
而今十五年。  
同治元年君別余安慶寓舍  
浮生雖是夢，

再見竟無緣。  
君有書欲至申江一晤  
秋菊英同落，  
君卒於九月春宵慘

不眠。  
余聞計在申江三月何時兩行淚相送到重泉

曾把清端比，  
封章達紫宸。  
胡文忠以君知潛山縣  
一官終未達，  
僅署皖南道數月  
遠志竟難伸。  
泡幻前生事，  
艱難

後死人何年返，  
湘水為弔楚靈均。

上已邀同人展禊各以詩見贈賦此奉答

酒星偏照滬江明，  
春夜沈沈短燭橫。  
客盡應劉原勝會，

交深嵇呂總多情，  
中朝士自甘貧賤。  
東國人猶識姓名。  
日本竹添漸卿與諸君以詩唱和  
寄語諸君齊努力，  
古來傳世匪公卿。

題竹添漸卿棧雲峽雨日記

杜陵詩到夔州老，  
秦蜀漁洋紀驛程。  
同付東瀛高士筆，

摩挲老眼認分明。

希贊臣將軍自杭州調荊州人，  
都 陛見道出滬

上先辱過訪賦此奉贈兼以送別。  
將軍為花文定師翁子

壯歲胸羅百萬兵，  
早持旄節典專城。  
西湖未必忘風月，

南郢爭誇識父兄。  
公先以荊州都統陞杭州將軍  
家本鎬豐推閥閱，  
人

小酉腴山館詩集八

五

從衰鄂仰動名，  
龍光指日覘三接。  
會見仙班冠

月艸

與公別已二年餘，  
忽枉旌旗過敝廬。  
儒將風流真不易，

英年才調有誰如。  
琴心劍膽傳家久，  
德侯以一劍平定三省著奇功先文定師詩畫之

離恨莽愁余。  
外兼善撫琴  
緩帶輕裘竝世無，  
最怕申江一輪月照人

海上贈萬劍盟

萬生辛苦好吟詩，  
如此清才眾未知。  
古淡有心希白傳，

蕭疎無意類東癡。  
六齋駕海君曾伴，  
五馬分符盼有時

男子正宜為世用，  
莫將歲月付嫖嬉。

送竹添漸卿歸日本

浮海看君去道然吾道東補天肝膽赤浴日海波紅中  
土游蹤半高儒志趣同與蘇滬諸名疏談詩論學極相得都將欣賞意

收拾入詩筒

送曾毅勇侯劄剛自上海航海赴京

石城一別七經年喜接芳塵歇浦前令子璠璣原國器  
先師宰木已新阡多君頗擅西來法此去重瞻北極天  
舊德新恩知不忝那誇博望有張騫劄剛精於西學必膺使臣之選

五泊煙臺

老作犀軍長瑯琊五度來三山終滅沒石刻總莓苔海

小酉腴山館詩集八

六

鳥占風去神魚鼓浪回田橫今不作懷古有餘哀

偶吟

心閒無一事高卧羲皇前儻與成連遇泠泠識古絃

自津門乘舟赴通州二首

津沽秋水落寒潭水驛鷗程取次探莫道官隄少風景

青山一髮似江南

臨流未礙艇解盪槳剛逢船趁風此去潞河三百里

夢魂先到五雲東

通州

秋深草木凋宮闕望岩巖杭稻通吳楚關河控薊遼

有心依日下何術憚天驕切盼安攘略琛航萬國朝

潞河舟中寄家書作

一別吳淞後通波達直沽閨情知不減病骨未全蘇錦  
字遲遲到征輪緩緩扶白頭休苦念歸夢已江湖

都門中秋遇雨

帝城雙闕望巖巖客裏良辰思若何時雨忽從天外至  
清秋偏在病中過蒼穹有意憐離別好月無緣縱詠歌  
料得閨中具瓜果捲簾凝睇盼銀河

重九

場來每值重陽節除卻風風雨雨天必有朋游共登眺

小酉腴山館詩集八

七

亦曾鴈詠互流連都中邂逅逢今日病裏風情減去年

滿徑黃花一樽酒何時補醉黑窰前

旅夜

藥爐茗碗足生涯寒夜孤燈客思加未必簞瓢無樂處  
如何憔悴到京華

小酉腴山館詩集卷第八 終



# 小酉腴山館文集

光緒五年  
季秋之月  
興化劉熙載署檢

## 小酉腴山館文集目錄

沅陵 吳大廷 桐雲

卷一 論 讀史

通蔽上

通蔽下

恥論

辨姦論

才論

讀田敬仲完世家

讀平原君傳

### 小酉腴山館文集目錄

一

讀張耳陳餘列傳

讀前漢書循吏傳

讀郭崇韜傳

讀元行欽傳

讀五代史宦者傳

卷二 序

王少司馬奏議序

范月槎詩集序

范紫雲遺稿序

何龍臣太僕詩集序

輯錄陳白沙先生詩集後序

馮魯川詩集序

鐵笛山莊詩鈔序

儀衛軒文集序

鐵瓶詩鈔序

遜學齋文集序

泰雲堂集序

章六峯詩序

卷三 序

孝經古今文輯註自序

小西腴山館文集目錄

二

讀易隨筆自序

讀書隨筆自序

福建票鹽志略序

方望溪先生朱子詩義補正序

陳堯農先生詩序

介亭文集序

林文忠公政書序

友石山房詩鈔序

卷四 跋 書後

跋孫夏峯仇雪廬孝子傳後

徐清惠書于清端羅城與友人書跋尾

卞頌臣中丞我園話別圖卷子跋尾

張太常遺墨跋

刪刻林阜閒集跋

魏子亨閩山游草跋

邵位西遺文跋

書太史公報任少卿書後

書韓昌黎上祠部陸員外書後

書馮氏校乘李文公集後

重乘中庸衍義書後

小西腴山館文集目錄

三

書鄭少谷集後

書邵長蘅閣典史傳後

劉海峯難言書後

書山木居士集後

選錄嚴樂園文鈔書後

胡文忠公行狀書後

書陳頌南王母陳孺人傳後

書拙修集後

書管彤謨美後

卷五 書

答胡宮保書

與黃翔雲郎中書

與王少鶴太常書

復李恕皆太守書

與吳仲宣制軍書

卷六 贈序 壽序

贈 盛京協領成奎元序

贈易劬山序

送涂朗軒按察湖南序

徐中丞七十壽序代

小西廂山館文集目錄 四

英香巖制軍七十壽序

曾相國六十壽序

左宮保六十壽序

誥封太淑人李母劉太淑人八十壽序

誥封夫人周母許太夫人六十晉五壽序代

誥封夫人周母任太夫人七十壽序代

范母余太宜人七十壽序

楊母元太恭人五十壽序

卷七 傳

張太常家傳

彭勉吾傳

羅光詒光詔傳

封資政大夫敬庵王公家傳

馮福基傳

贈道銜安徽卽補同知直隸州知州定遠縣知縣

周君家傳

江夏訓導黃靜庵先生傳

陳孝子傳

包立身傳

署詔安縣知縣湯君傳

小西廂山館文集目錄 五

晉封資政大夫前署直隸清河道保定府知府周

君家傳

了禪上人傳

卷八 傳 行略 記事

夏貞女傳

易烈婦傳

談孺人傳

徐安人家傳

王節母傳

汪節母傳

張貞女傳

周節婦傳

陸夫人傳

黃母胡太夫人家傳

先考行略

先妣行略

記署廣西龍勝廳理苗通判曹君殉難事

卷九 神道碑

誥授資政大夫 晉封光祿大夫吏部左侍郎管

理戶部三庫事務隨帶加二級胡公神道碑銘

小酉腴山館文集目錄 六

誥授光祿大夫吏部侍郎王公神道碑銘代

卷十 墓表

誥封奉直大夫內閣中書王君墓表

先大父贈奉直大夫內閣中書加四級相周府君

墓表

羅府君墓表

候選布政司經歷范君墓表

封朝議大夫邵陽周府君墓表

三崕山吳氏本支先墓表

游太孺人墓表

外祖母向孺人墓表

晉封一品太夫人陳母李太夫人墓表

卷十一 墓誌銘

石蘭泉墓誌銘

鹽運使銜記名道湖南候補知府署澧州直隸州

知州吳君墓誌銘

誥贈光祿大夫春藻胡公墓誌銘

兵部侍郎福建巡撫清惠徐公墓誌銘

中憲大夫安徽廬鳳潁兵備道李君權厝誌銘

資政大夫二品頂戴前署福建布政使司布政使

小酉腴山館文集目錄 七

周君墓誌銘

朝議大夫晉封通奉大夫梧岡孫君墓誌銘

左子重墓誌銘

殤兒壙誌

李宜人徐氏墓誌銘

節母葉太恭人李氏墓誌銘

贈贈恭人翁母李太恭人墓誌銘

卷十二 記 贊 哀辭 祭文

明太祖高皇帝御容記

致經堂記

重修同安雙溪書院兼建考棚記

重修福州西湖李忠定公祠堂記

新修道山朱子祠記

華陽掃墓圖記

獨坐捫心圖記

徐勇烈公祠記

雙親畫像記

亡室孫夫人像贊

周志甫哀辭

吳幼桓哀辭

小酉腴山館文集目錄 八

祭國子監典簿銜候選知縣韓研仙文

祭李希庵中丞文

祭通政使嚴仙舫先生文

祭曾文正公文

祭文林郎沅陵縣知縣洪公文

祭大京兆梁矩亭先生文

祭周壽珊文

小酉腴山館文集目錄 終

小酉腴山館文集卷第一

沅陵 吳大廷 桐雲

論

通蔽上

孟子曰是非之心人皆有之陽明王氏因創為良知之說其意蓋謂事繁蹟而靡窮情變幻而難測而吾之良知是非非其炯然不昧者固自在也烏虜是非之判若冰炭而不可揉合也豈不亦彰明較著也哉乃證以吾之所聞而慨然矣其人之尊者未必無非也而今所是者必其人之尊者也否則其所素愛者也其人之卑

小酉腴山館文集一

一

者未必無是也而今所非者必其人之卑者也否則其所素憎者也歛辱尊卑者分也愛憎者情也是非者理也分有所增損者也而謂可以尊卑愛憎亂之乎然是非稍有所增損者不明者何也彼其意謂人之尊者勢本足以與吾抗而又為吾所素愛之人彼雖非而吾必以為是則彼愈益德我惟我之所欲為而無復有與我為難者也謂人之卑者勢既不足以與吾抗而又為吾所素憎之人彼雖是而吾必以為非則彼愈益畏我惟我之所欲為而無敢有與我為難者也方其操魁柄以爵祿

奔走天下士士之慕勢者固罔弗順承意旨無有齟齬  
豈知喜怒哀任性必至功罪無分刑賞錯亂奸僉者益無  
忌憚而魁梧磊落之士或反困於橫鬱而苦於奮厲之  
無門士氣安得不日衰人心安得不思亂而其禍甯有  
瘳歟嘗謂大亂之生民雖迫於飢寒然其中亂於是非  
而不能以自明者亦眾矣譬病瘧然陰陽相搏故寒熱  
不時至而百病叢焉有知醫者分其陰陽使之相均而  
不使之相搏則寒熱退矣曾謂讀書明理之儒赫赫居  
高位而其智願反出巫醫下耶噫黑白也薰蕕也妍媸  
也是非也皆截然判而爲兩而不可一者也白不可謂

小酉腴山館文集一 二

黑薰不可謂猶妍不可謂媸而顧以是爲非以非爲是  
此心術之大蔽也是顯背乎孟氏陽明氏之教者也余  
憫焉爲作論以辨之作通蔽上

通蔽下

士人通經將以致用而非以肥遯爲名高也然孔子語  
顏淵則日用之則行舍之則藏故孟子嘗謂孔子進以  
禮退以義而又伸之曰所就三所去三其義美矣備矣  
士君子宜如何法守也然吾見賢人君子遭時多故亦  
嘗出爲世用其始優之以禮貌而若用其言也寵之以  
爵秩而或藉以勢也及其寢久或惡其能或疑其逼甚

者畏其剛方而以爲不便於己者有之矣忌其聲名而  
恐其名出已上者有之矣明夷之初六曰君子於行三  
日不食夫行至於不食是亦不可以已乎而孔子繫象  
曰義不食也然則不合則去義在宜然何惑焉且夫去  
之云者非果忽然於斯世斯民也以爲不合則去義也  
合而留亦義也而或者於其既去之後謂不當別有所  
合使人搏執之又極之於其所往歟庠士生今日而欲  
出處進退一守乎孔孟之教嘻其危哉蓋孔子嘗爲魯  
司寇矣其後因季桓子女樂之受去而適齊適楚適衛  
未聞魯君或有非之者孟子亦嘗爲卿於齊矣其後致

小酉腴山館文集一 三

爲臣而歸去而適滕適鄒未聞齊君或有非之者何則  
君子之用舍世之否泰因焉同人於宗易之所以戒其  
吝也惟臧獲之賤乃無敢有去其主而之他者有則人  
得以議其後嗟夫士君子服習孔孟出處進退其關係  
世道輕重何如也而乃以議臧獲者議之則宜其所得  
者多阿諛順意大半臧獲之流而賢人君子甯遯迹而  
不出也夫至求士而唯臧獲之是尙則本心之錮蔽深  
矣大亂之平也無日矣余悲焉爲作論以破之作通蔽  
下

恥論

天下之患論者徒歸咎於盜賊之未平也士卒之不精也餉糈之日絀也而吾所深憂竊慮者尤在朝野習爲欺隱泯然無復愧恥之心是之謂大患且夫恥心之亡非獨在下者有覲面目乞憐昏夜之責也上之人重賄賂而輕禮義鄙夫妄人尤而效之遂至冒利忘恥積重而不可返匪獨此也上卽不通賄賂而以喜怒爲賞罰功罪莫分是非莫辨彼見無功者之可以獲賞而有罪者之未必受罰也則亦何樂乎犯難捐軀避利就害而不同易視聽亟投吾意旨之所尙哉夫至用人而徒得夫揣摩意旨之人則其視國家之利病生民之休戚宜

小酉腴山館文集一

四

若秦人視越人之肥瘠漠然無所動於中而其患甯有瘳歟今天下事之敗壞而靡有紀極者姑勿徧徵如兵所以殺賊也營兵不足恃易之以召募軍興以來各路鄉勇報殺賊者不下億萬將舉天下之民而盡空之而賊之猖獗者自如也餉所以養兵也正供不足以釐金益之再不足以捐輸益之又不足而大兵所蒞民之出芻菽米薪以犒軍者復不知凡幾使卽數者之所有一以養兵則天下之財富無難供天下之用而餉之支絀者自如也蓋天下事之敗壞於無恥者眾矣而惟兵餉爲尤著吾意身任其責者宜何如洗心滌慮痛懲小人

使之有所忌憚而乃習爲固然略無改悔有恥耶無恥耶願身任其責者識之孟子曰人不可以無恥管子曰禮義廉恥國之四維維之云者隄防之謂也今夫人之樂富貴而厭貧賤也若水就下然當夫衝蕩排決幾乎一往莫禦有隄防焉則不惟殺其崩潰奔放之勢而反資其灌溉以爲吾利人之有恥亦若是而已

辨姦論

自古小人之禍人家國不獨中材之士知之也卽至庸極闇之人亦知之然而禍敗相尋小人乘權用事古今一轍此非特庸闇之人羣中其毒雖中人以上之姿往

小酉腴山館文集一

五

往受其愚弄而以心腹寄之彼豈真知其爲小人而故蹈此覆轍耶良由辨之不明以至於貽禍國家而有所不察也夫小人有二有真小人焉有似君子之小人焉真小人者口不道忠信之言身不履禮義之行塵之不去不招而來攬權納賄惟利是趨方其求無不遂視天下惟吾意之所欲爲久之谿壑難盈而形跡暴露姦聲穢跡世之人已羣起而唾罵之此猶易辨也似君子之小人則不然其行事似忠其吐詞似直其臨財似廉其交友似信而又濟之以幹事之才佐之以醜博之識若真可以當大事者然及假以權勢又陽以引退鳴高待



其深信不疑乃一以黨邪害正爲事害之之術非必顯與正人爲仇也先使私人以言餌之已復窺見側出以冷語中傷而外復結以甘言待以厚貌使信其讒與受其害者兩有所不及覺焉此則難辨也真小人不其人猶得指而目之其害只及於一時似君子之小人不人其彌縫盤亘之術足以變易賢奸遂至漸漬乎人心而浸成爲風俗其流毒將何所底止耶然則如之何而辨之夫亦曰正其心術使不能測吾之好惡充以學力懣熟其狡獪爛熳之故智而無爲其所欺今夫鏡本明也其不能燭物者塵蔽之耳去其塵垢而妍媸之觸吾前者判然若黑白之分而謂物有能遁其形者此必無之理也

小酉映山館文集一

六

才論

嗚呼古今治亂興廢之故豈不繫乎用人哉雖然人之才不同其大小亦有別用之而不能當其才與用之而不能盡其才均之非善用人者也譬治宮室然大木爲宗細木爲楨其待用無遺者亦既雜然而前陳矣有大匠焉召集羣工以審材面勢尺寸有經則宮室可不勞而理然彼大匠者非居藝斲之器執斧斤以與眾工從事者也第操尋引規矩繩墨呼執斧者曰汝其斧斧以

斯之不敢舍以嬉也呼執鋸者曰汝其鋸鋸以琢之不敢作而輟也使束縛之令與百工同列而不得盡其指揮操縱之妙有揮杖而去之耳羣工無所稟命尙安問其美輪而美奐乎夫三代下之能用者惟漢高蕭曹張陳韓彭絳灌之屬皆佐高帝定天下闕一不可者也然使任蕭曹以謀議之任必不能如張良陳平任張陳以爭戰之事必不能如韓信彭越以任絳灌者任韓彭必不肯爲漢盡力齊起而蹙項氏以成大功而蕭何與韓信其有功於漢也尤大則其用之也尤難方高帝之困滎陽也蕭何獨守關中事有不及奏上者輒以便宜

小酉映山館文集一

七

施行上來以聞故能轉漕給軍略無匱乏淮陰始貧無行其自漢亡也亦未嘗赫赫著功烈徒用蕭何之言拜爲大將使疎遠無聞之布衣一旦驟加諸故人宿將之上故能下燕定趙舉齊滅楚不旋踵而漢之基業成矣夫高帝用兵非項羽敵也獨得此數人者用之適當其可而又能盡其所長遂以代秦誅項五載而成帝業嗚呼千古之善用人者惟高帝爲不可及也夫

讀史

讀田敬仲完世家

太史公爲田齊世家首紀以下得國之由復於贊二致

意焉其隱寄不足之慨深矣至君王后雖明智然不媒自通其父且羞之太史公獨著其死以爲終其身能以合從全齊而並引齊人之歌責王建之不能合從攻秦卒爲秦所并其義何哉余伏讀而深思之秦爲首功之國魯仲連以天下士甯蹈東海而死不肯帝秦況秦自滅六國裂并田墮封建焚書坑儒竟使聖人大經大法微言奧旨以垂教天下萬世者一旦漸滅無遺奕世後聞有能培秦者猶將引而進之以洩天下萬世之公憤而王建乃中其客奸謀坐聽五國之亡而齊亦不免焉宜士君子深曠而痛絕之也夫陳涉一傭畊鄙人耳旋

小酉腴山館文集一

八

起旋滅然首發難以蹙秦者涉也太史公亦列爲世家則以王建之卒并於秦而太息於君王后之不可復作也固宜

讀平原君傳

吳子讀平原君傳至左右未有稱說勝末有所聞慨然曰自古人才之廢興繫於左右之一言其由來遠矣可勝道哉以毛遂之能視十九人如騏驥之於駑駘而平原君又好士卒以左右不爲先容儕於諸食客之列求與十九人比不可得假令毛遂不自薦平原君亦烏從知之而何有於盟楚然則左右之言其果可盡信焉否

耶夫豈獨平原孟嘗春申未始不如是是豈足道哉惟求士於夷門鼓刀博徒賣漿之家而聞見不蔽於左右若信陵者庶幾近之然夷考侯生諸子近任俠非公輔才嗟夫士生其時而欲復覩三聘後車之休風也難矣而豈獨士之不幸也歟

讀張耳陳餘列傳

嗚呼利之中人固如此哉方張耳陳餘居約時兩人爲刎頸交密矣未幾蔽於利各欲擠之死地豈以秦坑儒焚書生其時者不復沐先王之教澤固宜然耶然太史公稱張耳陳餘世所傳賢者功雖未成要非泯泯無聞

小酉腴山館文集一

九

者比卒之蔽於利與傾邪小人無異士之不聞聖人之道者眾矣或者材質更出張耳陳餘下碌碌鮮有成就則夫始合終離背義而趨利也審矣又何怪焉

讀前漢書循吏傳

曩讀班史循吏傳起高惠迄哀平僅得六人可謂難矣其中惟王成事跡不少概見若黃霸龔遂朱邑召信臣所居辦治往往有家給人足之風而霸尤精敏遂復有剛毅大節顧獨以文翁冠首何耶及徧考近世吏治貪黷偷苟者比比皆是有能不巧法以取民而聽斷勤敏者世之人必以爲賢矣至勸課農桑爲民興利數百十

人中不見一人焉推而上之敦教化厚風俗家絃誦而  
巨鄒魯則或數十年或一二十年不見一人焉文翁治  
蜀蜀僻處西南邊陲非若黃霸等近在中土習於先王  
之遺澤也乃霸等能富之而不能教之文翁獨用夏變  
夷開蜀中文明之化使得聖人爲依歸雖宓子彈琴而  
治單父子游之絃歌武城何多讓焉此班氏所以首文  
翁之意也歟歟虛若班史者可謂能知本矣

讀郭崇韜傳

歐庫功大不賞真千古至言哉方郭崇韜事晉晉弱而  
梁強其後相拒河上又十餘年事垂成而幾敗者亦屢

小酉腴山館文集一

十

矣然卒能滅梁以有天下者則崇韜之本謀也迨位兼  
將相益思以天下爲己任而莊宗亦賜之鐵券同時功  
臣無有倫比固不待小人交搆識者已決其必蹈滅族  
之禍矣或曰古人有功成身退而卒免於難者崇韜宜  
於寵任方隆之際力求退位必得請乃已如李泌於肅  
宗其可也余以爲不然五代時臣弑君子弑父奴弑主  
羣習爲固然幾無復有天理使崇韜權勢一移譬孤犬  
豕於檻穽安重誨之於任圖其明效也故人子弟蓋已  
見及此矣或又曰古人功愈高而心愈下易所謂謙也  
者致恭以存其位是也崇韜功既無尙矣然猶權勢自

居不少謙讓其得禍固宜余又以爲不然聖賢之處世  
也有道則見無道則隱五代時無道甚矣果有聖賢必  
遜迹不出惟智謀奇偉之士乃始肯出其身以立功名  
而爲國家之用聖賢既不可得而智謀奇偉之士又持  
苛論以繩其後此柔猾僉險之徒所以接踵於世而國  
家傾覆恆必由之吾悲崇韜之功欲求其所以免死者  
而不得未嘗不廢書太息以爲唐負崇韜而功大之果  
於不賞也不然退位之說崇韜已屢請之矣至其擅權  
自大歐陽公分著其事於雜傳之中而本傳絕不之及  
且舉以冠唐臣之首而又以風諭南詔諸蠻稱其有大  
志終焉豈無意哉豈無意哉

小酉腴山館文集一

十

讀元行欽傳

夫君子之論人也當探其情原其志綜其始終而不可  
執一偏之見存刻覈之心吾於五代史元行欽傳竊惑  
焉行欽始固明宗養子也後雖結知莊宗循致高位然  
於明宗無纖芥之嫌洎其兵變於魏行欽獨以反聞又  
擊殺其子從璟豈非真知順逆磊落大丈夫哉汜水之  
變郭從謙之謀逆蓋非行欽始念所及料耳倉卒出奔  
安知其志非將有爲者勢窮被執不屈而死志雖未遂  
而其事已足暴白於天下後世而其情爲益可哀矣歐

陽公獨怪其不應出奔斥之使不得與死節死事者次  
比此余所以讀其傳綜其始終不禁深悲而太息也至  
吳巒受命危難之際代守貝州善撫士卒兵民畏懷方  
契丹悉師來攻巒能出奇制勝折其萌芽登陣設守志  
節凜然不幸邵珂開門揖盜原非巒所及料及知勢不  
可爲墮井而死此可謂得城亾與亾之義者矣歐公又  
以其不合任用邵珂斥之使不得與於死事嗚呼五代  
之際臣弑君子弑父叛逆之跡史不絕書行欽與巒一  
武夫獨慷慨仗義如此又搜其微瑕而沒其大節然則  
君子亦何慕乎爲善而爲善者何以勸哉吾故因論元

小酉腴山館文集一

七

行欽之事而并及於吳巒匪但效忠告於歐公其亦孟  
子知人論世之義也夫

讀五代史宦者傳

太史公爲史記創立義法凡合傳前有總論所以發其  
大凡猶書之有序也後有論贊所以暢其餘意猶騷之  
有亂碑之有頌也至各傳則第就其人之善惡書之而  
不復參以論斷以爲據事直書春秋之義然爾匪特班  
氏因之後之爲史者胥取則焉歐陽公號爲能知史公  
之深者五代史伶官傳前既有論宦者傳亦然特其文  
少略略固無害也未又係以後論而其中復於張承業

張居翰兩傳之後雜以論斷言之不足又長言之義安  
取哉昔望溪於安重誨傳議其中不應雜以論議當矣  
而此獨不之及惜抱撰古文辭類纂又以此篇截其前  
後與伶官傳同標題曰論而並錄之則傳狀之體例乖  
而史公之義法紊矣雖其文論事切至極揮斥馳驟之  
能讀之足以感悚人意然何如移之於前文之工自若  
也而於義不尤安乎歐虛此爲文之涂徑其嚴如此而  
況究明古今理道治亂興衰沿革之故欲以傳世而行  
遠歟虛豈易言哉豈易言哉

小酉腴山館文集一

七

小西腴山館文集卷第二

序

沅陵 吳大廷 桐雲

王少司馬奏議序

少司馬歛縣子懷王公由御史歷太僕寺卿擢戶部侍郎調兵部七八年中章數十上其直聲清節上自公卿下至工賈隸圉無智愚遐邇噴噴皆贊其賢公既請告輯其奏議若干篇彙為四卷藏諸巾笥不以示人而余以非材辱從公遊得盡發其覆而徧讀焉竊不禁於人材風俗盛衰及天下治亂興廢之故歛歛感喟盡然不

小西腴山館文集二

一

自知其涕之何從也伏惟我朝累葉忠厚未嘗輕罪言者宜其直言敢諫之風於今為烈矣而自余有知識以來凡列言路及大臣之例得盡言者約之有三端焉其嚶不一言猷猷瑟縮第知保全名位者勿論已或間有敷奏類多供人喉指毛舉細故否則值機會之來巧投以抵其隙又或侃侃陳詞糾彈無避人爭以直臣歸之已亦深自矜負抗顏以古諫臣自居及細究其宥密非假以鳴高即陽以震動人耳目而陰以自便其身圖無怪乎

天子焦勞於上小民愁怨於下而人材日降風俗日漓

卒無有人焉奮身以殉 國家之難此有道仁人可為

太息痛哭者也公孑然一身清儉樸約非如世之矯激

以沽名者方官御史在咸豐初元是時洪逆起嶺南踰

湘鄂所過名城大邑望風披靡師勞餉竭海內繹騷公

獨奮不顧身抗疏請

天子下詔革時楷帖括之習而汲汲以設法振興人才

為務至於攻守之宜籌餉之方與夫選將練兵解脅從

褒忠義及行鈔鑄錢諸大政無不精思熟慮卓卓可見

施行其尤要者 臨幸御園天時人事兩疏拳拳以格

君為心幾乎程朱正心誠意之遺風焉當時輔弼諸臣

小西腴山館文集二

二

咸能如公愷切直陳諫

上得信用其言蠢蠢潢池折箠而定之足矣又何至東

南塗炭夷狄得乘虛而入駸駸乎成燎原之勢哉惜乎

有倡無和致

聖天子雖容其切直而不獲見諸設施不得已引疾以

退而時事遂漸不可支矣嗟乎公以御史不三年驟列

卿貳其祿

上知遇不可謂不深也而乃空言無補竟如此豈治亂

興衰天實為之有非人力之所得與者耶不然柄國者

視天夢夢固有不能辭其責者矣雖然無平不陂無往

不復今

上聰明仁恕一旦追思忠蓋特旨起公其必有以振興人才挽回風俗庶幾復見隆平之盛孰乎余不敏願拭目竚之而姑因推本公奏議之意并著一時習尚所趨使後之君子有考焉

庚申仲秋夷禍日熾公過予寓言及輒流涕被面至季冬余詣公詢及上不次超擢其意將以大用

公也而何以言不見用如此公謂以諫臨幸御園

一疏馴至積忤上意因稱孤負天恩復伏案

泣涕不能自己自外人觀之公於出處大節完全無

小酉峽山館文集二 三

虧又身處局外可以已矣而懇款悱惻如疾痛切身非眞忠君愛國一片赤誠足對天地而質鬼神其能若是乎序中偶未列入而姑爲補記於此云

范月槎詩集序

余於丙辰始識范君鶴生於京師未數數過從也既而鶴生別去通書問者再余感焉丁巳其族叔父月槎北上鶴生復介書使造余余乃識月槎因月槎獲交黃岡吳君又桓未幾鶴生來自武昌四人居甚邇遊讌未嘗不借有著述未嘗不日與商訂也鶴生沈樸而純篤月槎溫厚而和婉又桓儻而明達氣象各不同要之根

抵性情不苟於植志行身則無或異焉嗣後各以事遷居雖旬日必再三見然已不能如曩日遊從之密矣戊午月槎以應秋試旋里踰年又桓復出刺湖南留京師者獨吾與鶴生而已非特遊從之密不能如曩時即求如旬日之再三見亦不可得故余與鶴生或並轡八直或相攜出遊每念二君天各一方未嘗不感極而繼之以涕也今年庚申月槎來止都下重話生平恍如夢寐一日出所作詩集屬余序讀之溫厚和婉肖其爲人世之人知愛月槎者多矣而孰知詩之可貴也如是余故擇其尤雅者俾鶴生共訂之惜乎又桓遠牧桂陽不獲進而面質也嗚呼朋友聚散離合之感其烏能以無慨乎哉

小酉峽山館文集二 四

范紫函遺稿序

余服官京師慎交遊總計數年中以品節文字相砥礪不過數人而皆不如武昌范君鶴生之久而且篤鶴生沈默寡言而其爲文風發鸞舉才思橫溢不可紀極顧獨時時向余稱道其兄紫函之賢每自遜謝以爲弗及道光丙午鶴生與紫函同舉於鄉咸豐壬子鶴生選庶吉士又四年紫函亦成進士官工部主政兄弟年甫三十餘又皆天才英發使得以退食餘閒壹心併力務斬



至於古之立言者其所造烏可量惜乎紫函登第未幾而賁志遽終此在同輩愛才之士莫不感傷悽惻致憾於天之莫可如何而況其抱手足之戚者哉紫函喜吟詠尤善爲俳偶之文不自收拾罕有存者歿已五年鶴生僅搜輯其遺文數十篇屬余序之其文清峻澹折非如世之餽釘撻裂以爲工者猶記丙辰春余僅一見紫函於鶴生齋中而今乃敘君文蓋非獨歎君之不幸而又以君之才使余不得與互相切磋其底於成之尤可悲也

何龍臣太僕詩集序

小酉腴山館文集一

五

平江贈太僕寺卿龍臣何公子道光己酉齊年生也咸豐辛亥朋試長沙始識之於其邑人丁亦皆同年座中未幾別去明年先後遊京師過從稍密然猶未深交也是年公舉順天鄉試余落第踰年春余遊瀋陽公上春官不第去京師自是不通息耗者有年後余服官內閣間公帶鄉兵勦粵逆積階至太守心竊壯之比七年湘鄉忠武李公殉節三河公時贊其軍亦同死焉蓋至是而余愈敬公矣又一年甯鄉汪仙譜孝廉來京爲言余所以受知益陽太保胡公由公嘗薦之余誠不自知其何以得此於公始愧向之壯公敬公者猶疎之乎視公

也夫以余之窮於世世之人初鮮有知之者其後雖稍稍獲名稱於時然與公爲汎交且別數年之久南北隔絕數千里踪跡闊疎固宜得棄絕之罪於大君子乃不惟不棄之而反極口揄揚焉古君子飢渴人才固應有是而豈余之所敢望於公哉十一年辛酉余以中丞希菴李公特薦奉命參軍事與公弟駟遇於武昌屬爲校其遺集且乞弁言其首不敢辭乃爲刪存若干篇以歸之嗚呼公孝友篤於家庭信義著於士友其仗節死綏植綱常而扶名教又自有歷萬劫而無能磨滅者詩之工否固不足以概公生平矧薄劣如余其言又烏足爲重輕哉雖然公於余爲望外知已義不容嘿故綜其始終離合之迹略具於篇後之人讀公詩而并及於余文其必有以得公之爲人而重哀余之志也夫

輯錄白沙詩集後序

小酉腴山館文集二

六

嗚呼詩至擊壤集而詩境又一變云其後繼之者元爲劉靜修明爲莊定山陳石齋定山之詩源於靜修而石齋則與定山相往復切劘者也石齋隱居白沙深造自得其爲詩說理精妙未能過堯夫然卽離開闔之中皆蘊至理則又有非尋常詩人所能與者曩余宦京師愛擊壤集旣選錄而序之矣所恨見聞滯陋未得一讀劉



莊兩先生全集茲白沙詩幸在行篋皖江戎幕偶暇無事爰為選存若干首以示顏謝李杜而外又有諸大儒之詩境雖變而尤為不失詩教之本庶幾嗜吟詠者知所取則焉然欲執語言文字以求之又不得也

馮魯川詩集序

代州馮君魯川少負雋才甫壯成進士觀政刑曹獨喜為文字以自娛視人世巧取捷得之術泊如也比從梅先生伯言遊親承指授益銳意漢唐宋之作者而所業乃日進用此日知名天下識與不識莫不曰魯川者梅先生之高第弟子也余生長邊鄙咸豐初元始學為詩

小酉腴山館文集二

七

古文而梅先生適去都深以不得見為恨閱數年乃識魯川魯川之文清微簡澹體峻以潔顧自梅先生去後所作絕艷獨馨全力為詩仁讀之按絃應律脫口生成反復披覽則淬厲洗伐蓋幾經甘苦而始得之特天資高勝人但詭其吐屬雋妙而不見其有錘琢之痕此魯川之詩所以度越尋常為尤不可及也未幾余出贛湘鄉李希菴中承戎幕魯川亦出守廬州兩人先後去都音訊闕絕今年夏魯川適來蒙城余方佐臨淮軍事因白唐義渠中丞檄魯川入營戎務之暇朝夕談讌相得益謹會兵機危駭人情洵洵魯川草檄餘閒猶手抄山

谷詩不少輟或問曰賊來攻營君若何對曰抄詩或又問曰不幸營陷於賊君若何復對如前嗚呼君之為詩非特不知有得失並利害禍福亦漠然無動於中焉昔昌黎之論為書曰苟可以寓其巧智使機應於心不挫於氣則神完而守固雖外物至不膠於心若吾魯川之詩庶幾近之其能卓有成就必傳於後無疑惜乎梅先生不及見之也夫守一先生之言窮日累月視夷險無所擇而必期底於成魯川之於先生可以無恨矣獨余也向頗知好詩古文之學乃役役兵間勞身焦思迄無一得之愚裨贊萬一而舊業因此坐廢今敘魯川詩蓋

小酉腴山館文集二

八

不禁其面熱汗下慙然愧赧而不能自己也

鐵笛山莊詩鈔序

吾邑先輩李伊卿學博以能詩著稱湖湘間而其時張君迪人舒君雲鋤獲與上下其議論故其詩均有師法而非流俗人所能為余生也晚道光中年學博官黃州教授既前卒不可得見矣猶幸與迪人雲鋤並居邑中得以時相往還獨以役役科舉之學未暇叩其所藏也去年冬余歸自臨淮軍迪人又已死而唯雲鋤獨存其年則已過六十矣而猶困於諸生悲夫雲鋤居遠城市毫而好學不以豐約盛衰之故稍墮其志是時張小楚

司馬方歸休主虎谿書院雲鋤因時來院中與小楚聯吟角藝歷寒暑不輟今閱其鐵笛山莊詩集讀書既多處境又困而以其汪洋沉博之才悉發於詩故其情激以肆其音淒以清極淋漓慷慨之致而絕無怨懟衰頹之詞此則吾雲鋤之所以爲詩而非流俗人所能爲惜乎伊卿迪人不及見之也憶道光丙午歲余與雲鋤同入秋闈比鄰而居各士子伏處矮屋如秋蟲唧唧敗砌中晝夜不絕雲鋤則伸紙疾書不終朝而文詩皆脫稿出以示余意豪甚豈知今日而一窮至此雖然古之人富貴而名磨滅者何可勝道而居下處幽悲憂橫鬱之士或往往託於文字以傳於無窮文字又或不幸散失如伊卿迪人後人雖欲網羅其詩無從而得之雲鋤詩獨幸日有增益余將刊之以行然則雲鋤自今其亦可以無恨於窮也夫

儀衛軒文集序

吾友桐城方君存之植之先生之從弟又其高第弟子也既爲刊儀衛軒文集竣而屬序於余余伏讀至再乃爲復於存之曰往者康乾之際兩舉鴻博一時魁儒鴻儒輩出獨言及古文則必曰桐城以方望溪劉海峰兩先生皆桐城人其所爲文實能近儷震川遠紹唐宋八

小西腴山館文集二

九

小西腴山館文集二

十

家之統而非他人所能及然自方劉既歿惜抱文乃更盛行於時用是言古文者益推桐城爲正宗否則雖有高材生聲譽氣魄足以凌厲一時卒擯之使不得與於文章之事蓋其難也雖然望溪精於義法海峰工於品藻至惜抱則更以神韻勝言盡矣而意猶若未窮卽三先生之文亦有未能盡同者且夫文之所載者道也孟子曰君子深造之以道欲其自得之又曰資之深則取之左右逢其原愚謂文以明道其能事亦猶是焉爾矣植之先生天稟絕特從惜抱遊最久其於文法亦知之最深顧其爲學獨喜深博無涯涘上自經傳下逮子史旁及九流二氏之書無不穿穴其奧窔久困諸生晚益博極儒先諸書探天人之旨究性命之歸驟涉其藩疑於好盡而於惜抱有若不類者然其馨杼心得如萬斛泉源不擇地而涌出或前人所未言而不能無待於後人之推闡或後人所欲言而不能自達其意者先生悉爲疏通而曲暢之其能裊震川而禰方劉以繼八家之統非吾所敢知要其類拾印取扶翼道教洋洋乎一代之鉅觀千秋之偉業爲惜抱後一人則逆知其非予一人之私言也抑吾聞乾嘉時聲爲漢學者恃其縱橫博辨專務掎擊程朱爲能惜抱辭而闢之其風未熄也先

生以窮老諸生時客廣東阮文達幕中文達蓋以名卿魁宿主張漢學者先生獨慨然發憤著漢學商兌一書而又嘗以兩書與文達極力抗辯不少依阿歎此非胸有所得遺棄聲利者而能之乎然則先生實竟惜抱未竟之志而匪徒昌大桐城之派已也余既以言諗存之復自忘其僭妄而姑敘次其言以弁於簡端云

鐵瓶詩鈔序

曩者余讀飲馬長城窟諸什歎為邊塞極工之詩然昔人謂其多豪語非情實無他非身所親歷而以意懸揣為之故不足貴耳吾聞平江張君子衡以名諸生治鄉

小酉腴山館文集二

十一

兵剿賊立功嘗權贛南道矣然性喜為詩同治五年冬左恪靖伯移督陝甘征討回逆檄君以鄉兵從而復奏君補甘肅臬司甘肅者古臬蘭洽西北邊要之地也子衡既為甘臬則當答兵走青海萬里外舉風土人情之柔悍山川形勢之阨塞與夫士馬器械之利鈍凡師行所至一一播為聲歌使人讀之如身遊冰天雪窖之中而歎為古樂府所未嘗有豈不偉歟日者子衡忽稱疾自汧陽以書抵恪靖求解兵柄甚力豈其有不得已於中耶抑邊塞苦寒不樂鬱鬱久居此耶會子衡與余晤於乾州長身白晢飄飄似神仙中人余已悚然異之既

而讀其鐵瓶詩鈔志和意遠夷然愉然令人如親見王摩詰韋蘇州相與揖讓而進退也用是益驚詫非余所及子衡顧謬以余為知言而力求為之敘夫唐人出塞之詩至岑嘉州李東川尚矣然論詩之極詣必以天機所湊而人力有所不能施者為至此其境王韋庶幾遇之而岑李不敢望焉然則子衡之不樂塞上意固有在而世之人或未必盡知之也雖然羊叔子何人乎輕裘緩帶之風何嘗立功塞外亦何嘗必以詩名子衡知兵而儒者也其將有味於余言也哉

遜學齋文集序

小酉腴山館文集二

十一

曩者瑞安孫琴西觀管官翰林獨棄俗尚以從事於古文辭之學用術業與吾友王通政少鶴互為切劘意相得也其時余亦在京師而未獲過從嗣君出守安慶余始獲與通政交因得悉君之為人君亦用通政言夙知余越數年同治癸亥余自臨淮軍假歸過安慶始識君因相與勞問如平生歡遂得盡讀其文章其意近而勢遠詞淺而旨深風颯乎初月樓之嗣音也甲子余從戎浙江君用丁憂自皖歸過武林僅一再見遽別去明年通政解官歸來武林而余又用薦赴閩自時厥後吾三人者微特踪跡不得合并而或出或處積歲經年雖求

書問之常通而亦不可得則甚矣交游聚散之無常而志同道合之朋造物之於會合若尤為靳惜焉豈不重可慨哉後又七年余以今相國會侯薦操兵海上過金陵幸重與君見余固茶然而君亦鬚髮半白追思通政遠隔桂林逸不可得相與翦燭夜談歛歛欲絕瀕行君出近著屬為弁言將梓全稿以行世余讀之其文日以富其體日以充議論證據今古出入經史百子不屑為詹詹小言而務反復馳騁以曲盡事理蓋兼有其鄉先輩永康永嘉之遺風不知通政比來造詣視君若何若余之讒劣又因鞅掌王事牽經歲不得甯居以力探古人之間奧今執筆序君文蓋深妒君之精進未已而尤以發余之媿也

泰雲堂集序

泰雲堂集者前閩浙總督金匱孫文靖公箬也古文二卷駢體文二卷詩十八卷詞三卷文靖沒後公子慧惇問序於公座師英煦齋相國刊板以行而以福州陳恭甫太史墓志銘坳馬年久兵亂板燬無存兩浙商總周君巨漣得其書將率同志重鋟諸木而乞序於余余讀之其力之大如海涵地負而無不勝也其氣之充如山起泉湧而無不至也其才藻之豔麗如春花夏雲鬪奇

小西腴山館文集二

三

小西腴山館文集二

四

絢采爭妍於晴空曠邈之區無不與人以欣賞也其諸寢饋於漢魏六朝者深歎抑理大物博使人目掉心眩而不覺歎雖然公之文詞恢奇魁碩者或庶幾焉公之施設則非緣飾經術通達治體者不能至公之遭際敷歷中外而恩榮始終夷險一致求之仕宦尤百不一二得焉此余所以讀公之書而深有味乎其言之者歟夫政必期於成成必要諸久凡張皇補苴皆粉飾苟且之圖而非久道化成斷不能浹洽乎人心而漸漬為風俗自然之理也公以翰林出守外郡自閩而江而皖而粵而惟閩獨久公在閩善政亦最多而請弛海禁兩浙木商感之尤摯夫弛禁以惠商便民特政之一端耳且非高遠難行之事而感人若此其漸摩之久入人之深蓋有形於不及覺者歟余不敏曾繼公後一主鹽筴再治兵臺灣未嘗不志公之志然皆不久即去慚負閩人憂心如痍今序公集益憬然於遭際之不可必得而南顧三山不自知其歛歛之何從也

章六峯詩序

詩自三百篇後離騷作而綴文之士與遞推遞衍日象日滋大抵俶詭以相激搜刻以為能誇多鬪靡窮之於無所終極然其間有單詞賸義傳之久而不衰而連篇

累曠蟲鼠之所齧蝕風雨之所摧殘往往煙銷灰滅零落無一存者將有幸有不幸歟抑傳之必視其人歟貴池章六峰先生留心經世之學撰述甚富尤嗜吟咏中年以後積詩已千餘首會值髮逆之變流離播遷都為煨燼其亦可謂至不幸者矣而其弟子芝田劉君多方採輯久之於友人處僅得古近體詩數十首意清而氣逸珍之如斷珪零璧將付手民以傳儻亦不幸中之至幸者歟乃不鄙辱余令序其首昔三山許閣生搜其師黃子厚詩集問序於朱子嘉其師死而不忍倍之以為難得今芝田之於先生視閣生豈有異焉惜乎余無朱子之文不足以傳先生於久遠也

小酉腴山館文集二

五

小酉腴山館文集卷第三

沅陵 吳大廷 桐雲

序

孝經古今文輯註自序

孝經一也而有古今文之殊唐劉知幾主古文以駁鄭司馬貞又主今文以駁孔其間互相勝負幾乎各不相下自開元御註用今文而遵制者從之幾若孔可廢矣自朱子刊誤用古文而講學者宗之又若鄭可廢矣余曩讀古今文竊以謂觀其宏旨但足以求天經地義之原足矣而必斷斷焉互相駁詰奚為者且夫古文今文

小酉腴山館文集三

一

其文字之或增或減章句之或分或合特所傳微有不耳要之大義固無弗同者非必古文今文各為一書也嗣見近世山陽丁晏三家述註朱司馬光為古文指解表上之范祖禹又為之說是遵用古文矣然句下乃備載開元御註則又未嘗盡廢今文斯誠通儒之鉅識而諸家紛紜之說無所庸角其喙矣因不自度量用國朝吳隆元孝經三本之例而稍變通之首列古文次列今文又次列述註而未乃系以總論其於文字之增減章句之分合雖亦稍稍分辨其得失至於聖門傳授之大旨則實有並行而不相悖者同治丙寅吾友甯鄉

陶君鴻勳官蘭溪縣時曾槩板以行世矣今相國合肥李公索觀此書而陶君之亡已久板不可得迺檢舊藏稿本重加校定付之手民而復自叙輯論之大意以就正鴻通之君子

讀易隨筆自序

曩官京師如讀儒先性理書迨奉檄從軍交遊半皆賢者而守正理以與之從事每鑿枘不相入幾疑正道之必不可行矣辛酉春取周易讀之先玩程傳本義繼乃貫穿以夏峯之說間有所得隨筆條記久之乃大悟向之所入不合者理非不正守非不堅而時位俱失故動

小酉腴山館文集三

二

多扞格程子所云易變易也隨時變易以從道誠有味乎其言之也條記日多義味愈出爰用夏峯讀易大旨之例逐卦逐爻舉所心得演為一篇間有含意未申復綴數條亦有合兩卦為一篇者上下經既畢次及繫辭傳說卦傳序卦傳雜卦傳雜卦象傳合解釐之共得三卷其意主於推尋卦畫闡明人事即象數以明其理而不主空虛元妙之說吾友孫君琴西方君存之勸梓以行而徐清惠公及楊君卧雲孫君少彭沈君仲復各有論跋然余終以其淺近未敢自信也同治壬申劉君庸齋見之大為許可以為足解眾說之糾結余一時心動

因覽

御纂周易述義大旨謂易因人事以立象故不涉虛渺之說與術數之說命意差為近之而桐城張文端公易經衷論每卦一篇其立說主於顯易不務艱深體例亦復相類蓋欲矜奇表異以眩惑學者之心思耳目則誠非謫劣所能而欲觀象玩詞以為省身寡過之助則吾說或亦庶幾其萬一焉因付剞劂以諗吾後人而並自發著書之大意如此

讀書隨筆自序

書以道政事二帝三王本心法以為治法所以垂教天

小酉腴山館文集三

三

下萬世者舍書莫徵焉自東晉偽古文尚書出宋吳棫作書稗傳始有異議朱子亦疑之吳澄諸人因之互相抉摘其偽益彰然猶不無罅漏也明梅鷟既為之參考諸書證其剽剗矣國朝閻若璩復引經據古一一陳其矛盾之故而姚鼐更折衷于理使古今文之真贗如黑白不相混淆故姚鼐謂梅書之偽經閻若璩與其所著尚書說考論大明之後仍尊古文者乃愚而闇矣然則古文不可廢乎哉雖然梅蹟當東晉之初去古未遠先儒舊義往往出於其中故論政論學莫不廣大精深而言心言性之語宋人所據以立教者其端要皆自古



文發之莊存與有言辨古籍真偽爲術淺且近者也古籍墜湮什之八頗藉偽書存者十之二是烏可廢歟善乎

欽定書經傳說彙纂之爲書也以書爲帝王之大經大法共聞共見雖今古文互有疑信而義理無大異同從可知尼山刪定本以唐虞三代之規傳爲帝王之治而執尋章摘句之學斷斷不合豈不惑哉余治書說亦頗究心閻氏姚氏之書其古文詞氣之決然不類者間亦稍稍摘發然大體未之敢易以其中多聖人之眞言既中理而復犁然當乎人心故也爰仿孫夏峯尙書近

小酉腴山館文集三

四

指之例稍加變通綜爲文五十八篇釐爲四卷名曰讀書隨筆其大旨古文今文不外主敬存心以爲尙書之綱領將以闡心源而考政經則吾說或亦時有小得焉至於名物訓故則尙有待於博雅之君子學者但覽其大旨而畧其細微焉其可矣

福建票鹽志略序

管子曰海王之國謹正鹽筴閩之興泉漳三郡皆濱海產鹽地也自宋景祐二年始立鹽算課額無多明末設轉運使司分場七我朝增爲十三而行鹽之地僅在閩汀州猶不與焉出產多則私熾行銷隘則價昂託是

業者又視鹽爲利藪官執法以病商商抗法以蝕課而鹽法掃地盡矣元時兩淮鹽法久壞敬儼爲運使黜貪釐弊課役至廿五萬餘引然則崇廉潔黜貪污豈非鹽法救弊之要務乎哉同治四年夏余奉命都轉閩海正值全綱瓦解之餘而其時軍務正繁度支告匱不忍苛取於民也不得不規復自然之利不忍刻求於商也不得不自除漏卮之源於是盡革陋規歲省金錢十餘萬有奇改行票運截清陳引凡窮變通久之方兼鹽政左公又能假以便宜雖不材如余行甫期年猶著成效計一年所入較舊任不啻十之比舊定之正溢兩課亦

小酉腴山館文集三

五

且倍焉夫閩之產鹽如故也其行鹽亦如故也而盈絀如此者豈天降而地出哉亦以絕利一源此其尤彰明較著者也惟是年滿奏銷成法無攷幾經籌議乃始定章余懼後之廢興無常也適有量移臺灣之役因撮其要者刊爲福建票鹽志略一書板存庫中後世或廢而復興庶幾得有攷焉年來典海軍滬上友人多索觀是書而索板印書已不易得嗚呼蓋人之專利也甚矣余復稍更官書體式重付手民冀垂久遠而因弁言於首云

方望溪先生朱子詩義補正序



往者陳荔秋比部以詩解就商據該博頗多發明獨信竹書紀年太過而不用小序亦不甚主朱子之說余嘗爲之折衷序傳反覆是正蓋以序說出自國史遠有承傳而析理之精無過朱子二者可互參而不可偏廢也日者桐城蕭君敬孚自皖來出示手抄方望溪先生朱子詩義補正八卷爲其門人高密單作哲編次其中國風一篇卽鄒至曹檜十二變風一篇王風一篇皆是書宏綱大旨餘則章解句釋亦間及名物訓詁大意承用朱子之說而不甚取小序蓋自宋鄭樵迄於元明說詩者之流派大抵然也然於集傳義有未安亦不曲從

小西腴山館文集三

六

如闕睢謂爲后妃自作狡童不主淫女之辭揚之水不以兄弟爲昏姻之稱白華之什於南陔白華華黍由庚崇邱由儀不主有聲無辭之說天作謂當爲追王時告廟之樂歌而小序有必不可易者遵大路風雨采芣諸篇亦間取之先生詩義雖云尊朱然義理者天下古今人心所同具之義理而非一人之義理集傳義誠得矣而小序亦未必盡失也此先生所作補正之微意也歟大廷最譴陋然麤解文義實自讀方先生諸書始其治詩義所見亦幸與先生合不可使此書無傳也亟商之南海馮竹儒觀察桑板以行使學者得是書而沈潛反

覆又於空曲交會中推尋詩人言外之意則其有補於詩教豈淺鮮哉

陳堯農先生詩序

故城南書院山長祀鄉賢長沙陳堯農先生蓋余嘗從問業者也先生以甲科高第入詞林改官工部直軍機洊升員外郎駸駸大用矣以丁本生母憂歸服除念嗣母春秋高終養不出當道重其學行聘主城南講席前後凡十七年所成就至夥徐壽蘅侍郎劉蔭渠尙書威毅伯曾沅圃中丞其最也先生孝友夙成學期經世入則承歡白首昆季怡怡出則禦患拯災惟力是視而倡

小西腴山館文集三

七

捐船礮水師得藉手以制狂寇死命卒定東南厥功尤鉅當事上其勞得旨進銜四品卿而是時先生年已踰六十矣以衰老力辭講席諸生依依不忍捨去先生既歿會葬者猶至千餘人自兩漢經師而後傳教之廣門弟子之多近世求有如先生者殆未易數數觀也先生於書無不讀而不屑以詞章見長間有撰述亦頗不自收拾次子淀生太守於先生歿後十餘年多方掇拾僅得古今體詩數十篇求予弁言將梓以行嗟夫先生往矣沐先生之教澤思先生不得見如子者蓋不可指數矣今遺詩雖無多而吉光片羽要自有不能磨滅者

譬夫嘗鼎一臠而知烹飪之美飲水一勺而知海味之寒嗚呼其可不為之珍重而護惜之也歟

介亭文集序

先儒嘗云文非有關於世教人心者不必作而程子亦云一命為文人便無足觀非薄文也蓋以學人為文必立本於文之先而效見於文之後本立於文之先者何道德是也效見於文之後者何事功是也歐陽公有見於此故送徐無黨南歸序於古人所云三不朽者本末輕重反覆言之使徒務采色誇聲音以為能則其所為炳炳烺烺者亦苟焉而已何足貴哉何足貴哉吾蓋於

小西腴山館文集三

八

江岷雨先生介亭文集而深有味乎其言之也先生懷甯人曾從劉海峯徵君遊得聞詩古文之法故其為文波瀾態度近似海峯詩亦清雅拔俗使出其所長與當時號為能文詞者並驅爭先未嘗不可執旗鼓而抗顏行而先生不以此自足也以進士內長吏曹外典邊郡苞苴不敢至門撫養民夷先教化而後誅罰尤遺愛在人顧南雅太史嘗作臨安二賢太守傳先生其一也律以古人立功先生亦可以無媿矣及觀其筆記居暇適言諸書因事類情卽物窮理莫非闡天人之奧示勸戒之方無心為文而天下之至文舉莫能過焉彼徒以文

人自命者去先生所造就豈可以道里計哉而先生遠矣先生舊有文集六卷外集六卷詩鈔一卷筆記八卷居暇適言二卷北上偶錄三卷臨安府志序言一卷于役迤南記二卷獨秀山房四書文一卷續編一卷已雕板行世久矣會逢兵燹板燬其令孫海門太守用舊本重刊海上而屬余言以弁首余再四披諷喜其文有合於先儒所云而與余夙昔所持論亦若合符節因僭書其首云

林文忠公政書序

侯官林文忠公以忠勤廉幹為道光朝名臣第一中外

小西腴山館文集三

九

倚以安危者垂三十年公歿後海內賢士大夫思公不得見猶冀得讀其書庸寓羹牆之慕迺越廿餘年而公之政書始得刊板以行計東河奏稿一卷江蘇奏稿八卷湖廣奏稿五卷使粵奏稿八卷兩廣奏稿四卷陝甘奏稿一卷雲貴奏稿十卷公孫毓良茂才以書抵余乞為弁言於首余忝宦公之鄉又辱與公子公孫兩世交竊名簡末附託不朽其又曷敢以不文辭子惟宣宗成皇帝臨御海寓值重熙累洽之時治崇寬大與覆載同符其間內外臣工以清謹重厚恪守 功令者自不乏人而狃於因循相習成俗者亦所在多有惟公

以待從起家實心毅力負重程功忘身忘家夷險一節故公夢雖久而會值時艱嘉猷義問懷慕乎人心者愈久彌篤固其宜也昔蘇文忠值宋神宗時新法甫行上疏力諍雖瀕九死不悔而當仁宗朝政尙忠厚一切以安靜無爲爲事又未嘗不上書勸其奮發有爲蓋所遭之時不同則其立言自不得不異耳禁煙議起公豈不知承平日久文恬武嬉誰肯出其身以犯 國家之難而此害不除其禍必數十百年不解剗深痛鉅不能不捐軀命爲 國家圖萬年之安枋臣掣肘功用弗成公雖碎首邊庭必無怨悔

小酉腴山館文集三

十

宣宗寬厚僅子荷戈固非公始念所及料也其他明作有功如治河辦漕興水利疏離銷以及永昌一役兵不血刃未三月而大難已平論者幾比於王文成之平斷藤峽然余竊以爲此猶公之緒餘也粵逆始禍僅在一隅公時奉 命西征眾已有稽顙乞降之志天不永年長城遽實馴至海枯魚爛屢乃克之哀哉哀哉迄今讀其政書計慮之精條理之密議論之通明詞旨之懇至同時鉅公罕出其右故能所向有功爲 國家之柱石公書法秀整詩文皆可傳誦尤願他日悉爲刊布以慰海內企慕之忱而彰 聖朝得人之美豈不懿哉

序

友石山房詩鈔序

世嘗謂詩人少達而多窮而論者或然之或否焉以余所見有都通顯擁厚資其喜爲詩歌至於盈千累萬可云富矣然求有一篇一句之合於古何其少也吾友沉江張君哲堂學詩幾三十年存者屢百數十首可謂約矣今讀其友石山房詩鈔其志潔其氣清其音和雅而格調深穩求有一篇一句之戾於古者抑何少也然且困其心志行拂亂其所爲甚者年屢四十餘而遽死則所謂詩人少達而多窮者不其信歟方哲堂爲諸生時

小酉腴山館文集三

十一

桂林龍翰臣以孝廉客長沙用詩歌相切劘甚相得也及翰臣以辛丑第一人及第歸自京師往訪哲堂哲堂以其輿馬烜赫弗見也翌日翰臣屏騶從直造其廬迺歡笑如平時辛亥之冬余寓長沙楊筱園同年邸將入都哲堂時來訪余顧不數見筱園蓋余同年中無世俗勢利之見而用情專一如哲堂者殆不數數見也夫詩也者說者以爲之也志之所之也又持也自持其心也哲堂惟志趣高遠能自持其心而不屑追逐時好則其境窮而其詩之工也固宜哲堂歿於壬子今廿餘年矣余屢求其詩稿弗獲今其子子豐茂才自長沙來謁亟

詢之則詩稿尚存篋中因亟為選錄付之手民以與海內能詩者共賞之彼徒以多為貴者未知其果能有一言之傳於後否也是為序

小酉腴山館文集三

三

小酉腴山館文集卷第三終

小酉腴山館文集卷第四

沅陵 吳大廷 桐雲

跋

跋孫夏峯仇雪廬孝子傳後

自來孝子之不忍死其親而依依以廬墓為事者考之書傳眾矣吾獨異夫仇孝子者家赤貧其兩親歿皆九十餘孝子年亦六十且無子人生少至六七十者自常人處之懼歲月之不我與而皇皇以絕嗣為憂亦似無悖於無後為大之義然仇孝子孺慕終身方且廬墓三不飲酒食肉御內設以垂暮溘先朝露使祖宗之血

小酉腴山館文集四

一

及身而斬安知不貽兩親冥漠之恫耶卒之七十生子九十生孫九十三無疾而終在孝子初念萬萬不及此而竟如此用此歎天殆假手孝子俾歷試諸艱而因得以綱維世教者也嗚呼孰無子臣弟友之責而或值分之所當盡輒痼于瞻顧多方以自為解免聞孝子之風其亦可以自愧而自克矣哉孝子名雲慶字騰宇河南新安諸生劉參議兌以其雪夜居廬題其門曰雪廬故人稱為雪廬孝子云

徐清惠書于清端羅城與友人書跋尾

國朝論循吏必首于清端公觀其晚年遭時行道功在

社稷聲施爛然可謂極人臣之殊遇矣然豈知其中歲  
僅得一令而又處鼯鼯狐兔之鄉讀其在羅城與友人  
書此豈恆情所能堪哉惟能堪人所不能堪之境故能  
建人所不能建之功今之吏治日偷者非必盡甘於不  
肖也由不耐苦故耳苦不耐矣則僥倖苟且凡可以病  
國虐民者將靡所不爲而吏治尙堪問耶故居今日而  
海吏治道非一端而其要必自刻苦始然則清端在粵  
西羅城與友人一書謂非爲治者之主臬歟清惠徐公  
有見於此故手書是編以爲僚吏勸而侯官令孫君少  
付諸裝潢爲徵題詠可謂善承清惠之志者惜乎公  
已薨而少彭方處下僚不足以張之也

小酉腴山館文集四

二

卞頌臣中丞我園話別圖卷子跋尾

右我園話別圖卷子記注許君海秋爲頌臣卞公由京  
尹遷藩中州作也海秋性高簡獨嗜讀書而我園者海  
秋居都門讀書觴客之所也中間爲詩歌古文以贈行  
者駕部黃君翔雲比部王君霞舉翰林董君研秋及海  
秋四人卞公以直諫名重一時暇名之士聞風而景附  
者眾矣而獨與四君子者遊四君子者讀書爲詩歌古  
文不與權貴人往來而獨雅善卞公蓋大易之所謂聲  
應氣求易堂九子之所謂以朋友爲性命者其道固如

此也大廷曩官內閣四君子者幸皆得而友之獨以不  
數見卞公爲恨戊辰夏大廷以臺灣道乞病就醫福州  
而卞公來撫八閩出此圖見示且命爲之言夫卞公剛  
正廉明秉於性成於學受知於  
天子見稱於友朋罄其所蘊蓄以治八閩必能使優劣  
得所仰副

小酉腴山館文集四

三

說歸沅江懼不獲終事卞公哀吾生之須臾念離合之  
不可自必於是知莊周列禦寇之徒所以渾成虧齊死  
生而一之者蓋皆有託而逃之言非真大遠於人情者  
也歎摩撫斯圖也其又烏能無惻愴於中哉  
張大常遺墨跋

右小酉腴詩題跋一首余既略識數言矣又七言律詩  
四章則公贈別之作也唐刻井欄題名碑一則又公官  
奉天時屬金州台湘湄司馬所搨以遺余者余歷數生  
平交遊親知不乏矣然未有共昕夕三年始終權然如  
公之久而益篤者曩得所寄書公歿後已哀而藏之嗣

因南北轉徙漂棄無存者僅此因亟裝潢成冊畱置案頭公之精神言貌或庶幾一遇焉語曰思其人猶愛其樹况手澤爛然忍不鄭重而愛惜之歟歟士誦於不知己而伸於知己然不知己者往往易與為緣而知己者不幸隔絕輒數年或十數年不得會合最不幸則死此余所以願瞻遺墨不自知其悲從中來歛歔而不能已有以也夫有以也夫

刪刻林阜間集跋

右林阜間集會稽布衣潘少白所著武陵楊性農太史刪刻以貽余者也布衣文不墨守義法亦不喜聲律藻

小酉腹山館文集四

四

繪乍閱之平黯無奇再閱之亦然及三四閱書傳序記高古簡淡多得古聖賢人用意深處而無一語剽竊摹擬固宜並世人所不好而太史獨知嗜之其見卓矣昔楊子雲草太元知之者獨侯芭耳今布衣之遇太史豈有異焉假使追逐時好求為舉世共好之文則夫聲譽烜赫不移時而煙銷灰滅者夫豈少哉讀布衣之文豪傑有志之士可以蹶然而興矣

魏子亭間山游草跋

龍二為云吾游西湖屢矣不賦詩無以謝山水必為詩又無如此習見習聞何吾當俟吾性情之所至耳余嘗

深韙其言及讀魏子亭明經閩山游草益信二為之言不余欺也憶癸丑夏余嘗偕張振之學使登閩山觀音閣相羊於石棚下呼僧淪茗低徊久不忍去顧與振之皆未嘗有一言以狀此山之勝與吾兩人之所得豈非以冠蓋喧囂雖山靈亦不能使之靜耶及讀子亭游草而不禁爽然失也以子亭所為如此而余並習見習聞亦不可得人才雖相越不至如是蓋性情有至有不至如此雖然閩山名重東都子亭才雄遼海其性情相感發宜也乃近居鄉里遭逢亦未嘗有所大不得意而其詩若有悲從中來何哉余讀子亭詩亦不禁有念行邁之悠悠愴然而涕下者矣因綴數語以遺子亭不知子亭視余與二為何如也

小酉腹山館文集四

五

跋邵位西遺文

昔道光中年梅伯言先生以姚門高第弟子官京師用歸方之學倡導後進一時駿偉魁碩之士多從之遊仁利邵位西郎中其一也郎中雖從梅先生遊而學以二溪為宗二溪者安溪李相國文貞桐城方侍郎望溪也安溪說經以朱子之意貫串漢儒大約得經之本旨為多望溪則每於空曲交會無文字處獨得古聖仁賢微意之所在以故郎中獨深嗜之所著禮經通論尚書通



義孝經通論亦既無愧於二溪矣而其爲文一皆類經之腴其光黯然以幽其味淵然以永其倔強不撓之概亦載之以出惜乎殉難後文字散佚所得見者僅此然從梅先生遊成就卓卓如郎中者蓋未易數數觀也然則遺文雖不多而已足以傳矣且其文之傳與否亦豈關多寡乎哉

書後

書太史公報任少卿書後

曩讀太史公報任少卿書往往至涕下以其情哀其旨肆其音淒涼而悲壯也其後讀之既久則以李陵生降

小西腴山館文集四

六

大節既虧損矣史公乃謂其欲得當以報漢近曲說非知道者所宜言頗病焉閱數年再讀其書則又以史公義膽狹腸大足以發揚震動乎人心而不覺其肅然起敬也夫陵之能報漢與否其事不可知然觀其與蘇子卿書陵固自言之則史公之預爲是言其實有所見而非飾說也決矣余獨悲叔季瀆澆樸散不幸落陷甯弗引手救反擠之又下石者非其親舊卽平生所交遊謂眞可託以生死者史公於陵非親故比也既憫其勢之窮又察其心之欲有爲獨犯顏極論力洗其貪生畏死之辱至身受腐刑而不悔嗟夫史公而非猶夫人也耶

小西腴山館文集

方陵敗書聞天子寢食不怡史公豈不知之唯其知之而終不忍爲揣摩附合之言自詘其意以便身圖而使奇傑蒙不白之冤烏虛此其所以爲太史公也歟

書韓昌黎上祠部陸員外書後

孔子教弟子孝弟謹信愛眾親仁之餘甫令學文而四教設科亦以文行忠信並重未有舍行言文而可以得士者也自宋以帖括經義取士沿習以迄於今文法日繁禁防日密主試者不必舉賢而但能杜請託以求能文之彥卽爲得人應試者不必務實而但能工詞章以應有司之求卽爲眞士無論科條未足杜弊衡鑒未必

小西腴山館文集四

七

盡明就令所得者盡殫見洽聞之選而實行不立大本有虧楊子雲所謂雕蟲篆刻壯夫不爲也朝廷亦烏貴有是人哉吾因是讀昌黎上陸祠部員外書而重有感焉昌黎所薦侯喜侯雲長劉述古韋羣玉文詞旣美矣而稱侯喜必曰率兄弟操耒耜而耕於野以養其親稱侯雲長必曰澹重方實可任以事稱劉述古必曰疆志而婉容和平而有立稱韋羣玉必曰志剛而氣和樂於薦賢爲善推之沈杞張荳諸人亦必曰或文或行皆出羣之才未有舍行而言文者且言陸相司貢士最爲得人原其所以亦由梁補闕肅王郎中礎佐之雖未明言

七三一



梁王二人舉狀若何大抵必臚列其素行故舉人如此之當天下傳爲美談而並咎自后主司不能信人人亦無足信者故蔑蔑無間以致其慨慕之意循昌黎之言證以今時之制主司真能信人人亦足信而主司不敢信人人亦不敢公然薦士如昌黎所云者何則交通關節今之律例以爲大禁者也必弛其禁一如昌黎所云而人心不古浮僞日滋又將有交通關節如律令所禁者善乎楊賓實先生治論之言曰取士仍用經書論策等以校其文又於文之既中選者嚴核其行一以孝友爲先則既無交通關節之失而於孔門文行並茂之教

小酉廬山館文集四

八

亦庶幾有合焉吾故因今時取士之制而有感於昌黎上陸員外之書又因昌黎上陸員外之書而深契楊先生取士之法故連類並書惜乎無人言於朝而果獲採用之也

書馮氏校蔡李文公集後

李文公集世尠傳本歐陽公時已歎其闕遺矣明景泰時河東邢讓亦謂李文落落然後學有終身不得見者嘉靖元年黃景夔從唐守之處得朝鮮雕本錄而刻之歲久未顯於世頃南海馮觀察購得日本文政二年蔡本余因假而錄之用朱墨覆校勘者再而觀察旋亦廣

求善本合校彙行乃敬書其後曰爲文之不可不知道也豈不信哉習之文自云敘高慙女楊烈婦不在班孟堅蔡伯喈之下而蘇氏明允亦云其味黯然而長其光油然而幽者信允矣然余以昌黎有道而甚文一語允爲言簡而意備也集中傳狀志銘其至者質實高古幾可追隨昌黎其餘質勝其文者亦間有之矣然未有一言不本於仁義者觀其既窮不怨衛道闢邪孜孜以薦進良士登進太平爲己任其於仁義匪徒知之實允蹈之生程朱之前灼然有見於孟子爲接堯舜禹湯文孔之道統昌黎而外一人而已歐陽公論唐文之善必曰

小酉廬山館文集四

九

韓李有以也夫是書近世雖不多見而朝鮮日本於千數百年後猶知寶貴相繼刊布今觀察又廣求中華舊本參互考訂而重刊之則知秉彝有同好斯道之維繫綱常日用亘古今而不敝者無中外一也歎摩士莫不貴乎間道若徒雕琢其辭文雖工亦歐陽公所謂草木榮華之飄風鳥獸好音之過耳焉矣烏足貴哉烏足貴哉

重彙中庸衍義書後

大學之有衍義始於眞西山第止格物致知正心誠意修身齊家而治國平天下闕焉邱瓊山起而補之大學

之義無遺蘊矣古籍云亡聖經賢傳惟大學中庸爲全書自帝王以及儒士舍是無以爲學卽舍是無以爲治大學有衍義有衍義補而中庸缺焉亦憾事也明太常寺少卿南城夏東洲先生風骨嶽嶽一諫南巡再爭大禮忠貞之性瀕死不悔晚年謫戍遼海猶拳拳以啟沃爲心所著中庸衍義十七卷大意主於學聖賢法祖宗而於崇神仙好符瑞改祖制抑善類數端尤反覆推闡備示勸懲蓋有爲而言之而無一毫怨懟譏諷之意洵乎其爲純臣之言也使其書與大學衍義及衍義補進講 經筵其裨益 君德豈淺鮮哉兩江制府劉公峴

小西腴山館文集四

十

莊於撫豫章時重爲采布舉以見貽而以前疏請從祀孔庭格於吏議爲之惋惜不已卽是而制府之志與其政從可知矣惟先生赴戍隨行無書故引用尙多訛脫語句亦間有未能暢意者誠得解繫生還必將重加校正不幸而卒於戍所余不敏他日儻有餘閒尙當爲先生成之

書鄭少谷集後

右鄭少谷集詩文雜著凡若干卷余伏讀卒業先生之文尙沿明季餘習朱梅崖謂其未到自然妙處良然而當時稱先生者亦謂詩勝於文論者謂其得杜之骨蓋

其忠君憂國每飯不忘與少陵類此不可以聲色格律求之也然余所最服膺者在於書說無心爲文而性眞所流露不特文章經濟氣節於是見卽其入理深守道固翻然以太上立德自期者亦於是可觀焉天不憖遺年甫三十有九遽賫志以歿惜哉然世有聰俊奇偉之英抗志高遠其得年過於先生者眾矣卒其所成立其次猶或有憾焉然則先生雖早死而其不死者自在也且人之欲不死者何也

書邵長蘅閩典史傳後

自唐張巡守睢陽後越千數百年而有江陰閩典史

小西腴山館文集四

十一

應元者其以少勝眾同其矢盡束藁爲人得敵矢無算同又遣壯士夜斫營致敵軍大亂同其劉良佐來說降應元斥之與語令狐潮同陳明選以軍事推應元與許遠推張巡同應元先陳明選死難與張巡先許遠同唯張巡以順討逆應元以覆亡之後抗 王者時雨之師此則時有不同耳而其尤不同者忠如許遠雖經巡子去疾訟於朝卒賴李翰韓昌黎諸賢昌言明辨許遠之名終與張巡埒而江陰一役後人無不知閩典史而鮮有知陳明選者其死忠同而名之顯晦則大異也然不以存亡二心卒能致命遂志孔子所謂求仁得仁陳明

選亦可以無憾矣余惜青門於陳明選事僅附闕典史傳中而特為拈出冀他日史官仿新唐書之例紀閭典史後特為陳明選立傳此則區區發微闡幽之意也夫

劉海峯難言書後

劉海峯謂周反為唐於狄公無與而責其低首屈膝於淫亂之武氏以為苟周之富貴嗚呼文人立論固當獨出己見不受舊說牢籠獨奈何其刻若此之甚也信如斯言當武氏改唐為周之時為狄公者力既不能反正唯潔身遠去庶保全令名有以塞天下後世之口然使中宗不入東都即入東都而張柬之等屈於下位武氏

小酉陝山館文集四

主

雖老死亦安見周之果卒反為唐哉子姪之辨兩翼之折滑稽者能之此尚不足為狄公功也又謂天命若去唐祚終不可反不知狄公何以自解信斯言也古大臣與人家國不幸而值顛覆之時必逆料其事之成而始傾身為之耶抑成敗利鈍在所不計而姑盡吾心力之所得為而必為之耶君臣之際有性焉君子不謂命也正使唐祚已移而狄公之心唯知始終乎唐其他固有所不暇計而況周之果卒反為唐乎呂后違高帝約王諸呂將危劉氏王陵力爭不得平勃匪獨不能爭且和之然能誅諸呂安劉氏者平勃也非王陵也夫平勃親

與高帝定天下有大功豈若狄公一書生崛起草莽於武氏無絲髮之德哉然以其能安劉也天下尚多其功而不苛以不能力爭之罪特狄公死太早不獲身親反正與平勃之迹為少異耳余竊謂古社稷之臣遭遷禍變能心狄公之心者有矣至不動聲色而易危為安若狄公之深謀妙用抑何少也嗚呼朱子於狄公同平章事不書周其卒也書司空梁文惠公不書周所以勸天下萬世之為人臣者固非後人所得異論也而余汲汲然辨之者文以載道以扶持綱常為事者也文士尚論固不可囿於叢說然亦不可創為刻論以啟後人菲薄

小酉陝山館文集四

三

先民愈長其猖狂無忌之氣重貽人心世道之憂余豈獨為狄公辨哉

書山木居士集後

山木居士集者新城魯紫非先生作也先生篤倫理重威節而性嗜學期於明體以達用當是時建甯朱梅崖以古文名一時先生往從受學盡得其所為古文之法嗣又渡江謁姬傳姚先生於懷甯反覆切劘文益沖淡夷易望而知為德人之言也新城巖邑自先生以古文倡導後進承其業者有其甥陳侍郎用光族弟進士續三子嗣光而新城古文之學遂顯賢者之轉移風氣固

如是哉然非與建甯桐城諸老相反覆研究未必能成就卓卓如是余又因是歎士苟有志承學無師友淵源而師心自戾無小大皆不可成也

選錄樂園文鈔書後

吾辰州嚴樂園先生在嘉慶朝以經濟高一世不專以文名茲得其文鈔讀之議論古人皆能推見幽隱表揚微至無一語蹈襲前人而行文亦汪洋恣肆堅明勁健幾於三蘇諸葛武侯云才須學也觀先生之文則知其立功由於才才出於學而後之有志經濟者可恍然而知其故矣先生著有洋防備覽邊防備覽苗防備覽三者皆世所不可少之書先生它體文不多作余故擇所論著文數十篇錄而藏之往者先生令子仙航官通政時爲余先人作墓表卽以先生志事勤勤勗勗今通政逝矣余數歷中外行年五十迄碌碌無所樹立今錄先生斯文嗚呼其可感也夫其可愧也夫

胡文忠公行狀書後

咸豐辛酉夏余自都至鄂公亦自太湖同師延余入見喘甫定語余曰督師勝保敢爲欺蒙恬不知恥畱之必悞國家吾病且暮且死子爲吾具疏痛劾去之雖死不恨矣余曰公甚病請姑待焉閱數日召飲復理前語又

小西腴山館文集四

古

小西腴山館文集四

五

數日命周君壽山促余文益亟余曰天下大壘三鄭親王怡親王與協揆肅順勝保其次也公必欲上聞請先其尤者壽山具以余白公公領之不數日而公遽薨公性精敏吏事而能不顯己自恣武昌再罹兵災庶務廢弛每遇大議公必手書命內外僚屬各達所欲言具以上而自參互眾說以裁決焉故不數年百廢具興吏治爲天下冠平生尤以薦進良士爲己任聞之激浦向君湘汀曰庚申公嘗密疏十六人於朝草已具矣忽憶及余以僅得諸通政嚴公方伯鄭公所稱述而未獲見其人或告以湘汀素習於余亟問之對曰桐雲別已十年吾感仙舫嚴公歸自京師常道其賢其詳不知也公沈吟良久旣而曰吾疏已具姑畱桐雲爲後圖乎踰年公卒白李希庵中丞奏請赴皖其性好薦賢類此嗟乎公嘗所欲劾者今已次第伏法而所薦之十六人大半爲

天子守封疆次亦不失爲邦伯旬宣之寄獨余也辱公一日之知旣不獲振筆直書以達公意所欲言又不獲執鞭彈以與公周旋惟是崎嶇戎馬出入鋒鏑之場與讒間相終始齟齬顛擠而迄不得以發舒盡意此所以痛悼於公之不可復作愴然不能自己也舟中讀公行

狀乃記其習於公者補行狀之闕俾晰於文律為傳誌  
狀銘者有採焉

書陳頌南王母陳孺人傳後

安溪陳孺人贈文林郎誠圃之女龍唐贈君王義質之  
妻而孝廉昀之母也初孺人為嫠時年甫踰二十既念  
舅姑在室二孤幼不可死乃絕粒為茗飲者二十餘年  
不飢不疾不羸卒以養以葬以教其子以至於成立享  
年五十有八陳頌南觀察為作傳而援食氣而壽之言  
以徵信余意不然導引之法婦人鮮能知果知之亦養  
生者流烏有所謂貞節者哉如謂非導引七日不食則

小酉腴山館文集四

夫

死不見文信國之被執乎嘗餓八日矣期必死而卒不  
死豈非以忠孝節義根於性情實於腸胃充滿乎四肢  
而非穀食之糟粕所得增損也耶然則不餓而死餓而  
不死有命焉而於孺人乎何疑抑吾觀婦人之不保其  
晚節者多矣推其故迫於飢寒者十之八九無他畏死  
之念誤之也使誠知陳孺人之絕粒逾二十年而卒以  
事以畜以承夫未竟之事女子中人之資猶將勉焉而  
况夙性貞淑者與余喜陳孺人之事雖創而有裨風化  
不淺故亟辨之為來者勸

書拙修集後

余間近日學宗程朱者二人一為倭良峰相國其一則  
竹如先生也而未獲瞻仰其人同治庚午閏十月余赴  
金陵因洪琴西太守得謁先生於旅寓繼又假得拙修  
集窮日夜讀之先生自壯至老服膺朱子一念一動守  
其言不踰尺寸而其用功則自下學始尤兢兢辨明心  
性理氣使程朱陸王儒釋之界判若冰炭而不少雜  
雖未知其與相國造詣何如然固可謂繼陸清獻張揚  
園兩先生而起者矣先生之位不為不通顯也惜乎未  
甚柄用不獲昌明學術於天下而今則已老而歸矣嗚  
呼斯道絕續之交可畏也哉

小酉腴山館文集四

七

書管彤誤美後

管彤誤美者吾友孔繡山閣讀母夫人銘狀題跋諸作  
也繡山髻亂母夫人即戒勿濫交其訓誠切矣而梅伯  
言先生稱繡山所交徧海內賢豪長者可謂能為其難  
陳義尤高然余嘗聞之一介之士必有密友其大者在  
勸善規過以道德性命相切劘通有無而拯患難猶後  
也所恨交道至今凌夷日甚非勢利相扳援即不免激  
於聲氣有能緩急困阨不相背負者求之儕偶百不一  
二得焉况上此者乎繡山初官中書名位未甚烜赫各  
以氣類相感召其擇交也易今游升侍讀為閣中諸曹

長又晉階四品駸駸乎將大用矣位日以高則附之也愈眾而擇之也爲尤難繡山儻追念母夫人之遺教其必有惕然而不能自安者乎雖然余最蹇劣閉戶長安十餘年又與繡山同官七載未數數過從也迨將別繡山獨置酒款洽情意有加信乎善承母教有擇而爲之者繼自今願交勉之而已

小西腴山館文集四

文

小西腴山館文集卷第四終

小西腴山館文集卷第五

沅陵 吳大廷 桐雲

書

答胡宮保書

七月十九日賁摺人來伏承賜書恭讀台履拱福慶慰慶慰天下多故全賴宮保數公支柱而君門萬里主柄者又眩瞶不知地利賊勢坐此嘉謨祕計闕不得施者多矣成敗之機閒不容髮興言及此能勿流涕津門自六月來警報疊至人心洶洶而廟堂曲意主和諱言戰事致典兵者茫無所措遂有北塘之敗然我兵逾

小西腴山館文集五

一

賊數倍尙可撐持迨嚴旨星夜撤師沿海村毗如失慈母塘塞奔號哭聲動地不數日復有退李綱以謝金人之舉而官京師者震駭喪魄遂紛紛思去矣冠履倒置此何如時而忍使一人孤立於上每讀宋史自北狩以迄南渡未嘗不撫膺悼歎而不料將於吾身親見之可痛也前此兵敗時聞夷人得我潰卒有創者爲敷藥愈而遣之又聞夷人駐津每街巷各設鬼兵一持鎗扼守縱商民出入不禁而彼眾有滋擾者擊無赦嗟夫民愚何知期適己意而已使久久如此忠義之心誰爲固結天下事尙堪問耶且久遠者卽不必知而以禍機伏



於倉睫至不堪措意尤可悲也某雖鄙拙懶識道理急則去之義誠不忍或託天幸夷務稍定當拂衣徑歸庶幾免素餐之譏以毋違明哲之戒然每屆京察年官京師有缺者例不得請假性又愚不願多方遷就奪其素守若大宇宙進不能少有發舒退又不能孤行一意四顧俯惶駐足無所此真酷耳雖然素位而行聖賢所重某不佞願守此終身矣其他則又何云云云不已無益於事徒滋詬耳幸秘之不足爲外人道也某再拜

與黃翔雲郎中書

去冬連得鶴生書道足下記名樞府甚喜今已入直否

小酉腴山館文集五

二

方今天下雖多事然誠得志節磊落通知古今者分布中外要路一以滅盜賊安元元爲念功效未必不可漸致何則自古無亂而不治之國得人者昌道固如是爾而樞府者尤政事所出天下安危所繫也足下勉之哉大廷奉命過鄂不久益陽太保凋謝遂參戎幕分流品覈功罪裁抑僥倖幸未隕越適有苗構釁急圍壽州求援之書迫如星火當是時粵賊尙踞廬州各帥以苗詭言求撫議暫羈縻大廷獨上書當道痛陳順逆遂乃遣將出師壹意進勦章疏文告皆某親裁雖壽春先失我軍後到然人人知苗爲賊黨羽漸離實始於此洎皖

帥督師六安曩時城狐社鼠崩角來降壽州正陽相繼退出假令乘此聲威爰處降眾而惟以罪人斯得爲求苗逆之首縛致戲下宜無難者惜不獲始終其事而苗患乃蘊孽至今此可爲太息者也唐公前官鄂藩知某所設施去秋總制臨淮諸軍敦聘再三大廷危病新愈遂巡弗卻者利之乎抑欲藉手以告成功故耳然唐公久解兵柄部下少強將勁旅所恃淮北課鹽六安徵米稍佐軍儲又以李兆受憑藉寵靈壟斷水利近者髮捻狂竄江北不得不撤壽正防師以應之有苗益宴然橫互下蔡懷遠略無顧忌稍一舉足譬如人病闕格寒

小酉腴山館文集五

三

熱不交而我師已坐困矣由前以觀我軍勦苗而有餘就今以論我軍自守而不足非智不若所處之勢殊也孟子曰雖有智慧不如乘勢雖有鎡基不如待時信哉雖然明者防患未萌智者審機集事盤根錯節利器見焉大廷去冬赴營日佐帥府斤斤自強沙汰繁冗蒐討軍實未敢求多於人未幾有苗來歸因陽撫之藉以通我糧道而終不資其力則我用苗而非爲苗用者也鹽艘阻於下游則又誘其幾希良心聳以利害彼雖倔強然亦似微有俯首帖耳之意於斯時也假以三四十萬之帑銀增調東三省戰馬千匹需以數月秣馬厲兵乘



開出奇廣設方略相時緩急次第翦除取長淮數百里似失未失之疆土一旦復還

皇上課農桑出租稅利 國利民計無便於此者不然苟安目前以爲暫可無事鄙人禱昧竊恐不知其禍斯終極矣大廷近傷憂勞體日羸敝臨淮風土不北不南節宣少乖懼生災疢足下志氣甚銳轉盼秉筆樞垣幸藏吾言於胸中而深究其得失或竟轉告當軸預定一勞永逸之策大廷雖退處田間當爲淮民延頌跂足幸太平之有日矣足下儻有意乎二月十五日大廷白  
與王少鶴太常書

小酉腴山館文集五

四

少鶴先生執事正月下旬賫摺人回得臘八日書重疊往復如讀新語又拙文辱承斧削獎掖備至伏念執事以常少領樞班密勿論思日不暇給乃於荒僻遐陬至微極陋之士勲懃懇懇若真可以進於道者僕誠不敢當然不因愧生勵又非人也僕久役淮上粗知利弊具於與黃翔雲駕部書中未卜當否執事裁之邇者張捻就戮邱帥銳意滅苗公忠之忱今世罕有所惜髮捻狂竄江北凶焰頓張湘鄉相國不得不撤壽正防師以應之而臨軍鹽米又萬難於六安州三河尖越過苗練遂益得雄踞下蔡懷遠握拊背揜吭之勢近更禁防深堅

亂機日迫唐公昨詣邸營計事僕曾條陳數則旬日以來音信缺如僕以書生留守臨淮暫轄未練之兵日籌無源之餉延頸北望不知所措然成敗決於呼吸僕亦惟盡其心力之所得爲者爲之他何恤焉二浦滁長名雖反正實非 國家所有而其壘斷鹽利上虧 國帑中絕餉餉下累商民實難僕指前人無可如何稱其忠勇善戰不知怨毒貫盈人人解體唐公前疏禦賊則弱欺官則強不誣也此患不除終貽後禍願執事熟圖之各省爭言餉絀是也然孰有臨淮絀之如此其甚者乎司農以文書爲憑謂臨淮月可得協餉十餘萬不知唐

小酉腴山館文集五

五

公自去冬蒞任迄於正月僅得淮南鹽課四千餉鹽四千包亦不足萬金設非湘鄉相國月撥萬金則我軍斷炊久矣故僕嘗謂各省可云缺餉而臨淮直是無餉其果不然也耶相國前赴金陵甯國鮑軍迭次大捷現聞檄圖二壩若得希菴中丞味根軍門兩軍早到迅掃江北醜類以塞其趨皖擾鄂之謀乘勝直搗九洲逆壘會合沅圃春霆各軍網張四面聚而蹙之大功之成可計日而待矣然有天焉不可幸而致也左帥自恢復金華龍游湯溪蘭溪諸郡邑士氣百倍近聞紹興亦克復然否茲乘摺差之便覩縷至此并獻所爲文五篇戎馬

之暇古人所謂急就章者是也幸賜校正不宣大廷再拜

復李恕皆太守書

恕皆足下前月十九日盧海門來得惠書詞重語疊大抵憫僕之窮憐僕之屈且哀僕之志至謂功業可勿具論此心已足質天地而泣鬼神而以悄悄之愠歸於直道嗟夫僕心非子心子何以知僕之深至如此哉士嘗謂人生得一知己可以無恨僕雖窮於時得知已知足下足矣方正之不容也讒邪之害正也自古已然又何可復置齒牙間以召鬧而取怒乎至來書勸僕閉門著

小酉腴山館文集五

六

迹不見諸侯則似有未識鄙意者僕聞之賢者不因困窮而變志志士不羞小辱以立名僕所被者疑似之辭雖未能訟言其過然一指可以蔽目戴盆何以見天敬仲不忍於堂阜何以成一匡之功鄭公必死於建成何以成貞觀之治僕不幸謬竊時名偶遇蹉跌便蹙縮閉匿無以自容孔子之所謂匹夫匹婦自經於溝瀆太史公之所謂勢窮智極不能自免卒就死耳何足貴哉何足貴哉且夫士之出處亦自有道也節之初九曰不出戶庭无咎九二曰不出門庭凶不出同而吉凶異者何哉無他時位爲之耳僕曩者守經之節求歸田里許

生最以從時俛仰以取世資并引留侯汾陽爲辭僕無以難之而直援孔子進禮退義以對彼其時僕僅一閒散京秩也今朝廷既假以監司之寵矣僕雖効力行開屢冒艱險與強寇相角然功業敗於垂成犬馬報主之誠亦豈得晏然已乎特勢處睽孤不能不循遇主於巷之義以待說孤遇雨之吉幸而濟則恥可雪名可立報國之志可伸不幸而不濟則此心已盡雖瞑目一訣與世長辭無悔矣承雅意而不獲面伸鄙說輒布區區伏維鑒警不宣

上吳仲宣制軍書

小酉腴山館文集五

七

三月朔日某頓首上書督帥尚書執事壬戌孟冬贊軍濠上東接清淮清淮者明公駐節之區而濠上則明公釣遊之處也既聞仁風思欲覩休光而親盛德久矣會癸亥秋暮于役皖江道出盱眙滿擬晉謁堦墀而同行諸人以由蔣壩赴邗路近且速迫而從之遂至違其初志去夏左爵宮保以臺灣見屬中丞徐公知之不謀於某爲力辭者屢矣比左爵宮保改調陝甘將軍英公復爲力辭其言尤極切至而皆未蒙允諾并承再四慰勉許以臺事就緒卽爲調回其意似以臺灣百事廢弛非某不可而不知某之不能治臺灣也逡巡數月竟於十

月東渡以是明公持節南來又不獲隨諸僚屬拜迎馬首何一見之緣天之慳之如此某蒞臺四月餘矣自隸版圖以迄於今凡治亂之迹見諸圖籍者略皆涉獵及之大約不出戡定補苴二端從未有以法整齊約束者也近自粵逆構亂內地不能兼顧而政刑掃地盡矣夫備邊之道兵威爲重威立而後人始知恩臺之額兵水陸萬四千有餘不爲不多也乃自班戍不行僅存者衰老疲憊之卒無不以抗官通賊爲利至於戰艦九十六今無一焉以故奸民生心土豪玩法廳縣坐視其恣橫而末可如何而供億之繁酬應之重勢不能省於是弱者侵蝕正供强者劫取民財如俗所稱辦案云者比比也夙夜思維欲隱忍則必負國欲刮磨則先危身究之身可危而國不可負也先裁陋規繼禁浮費各屬廳縣年可節番銀萬數千元又擇其不職者易之逋逃臺灣以蠹政殃民者逐之雖以此蒙謗不悔吏治自是或有轉機乎雖然兵威不可緩也先製龍槽師船分巡內港繼請添置紅單師船以巡外洋復排眾議商之鎮軍力籌裁兵加餉之策凡所以馭武弁者亦如文吏從此土匪土豪漸覺斂戢而又整新書院捐置義學清理積案旌表節孝雖未能潤色鴻猷然規模粗具尙冀竭

小西腴山館文集五

八

盡駑鈍爲明公綏靖海疆少紓願見未見之意不圖精氣素薄用心過勞旬月以來飲食頓減鬚髮漸白甚至執筆構思心火上炎某區區一身何足愛惜所慮海外荒服正班定遠所謂蠻夷懷鳥獸之心難養易敗萬一病軀貽誤如地方何幸明公忠誠許國素以愛惜人材爲心不顧忌諱敢求速選賢員前來更替以重沿海之防以追東顧之責令得進謁三山不至並世有大賢如明公者終身以不得見爲恨忻感甯有極耶道遠無可將意僅獻拙刻詩文集福建票鹽志略數種聊助燕閒之清覽統希亮督臨穎不勝悚惶待命之至

小西腴山館文集五

九

小酉腴山館文集卷第六

沅陵 吳大廷 桐雲

贈序

贈 盛京協領成奎元序

我朝發祥長白混一宇夏直省設督撫以察吏安民設提鎮以練兵禦侮天下形勝之區復設將軍率所部八旗滿蒙漢丁戶以控制要害而弭患於未萌提鎮容受節制於督撫獨旗務之屬將軍者督撫不與聞若吏及民屬督撫者將軍亦如之良以設官分職各有攸司所以一事權專責成意甚深遠也獨 盛京根本重地

小酉腴山館文集六

一

設將軍都統戶禮兵刑工五部京兆尹丞各一而唯將軍為尊將軍雖專主兵而部下州縣大利大弊之涉旗民當與革者必首白將軍以入告我

后遇大疑獄

天子或分命五部尹丞然往往總其成於將軍將軍不能獨理也又必擇兵戶刑三司之固山大能持大體不苛小節者分任之以條陳其可否而將軍自取裁焉固山大滿州舊稱即所謂協領者也協領武職當知兵然非能周知民生利病無以匡弼將軍而盡厥職吾友成奎元世隸瀋陽少以驍騎校司章奏即周知民生利病

三遷至 盛京協領君性和易無崖岸外誠樸而內精明吾知君之為是官也將軍必重任君君亦必能持大體不苛小節有以裨補將軍者克稱厥職然余猶有進者方今四境蕭然盜賊蠡起以君之才既為將軍知他日

天子命君為將軍或更畀以督撫之寄其裨益必更有遠且大者而此不足道也於其行書此為券兼寓策勵之意焉

贈易笏山序

嗚呼今世之慨然於人才難得者我知之矣其侈談經

小酉腴山館文集六

二

濟者才氣自負往往凌厲震蹕視天下事無不可為或時與機值亦嘗赫赫著功勳不幸而偶蹉跌或適遇非常駭愕之事則氣沮神傷嗒然若喪較之木訥無能者而有甚焉其高語性命者無程朱明體達用之學而唯知矩步規行拘守小節至開物成務凡君子小人進退消長之機與夫治兵泄眾一切張弛緩急輕重之宜概焉莫之深省試以事百鈍並見而天下遂紛紛以道學為詬病矣嗟夫道德事功是果為二事哉道德事功之出於二此天下事之所以不治而人才之所由不可得也且夫古之君子內以自治其身心而外以備天下國

家之用故方其處也退然若不勝及其得所藉手或投之盤錯之地或試之以金革百萬安危決於俄頃生死介於須臾而當之者從容擘畫恢恢乎有餘裕焉無他其素所講明者然也後之人分道德事功爲兩途故其學不能以相兼而其弊每因以互見惜乎吾深有鑒於此而力不足以副之也吾友易笏山遭時方棘心焉憂之思以一身矯其失而於是毅然有請纓之志笏山之學與余同交日益親而其才氣則過余遠甚故余於其行怒焉以悲又不能不肫然以望也語曰行百里者半九十況並未至九十者乎然則笏山亦交修焉而唯日不足其可也士之自待也重則其責之也愈殷而其副之也爲尤難繼自今子將無駐足之日矣嗚呼其可不勉也夫

送涂朗軒按察湖南序

六安涂君朗軒觀察蘇松太時余治兵海上爲同僚相善也未踰年君擢臬湖南則余部民耳而人言湘中哥老會不時蠢動君欲求所以綏靖者不鄙辱余因正告之曰會匪非他蓋楚勇之遺歸者而有司又往往非人故迫而至此耳吾湘風俗舊稱樸茂其士民質直多雄毅之氣故粵逆事起今大學士曾侯率子弟兵倡義勤

小酉腴山館文集六

三

三十餘年來所至比輒有功以是楚勇名聞天下今所還歸者其士民猶昔也何昔者蹈義之勇而今者倡亂之多歟豈生性使然歟蓋由在軍中久習於豪侈非復從前作苦之舊而有司之政刑又多不足以饜服人心或反足以激變君賦性儉澁事勤而持議亦平自太守以至觀察一也循是以往上好儉則下必無敢有奢華敗俗者矣上喜勤則下必無敢有游惰廢業者矣上持平則下必無敢有反側動眾者矣而又慎簡乃僚人人以公平正大之心行公平正大之政苞苴絕刑罰清雖治天下可也獨湖南也歟哉或曰吾湘多巨室每干政得罪則事益不理可若何余曰巨室非盡不肖其中亦多賢者焉君正人所交必正士正氣伸邪氣退矣此不足爲君慮故於君之行也書此爲贈且以當息壤焉

壽序

徐中丞七十壽序代

同治四年乙丑十月某日爲樹人中丞七十誕辰閩中僚屬欲稱觴介壽而乞言於余余謂壽文非古自來能文之士往往往鄙夷不爲然洪範五福必首言壽豈徒以得年最永備歷豐亨豫大之遭爲足誇耀愚俗云爾哉蓋人世不朽之業非闕事多觀理審則其所設施必不

小酉腴山館文集六

四

能垂諸久遠以故名臣碩輔如裴晉公文潞公富鄭公諸人天欲成其不朽之業必皆予以至高之年正謂此耳我樹人中丞以縣令待任封圻宦轍所至卓著循聲曩意公必精強幹練思以赫赫立功名及其事閩疆乃知其不尚威刑一以德化為本故無論兗豫齊梁巴蜀閩越方內域外之民而默化潛移能使秀良者服其教頑梗者輸其忱此非可旦夕倖致也良由公自釋褐迄今踰四十年宇宙之事變無不熟古今之理道無不明故其一張一弛與時推移譬如春風鼓物自有不言而引人以和之妙且夫事之不可知而可知者人也可知

小酉腴山館文集六

五

而不可知者天也方咸豐九年公官浙藩時徽甯軍事正棘豈料其去位一月遂有杭州淪失之事去年粵逆倏陷龍漳省城人心洶洶旦夕莫保豈料其浙師來援遂有由甬上航海之事乃公去浙而浙危甯聞而閩安公之去甯時之安危繫焉凡此者皆天也非人之所能為也公為浙藩年已六十有四而今則七十矣然聰明志慮不異少年由此八十九以至於百年其勳業福澤將有駕裴文富三公而上之者剝之上九曰碩果不食君子得與天之壽公天蓋欲使善人有所依歸以繩成康屯拯亨之治况余德薄能鮮正賴公以匡不逮微

僚屬請猶將拜手颺言效詩人難老之祝而豈猶夫文人一得自鳴必計及夫壽文之古與不古哉公餘事頗工文章試持此以張於庭知必怡然色喜而諒余言之非佞也

英香巖制軍七十壽序

同治四年乙丑大廷奉 簡命都轉閩海其時制府恪靖伯左公撫部清惠徐公皆不以大廷為不肖推赤心納人腹中倚之若左右手而今制府長白香巖英公方為將軍亦以至誠相許與故得罄竭愚慮無所為而成會恪靖自粵掃平髮逆凱還銳欲有所興作而尤以

小酉腴山館文集六

六

臺灣控扼沿海七省舉大廷往治之大廷慮海外聲息隔絕多牽掣屢辭不允既念三公皆與大廷親厚弗慮齟齬故電勉東渡未幾日而清惠遠歸道山恪靖亦改移陝甘獨公以將軍兼權總制事一切假以便宜得從容料量恪靖治閩意在拔取人才振興庶政不拘拘墨守成例惟公與清惠同心協規無間言未幾代公者至恪靖甄拔者先後引去余亦稱疾求解任甚力當道雖頗慰留然事已無可為矣會公再權總制大廷復申前請公不忍重違其意然僅允其內渡就醫未數月 朝廷屢申回臺之 命其時公已真除再四諄迫而大廷



以宿疴未痊仍以疾請公不得已乃許之大廷甫歸里將應秦中之召總理船政大臣沈公欲聞於 朝請大廷襄理船政公聞命欣然並致書恪靖請令大廷南下夫大廷之於公非有夙交然公於大廷獨始終眷注如此歎嗚何其厚也太上貴德其次貴施報公之施於大廷者遲矣公富貴已極而大廷方居下處幽無可爲報所得致其頌禱者唯壽考康甯已爾同治庚午五月十有四日爲公七十誕辰先兩月

天子以公康疆純固 命公兼權巡撫事至是 頌賜尙方所以錫賚者甚備文武僚屬鼓舞歡抃相與製錦

小西腴山館文集六

七

抒詞導揚盛美大廷獨謂公敷歷中外美不勝書其尤大者庚申之秋海氛不靖畿輔戒嚴有 詔各直省疆臣率師入衛公時爲山西巡撫聞 命首先就道師次井陘而事已定遂班師入 覲得 旨嘉獎其忠勤偉烈尤宜紀諸旂常故亦不贅述而第括一人受恩之始末以代難老之祝庶幾於樸樸之詩所云周王壽考遐不作人者其義猶有取爾也惜乎清惠已作古人格靖亦遠隔隴西軍事方殷不獲共舉一觴以誌一時盛事旣爲公慶又以歎同志者之不易合并千古有同喟也豈獨公與大廷一人之感慨云乎哉是爲序

曾相國六十壽序

古無治極不亂之時然朱子嘗謂天心之仁愛斯民也於其將亂必豫生一人焉以擬其後以拯生民之墊溺而挽回造化之窮雖然值盜賊蠶起海內洵洵之時事非一人所能獨理也必以薦拔人才爲先功非一時所能卒事也又當以培養士類爲亟往者郭汾陽李臨淮嘗戡定大亂矣而薦拔不聞韓魏公范文正公知薦賢才矣而培養有闕又功施未竟於西夏君子猶或惜之求其首倡義師芟夷大難而人才相繼勃興士類胥歸陶育自秦漢以迄於今蓋往往而難矣今乃於相國會

小西腴山館文集六

八

公見之方洪陽倡亂廛嶺南一隅耳及其越嶺而北直下金陵據爲僞都塗炭遍乎東南釋騷延乎燕趙其時高位覆轍相等而處幽者落落乎如枯木之號於寒巖也老成凋謝殆盡而植志者飄飄乎如浮萍之泊於江湖也公時以卿貳讀禮家居奉 詔團練鄉里獨能精於鑒別自韋布旁逮走卒搜奇拔尤鼓行而東喋血矢石之閒肉薄鋒刃之下轉戰數省剗岳剗潯瀾將士一心遐邇一氣用獲積功累勞恢復金陵而其別將一軍南平吳越北定中原蓋亦公所薦揚者公復宏開幕府招納英賢雖一才一藝之微罔弗樂育不倦且夫天



心之仁愛斯民豈有他哉凡害民者剔之攘之益民者珍之護之而已假令當兇焰滔天之日一旦無公則海枯魚爛智愚莫必其命而生人之理不幾於息歟今者撥亂反正公之知人善任其效已明著矣而其儲備國家之用者復汲汲以求而未已夫公豈有豪髮智名勇功之念介其閒哉亦惟以薦賢可遏一時之亂萌儲才並足延萬年之國脈為之自我者當如是耳公於學無所不精而渾之莫可窺其際至詩古文辭他人罄力為之而不能工者公獨闢畦畛不蹈故常自趣昭而義博此雖未足觀公之大要亦其有本故然哉諸葛武侯曰非淡泊無以明志非甯靜無以致遠公浮雲富貴履險難如平易其諸淡泊甯靜之效歟孔子曰仁者靜又曰仁者壽夫惟靜則思慮不紛而神明益固公年今六十矣時總制畿甸津門事起公不動聲色柔遠有經比訖事

天子重念東南之民復命移節往鎮之 頒賜稠疊錫祐綏民大廷以為郭李韓范皆不足擬公其殆將軼秦超漢比美周召而年壽亦與相齊然後見天之篤生我公非偶然也是為序

左宮保六十壽序

國家粵逆之禍萌芽於道光季年滋蔓於咸豐南北繹騷海宇不靖者逾十年今上龍興五星聯奎曾李二公與公分道進兵以次戡定皖江浙閩諸郡邑而汪逆息喘於嘉應州者尚號稱數十萬公復自閩移師剿之一鼓蕩平盡根株剷斷乃止歎摩何其速也粵患既紓回禍又亟天子以公用兵如神 特命為欽差大臣調督陝甘公慷慨誓師甫入關而毫捻由秦竄晉將犯畿疆公恐震驚

陵寢先遣騎聞道渡孟津繞出賊前至保定而賊眾果大至我騎兵累戰卻之而他部無至者陵寢宴然公功為多然是時捻馬尚不下二十餘萬賊忽於河朔東豫閒時公已督兵至燕趙眾不滿萬 朝命督戰甚亟公力主自北壓剿之議親率師與賊馳突卒與李公合謀殲之中原肅清李公解兵符回鄂公復旋師入秦其時回部已遁隴上閒分黨回竄皆應時殄滅賊遂遁歸金積堡老巢橫縱各數百里根深蒂固公乃建三路進兵之策以一支由北路循鳳翔入花馬池一支由南路循秦州入鞏昌公自出中路由涇州進平涼先遣偏師搜剿後路巖穴積匪南路克狄道北路復

小酉腴山館文集六 九

小酉腴山館文集六 十

有金積堡奇捷剷除禍根公遂進軍靜甯會擣河州諒和卓遊魂可折箠定耳回紇自唐時已強綿延逮我朝霍集占庶孽蔓延葱嶺以東以累朝鼎盛之勢

列祖

列宗之靈猶歷康雍乾三朝乃獲犁庭掃穴隸版圖而爲臣妾公議論雄辯似陳同甫布衣以天下爲己任似范希文而其綜理精密神機密算雖諸葛忠武或不多讓焉故值兵燹之餘餉需絀輓運艱獨茹苦含辛佐今上宏茲丕績爲中興武功第一然公自視欲然甲

小酉腴山館文集六

七

子冬嘗貽余書曰志大力小年但事急將知而髦欲及行自傷已歎嗚此易所謂勞謙君子也今年十月天子以公周甲誕辰 頒賜稠疊大廷羈跡海上不獲西向稱觥自以知公獨深敢舉公勳績志事昌言以告天下後世公閱之庶欣然爲舉一觴乎

誥封太淑人李母劉太淑人八十壽序

劉太淑人鎮遠贈通奉益庵李公之配而今訓導兩皆今署安徽按察使廬鳳穎兵備道恕皆之母也咸豐癸丑恕皆同年以縣令官奉天與余善要言它日必締婚姻再踰年恕皆尚無子嗣遂堅以其猶子德輝聘余息

女自是情好逾密已習聞太淑人之賢迨戊午黔禍日亟兩皆奉太淑人遷居吾辰同治癸亥余自臨淮軍假歸遂得拜太淑人於堂下淳固樸懿儀範隱然知其樹型閨閻長益子孫非偶然也然春秋則已七十有八矣是時恕皆以縣令調署安徽亳州 特旨補授潁州府知府郵書抵余欲迎養任所余謂老人跋涉長途非宜馳書止之而去年秋兩皆竟奉安興赴潁甫抵任恕皆又奉 恩旨補授廬鳳穎兵備道旋奉 命權臬事復以嘉平八日侍奉至皖竊謂恕皆迭承 恩寵可謂暹矣而太淑人以垂暮之年飽受風霜其母乃過勞已乎

小酉腴山館文集六

七

乙丑二月朔余適奉 命赴閩勾當公事泊舟桐廬得恕皆書道太淑人眠食安和聞之舉手加額先是去年春恕皆以太淑人七十晉九屬予爲文侑觴余時將赴皖匆促尠暇今月之三十日爲太淑人八十誕辰屬在歲末慶幸之忱烏容無言余嘗服膺望溪方氏每以子之賢推本母教聞持此衡量古人若陶桓公歐陽文忠公皆歷歷不爽太淑人之賢較陶歐陽諸母誠不多讓卽恕皆以候補知縣一年餘榮膺 特簡洵至監司柄用日隆於桓公文忠公之勳業亦不可謂無志者也所難必者恕皆既沐不次之擢而又欲老親永享遐齡此

在古賢為難乃太淑人以遲暮之年舟車顛頓竟能康強逢吉親見其子陳臬皖江夫天豈獨厚於恕皆哉嘗讀漢書雋不疑為直指使每出決囚還其母必問曰所平反幾何即多所平反則喜動顏色不輒對案不食以是全活甚眾循聲滿天下恕皆本以精敏吏事渥邀主知皖又介江淮之交民俗強懦不一吾知其治獄決獄必能體太淑人慈惠之心以追蹤不疑無難者然則天欲假手太淑人以活皖民年壽又烏得而不永耶恕皆試與兩皆以此意白於太淑人之前知必欣然為舉一觴也

小酉腴山館文集六

三

誥封夫人周母許太夫人六十晉五壽序 代

國家當承平之時官吏習於媮苟雖明知小民痛切剝膚亦縮手孺舌不肯出其身以解倒懸之厄若河南虞城縣歲出草五百束以供河工之用舊例每束折一千數百緡輸之官民尚不以爲苦其後日益月增歲輸至萬束以外而民生乃大困矣令斯土者莫可如何或反利其所有獨崇祀名宦吾友益陽周君仲甫以進士宰虞城毅然去之俾復其舊小民如慶更生及補商城其鋤強扶弱一以惠養黎元爲主民之愛之猶其在虞城也使得竟其設施兩漢之吏治豈不再見於今日哉惜

乎年僅三十有七而竟以商城終也然名宦公兩任劇邑專精外事而無內顧之憂者實夫人有以相之夫人同邑許氏于歸時上事姑嫜下和妯娌均能得其歡心連舉三子皆早逝名宦公既歿公兄華甫民部乃命開錫繼其後開錫幼聰穎夫人愛之常以名宦公志事相勗勵嗣開錫宣力戎行一牧沔陽再守温州兼署溫處兵備道剛果精敏政聲著聞時夫人皆在官舍樂可知已今年九月二十六日夫人年六十有五同人將奉觴上壽而開錫適以兩浙督糧署福建布政使吾知革弊興利政通人和夫人夙昔所期以竟名宦公未竟之志

小酉腴山館文集六

古

事者自此必更恢而大之邦國之光而豈徒一家之榮耀已哉開錫以故人子曾從余遊今又共事一方僚友以壽文請故不辭而敘之如此

誥封夫人周母任太夫人七十壽序 代

余友益陽民部周華甫先生之室任太夫人今年九月二十八日年登七十時仲子開錫甫以浙江糧道署福建布政使長子開鑑以國學生 貽封中憲大夫隨侍在署季子開銘以新進士館選亦自津門航海來闔母子兄弟聚會一堂同人欲捧觴上壽舉酒相歡而屬余一言以紀其盛余與華甫居相近華甫與余兄景喬先

生爲齊年生余試禮部往來過從又相善也竊念人生斯世事之佛意者常多而適意者常少華甫爲諸生家貧授徒自活夫人以勤儉佐之未幾華甫爲京朝官有祿賜之入夫人從在京師逾二十年道光戊申華甫倏以丁內艱回籍棄世宦橐蕭然是時開銘甫生開錫等亦尙少夫人挈諸子歸里會逢水災拮据衣食殆有恆情所難堪者幸不數年開錫從戎鄂省大爲胡文忠公賞拔擢牧沔陽又六年余檄開錫來浙奏補温州府兼署溫處兵備道夫人板輿赴任開錫旋放浙江糧道奉調來閩夫人復忻然就養夫以年屆古稀環顧膝下

小西腴山館文集六

五

一膺屏翰旬宣之寄一邀玉堂金馬之榮開鑑雖未顯達亦復叨被 綸音豸衣侍側此人生之全福古今不易有之遭而夫人獨集於一身是何佛意之事常少而適意之事常多也夫人一生履常處順無奇節異行之足錄然古者女教修明執懿筐治絲紵或登岡阜而懷卷耳或遵汝墳而伐條枚其幽閒貞靜往往於言外得之則夫人之寬仁溫厚膺受多祉其誰曰不宜惜乎吾華甫不及見之也

范母余太宜人七十壽序

余與武昌范君鶴生爲昆弟交有年矣旣稔聞其母余

太宜人之賢咸豐己未鶴生迎養京師余得進謁其邸第瞻其儀止聆其警欬退而察其行事益憬然於古所傳賢母不是過焉再逾年辛酉夏余以從軍出都往來鄂皖間數得鶴生書皆稱太宜人康疆純固較在武昌時加健今年六月某日爲太宜人七十誕辰鶴生徇親知請欲開觴稱慶弗允請改以十月某日爲先大夫七十冥壽乃許諾因不遠數千里乞言於余余不文烏足導揚盛美顧念余抱無母之戚已二十有七年而鶴生乃得以斑衣舞綵承顏娛色奉博母夫人之歡此雖三公有不見其樂者宜鶴生之不欲已於言而余亦不得

小西腴山館文集六

六

以不文辭也余嘗謂古者賢人志士之生往往多涵濡於母教何哉凡人之情寬之則易以流嚴之則有所防閑而不至於蕩然無紀世人多言慈母不知慈之過漸流爲姑息子或有顯過父方朝夕督責而母氏必多方回護之爲子者亦利其母足以庇己也馴至恣情縱慾以成積重難返之勢然則古今賢人志士謂多本於母教者不其然歟太宜人生男子子二人長紫函主政次卽鶴生方未入塾時太宜人嘗翦紙書字教使識并授小學諸書爲解釋大義不令有子弟之過紫函成進士後沒於京師鶴生亦改官欲乞外太宜人不可曰若以

官爲吏耶毋論未必得吾甚不願若有此行也又曰人苦不知足若此時尚未第又將何如循是以觀其識見度越尋常遠矣嗚呼豈不賢哉故鶴生以庶吉士散館高等改內閣人以爲戚而鶴生無憂容及遷宗人府主政兩校禮闈所得士魁上甲或爲翰林人以爲慶而鶴生無喜色人第見鶴生恬憺於勢利文行並茂身名完好而不知其涵濡於母氏之教者深也莊子曰受命於地松柏獨也故冬夏青青此則太宜人之所以爲壽而鶴生有不欲已於言者乎獨余也無母之痛抱恨終天兩過武昌太宜人遠隔京師又弗克一登壽母堂執爵

小酉腴山館文集六

七

稱觥以效詩人難老之祝其爲菀結更當何如也

楊母元太恭人五十壽序

吾友甯鄉楊君仙萼其母元太恭人以今年五月年臻五十是時仙萼用軍功保花翎知府銜福建候補同知攝上洋通判事政平訟理奸盜屏息適迎太恭人至署將舉觴稱慶而以書抵余求爲文以張之其言曰太恭人于歸時翁姑先逝嘗以不獲侍養爲恨而事父及夫則根於至誠每遇疾病勞瘁備至幾忘其身迨贈大夫歿家中落矣而殯葬悉如禮經其教子女尤有法度每更闌人寂書聲與績聲常相應答也或有過則痛撻之

太恭人夙知書史少暇則手孝經一卷而尤好陰騭諸書人有以急難告者雖傾囊不惜也道光己酉湖南大水太恭人先於戊申歲稱貸積穀數百石以備至是減價平糶既以其餘息煮粥以食飢者復延醫贈藥以療疾疫無告之人所甦活無算鄉黨至今稱之其閭邑之好溺女也遇孕婦或延至家苦口勸導必得改乃止及仙萼從軍勗其努力平賊而尤以不可妄殺戮爲誡仙萼所述如此余讀之而善焉夫婦道坤道也陰以從陽爲義原不必以才見故無非無儀詩人咏之然大雅又曰蘆爾女士女子而有士人之行則豈徒一人一家之

小酉腴山館文集六

七

計云爾哉蓋其利物濟人必有國家天下之慮而後以女士歸之若太恭人孜孜好善以一婦人型方訓俗庶幾無忝於大雅之所謂女士者與仙萼年方二十餘聲名鵲起使從此秉承慈訓其利賴當更遠大余不敢泥壽文非古之說而嘉太恭人懿行有合於女士之義樂爲天下道也於是乎書

小酉腴山館文集卷第六終

小酉腴山館文集卷第七

沅陵 吳大廷 桐雲

傳

張太常家傳

余僻遠新進生也咸豐初元遊京師落落無所知名癸丑春應奉天府府丞張公聘一見語合意待為上賓每事必咨余而後行人或以事白公公以為可而余曰否公不堅以為可也或公以為否而余曰可公亦不堅以為否也以是情好日親公年輩遠過余而稱余必曰先生余不時從友人飲或薄暮未還公策杖至書齋

小酉腴山館文集七

一

探問日三四返比余歸則公應時至必問曰先生今日樂否座中客為誰如是者以為常蓋古之所謂知己者固如此而余特幸於公遇之也今不幸而公死矣此余所以心孤氣結謂並吾世無復有知己如公者是重可悲也公諱鑠字振之南皮人幼聰穎善屬文弱冠為博士弟子每督學使者按部至輒冠其曹中嘉慶戊寅科舉人道光甲午用景山官學教習敘勞選西甯教諭明年中乙未科會試改庶吉士散館授編修邑中捷南宮入翰林自公始前此二百年無有也旋升國子監司業司經局洗馬翰林院侍講侍讀充日講官尋遷太常

寺少卿咸豐二年改奉天府府丞兼學政兩充鄉試同考官一為湖南學政皆稱得人先是岳州某豪以賄舉孝義得旌諸生攻之多株累公廉其情詰守某守以律事不干已對公怒斥日事關風化學校不與聞誰當與聞者立排眾議褫之毀棹楔於門士氣大伸旋按試郴州奸民以攻訐籍貫勢匈匈幾罷試矣公一以鎮靜處之卒無事其官太常寺也適 廷議

宣宗配

郊大禮久未決公曰

列聖配饗位次右穆尙虛天其以此為我

小酉腴山館文集七

二

宣宗早設不祧之定位乎及降 諭旨果如公言官奉天適當恭送

列聖尊謚冊寶赴盛京公知

宣廟實錄不日告成專疏請併二事為一以紓民力其言懇切疏未達而暫停之 命下矣又奏按復州吏目某侵蝕書院經費吏目巧黠故大吏所徇庇者也卒追其金還之書院士類尤傾心焉任滿覆 命仍授太常寺少卿以休沐卒於里第公雖貴自奉清儉而內行淳篤事兩女兒甚有恩禮官奉天復出千金為弟某贖其莊田之已售者外人鮮能知余尤以此賢公也嗣孫增



滿故從余遊既葬公出其狀示余余感公知為撮其要者俾列之家乘云

論曰公性愛士門下士來見者公接之一如家人父子尤能知人嘗與余私論並世人才如尙書某總制兩江某部郎直軍機皆有重名公逆策其必敗後皆如公言獨余也辱知最深乃浮歷中外鬱鬱迄無一成太史公云鍾子期死伯牙終身不復鼓琴其節謂此也歟悲夫

彭勉吾傳

勉吾諱履成新化彭氏道光己酉科選拔貢生咸豐甲寅充覺羅官學教習期滿以知縣用回籍候選戊午

小酉腴山館文集七

三

月歿於從兄暄鳴河南項城縣官舍君少恂謹見人訥訥不出口及入京困無所遇乃一縱於詩酒雖窘甚而好揮霍徵誦選舞往往積終歲之藏不崇朝散盡不惜也然性真摯與人交輒出肺腑相示人亦樂嘔就之余於壬子秋始識君京邸其時朝夕過從者小東蘭泉舜卿及君四人而已未幾君與余各以事出都乙卯余再入京舜卿小東或死或去而唯君與蘭泉獨留嗚呼人生不過數知已不幸散而不聚亦已矣幸而復聚而忍有跬步之離乎蘭泉以授徒居稍遠閒數日乃見余嘗恨之每晚餐畢傍徨庭戶意愴然不樂獨君攜奴子提

燈時時過余縱談至夜分不倦余嘗謂秉履如君得試一邑必有以濟人或猝遭禍變當以節義顯而孰知君之竟止於是耶君詩宗老杜書宗顏魯公皆有法度然此猶君緒餘也九年蘭泉歿其孤來京師余已哭而銘之君子幼不能以狀來乞銘乃悲而為之傳

羅光詒光詔傳

羅舍人振雲之叔父光詒以庚申正月卒於里時官京師不及視含殮痛甚乃涕泣綜其生平而並追述其世父光詒之遺行屬余為傳光詒字佩球號燕亭太學生世居吉安之湖塘家素貧兄弟三人仲光詒振雲之父

小酉腴山館文集七

四

也考克信老疾先意承志及失怙兩弟後先商楚獨君留奉母三十年得其歡心先是考以形家言欲遷祖祠路隅之節坊又欲闢塘二溉村田未果君至是家漸饒皆力成之又嘗捐租祖祠供祭費為族中請旌節孝者凡八而並教養其子弟之貧無依者邑人王霞九觀察官楚舊有聲素重君嘗欲糾君立義倉備荒事未成而君遽卒君好學善屬文願澹於進取而教振雲等獨嚴嘗與光詒飲振雲侍酒半指振雲曰家世忠厚吾兄弟旦暮兢兢懼顛越貽先人羞爾其勉之每與師銜杯論文語次必及振雲或振雲入城應童試未嘗不挾與



俱也子振霄太學生卒年四十有七王觀察來甲曰善人亡矣光詔字冕纓號黃閣友愛甚兩兄多善舉君力贊成之愛猶子與光詔同而待之特和與振雲言恆至夜分不寐性尤孝年既壯侍母側依依若孺子或出賈一絲一粟必以遺母歿且十年每歸自楚輒撫膺曰向有母遺今何無也因泣然泣下卒年五十子振雲官大理寺丞卒之後仲兄光詔寄書振雲曰我五十年怡怡兄弟一旦棄我令人肝腸寸裂且我兄弟體皆強獨我弱今強者先逝弱者其堪久存耶振雲每爲余誦此言未嘗不歔歔流涕也

小酉腴山館文集七

五

論曰昔蘇明允有言兄弟其初一人之身也故曰兄弟之子猶子蓋其天性然也然以余所見聞頗愚稚魯之輩兄弟相守終身視其子不異己子者眾矣或異財而至於析居則雖恩意相維然以律己子即士夫有不能強同者何歟迹疎而情漸隔天性之愛有所鬱遏而不得流也今觀羅氏兄弟三人如一身故光詔光詔之卒也猶子振雲追述其伯叔父之遺教令人悽惻不忍卒讀雖曰天性抑其迹親而情因之彌篤也使人人做而行之其於重倫紀而厚風俗當何如然吾未見世之能此者數數然也嗚呼其可貴也夫

封資政大夫敬庵王公家傳

公諱應矩字敬庵姓王氏歙縣人曾祖父選孝義載郡邑志祖洪烈乾隆朝武舉人以父得痺疾侍榻十餘年未與兵部試父槐康 馳贈奉直大夫早卒母方氏旌表節孝即余所傳王節母者是也公弱不好弄甫冠以貧故廢學即任家政而是時重闈在堂伯叔父皆同室食指甚繁不有無形見於外母年六十奉 旨旌表逾十年始得建坊工甫興而母病且篤公慮母不及建坊之成也泣禱於神母病竟愈人皆以爲孝感云或遇伯叔父疾日夜旁皇鬢髮頓白高祖以上三世久厝

小酉腴山館文集七

六

後土公力謀於眾葬如法而并體母意悉葬其外祖父母公嗜義若飢渴而才尤練達頗能集事增祀產擴祖祠施棺木以掩枯骸修橋三路二殫精畢力以迄於歿先是橫山之路公督修年餘工未半遺命勿厚斂工不可輟卒成坦途行者賴焉其他厚於族姻式於鄉黨多可紀者嗚呼周禮所謂孝友睦婣任恤公殆盡之矣使生逢盛時鄉舉里選之法行若公者得以翊贊廟堂其利濟豈止一鄉一邑已哉惜乎伏處閭里而才德未竟施於用也雖然公子茂蔭今致任兵部左侍郎議請操海內推爲鉅人長德又以 覃恩累封至資政大夫

然則公之志雖未竟於生前而卒能光顯於身後公復何憾人誰不欲為善而臨事多顧慮弗克自奮者何也

馮福基傳

馮福基者山西代州人也幼隨其父焯居潛山縣天堂巡檢任所讀書頗聰慧九歲有老宿問以周易能解大義人爭以神童目之事親尤孝咸豐七年四月賊犯潛山福基甫十四歲聞警豫匿母他所獨藏利刃奮身出為羣賊所執欲刃其首弗得日夜哭一日隨賊止湖北黃梅縣宿藥肆中福基乃夜竊藥伺明羣賊炊出不意置飯裏中賊中毒死者十七人眾大譁爭白其首將推

小酉峽山館文集七

七

究焉福基懼泄遂吞餘藥而暝時官軍追賊急遁斬水去委之廣濟古寺中越二日而福基蘇適黃梅人劉士扶至叩其故諾之以屬寺僧福基自度必不活乃寓書屬士扶訣父母與天堂父老有我為賊虜義弗屈父母生我父老亦夙愛我而今已矣其語絕沈痛父老得書急遂弓兵識福基者走訪廣濟弓兵故執役於尹尉署者也是時福基毒中臟腑猝見弓兵尤悲慟創裂腸斷未幾遂殤猶握弓兵手厲齒曰我死幸斂以冠服勿效賊為也弓兵感泣輿尸行九日至天堂面如生如命斂之殯於水吼嶺之木瓜沖

論曰余往來鄂皖軍中聞天堂岡巒巒雄俊吐納萬狀嘗欲往遊焉而今乃更悉福基殉難始末昔魯人欲勿傷童汪錡聖人許之余師其意為撫其事傳之如此

贈道銜安徽卽補同知直隸州知州定遠縣知縣

周君家傳

君姓周氏諱佩濂字子靜一字怡芳貴州鎮遠縣人幼穎異九歲能屬文年十二為郡學弟子員充道光丁酉科拔貢咸豐壬子舉於鄉癸丑考取宗學教習甲寅奉旨發安徽以知縣委用甫到省檄權南陵縣篆時粵逆張甚其毗連南陵之銅陵繁昌已先陷矣君單騎

小酉峽山館文集七

八

歷四鄉倡辦團練一粥一飯不以擾民南陵人喜曰此青天也不一月而團練成遂克繁昌生擒偽軍帥一人誅之賊大憤預遣間人城謀內應而率眾壁城下猛攻垂破矣以甯國救兵至賊乃解圍遁去而君亦聞計丁父憂歸矣服闋赴皖戊午大吏檄權定遠縣事當是時粵捻充斥南北定遠以孤城當賊衝而羣不逞之徒復乘閒四起剽掠以為患君親率壯丁誘擒土酋楊奇境內以安已未五月捻首龔得竄至城北三里橋先是皖帥以大兵駐城東關至是迎戰不利退守池河賊遂悉眾圍城君守禦甚力賊計不得施圍暫解而復潛結廬

州粵逆南北並進眾合數萬四面乘城勢兇甚大兵自池河來援者皆望風遁去君時已守十四日矣而糧益乏賊更以火箭射城頃刻屋瓦皆飛居民蒼黃欲四竄君嚙指瀝血作書以指示眾曰所不與爾等守此城者有如此指民自是皆感泣願効死死守又數日卒以無援城陷而身殉矣是爲己未六月十八日未死之先君猶率眾巷戰爲亂矛攢刺身無完膚也事聞天子震悼先是屢以功授定遠縣知縣保升同知直隸州知州 賞戴花翎至是 追贈道銜優卹子專祠其同殉之守備蔣有龍外委周汝諮軍功周炳濂廩生沈雲登沈仁普生員金福鴻從九舒習謙章懋文童賴文光朱錫祥及僕從等十餘人皆得 優卹耐祀

小酉映山館文集七

九

論曰君仲子謨年甫二十餘從軍臨淮同治二年三月苗逆再叛踞懷遠縣城以黃夜襲蚌埠距我營才六十里耳余時留守臨淮兵不滿千眾皆危之而謨則日磨刀作殺賊狀氣益厲七月苗勢尤熾余兩挾謨至前敵往來賊壘銃礮閒謨亦恬然無懼色余心甚聳異之及讀君狀乃知忠義之氣雖由性生抑其淵源之漸漬者然歟嗟夫當粵捻圍定遠時官兵自池河來援者果能力戰與君內外夾擊未必不可卻賊而乃以忠義之夫

徒爲犬子餌也哀哉

江夏訓導黃靜菴先生傳

先生諱本敬字丹吉一號靜菴姓黃氏湖廣鍾祥縣人也考元齊妣氏孫生男子子三人先生齒居長次春農以優貢中鄉試選枝江教諭次念堂以進士補河南封邱縣自入塾至掇科第皆先生教養以迄於成先生姿稟純篤言動罔踰禮年三十餘母命服喪私念叔父雖析居顧誼不可先於叔父急製一裘奉之叔父或時付質庫必贖以歸然先生家故貧非束脩無以自給其教士之法務寓德行於文藝郡邑有求師者其父老相聚商必曰而欲弋取科名則人盡師也如欲敦品力行非黃先生不可由是從遊者日眾凡經先生指授去爲名諸生及舉甲乙科者無慮數十人或遇寒峻必資助之其後輒至通顯年六十以嘉慶丁卯科優貢選江夏訓導比之官襄鄖荆郢之士接踵而至齋舍至不能容故事監江漢書院者以月課酒食資充薪水及先生董院事無所取出其資廣生徒膏火額百餘名人尤以爲難嗟乎師道壞久矣歐陽公嘗慨乎其言之而獨稱美安定謂禮部歲所取士先生弟子十常居四五毋論賢愚皆循循雅飭不問可知爲先生弟子若靜菴先生者

小酉映山館文集七

十

儻所謂今之安定非耶惜無宋之大臣舉以為太學師而先生則已引年歸矣先生官江夏十年既歸出俸餘置學田有遠至數十里外者或詫焉及咸豐癸丑甲寅粵逆亂作挈族百餘人往居數年無歉食人始服其先見同治癸亥九月卒遠近會葬者多不知其名氏邑中士夫復合詞言於大吏請祀先生於鄉賢祠孫翥先狀先生遺事請為傳次其語令後有考焉

贊曰先生以一校官生孳於邦國沒祀於警宗迹其生平所歷非有困阨拂逆之遭然翥先嘗語余曰先生晚歲自號耐翁謂凡事非堅耐不成著有耐翁語皆自道

小酉腴山館文集七

十一

所得始猶未解乃今讀易而知之夫乾健也惟健則所行不難故曰易易者險之反也坤順也惟順則所行不煩故曰簡簡者阻之反也然又曰恆易以知險恆簡以知阻壹若惟易惟簡乃能知於幾先否則未有不陷於險阻者先生自號耐翁意者其有會於此歟然則先生之所見遠矣

陳孝子傳

孝子陳姓玉海其名沅陵東關人也父早卒母某氏生男子子二人長玉瑚孝子其季也家貧甚玉瑚娶妻生子矣無以自存孝子以是不娶妻而專力以事母營業

餅餌每晨出已歸午出晚歸所贏多不過百數十錢然必售魚肉以餉母或遇鮮果亦時進焉閒有餘則必食其兄之子故猶子呼孝子為父而反稱其父為伯父云然孝子不知書傳所述孝友事云何也其後母卒後若干年孝子亦卒

吳大廷曰孝子長於余近三十歲然世同里開少時猶及見之故知其行實甚確咸豐十一年余自內閣奉命參軍事過鄂其時孝子歿已久矣然邑子有在鄂者嘗詰詰之若知同里中昔有孝子否則應聲曰陳玉海陳玉海余不忍孝子身微賤而名湮沒也援歸熙甫歸

小酉腴山館文集七

十一

氏二孝子傳之例而為序次之如此

包立身傳

諸暨縣之鄙有村焉包氏世居之故名曰包邨云邨有名立身者農人耳父建勛母虞氏生男女子子七人立忠立賢立身之兄立潮立身之弟而美英彩福彩官則其女弟也世業耕殖了不異人咸豐十一年粵逆陷諸暨縣城其時浙東西郡縣已大半淪賊矣立身獨率兄弟倡義集邨人為團練以與賊抗賊不得逞遠近爭依之踰十餘萬人聲勢益壯賊益憤屢以大股擊之輒敗去誘之降不從逆首大恚號於眾曰包立身何人乃敢

屢挫辱我吾志決矣誓滅此包村矣未幾十一月十二日甯波杭州相繼不守其明年賊由富陽攻包村環數十里爲營期滅此朝食立身屹然不動善以少勝眾相持八九月先後殺賊十餘萬賊已餒矣而夏旱水涸汲道爲賊所斷又以悍黨截糧合村主客十餘萬飢渴甚然砥糠吮血無一墜者七月朔日賊復用地道攻之邨乃陷自其父母兄弟及其嫂任氏王氏弟婦屠氏妾王氏妹彩福彩官女鳳娥從女大姑二姑死焉合邨男婦老幼一萬七千餘人亦皆遇害而立身尙率親軍數千人與其妹美英殊死戰潰圍出至馬面山圖再振賊又

小西腴山館文集七

三

率眾追擊圍數市親軍皆潰敗立身獨自廬戰不得出中破陣亡美英手刃賊數人知不免自刎死

論曰余嘗至浙江得包村殉難事略旣爲蔣薌泉中丞草奏以立身事實特疏上 聞立身雖農夫名與泰山喬嶽并永矣然以立身之材武濟以忠義使得高官厚爵必能爲 國家捍守牧圉決無棄城逃遁之事而棄城逃遁者往往出於高官厚爵之人而農夫獨以忠烈特聞悲夫

署詔安縣知縣湯君傳

君姓湯氏諱箴衛字四如雲南蒙自人父諱綬榮國學

生生子二君其仲也君少孤而穎悟絕人讀書目數行下弱冠文名噪里中兼善書畫道光壬辰籍學官爲弟子員辛丑食餼旋舉甲辰鄉試兩試禮部不利時張公亮基總制雲貴招君偕用軍功得知縣同知銜花翎同治癸亥計偕北上已薦矣而仍不售謁選得福建甯德縣知縣旣蒞任頗著名譽旋調霞浦乙丑余都轉閩海訪求良吏卽知君時當事整飭權務佐軍儲而甯德民獨不遵條教郡守檄君往事乃定是年秋補行甲子鄉試君奉聘分校旣撤棘始來見果恂恂儒者會建陽令缺人余舉君往君以差徭重力辭余念建陽劇邑非君

小西腴山館文集七

古

莫稱職力勸其行君蒞任未數月果得民和而忌者時中以葦語余爲極力調護僅乃免而崇安齋匪突起君方赴鄉徵糧匪出不意闖入城君聞亟召民團剿之城旋復然猶望吏議恪靖伯移督陝甘師次延平建陽民越境爲君訟冤者遮道焚香數日不絕恪靖伯始知其賢爲飛書當事奏復原官再分校丁卯鄉試皆得人戊辰再權霞浦縣事霞浦民聞君復來則牽老扶幼匍匐郊外埃若嬰兒之得依慈母者然君亦極意撫綏而捐重金爲收鐵錢使農末不至交病其事尤爲人所難然君坐是大困未幾改權詔安詔安有械鬪案歷十餘年

不結者君恩威並用事立解復出賞濬入海河渠民甚  
 德之不數月而實任某君至君奉檄回省滋益困遂以  
 辛未七月死年六十有一四邑士民聞計有不遠數百  
 里哭奠於几筵者君無子垂歿以再從子裕厚為嗣  
 吳大廷曰余嘗叩君所以得民之由於署福甯守張君  
 其耀張君為言君宰霞浦時民以事訟到官君攜僕一  
 役一徒步往或遇雨則手持蓋至則呼兩造前使各吐  
 情實君為斷曲直無不服者或案久多紛糾君暫置不  
 問召其鄉士子為改訂文藝並訓以讀書作人之道吏  
 各勸其鄉里卒以無事 朝廷設官百惟州縣獨親民

小酉腴山館文集七

五

然迪知而允蹈之者絕鮮若君乃可謂親民者矣故所  
 居辦治所去人見思有以哉有以哉君嗣子從君未久  
 以狀來皆不足以傳君故概不取而第就余所見者為  
 次之如此

晉封資政大夫前署直隸清河道保定府知府周

君家傳

君周氏諱 字延卿一字介堂河南開封府祥符縣  
 人也系出道國元公後裔歷宋元明由道州徙汴旋由  
 汴遷杭再遷紹興府諸暨縣三遷山陰至乾隆癸亥舉  
 人諱世綱者復遷汴則君祖也考諱理乾隆辛丑進士

梁官廣東雷州府知府雷州君四子君為長君幼誠篤  
 嗜學以舉人用功臣館膳錄議敘選江蘇贛榆縣知縣  
 歷元和縣高郵州知州州境瀕長湖嘉慶二十一年夏  
 河水汎溢礙漕船東西兩隄勢岌岌河督黎公世序檄  
 開壩時早稻未刈壩開水下溢近蕩民田數萬頃盡矣  
 武弁集丁夫畚鍤以待兩隄民聞壩上數萬人號哭  
 聲震野君屢爭不得迺昏夜叩轅請緩期黎公厲聲曰  
 開壩故例也民田渰有賑例牧令阻大政使河決隄壞  
 視牧職足贖乎君屹然不為動請緩七日不可減五日  
 又不可君奮然曰請緩三日三日內河決某干坐罪黎

小酉腴山館文集七

六

公笑曰曰戇者乃許之君歸中途持檄者奔而前曰  
 隄者悉起立執鋤挺俟將為變君曰業許緩期無瀆大  
 府也與偕歸號於眾曰邀大府恩緩三日開壩民居者  
 遷稻熟者并日刈噪者死杖下民歡然散三日事畢壩  
 開水果大至而早稻已登場矣黎公深嘆異之然恐其  
 性戇不宜於時果由通州改簡常熟雖小邑多巨室每  
 開徵輒抵險喧擾毆擊官長僕隳者因從中分肥吏重  
 足立大府令君署縣事君廉隅自勵革漕蠹副貢生錢  
 敦禮因案治土豪周某論如律邑以大和再權通州時  
 河水溢流民多失所君捐賑有方復以工代賑濬城南



河災民五千餘人若忘其爲流亡也者陶文毅林文忠特疏以知府薦繼又合詞舉循良第一簡放直隸保定府遺缺知府由廣平正定調補保定署清河道後以鯁直忤大吏不得竟其志遂引疾歸先是周文忠宰沐陽以嚴酷聞被旨切責君奉檄往察之覆稱其愛民如子疾惡如仇大府入告

成皇帝於二語旁硃批好官好官守保定日林文忠以粵督奉召入都君迎謁文忠堅留宿夜深屏人問以燒洋煙事君曰事似太急耳文忠勃然曰君乃亦以我爲過曰粵東民力可用沿海非盡粵東公公忠能任事

小西腴山館文集七

七

督撫非盡如公仗國家威靈公之福幸不中某言耳文忠默然後卒如君言以道光庚戌五月卒年七十八君至性純孝居父母喪哀毀不欲生子沐潤源緒同歲成進士人嘖嘖稱羨君處之淡如獨弟之子治潤中庚子鄉舉君喜溢於色既復愴然曰吾今乃可告慰亡弟地下矣言訖淚漣然下子八人長沐潤次如甫三源緒四祖福五星警六鴻潤七星譽八星詒皆以科第仕宦顯名於時

論曰世恆言乏才非也用者未必才而才者未必用用亦未必盡耳如君之廉幹強果其能已眾著矣賢大府

力薦於前

先皇帝超擢於後亦不爲不用矣卒以強直不竟其志而歸然則世恆言乏才者果妄也夫以汲黯之賢又爲漢武所深知徒以鯁直不得久留內則夫沈滯下僚而以剛直厄不一施者獨君也歟哉嗚呼直如弦死道邊曲如鈞封公侯蓋自古然矣悲夫

了禪上人傳

焦山定慧寺有僧曰了禪者其名也日月輝者其字也俗姓雷江南盱眙人道光季年來主斯寺時寺將圯矣某大府至以師精修倡捐整理既嚴以飭明年粵賊竊

小西腴山館文集七

七

據金陵率眾東下燔金山隳鎮江烽火達焦山行將及矣先是粵賊習天主教所過佛寺無不焚戮者別院僧皆惴惴輕徒鳥舉師獨與其徒流長智林等三四人守死不去師復隻身入賊巢以焦山爲金陵門戶不可破壞慷慨陳說賊渠羅大剛大爲感動已而率賊眾來見佛像則又暴怒刀槩併下欲舉火師婉轉勸解不激不慄賊怒爲蹇少頃去去而復來如是者再別賊已乘間焚觀音巖矣而定慧寺猶無恙賊酋曾某議拆沿江房屋造土城中爲持久計意甚銳師以山絕地引南宋孫虎臣張世傑戰艘焚於阿朮阿塔海事動之事得寢



賊服師膽識欲脅以去師巧計自脫會江蘇巡撫楊公文定率艇船至分布山下賊始遜去別院僧稍稍來歸師復塑佛像如初師既卒付法於弟子流長流公江陵人行脚遍洛伽峨眉諸山皆窮其勝晚受法於月公潛心內典經律論皆通大義癸丑之禍賴月公關說諸僧寺得存而山中舊度彝鼎賊大索弗能得則流公以計匿之也論者謂流公寶護茲山功厯亞於月公云

贊曰了禪師弟學西方聖人之教以虛寂為宗忘身犯難非所尚也乃入虎穴觸蜂蠆卒使山寺巍然寶物如故是何歟蓋由胸次悠然了無障礙故能外視形骸憂患不得而干之世言顏魯公文信國公皆遊方之外深契大乘故能殺身成仁以了禪師弟證之其果然耶否耶今定慧住持上人芥航以了禪守山記見示求為文芥航守戒律雖嚴而能詩畫於時事尤所關心非枯守禪宗者余既為了禪師傳因舉顏文二公事以質之不知芥航謂余言何也

小西腴山館文集七

九

小西腴山館文集卷第七終

小西腴山館文集卷第八

沅陵 吳大廷 桐雲

傳

夏貞女傳

貞女姓夏氏揚州人父天喜舊業優京師有聲咸豐八年貞女年二十時優人謝寶慶失耦天喜以貞女字之踰年六月某日寶慶遭時疫不日遽卒家人匿不以聞閱二日貞女偵知之即仰藥死天喜哀甚舉其喪與寶慶合葬於城南之某原事藉藉士夫聞僉曰是宜旌而當事者以出自優人為疑余悲焉而為之傳

小西腴山館文集八

一

論曰人生受命於天無貴賤一也余觀奇烈之士出自卑微甚者身為盜賊一旦為國家樹功動捐軀命衷忠之典不聞以賤遺也而於貞女乎何疑嗟乎人莫貴乎能自立世有生於士大夫詩禮之家不幸而遭坎壈固宜其從容就義無難者然求之千百人中百不一二得焉而貞女獨能成就如此嗚呼其尤不可及也夫

易烈婦傳

余嘗歎士大夫負重名於時一旦禍臨不測率委曲求生泯然無復羞惡之良者比比也獨豪傑有志之士視鼎鑊為衽席毅然以身赴之然綜其始終尚多激於意

氣衡以聖人之中道而猶有閒焉者以余所聞易烈婦何其審於處死也烈婦湖南龍陽縣人贈公天成之女茂才書紳之妹孝廉佩紳之姊嫁同邑彭日桃日桃世業農烈婦能共勞苦意相得也生子三人咸豐四年五月十三日粵匪陷龍陽烈婦隨其夫日桃與兄書紳避難史家嘴中途日桃失所在是時佩紳客山中聞變挈舟往迎謀避之書紳已附舟矣堅邀烈婦偕不允曰而姊夫不知所之將安往吾甯待焉佩紳不得已乃挈其長子以行十六日賊益擾而日桃卒不至烈婦懼汚遂攜幼子一女投水塘死嗚呼烈婦非輕於一死者使日

小酉腴山館文集八

二

桃不失所在或偶失而仍復合當相率以避可不死而孰知日桃之終不可合也悲夫烈婦死後數日賊既退撈而葬之屍可辨皆無損齒居四故人稱曰四姑云吳子曰吾友易笏山佩紳負奇氣立名義於時今益折節誦法程朱蓋學道人也涕泣爲余言烈婦秉性篤謹寡言笑是固然世未有佻薄忿戾之人而能慷慨從容如此也等死耳如烈婦之死可敬哉可敬哉

談孺人傳

談孺人建昌黃國珍之繼室也國珍卒誓撫孤親屬或利其嫁不從劫之去輒自輿破其幕躍入水中立人不

敢逼然利其嫁者未嘗一日忘也孺人詞其意詣國珍墓辭曰吾留此難未了一身何足惜如諸孤何計不如遠去可已禍乃於是夕倉皇檢家譜納橐中挈諸子一日夜行百餘里過九江展轉黃梅太湖至蘄州大同鄉結茅居焉比諸子少長督力作家日起至孫曾登科第者相踵雲鶴駕部郎其雲孫也今蘄州黃氏推巨族自孺人始先是孺人踰險抵蘄州甫僦居俄有虎哮廬側數日孺人患之泣曰黃氏血祀豈其將斬耶不然未亡人犯百死攜孤至此汝其速徙勿怖我兒虎聞言若有會逡巡帖耳去

小酉腴山館文集八

三

論曰虎於百獸中最兇狠孺人一孀婦徒以存孤之志皎烈日而凌秋霜能使虎懾其言不敢逞假使爲男子擁旄鉞奉

天子命守封疆彼犬羊狗彘之輩有竄伏草間求活已耳其奇命方之古人奚媿哉惜乎其婦人也可慨也夫

徐安人家傳

安人字叔貞姓徐氏世居文安勝芳鎮沅陵石大焜之繼室而余所傳舒烈婦者其長姊也母氏趙性故嚴安人幼柔婉事之盡歡咸豐元年大焜喪妻三年養安人家生女一敬愛無閒八年暎夷闖入天津大焜時以藩

經留津兒漕安人慮有變卽自縊得救不死踰月聞其夫病卒白溝河差次乃益慟欲死者屢矣家人防守嚴且責以宜撫孤乃不復言死其夫前妻子孤無依九年奔赴安人所跪請教泣曰夫死從子他何言撫愛之過於所生未幾以憂鬱卒年甫二十有九

論曰吾友蘭泉數數爲余道安人性貞靜異常女子蘭泉死其孤啟銑依余居詢之良然自余避地寓安人母家其兄如樹復稱其自失所天益屏鉛華終日枯坐特室嗚呼以安人之賢視其姊瞑目一決奚難者然昔人稱死節易撫孤難安人意殆不忍爲其易而竟厄於命

小酉腴山館文集八

四

不及見其子之成也悲夫

王節母傳

昔南軒張氏謂無所爲而爲之爲義夫無所爲而爲之者卽慎獨也世衰道微士大夫有所爲而爲之者亦罕矣然以余所敬事如今歙縣致仕兵部左侍郎子懷王公直聲高節震動朝野其諸無所爲而爲之者歟及讀其祖母節孝錄乃憬然曰自古名公鉅卿之生其積累而鍾毓之者蓋未嘗無所自云節母方氏幼讀女訓女誠諸書能通大義年十七來歸踰十年其夫凶問至自潞河勺飲不入口者五日母聞疾馳至其家力陳姑老

子幼汝死誰爲任其責者且命姊妯環跪進杯茗非得飲不止不得已強起受命當是時家方新喪窘甚而姑倚之若忘其有喪子之戚父母老尤貧母痛無以奉饋粥乃以治家之暇夜勤鍼帶易升斗粟往往漏下四鼓刀尺聲與城柝聲相應奮也或聞日無所餽卽皇然每當食輒輟箸曰吾親得毋飢卽淚下侍郎幼喪母且多病母撫之尤勤雖盛暑不握扇不驅蚊廢寢忘食如是者以爲常比侍郎成進士母始聞大喜及請假歸則又誠之曰吾家託先人餘蔭使汝得名繼自今惟恪恭盡職勿躁進營財賄貽先人羞侍郎每念此猶悲也嗚

小酉腴山館文集八

五

呼富貴利達世之誦法聖賢者多汲汲求之而母乃獨恬淡榮利其卓見遠識豈徒尋常閨閣女子難能已哉然細考其平居行不履人迹饌不食人餘與嫂氏親愛卒未嘗一入其室又何其謹小慎微如此也方六十時奉旨旌表建坊人或爲母慶母曰吾戰兢數十年惟恐一念差失負疚神明安知有此用是以觀其諸聖賢慎獨之學無所爲而爲之者歟其他如處妯撫猶子遇姊妹曲體婢媪拯濟孤寒不問有無此在常女子爲難然自節母觀之猶細事也何足道哉何足道哉古云修德必獲報侍郎爲國元老允堪與司馬文正李忠

定相頡頏以益光大節母之志事信乎天道非果不可知也生子二人長應矩次繇殤孫四人長茂蔭卽侍郎也

贊曰劉氏海峯嘗云女婦之以節孝著聞惟新安爲尤眾蓋其流風使然豈知其後更有志行卓絕如節母噫異哉余將有皖營之行詣公潞河旅邸敘別公爲余作家傳甫成語余曰子之母劬身孝親何大類吾祖母也言未半嗚咽不能成聲悲夫余亦人子也負母氏教至求爲鄉里善人不可得今覩顏爲節母作傳嗚呼其可敬也夫其可媿也夫

小酉腴山館文集八 六

汪節母傳

吾友鄭君東甫勦賊至婺源之大畷過節母樓詢其始末心敬焉旣請於左季高中丞書此樓千載四字褒其門復檄有司請旌如例而更遺書於余屬爲傳節母程氏婺源太學生程克家之女也幼字同里汪生鴻階未嫁而鴻階卒節母時年甫十五歲聞計痛甚欲以身殉父母防守嚴弗得則堅請詣汪氏家守貞父母稔其志不得已許之旣至汪氏悉屏妝飾爲樓居雖至親姻族罕得見其面者蓋四十二年矣粵匪滋擾嗣子某奉節母徙之他東甫得登其樓見其老屋破窗因憶此四

十二年中風雨晦冥上天下地寥聞曠逸之中節母一人默默居此殆不復人閒世嗚呼能不肅然起敬也哉論曰人情順而導之易逆而挽之難叔季女教陵夷程子立爲餓死事小失節事大之論以淬厲末俗此所謂逆而挽之也歸氏震川則懼夫人之務爲矯激欲成其名而滅其性因著爲貞女論謂女子未嫁而爲夫死或守義者不合於禮經此所謂順而導之也然自程子之說行窮鄉僻壤女婦遭變砥節所在多有而歸氏之說則往往爲有道能文之士所駁詰其奇烈異行縉紳先生每樂稱道之豈人情果喜逆而惡順哉蓋秉彝者人所受於天之正理有生同具者也節母生長婺源爲大

小酉腴山館文集八 七

張貞女傳

賢朱子之鄉風教所漸破其由來者遠矣人必不爲困厄所奪斯其真性始不至埋沒而不出嗟夫女子且然彼爲士大夫者宜何以自處哉  
吾楚自鼎常而西越桃源以達沅陵萬峰攢立其高矗天仰視不見飛鳥江身又迫東灘危水急舟行少失勢撞塘破碎者往往有之以故名入高士四方冠蓋之所不至而生於斯者亦遂無奇節異行足紀蓋二百年於茲矣或曰地氣使然而今乃聞張貞女事貞女沅陵人

幼許字同邑陳某之子光芝某故貧以縫人爲業獨令光芝學咸豐五年八月光芝遭寒疾旦夕語喃喑驟聞無所省注耳傾聽約略爲夫婦妃偶之詞其意絕痛貞女家故陳氏姻也父母因命省光芝疾毅然往無難色旣入門代主中饋兼爲治藥物衣不解帶者五日而光芝病日益篤將革以日微瞬貞女貞女泣曰君勿憂脫不諱妾已心許君矣當勤紡織奉翁姑以代君職言訖而光芝目瞑時九月十九日也是時貞女年未滿二十其父母欲令歸別字不從遂於喪次成服宗親鄉黨一時咸歎異之嗟夫貞女兩家皆微賤目不識詩書乃以

小酉腴山館文集八

八

豔陽桃李之年而勵冰雪之操雖古所傳列女曷以加焉豈其漸摩致然歟將秉之天者有不可強歟抑扶輿蜿壇磅礴輪囷之氣積之久而始一發歟不然荒陬僻壤之區胡爲而有斯人獨無如其爲女子也惜哉

周節婦傳

節婦許氏沅陵縣學生成瑚之女文炳之姊年十八嫁同邑周元均踰年生女一又踰年而元均死矢志事姑育女以家落依父居時節縮所積饋遺其姑未幾女又死姑亦亡族中無可嗣者其夫黨勸改適不從貧無行者利其獲已陰許某氏矣將誣吉日娶之節婦微有聞

詰巨素服藹足走夫墓拜且泣哭之極哀移時其夫黨有尾而至者節婦見之大驚以爲脅已也乃獨身跳墮巖壑中幾死尾者爲色變急趨掖之良久始蘇於是遂謝其媒妁不行是時文學君已死乃更依文炳久之文炳婦死遺女子一其姪光理婦修氏亦相繼歿遺男子子二人顯榮顯華年皆數歲文炳試久未售家亦窘乃改業爲賈嘗商於外節婦獨畱撫諸孤孀孀子立凡炊爨浣濯縫紉之事皆身肩之年六十餘有司上其苦節於朝得旌如例而其姪亦適人顯榮顯華各授室有家顯榮爲博士弟子顯華充拔貢生時文炳卒數歲

小酉腴山館文集八

九

矣節婦今八十五歲猶健飯如故云其姪光第娶妻熊氏未百日遽死熊氏歸甯守貞其志與節婦同文炳後以顯華嗣之顯華方入學迎養於家不一二年卒是亦可哀也已余故爲附著之

論曰世人重生男輕生女以女子長大須適人男子則能持門戶延嗣續故足貴也然節婦以女子守貞六十餘年爲門戶光又撫其弟之女與其孫以迄於成視男子爲何如哉初道光中年節婦曾與吾父母共居以故幼時得悉聞節婦守貞時事今別十有四年歸過北浴顯榮適授徒於此因邀余至其家得重見節婦節婦爲

余言昔同居時汝父每自外歸必挾餅餌以遺以爲篤於鄉鄰之誼後人無有嗟夫節婦長吾母十有一歲長吾父亦一歲今吾母歿二十有六年吾父歿亦十有六年而節婦固猶在人間嗚呼其可痛也夫其可痛也夫

### 陸夫人傳

夫人陸氏吳縣葑門白蜆橋人也生而有文在手曰井以家貧育於舅氏從姆讀略知書習紉繡年十五保定君聘爲適室逮事君考雷州府君妣姜夫人嫡吳夫人皆得其歡心與諸造金韓兩孺人賈淑人王碩人親若

### 小酉映山館文集八

十

姊妹終其身姜夫人或怒甚見輒怡然色喜晨夕非夫人侍不歡吳夫人病足不長起卧他侍者多不如意亦樂夫人執事日黎明起至夜三鼓率不得休息以爲常苦生育兩女皆殤男子三人星譬星譬星詒就傳後教之特嚴每塾散日已暝少頃上燈夫人就燈維繡令兒對几溫日誦書熟則歡笑出果餌獎之否與杖漏三下督就枕窗始白又呼之起星譬兄弟自三四歲及長皆然丁酉保定君官直隸己亥買淑人卒夫人權闔政寸縑尺帛無毫髮私保定君署清河道年已六十八乞病得請無以辦裝同官釀萬金以贈始成行僑寓吳下

旋歸紹興家資已不及三千金矣賴沐潤官汪蘇知縣歲有所寄然四世同居食指逾百人奉事保定君甘蠶延師教子孫時節嘗祭外內親串餽遺所寄金不及十八賴夫人力營子母息始給用而三千金卒無虧甲辰星譬將援例應順天試費無出或請動母金夫人以保定君老持不可迨庚戌保定君歿卒賴此營殯斂保定君歿後人眾請分爨則又恣所爲不少吝其處事輕重緩急適道理又如此夫人性慈仁謙而有禮子既貴族戚女嬪逮奴婢稱謂少踰分必婉辭謝雖呼已子婦亦因其家閨中稱有過婉言導之未嘗加訶責金孺人卒

### 小酉映山館文集八

十一

姚氏女中年寡婦母家遭心疾昏不知人夫人撫之無異所生夫人歿夜將半姚聞哭聲擗踊趨喪次解髻搶地呼母痛哭曰誰復如母愛者用未嫁女禮爲生母服如病失者保定君遺侍婢朱慶福夫人挾與卧起復出資擇良家嫁之星譬癸卯舉人現署和州事星譽歷編修禮科給事中星詒汀州同知加三品銜贊曰余讀小星江有汜諸什嘆古盛時陰教修明婦女子義命自安爲晚近士大夫所不及而怪後之妬忌者何多也夫人恭儉仁淑子既貴謙抑如少賤時家道墜而復興則徒以義命自安望之常女子者猶淺之乎律



夫人也屢承 榮寵為 國命婦豈徒夫人一身之光  
耀云爾哉

黃母胡太夫人家傳

胡太夫人者蘄州青山鄉人孝廉胡仁堂公之女 誥  
封資政大夫黃暘谷公之配而今花翎二品頂戴分巡  
建南兵備道雲鵠之母也太夫人幼通女訓論語諸書  
心慈而性嚴重忻戚不形於外歸資政公逾年而雲鵠  
生翁命為從弟立功後時太夫人方攜雲鵠歸甯返未  
及門娣鍾氏即抱持去太夫人怡然然其心苦矣太夫  
人操作勤勞致生女以失乳殤太夫人亦不甚見戚容

小酉腴山館文集八

三

然其心傷矣逾年雲鵠生羸甚未及成人而資政公棄  
世太夫人自課雲鵠讀每夜置燈紡車側母子相對且  
紡且讀形影孳孳見者酸鼻然太夫人未嘗對雲鵠一  
責淚也讀稍倦則垂涕而撻之不稍貸雲鵠以是益憤  
於學癸卯舉於鄉留京師數年太夫人思之甚然馳諭  
第期以遠大不令歸也癸丑雲鵠成進士觀政刑曹迫  
寇亂道梗不得歸省丙辰太夫人閒關賊中始獲就養  
京師一日雲鵠赴市決五囚太夫人愀然曰若乃決囚  
官保無冤耶後雲鵠出守雅州調成都每夕侍食必問  
今日結幾案平反幾獄省釋幾人有則喜或撻責過多

則於屏後呼令入諭止之然有僕從言及公事者又立  
斥之不稍假也壬申雲鵠歿於建南道署中太夫人戚  
慙三四年神志漸減然未嘗一與雲鵠言也乙亥八  
月太夫人以默思雲鵠之故率雲鵠游武侯祠登龍觀  
山游覽竟日言笑如常比晚歸私語長孫婦曰吾登高  
四望但見羣山不見汝伯父然亦未肯使雲鵠知也翌  
日晨起太夫人盛服拜祖堂以次遍謁署中諸神意歡  
甚晨飯新杭尚健食至日晡忽患吐瀉日甚一日雲鵠  
強進藥飲輒向內卧遂不起是為八月二十六日死生  
之故太夫人其前知耶嗚呼悽矣

小酉腴山館文集八

三

贊曰余曩官京師與雲鵠以文章道義相切劘每過其  
邸輒留食飲饌必精以潔久始知太夫人督子婦輩為  
之余憬然悟太夫人欲成其子之德業為遠且大也雲  
鵠與桂德山學士交尤厚一日大雪雲鵠晨趨署太夫  
人囑曰宜早歸桂德山先生必來已而果然比雲鵠歸  
德山因天寒獨酌已醺然矣畫荻剪髮之風誰謂古今  
人果不相及哉宜雲鵠駁歷中外文章氣節政事皆卓  
卓表異於人有以也夫

行略

先考行略



先父字金章諱 兄弟三人先父其次也先大父相周公當晚歲生計甚窘而食指繁先父雖幼卽能服勞爲先大父所鍾愛比壯益慨然發憤供甘旨無少缺再逾年大父見背凡附身附柳者先父以一身肩其事又逾年大母卽世亦如之初大父捐館時不肖尙未生逮成童去大父歿已十餘年矣然每遇忌日猶及見先父清晨手提壺榼跪奠墓前淚涔涔雨下至今思之心忤忤也遇伯叔諸姑友愛甚次姑適江氏中年寡無子因夫族遠將往依焉先父爲買舟給資臨別河干哭聲哽咽不能止不肖雖幼從旁竊觀心焉痛之不數年卒依先

小酉腴山館文集八

古

父以居歿後先父二年大廷喪葬無缺者皆承先志也先從伯父鳳章公獨友先父先父亦殊敬之鳳章公棄養朝夕設奠先父舉聲一號襄事者無閒親疎皆悲不自勝先母連舉五子悉不育生不肖時先父將五十矣愛彌甚然不廢勞乙巳歲不肖補郡學弟子員科列高等旋食餼先父甚喜然所以督責者益嚴後遂多病及戊申不肖領選拔先父雖及見之而病甚已不復知之歿後七年不肖始舉京兆備員於 朝雖欲如爲選貢時先父不及知之而猶及見之而亦不可得也嗚呼其可痛也夫先父宅心樸誠持躬勤儉此不著著其孝友

之大者以爲後世子孫法云

先妣行略

先母姓鄧氏女兄弟五先母居三少喪父外祖母育之幼嫻禮教能得其歡心比長歸我先父時家計窘甚先父支持俯仰舟車往來僕僕不少休母習針黹操井臼以佐之先父性嚴外遇不平事怒形於色母和顏以解之先父自壯至老始齋終豐終其身無雀鼠嫌者先母內助之力爲多性尤孝痛先外祖母之無子且憊也自齋衣縮食而以其所積歲時餽遺不少輟又以外祖母春秋高嘗語先父曰吾母脫不諱置桐棺爲殮具四妹

小酉腴山館文集八

五

任之擇地及葬君其無辭父應曰諾及外祖母歿時去母歿已四年一如約閱數年有與外祖母鄰居者語先父曰君知若外姑棺槨之所自來乎是皆君鄧孺人歿時所早爲畱遺者也嗚呼非躬至孝之行而能若是歟先母連舉男子子五人悉不育最後生不肖幼童昏不知檢束年十四五尙兀傲母病垂危哭語不肖曰汝孤立性宜忍毋啟禍言猶在耳今忽忽已三十餘歲人涉厯人世每當顛頓杌隉之交追憶遺言汗未嘗不發背沾衣也然猶薄竊科名備員於 朝天其或者藉以昌吾母純孝之報而究不知不肖之果能不貽憾於冥漠

否也嗚呼痛哉

記事

記署廣西龍勝廳理苗通判曹君殉難事

咸豐六年海鹽諸生曹君爲鉞以廣西藩庫大使奉檄署龍勝廳理苗通判事是年三月十九日苗匪陷城君罵賊不屈其子附生文濤以身翼父亦受重傷同遇害先是其孫乃楨爲僕王坤馬貴負之逃已脫禍矣聞祖父遇害復痛哭入城以磚擊賊賊怒甚將加刃王坤馬貴挺身前護之卒不免同時死焉越十三年余寓長安調辦陝甘軍需乃楨之弟廣東通判乃楣亦在事述其

小酉腴山館文集八

六

殉難事略求子文以爲之傳方其祖若父若兄殉難時乃楣年甚幼不能習知苗禍始末故於死事亦不能詳余雖欲爲之傳而苦於無詞可藉也獨念忠義之心盡人同具然臨難而思苟免者夫豈少哉曹君一門之內子殉其父孫殉其祖奴僕殉其主人卽不必繁稱博引而忠義之風烈矣哉足以激世之頑懦有餘矣文濤方以軍功擢江西知縣乃楨年甫十二使得先後爲國家捍牧圉其成就當何如不謂未及用而身殞也惜哉

小酉腴山館文集卷第八終

小酉腴山館文集卷第九

沅陵 吳大廷 桐雲

神道碑

誥授資政大夫 晉封光祿大夫吏部左侍郎管

理戶部三庫事務隨帶加二級胡公神道碑銘

公諱肇智字霽林亦字芟舂績溪胡氏世有間人曾祖

諱匡衷歲貢生候選訓導祖諱秉考諱培翼均國子監

生曾祖妣 氏祖妣葛氏程氏妣張氏考以上至曾祖

皆 晉封光祿大夫妣張氏以上至曾祖妣 氏皆

晉封一品太夫人公幼承祖訓舉止端重如成人道光

小酉腴山館文集九

一

乙酉隨從父主事公培輩至京邸主事公湛深經術公

朝夕承教卽知嚮學又嘗受業於當塗夏燮甫學博同

邑胡心泉先生祁門汪東皋先生所學益進己丑南旋

以縣試前列貫郡學弟子籍充丁酉科選拔貢生 朝

考高等用七品小京官分吏部文選司甲寅擢考功司

主事襄辦文選司掌印未幾擢文選司員外郎充掌印

事遷稽勳司郎中外補福建汀州府知府又權福州府

事再權汀漳龍道篆用籌餉出力以道員畱閩補用旋

擢汀漳龍道遷陝西按察使再遷順天府府尹轉宗人

府府丞兼署順天府府尹事丁卯遷吏部右侍郎尋派

管理戶部三庫事務轉吏部左侍郎 賜紫禁城騎馬  
此公歷官之始末也公初隨從父在京邸偶過一書吏  
家見其牙籤滿架取視之皆歷年例案分類編纂即太  
息於 朝廷遇有新政吏得上下其手弊端百出而莫  
可糾詰者以此故自初官吏部即請於長官以數月之  
力徧視司中例案而後視事在吏部十八年嘗手纂例  
案數巨冊條理精密人不能欺公守汀州時甫遭兵燹  
地方彫敝外設防堵內興文教民用大和在福州府任  
時民夷多舛端公一諭以理訖無事兩官汀漳龍道其  
爲治亦如汀州爲陝臬數月耳積牘一清內尹京兆歲

小西腴山館文集九

二

早甚盡心賑濟民困獲蘇及佐銓衡時方軍興捐例日  
更保舉更雜部章亦屢有改變吏得因緣爲奸公思欲  
祛弊必先刪例欲刪例須復舊章因以精心刪併例案  
條款簡明廣登進仍杜倖進銀數畫一資精糧即可足  
糧向之猾吏舞弄文墨者斂手不敢犯法外吏竿牘亦  
不一至門嘗自言曰吾執法嚴難免招怨然職分當爲  
豈能避耶此公行政之始末也公勤於任事無小大必  
詳審爲司員長官遇有事必令公佐掌銓政時事有非  
隸吏部者  
上亦多委公故 頒賜稠疊他人莫敢望焉性儉約雖

貴猶如寒素唯世以著述傳家不忍墜失時節縉餐錢  
重刊先少師公總集曾祖明經公儀禮釋官從父戶部  
公儀禮正義又嘗繕寫夏竦甫學博所著  
聖諭十六條附律易解及檀弓辨誣述朱質疑三書進  
呈奉 旨武英殿刊板其仰承先志表彰經學又如此  
公別歷中外將四十年而惟在京爲最久在京幾三十  
年而獨於吏部爲尤多昔司馬溫公有言人之才或長  
於此而絀於彼雖皋夔稷契各守一官安可求備後世  
此義不講一人之身忽而兵農忽而禮樂意謂事無不  
可治而事卒窳敗不可爬梳獨公在吏部除兩丁內外

小西腴山館文集九

三

艱在事後二十餘年公固勤於職矣如  
聖主之專心委任俾竟其長而不雜以他事雖堯舜之  
任皋夔稷契何多讓焉惜乎因勞致疾雖五次陳情乞  
病皆蒙 優詔衰留然終不獲留其身以承  
聖天子倚畀之隆而酬公靖獻之志嗚呼其可悲也已  
公薨於同治辛未六月十八日距生於嘉慶丁卯十月  
十八日享年六十有四原配章氏繼配洪氏俱 誥贈  
夫人再繼室洪氏側室張氏生子十人男子七長郡庠  
生浙江候補同知晉銜次福建候補鹽大使晉萊晉萱  
晉葉俱洪夫人出晉華洪孺人出晉葵晉英俱張孺人

出晉萊出嗣某 女子三長適同邑周汝翊早卒次  
三未字孫男口口孫女口口晉姓等將以某年某月葬  
公於某鄉某原以余與公有年誼且相知也執行狀來  
謁請為銘余為著其大者備異日史官採擇其他善事  
甚夥不備書銘曰

公久銓政虛己以聽唯

天子聖前困後通官績隆隆迺疾厥躬未竟其施

天子嗟咨飾終無私新安之陽佳氣蒼蒼於焉卜藏我

銘其實史氏之筆留示來禳

誥授光祿大夫吏部侍郎王公神道碑銘 代

小酉腴山館文集九

四

同治四年六月原任吏部侍郎欽縣王公薨於里第時

鴻章署理兩江總督疏聞於 朝

上震悼以公由部曹洊歷卿貳廉靜寡營遇事敢言忠

愛出於至性加 恩 賜卹並 賜祭葬如例一時制

出公卿大夫下及偏陬遐邑志節磊落之士莫不欲獻

感歎頌

上之知人而惜公不盡其用使朝失直臣草野負異懷

奇者無所恃以為歸為可痛也公淡於榮進而視 國

家安危生民利弊則如疾痛疴癢之在身方

文宗初元粵賊禍起公為御史備陳振興人才之方與

部臣反覆奏辨至於再三戶部請許士子捐納舉人生  
員公又疏爭無益目前徒遺議後世言甚切至又極論  
銀票虧商銀號虧國之弊皆上維 國體下便民生其  
他論用人及勦賊方略皆知無不言每月章奏必數上  
或行或否而公持一節以終身未嘗有所榮辱趨避忻  
戚疏數也

上時知公已深甫年餘遽超授戶部右侍郎兼管錢法  
堂事務公疏陳才力不及懇求辭職不許旋 召見復

叩頭自陳又不許公遂極陳大錢利弊 召對時復面

陳當百以上大錢之必不能行且其時私鑄繁興公以

小酉腴山館文集九

五

其虧國病民奏請停止又以鈔法未盡籌措無方請

旨嚴議以謝天下

上不得已改公兵部公論事如故而請緩 幸 御園

一疏尤言人所不敢言賴

聖主矜全不罹嚴譴而公心終未已也三年賊勢日熾

天象示警公復疏言天時人事危迫日深於省己用人

聽言之道原本經訓反覆至千百言未踰年海氛不靖

公奉 命五城團防忘寢食籌思守備屢上封事迨撤

防而公病已甚懇求去位日久未瘳十一年

文宗上賓

上降旨以公志慮忠純直言敢諫將起用公雖以病辭而疏陳五事皆天道人事之至切要者

上皆一一施行同治元年復奏封事得旨署理都察院左副都御史會同兵部尚書愛仁赴山陝查辦事件差次授工部右侍郎旋調吏部右侍郎聞計丁繼母憂同籍四年六月二十二日以舊疾復發遂不起距生於嘉慶三年三月十一日年六十有八公諱茂蔭字椿年一字子懷以道光辛卯恩科中式順天舉人踰年成進士授戶部主事歷任貴州江西司員外郎陝西福建山西湖廣等道監察御史禮兵二科掌印給事中太常

小酉腴山館文集九

六

寺少卿太僕寺卿戶部右侍郎調兵部轉左再起署都察院右副都御史授工部右侍郎轉吏部右侍郎曾派充丙辰科進士朝考閱卷大臣武會試宿字圍較射大臣賜紫禁城騎馬曾祖洪烈武舉人祖槐康父應矩皆敦行孝弟封贈如公官曾祖妣方氏妣洪氏吳氏皆封一品太夫人娶吳氏繼娶洪氏皆封一品夫人子三長銘詔邑增貢生中書科中書次銘慎用騰錄敘勞鹽大使次銘鎮國學生早卒女子二人長適洪承基次適優貢生汪宗沂孫四人孫女八人某年某月銘詔等將葬公於某鄉某原而手狀以乞余銘公忠孝

性成每言及國恩未報則涕泗橫流居繼母喪年逾六十矣猶不飲酒食肉遭值時艱尤以人才為性命自奉儉約而遇倜儻非常以及一材一藝之士款洽周至或多方薦達恆如不及嗚呼此非書傳所稱古大臣與是可風也於是敘次公之行事而系以銘詞曰  
猗嗟王公忠誠天植謬敢言邦之司直公胡能然惟天子聖軀排妄庸衰進良儁不有其家遑恤我躬殫精盡瘁移孝作忠宜置左右陳善閉邪傾否啟泰佑我皇家胡天不弔元老云亡士失著蔡國失棟梁黃山之陽穹碑斬削我銘其藏來者是式

小酉腴山館文集九

七

小酉腴山館文集卷第九終

小酉腴山館文集卷第十

沅陵 吳大廷 桐雲

墓表

誥封奉直大夫內閣中書王君墓表

王君璧人丁父憂將奔喪乃述先德本末而豫求余文以列外碑發之皆庸行宜徵信乃為文以歸之謹按狀封君字禹莊諱某世為湖廣雲夢人籍博士弟子員擅文譽年踰壯抱旨左疾遂絕意仕進乃專壹為詩性孝友母吳太宜人有老疾君為親治藥物嘗達旦季弟翰客漢鎮病瀕危聞信立延醫往舟行大江夜風雨冥晦

小酉腴山館文集十

一

波浪轟厖舟人大駭不顧也卒活其弟載而歸平生好義師某死以斂以葬以贍其家君皆獨任之然躬行節儉壁人嘗自京奉孤裘屏弗御且手諭呵斥不少貸嗚呼俗之敝久矣士大夫有震襮一時而內行或未湊備又自奉豪華而於親舊之貧乏漠然無所動於中惜乎以君之天質不得高位廣譽以為世矜式然壁人欲顯揚其親而詞無溢美則君之修於身而式於後從可知已子一佩璋即壁人咸豐壬子科舉人官內閣中書充本衙門撰文遇 覃恩得請 晉封奉直大夫妻余氏君卒於咸豐九年三月享年五十有四以十年四月葬

於某鄉某原其世系誌銘具矣沅陵吳大廷表

先大父贈奉直大夫內閣中書加四級相周府君

墓表

大廷始生去大父歿久矣族故寒無家乘傳狀表誌可考然猶幸幼侍吾父側竊聞一二軼事今稍稍能記憶云大父諱某字相周兄弟八人大父齒居七美鬚髯故人呼曰七髯云世業賈然雅慕儒術嘗厚致束脩命伯父玉章公從同邑石東臨先生遊有年矣而未竟其業吾父毀齒復命受學於石先生然貧甚遇令節遣吾父奉八十錢為贄石先生揮之曰而父頗識大義人不幸

小酉腴山館文集十

二

家中落而聰敏但來學安用此茭茭者為惜乎以饋粥不繼卒遷其業而竟不獲俾吾父之終有成也當是時大父男子三人女子五人又憫外曾祖母之貧苦也復迎之於家而致奉養焉嘗出賈夜行藜莽間篝火熒熒隨人俯仰大父獨無所怖乃躡草坐久之燐滅乃行如是者以為常至與人交易或見欺率不疑即知之亦不與較夷然也吾父約身勞力至強仕家計稍饒而大父已不及待矣每遇忌日吾父晨起提壺楹跪奠墓前淚涔涔雨下有以也夫大父不習青鳥言而善識形勢為形家所讐服今葬之邑城北鴨子尾蓋生時所自定也



嗚呼大廷之得聞於吾父者如此其他懿行可不述而知矣咸豐五年大廷官內閣中書遇

孝靜康慈皇后升遐覃恩得請贈如其官十年

皇上三旬聖壽 覃恩晉贈奉直大夫內閣中書加四級嗚呼爲善無不報不可知者遲速耳於大父事益信大廷深懼爲之後者忘積累之所自也乃流涕而誌其梗概將請假歸磨石而泐於阡冀與從兄弟輩共相警惕以善承我先人之遺澤焉其生卒世系子姓外碑具矣可勿贅云孫大廷謹述

羅府君墓表

小酉腴山館文集十

三

余友羅孝廉亨奎靜雅悼諒噉然不欺其志人也咸豐庚申秋謁選得四川隆昌令將歸里改葬其府君於大賢塚而乞余表其墓按狀君諱旦字實初號良甫先世漢大農令珠治灌城啟豫章溝遂家焉後由奉新徙武甯遂爲武甯人至元思恭始遷洋井明天順時理舉奇節令湘鄉有賢聲君十二世祖也考 妣 氏以君爲伯父 後君讀書有特識善屬文年二十宜進取矣願以本生父獨持同堂家政愀然遂棄舉業襄治生產平生布衣敝裘自奉甚約然勇於爲義凡善舉無問邑中族中皆力成之如飢渴之於飲食焉辛亥奎舉於鄉

僉謂此厚德之報君獨戒奎曰汝讀書當志其遠且大者以一第自榮是鄙夫耳君通岐黃及形家言人有求

無不應者尤善料事熟精史書間與奎語古今治亂興衰悉中窾卻晚年益喜讀宋儒性理書講求性命之學乙卯粵逆踞縣城奎與陳君寶箴將西謁羅忠節公請援瀕行君誠之曰諸葛武侯一生謹慎汝慎勿輕舉動貽老人憂踰月而君病奎旋不數月而君竟死時咸豐丙辰九月十六日也享年六十有五配汪氏生子四人炳輝與四卽奎也女三人孫十一人孫女七人君孺留時執奎手第諭以讀書立品擇交無一語及家事嗟夫

小酉腴山館文集十

四

自古跌宕跡弛之士有無所藉而能成名者矣若律已行身粹然欲出於儒先之正未有不端始於家範者觀亨奎之能不自欺其志而益思其遺教之賢信乎貽謀之不可不善也有如是夫

候選布政司經歷范君墓表

余嘗讀歐陽文忠王荊公文集至連征兩處士墓表未嘗不嘆今世忠厚長者如連征兩處士當不乏人而傳者絕少豈古今人果不相及耶抑立言者之不可必得耶將世不乏立言者而信今傳後非曠世固不獲一見耶何有幸有不幸也余所聞武昌碧嶺范君里之人莫



不曰此厚德士也君諱開椿字步青幼孤力學屢擯於有司遂援例以布政司經歷待選念母周安人苦節不忍一日離家居侍養孝聲著聞周安人以高年考終君時亦五十有九矣遂絕意仕進而嗜善如飢渴尤有雅量人有以緩急告者不問有無未嘗偶拂其意或歲凶佃人負者貸之甚者蠲其半以贍之家南舊蓄塘一歲收巨貲漸為人侵佔而所居室亦為西隣據其牆君悉置不問嘗獨坐夜甫半有踰垣而入者君微睨良久呼之曰前爾非某氏子耶胡至此此非爾所為也吾與爾錢其速去勉為買民其人感君竟改行以溫飽終而君

小西廐山館文集十

五

終其身卒未嘗言其姓名誰何也嗚呼以君之行方之連征兩處士古今人同不同果何如耶惜乎余無文不能上追歐王以傳君於久遠也然余考兩處士皆有子以文學起家位至通顯而君之子凌書凌奎皆國子生志熙道光己酉科副榜國子監助教家聲方興未艾又以見天道報施善人先後若合符節在君自有能不朽者而文之傳不傳又不足道也咸豐庚申十二月沅陵吳大廷表

封朝議大夫邵陽周府君墓表

吾友邵陽周君秉圭其父碧漢府君母氏歿後已求

人銘其墓矣同治甲子得請以其官封府君為朝議大夫母為恭人而復求余文碣於墓上嗟夫君交余京師相善也子步衢又從余遊其敢辭於是沅陵吳大廷為表其墓曰府君始甚貧與恭人勤生產遂致富饒平居孝父母友昆弟余未及見之然觀秉圭昆弟怡愉無閒親歿久矣尤汲汲以顯揚為心則府君之孝友可知也篤宗族厚鄉黨余未及遇之然觀秉圭昆弟禮賢好善解推指困不見德色則府君之敦睦可知也義方之訓余亦未聞然以步衢從遊臨淮不數月兵事日危余諭以少避弗去禮余尤恭則府君所以教秉圭昆弟者

小西廐山館文集一

六

又可知也嗚呼虛俗倣久矣貧者習偷苟以求富富矣則又計較錙銖思以遺子孫而子孫多不克享然則府君迪德積善佑啟後人因邀綸綍頌之寵固其宜也府君與恭人生卒年月世系葬地誌銘具矣余獨揭其志行以徵信子若孫者書於石歟庶此豈獨周氏父子兄弟所當觀感也哉

三嵎山吳氏本支先墓表

辰州府地古稱三嵎而三嵎山則在府治東里許其脈發於府治後之主山由北轉東折而南濱於沅水吳氏先墓在焉其下則三嵎寺也吳氏先為江蘇常州府武

進縣人明初以總旗從開辰州路遷辰州後所百戶名  
敬者隨征交趾陣亡返葬於三嵎山之東申山子孫遂  
爲辰州人百戶配彭氏生子三受彬文文生論絕嗣受  
以攻葺子坪木桶寨傷左足創甚兵部敘擢正千戶彬  
以從征靖州有功擢前所百戶後以屢建奇功歷陞指  
揮同知皆不知葬處正千戶配高氏生子五誠謙謹讓  
諫誠以祖父軍功加襲指揮簽事後與叔父彬剿賊出  
力陞指揮同知葬百戶西十餘步坤山指揮同知配張  
氏生子璣承襲世職葬指揮同知墓西乾山襲指揮同  
知配濮氏生子二勳勳襲世職正德二年從都指揮

小酉腴山館文集十

七

湯輔勦流賊郢中隻身陷敵殉於陣奉旨祀本籍昭忠  
祠繼室祝氏在家聞變大痛遽絕有司聞於上奉旨旌  
表事實均詳郡志而葬所則莫由考焉生子三山嵎崇  
山以襲指揮同知陣亡加襲指揮使配宋氏亦皆不知  
其葬處生子一啟東襲職培拔貢生葬其祖指揮同知  
墓西數十步乾山配陳氏生子二曉東明東曉東拔貢  
生配劉氏未詳葬所生子三祁都豐啟東之嗣以明東  
子邦爲繼邦生子定國襲職又乏嗣迺以祁承襲祁葬  
邑東十里之黃頭橋碑書贈懷遠將軍至今尚存贈懷  
遠將軍配徐氏生子一國是爲我高祖妣曲氏合葬其

曾祖拔貢公墓西少南亥山自贈懷遠將軍以上嵎與  
曉東先後爲拔貢餘則均以軍功襲世職綿綿延延至  
我高祖而絕由盛而衰亦其數然也我高祖生我曾祖  
諱仿聖葬高祖墓南數十步少東亥山妣胡氏別葬邑  
之何家山我曾祖生子八元仁元任元俊元儀元  
仕而次七諱元佐者則我祖也贈資政大夫別葬鴨子  
尾原配張氏贈太夫人葬曾祖墓西百餘步我前母聶  
太夫人葬祖母張太夫人墓東墓皆並列而我同母殤  
長兄又附葬於我前母之墓東皆乾山繼祖妣杜氏別  
葬於三嵎山之西北吳氏園內生子三伯父諱診叔父

小酉腴山館文集十

八

諱論伯父葬張太夫人墓西七八十步叔父別葬於杜  
太夫人墓西園內而吾母鄧太夫人先卜地於回龍山  
之西三嵎山之東得吉穴正與隔河浮圖相對後十年  
吾父贈資政公卒遂合葬焉別有碑誌茲不具始遷  
祖以下迄本支之葬於三嵎山者令吾世世子孫有所  
考而凡吾本支及親屬之先人葬於是山者皆可倣而  
行之各爲紀載以傳於無窮亦庶幾古人追遠之遺意  
也是山惟吳氏女已嫁無子而歸葬者聞或有之而他  
姓則無焉嗟夫辰州以三嵎名而三嵎山自明迄今惟  
吳氏專之不得謂吳氏非辰州之舊族也未幾吾宗自

城中遷去者爲弟子員或爲明經多敷歷中外有由御  
史祀鄉賢者而吾本支自高祖罷龔後僅吾從伯父謙  
公有聲庠序人幾疑附郭之吳世爲氓庶而附郭之吳  
亦遂安於氓庶無有念及先人激昂愧奮以發名成業  
者則安得不覩吾斯表而蹶然以興勃然以起也

游太孺人墓表

吾友石君光銳與余同里又同居京師相善也痛其母  
勤苦終身而不獲安享一日之養以死泣求余文其隧  
道之碑按狀太孺人游氏先世福建人曾祖諱金輅官  
臺灣鎮總兵陣亡子某襲雲騎尉宦辰遂爲沅陵人太

小酉腴山館文集十

九

孺人之祖也父伯龍母王氏年二十嫁同邑石君懋亭  
翁姑稔其賢命總家政內外帖然未幾翁姑相繼歿家  
道日替懋亭不治家人生產太孺人獨理內外諸艱備  
嘗抑鬱成疾長子光錚又抱目眚以是太孺人望光銳  
獨殷初令從仲兄春臣學夜則分紡績餘光親督課之  
讀畢必教誡數語始掖令睡去以光銳芳謹愛憐甚然  
偶出戶庭則又嚴斥不少貸旣而光銳從族伯父達軒  
公遊束脩未具而所以求當其意者綦至或同學偶至  
其家必典質留治饌曰是吾兒所常取益者不可褻也  
光銳以廩生中丁巳湖南補行壬子乙卯科鄉試第三

名舉人已未考取景山官學教習距太孺人歿之二十  
六年乃得官嗚呼其亦足哀矣光銳又曰吾母之苦得  
述者如是又有百倍於是爲不肖所不忍言者余方詰  
問其詳則已痛哭失聲不能卒語余聞之愴然曰異哉  
吾子之痛其母何竟有似於余也憶吾母喪吾父治生  
幸不至如太孺人之窘然所遭骨肉之閒其毒痛至死  
不肖所不忍言又有太孺人所未嘗經歷者詩曰哀哀  
父母生我劬勞又曰欲報之德昊天罔極余覽君狀聞  
君言靈然不自知其涕之何從也惟德與名是爲顯揚  
繼自今願君勉之而已悲夫太孺人生於乾隆癸巳八

小酉腴山館文集十

十

月二十六日歿於道光壬辰五月二十三日享年六十  
有一葬於一里橋佛殿嘴之陽男子二人光錚光銳女  
子三人適胡適周適萬孫男四人太濂大澄皆錚出大  
源府廩生大涵女孫三人皆銳出咸豐十年冬吳大廷  
表

外祖母向孺人墓表

外王母向氏王父諱天珍姓鄧氏世爲沅陵人無子生  
女子子五人適周適倪適李適陳其三則先大夫也外  
王父卒以嘉慶癸亥外王母之卒實爲道光辛丑九月  
年八十有四先大夫舉其柩葬於城北鴨子尾去外王

父墓不數武外孫二人其一李林蔚四從母出其一卽大廷外王父歿時內無絲粟銖金之積外無期功強近之親獨以一婦人挈諸女持門戶謀婚嫁艱辛困阨垂三十餘年而吾母在諸女兄弟中性尤孝不幸又前卒自是年迫歲徂黃髮皤皤益復淒然無生人之趣矣憶余幼時同林蔚嬉戲外王母家余性孤僻少可於人以故中表女兄弟多右林蔚獨外王母愛余嘗面責林蔚曰而若大人不嚮學徒效市井儂薄兒而獨不觀而表兄乎終日默默讀書無他戲弄何而竟不渠若也是時林蔚少余二歲漫無警省其後卒遷其業以去余今雖

小酉腴山館文集十

十一

幸成立有位於朝而外王母奄忽便已二十有四年嗚呼可痛也余悲外王母無後爲流涕而書之遺兒子文元他日鑿諸墓上庶吾世世子孫知有所祭掃不至同於若敖氏之餒也悲夫同治甲子三月外孫吳大廷表

晉封一品太夫人陳母李太夫人墓表

太夫人歷城人處士李君諱士惠之女同邑孝廉 封榮祿大夫陳君諱鳳岐之配 地封朝議大夫國子生鎮二品銜津海關道欽之母也太夫人生於嘉慶二年三月二十八日歿於同治五年八月二十日距榮祿公歿時二十九年矣鎮等啟其窆合葬於邑東北全福莊

禮也先是丙寅春欽官京師與其兄鎮撰太夫人行實徧求交遊中之能文辭者爲太夫人七十壽言其所以導揚懿美者備矣而志銘未具逾七年欽復自天津貽子書滬上求文甚殷按例婦人無特銘宜附見於其夫誌中而太夫人懿行實足以傳後世爲女士師余因援汪堯峯李母顧孺人楊母吳太孺人特銘之例爲文令揭諸墓上以爲女婦法兼以慰吾友子敬之心子敬者欽字也按狀太夫人年十九歸於陳逮事翁姑翁姑於諸婦中獨深愛之未幾翁歿榮祿公家益貧以諸生館於外太夫人以婦代子每上食必進旨甘不令諸子在

小酉腴山館文集十

十二

旁自食糲糲亦不令其姑覺也迨乙酉榮祿公得鄉舉屢上公車太夫人以紡績佐家用十餘年夙夜操勞有時樵蘇不爨亦不使榮祿公知丙申榮祿公遽卒太夫人痛不欲生爲絕粒者數日矣時遺子女七人族黨勉以撫孤大義乃不敢復言死益勤操作專心教子偶有過必痛子笞退入內寢又未嘗不淚淫淫枕簟間也以貧不支鎮改業賈而節縮食飲具脩脯專俾欽學蓋不忍榮祿公讀書種子以貧故中輟也然教子以義方絕不用常情責望始欽五試秋闈不第每以爲戚太夫人反溫言慰之曰吾但期汝勵志於學爲正人功名得失

是有命焉吾忍汝責耶迨王子欽舉於鄉癸丑考取內閣中書旋充總署章京累遷至刑部員外郎人以爲太夫人教子之心至是遂其勞勩亦可稍酬矣而太夫人但諭以恪供乃職有所見宜直陳毋顧忌欽或以不獲迎養爲戚太夫人必傳諭曰吾聞以善養不以祿養汝能居是官不負是官勝於口體養多矣其後欽歷官中外果練達政事以蹇諤著稱駸駸乎將大用矣而借平太夫人之不及見也太夫人性勤儉而賢明措置米鹽悉有條理遇婚嫁每先事經營稱量有無推之計晝衣食亦然常誨欽等曰世俗爲體面二字誤盡終身其實

小酉腴山館文集十

七

非體面乃浮華也汝其戒哉然稍有積蓄必以濟人之急榮祿公計偕時曾邀同學孝廉秦棟喜會十縉會己亥歲杪秦君病篤太夫人計終年所積僅十餘貫不俟期悉舉以畀秦其慷慨明大義又如此昔李武曹有賢母顧氏父歿母督令學嘗曰窮達命也但俾吾有子爲通儒爲善人足矣否雖錢萬緡爵三公非所望也其後武曹以高才生應鴻博科名公巨卿私相揣摩以爲首是選者必武曹也而竟中忌者報罷歸其母慰之曰古人有言吾期汝以志養非以祿養也天下人由是莫不屈武曹而賢顧母今以太夫人事核之視顧母其果同

耶異耶雖然武曹雖才終於諸生未獲光大顧母之志事而欽以直節著聞聲施未艾太夫人榮荷 綸音受封一品其遭際過顧母遠矣女五舉人賀沛博山汛千總郭豐芒從九沈國棟直隸縣丞袁鴻錫喬燕昌其婿也孫七鎮出者汝霖候選鹽大使汝晉汝功汝楨欽出者候選郎中汝益汝成孫女一余故樂爲書之以正告天下之爲人婦爲人母者

小酉腴山館文集十

八

小西腴山館文集卷第十一

墓誌銘

沅陵 吳大廷 桐雲

石蘭泉墓誌銘

蘭泉諱大焜姓石氏世為湖南沅陵人曾祖暢祖王文父光遠縣學生母蕭氏君少孤依伯父步青以生家貧苦學嘗夜讀鄰家失火延燒甚眾蘭泉聞讙嘷甚急讀如初家人覺竊怪焉弗顧也道光戊戌以郡試冠童子軍踰年入縣學朝邑雷公成樸以翰林守辰重君文行謂取高科如反掌累赴鄉舉不第丙午始以優貢生連

小西腴山館文集十一

應順天鄉試先已入選比揭曉主司摘其微瑕三挑騰錄君既久困無所遇乃以謄錄議敘布政司經歷分發直隸君性和易遇人無畦畛自里居踰齊魯歷燕趙所交公卿大夫下逮窮巷寒賤之士賢君者無異詞然君故未嘗有所干請於人或饋以重金卻弗受囊橐蕭然泊如也君尤精醫活人無算然不一責報既為吏日夕取牧民諸書講明切究思欲見諸躬行未幾以海運歿於白溝河差次又復未及設施意者其命也夫其命也夫憶予與蘭泉居京師閒數日未有不再三見者丁巳冬君出都時余送之國門外依依別去逾年互通書問

遺墨猶新而君遽成隔世人益重余以荒涼寂寞之感矣君生於嘉慶癸酉六月十五日歿於咸豐戊午六月二十八日得年四十有六娶韓氏生子二人男啟銑女一字士人許顯鈞繼娶徐氏生女一尚幼徐故文安勝芳人遂以君樞權厝於勝芳鎮之東原九年啟銑依余居余善謀歸君骨粹未能也乃涕泣而為之誌使啟銑他日鑿諸墓上銘曰

猗君毓德渾穆以和中實貞介侃侃不阿人比叔度澄波千頃胡邁迤邐年復不永豈其好惡天與人殊賢者厄窮一至此歟我表潛德泐為銘章迪躬啟後子孫其

小西腴山館文集十一

昌

鹽運使銜記名道湖南候補知府署澧州直隸州知州吳君墓誌銘

故鹽運使銜記名道湖南候補知府署澧州直隸州知州黃岡吳君以同治元年冬月十二日卒於官年四十九喪聞自大吏迄同僚與夫鄉士大夫莫不愴然悲悼曰湘中良吏亡矣君侃侃自喜視庸俗人概不當意獨喜與豪俊遊少受詩法於王父茂亭司馬即工吟詠年十六入邑庠食餼文名噪一時旋以道光丁酉科拔貢領鄉薦及試禮部俛得矣而屢失之咸豐癸丑已用



知縣挑發河工未行而是科會試榜發君中式授刑部主事遂請假歸君既歸會值粵逆由皖竄鄂屢督鄉團助勦當得功抑於上官於是以丙辰冬奉母入都分奉天司久之司寇稔其才將重用焉己未夏又以母老不樂北方水土援例改湖南直隸州知州到未一月庚申春即奉檄權桂陽州篆桂陽故壯州號難治又接壤粵境君甫下車賊大至勢洶洶君內設防守而別簡鄉勇壯健者出擊賊屢戰屢卻之賊大負創遁去大吏嘉其能奏請以知府留湖南補用辛酉秋改權鹽衡州敘勞得鹽運使銜是時衡永郴桂早荒君復奉檄辦賑張弛

小酉腴山館文集十一 三

有經所全活無算大吏謂君堪大用特保以道員記名至壬戌澧州大水災異常念非君莫稱是任者於是又以君權澧州篆修治隄防綏靖難氓皆次第舉行而君遽以積勞卒矣歎庠天之生人也於什伯千萬中篤生一人焉子以過人之材質可謂難矣或生於世不用才之時則無由表見於世世知用才矣又或挾其抱負與時異趨亦必叢憎嫉而不得發擢盡意如君者既具過人之才質又為大吏所倚賴罔有齟齬使天假之年建立當未可量惜乎其既死也君字又桓諱榮曾祖諱松齡妣熊氏龍氏祖諱鑣候選同知妣王氏余氏考諱湘

博士弟子員母喻氏皆得請 封贈如例娶劉氏生子二人男觀辰五品銜候選知縣女適候選從九許光樞繼娶李氏生女一許字屈紹超尚幼側室李氏生男子子一紹煒國子監生君著有誦芬書屋詩文集並皆超妙歿後觀辰輯而刊之癸亥奉其權以歸甲子四月余以事自皖歸過黃岡觀辰念葬未有期而豫求余銘以待事焉嗟夫君視余猶昆弟也君死而余又以愚直不合於時徒令後死者滋懼耳於是流涕而為之銘銘曰豐以才亨其遇騁長途縱坦步命習摧若霜露妻青年母遲暮天蒼蒼味其故伐石紀行告來茲敢然疑者徵

小酉腴山館文集十一 四

余詞

誥贈光祿大夫春藻胡公墓誌銘

春藻胡公益陽文忠公之叔父也文忠公以頭品頂戴巡撫湖北咸豐七年遇 覃恩得請贈公如其官階余固受文忠公知者其嗣子斐翼亦循循謹飭余又得交於湖北節署同治丙寅斐翼將為公定窀穸於大屋灣新山而再以書抵闕求誌其幽室之文是時公歿十九年矣而斐翼謀所以傳公者哀慕追思如恐弗及此仁孝之至情其焉忍辭謹按狀公諱達灝字京甫一字春虞籍縣學博士弟子員祖諱多吉父諱顯韶崇祀鄉賢



皆累 封至光祿大夫祖妣氏湯妣氏湯繼妣氏劉亦累 封至一品夫人公與伯兄雲閣詹事仲兄甘園大令叔弟墨溪直判兄弟相師人有四甫競爽之目詹事登上甲大令獵乙科直判亦中副車而公獨以諸生終然公經理家政條理秩然事繼母如其所生人尤以爲難至其待宗族接鄉黨亦有恩意雖至稱貸而好義弗衰嘗行湖中有浮幣觸舟公憫焉立捐貲掩之里有以貧驚妻者立贖金爲卻其婚其他善舉多類此昔孔子有云觀於鄉而知王道之易易使人人仿而行之其於正人心而厚風俗豈曰小補之哉乃天旣齎其躬復札其後遲之又久而始邀 國家錫類之恩光榮泉壤此業翼所以汲汲表揚固欲慰公九原之恫而亦以見潛德終無不發之光也公生於乾隆丁未八月二十六日卒於道光乙巳九月三十日得年五十有九生子八人柏翼相翼校翼松翼榆翼權翼樛翼杭翼俱先公歿女五春淑適龍陽縣學生劉壽椿捐貲以知縣候選餘皆殤撫子築翼亦中道卒臨終乃以叔弟墨溪之子爲嗣卽業翼也業翼縣學生以籌餉累保至同知銜候選知縣孫四長克昌出嗣文忠公 欽賜舉人龔騎都尉世職次汝忠次汝信次汝廉此於例皆宜書者銘曰

小酉腴山館文集十一 五

命雖齎而德則豐生雖厄而歿則通洞庭之南瀟湘之側我銘祿之以奠幽宅

兵部侍郎福建巡撫清惠徐公墓誌銘

公諱宗幹字樹人姓徐氏江南通州人也曾祖仁滋貢生祖寬生員父蔚生員鄉人諡曰孝毅以公貴均贈光祿大夫孝毅生男子子三而公爲長將晚時叔祖母王太孺人夜夢綠衣童子出暗室中越日而公誕生嘉慶二十五年公年甫二十五歲聯捷成進士以知縣發山東歷曲阜武城泰安三縣高唐臨清兩州遷濟甯直隸州知州兩兼泰安兗州府通判一署兗州府以濟甯城垣學宮工竣加知府銜用卓異薦入 覲 簡放成都府遺缺知府補保甯府兼護川北道遷福建汀漳龍道數月兼攝漳州府事以母憂去任服除用舉者特補臺灣道歷四年至咸豐初元因病四次請開缺不允以軍功 賞戴花翎擢福建按察使尙未去任忽奉檄調回內地察看比抵省制府王公懿德詢知其枉具疏劄晰奉 旨送部引 見初 命幫辦河南英桂軍務嗣又命往安徽幫同和春福濟辦理防勦事宜未及赴皖補浙江按察使以河南勦賊出力 賞加布政使銜旋擢浙江布政使因公去位旋奉 旨辦理通泰團練僅數

小酉腴山館文集十一 六

月 賞還布政使銜未幾遂授福建巡撫公以文事起家年本少而饒吏幹廉能辦治所在有聲方其官泰安也徂徠山為盜藪公深入勦捕並嚴治匪黨盜為衰止泰山條有狼患公為禱於神一夕大雷雨狼竟溺死而又以俸錢捐驅遞小車免派闕布歲省民錢至數十萬有奇其在高唐隨巡撫經額布往濰縣勦辦教匪馬剛等戕官謀逆公力請於撫軍就地誅首惡而免其緣坐者百數十人聞者翕然又嘗遷幹役潛入一炷香匪黨於期會日掩捕之罪其魁餘有自新後數年東昌教匪案發將興大獄而公所治武城高唐無一波及者其在

小酉廡山館文集十一 七

濟甯撤淫祠以祀先賢諸善政甚夥而其尤著者金鄉縣挑濬彭河屯民千餘人阻工誤傷差官勢洶甚當事欲請兵往公聞立馳至諭眾以畏水患故自首而并力解於大吏事竟釋然所全活無算及其官汀漳龍道也游茂等莊官吏素所不能到公單騎至其地父老迎謁受約束維謹故視事僅五月而漳民至今思之臺灣雖處海外而占籍者大半漳泉人公既為漳人所思移以治臺緝匪安良民益大和然荒服蠻民難靜易動大吏又往往喜遙度故咸豐三年臺嘉中路及南路鳳山匪徒同時蠶起戕官陷城公雖隨時派兵勦辦旋就撲滅

而撤任之耗至矣幸大吏不護前而又逢先帝仁明素稔其治行雖再起再躡不數年竟令巡撫福建當是時東南髮逆勢尚猖獗而臺灣汀州及上下府匪氛充斥公以一人支拄其閒戰守兼籌次第平定洎同治三年巨逆李世賢汪海洋突犯龍漳勢尤張督帥左公率雄師自浙來閩公又能同心協規無毫髮私不半載而全閩肅清世固以此多左公之功而尤以公之推賢讓能為不可及也然公年已七十有一而勞病不可支矣同治五年十一月二十日以疾薨於位身後蕭然無異寒素遺疏 聞

小酉廡山館文集十一 八

天子軫悼 賜卹如例并 加恩編入 國史循良傳入祀福建名宦祠 子謚清惠子毓海由附生捐署正銜中書科中書服闋送部引 見生平著有斯未信齋集若干卷其他編輯甚多而所著虹玉樓制藝尤為世傳誦云娶劉夫人無子早卒側室四一聶一陳一呂一顧生女子子四人大妮字丁娟字湯聶出媛字孫榮字王陳出生男子子一毓海願出後以願為繼室公愛土出於至誠所至修復書院皆躬自督課而衡鑒尤精在福建為監臨并主武闈者再三為山東鄉試同考官五舉臺灣歲科試所拔取先後入詞林者數人並有任兼

圻者大廷初官福建鹽道公以才堪大用密疏保薦比左督帥以臺灣道見屬公爲力辭不獲瀕行公在病中愴然別去未旬日而公薨余曾爲文以哭之茲公子將以某年某月奉公柩葬於某鄉某原而以行狀介公門人觀察周君懋琦來請銘余焉忍辭銘曰

公初試吏廉幹夙成植禾翦莠赫其有聲泊登高位世方艱難彼強厲者剝缺不完公獨終始履險若夷莫或

主知遺疏上聞  
天子曰嘻褒終節美爲凡吏師有稽疑者來徵銘辭

中憲大夫安徽廬鳳穎兵備道李君權厝誌

同治七年余待罪臺灣同里石小岑孝廉自長沙以吾友恕皆之訃告余仲揚不甯者累日既爲詩以哭之已而念恕皆之考贈奉政公及其妻徐宜人之喪余時在京師恕皆先後以其行述乞余爲之誌今恕皆歿矣其志事尤宜見於余文而旅櫬尚厝長沙無從得其行述乃就余所習於恕皆者質言之爲權厝誌俟他日葬有定所俾刻石墳中以庶幾慰吾亡友於地下而少追後死者之責君諱文森字恕皆貴州鎮遠縣人質少鈍及從贈公受書聰穎乃異常兒年二十以道光庚戌聯捷

小酉腴山館文集十一 九

小酉腴山館文集十一 十

成進士咸豐三年揀發奉天以知縣委用歷權新民廳撫民同知岫巖廳撫民通判海城縣知縣丁贈公艱歸服除仍赴奉天署義州知州用薦調赴安徽軍營署亳州知州 特旨遷潁州府知府未幾復遷廬鳳穎兵備道未受篆權安徽按察使旋改署皖南道奉 旨送部引見分發雲南以道員差遣方靳君謙谷官新民廳時以廉能名重一時君以少年代其任摘發如神輿論竟出其上而大吏及同列或不然之及線耳山馬賊糾黨劫山海關稅課萬數千有奇并戕典護者一人線耳山者界新民海城遼陽之閒故盜藪也自來殺人行劫官吏無過問者人咸爲君危大吏并以是劾君勒限嚴緝君獨單騎入賊巢搜出贓銀七千餘先後獲盜數人復捐重賞用其黨自相誦捕窮搜至甯古塔卒得盜首論如法賞還頂戴而向之不然君者至是乃大嘆服錦州府北義州與朝陽縣鄰咸豐十年朝陽土匪竄起時擾義州界是時君以服闋甫至省大吏夙稔君能檄使治之朝匪聞風斂敢無敢犯境者大吏以此益重君君亦嘗以此自意然以母老難北上屢與余書欲改回內地便迎養同治初元余爲言於今大學士曾侯奏調赴皖過臨淮撫軍委權亳州事時科爾沁僧親王正追勦捻

首張落刑駐師毫境王尊貴甚勛又高而毫殘破余慮  
君初至未能堪也為力辭於撫軍而君獨毅然請行至  
則供張不能趣辦王部下多尼君者君隻身俟轅門外  
良久王見之立召入相待有加旋奉 旨擢潁州府未  
半歲又晉廬鳳潁兵備道始君以進士試吏踰十年未  
實授比調皖以委用知縣不二年遂授監司而又不由  
保薦不得謂非朝廷之有意重用之也而大吏故不嫌  
君時權道篆者又素為大吏所親厚乃奏君權臬事而  
遠之迨大吏所親厚者得皖南道遂以之署臬事而移  
君皖南又巧辭擠之使去賴

小酉腴山館文集十一 士

天子仁聖不加譴責仍以道員發往雲南將隨制府江  
夏張公取道長沙以入滇而不謂其竟以暴疾卒同治  
丁卯八月四日也時年僅三十有八悲夫君家世系余  
為贈公墓銘已前具矣娶徐氏早卒妾鄭氏亦卒再娶  
側室 氏女子子一許字舉人劉端書之子維典徐出  
嗣子同書仲兄文澤子也君事母至孝於兩兄友愛無  
間方為諸生家無立錐已析爨矣比成進士乃復與兩  
兄合居凡官中所入悉恣兩兄所為不問待 同鄉故舊  
姻婭曲有恩誼凡有所求雖拮据必設措應之故官皖  
數年馴至大困比疾革親屬無一人在側獨吾兒時鄉

試長沙侍左右君召至榻前執手歛歔曰吾無子老母  
年八十有三吾死後誰堪託者惟子與汝父幸矜全之  
嗚呼君交余視之猶兄余又以君故妻其子於君之猶  
子孰使斯言也而竟聞於余也哉君豪於飲性尤豁達  
視一時之挫折宜無足芥蒂者然竟以是隕其身嗚呼  
豈非天哉豈非天哉於是流涕而為之誌且豫為銘以  
寄吾哀銘曰

猗君之坦直自將兮何行省之不能容也謂朝之無意  
斯人兮無解於中道之通也為便養以就內郡兮忍奪  
之而斬其終也謂殃咎各以其類至兮君胡為遭此鞠

小酉腴山館文集十一 士

凶也既無子而又旅死兮吁嗟乎何命之窮也彼蒼蒼  
者昏其無知兮祇以益余心之恫也我誌之以詔來茲  
兮銘以藏君之幽宮也

資政大夫二品頂戴前署福建布政使司布政使

周君墓誌銘

吾友周君受山前以書抵余纏纏數千言敘述生平甚  
具竊怪之一日忽聞君卒余既為文以哭之閱前書憬  
然曰是殆有以詔我矣會其弟開銘以君行略來乞銘  
余焉忍辭謹按君諱開錫字受山湖南益陽人曾祖某  
祖某皆籍博士弟子父揚之舉人戶部主事生男子三

人君次二兄開鑑太學生弟開銘翰林院編修叔父仰  
之進士官河南知縣卒無子戶部命君爲之後母許氏  
本生母任氏以君貴均得請封贈如例君生具夙慧初  
爲文議論多創解有奇童之稱戶部君鍾愛甚弗督責  
十二歲援例應京兆試卽出與才駿遊大半風流自賞  
君亦習豪放不樂繩檢凡應南北闈者六輒不遇迨戶  
部君歿君奉母南旋適歲歉貧無以自存迺折節刻苦  
粵逆事起今大學士曾侯前鄂撫胡文忠公先後招君  
籌餉運文忠在鄂屢見招丁已乃造營請謁委典箋奏  
軍事餉事咸倚君再薦以知州留鄂已未牧沔陽有能

小酉腴山館文集十一

三

聲文忠越境勦賊辛酉病幾殆檄君赴戎幕事無鉅細  
君皆先爲區處一佐皖臬李公續宜軍於青草壩再偕  
提督鮑超成大吉兩軍攻賊壘於赤岡嶺克之賞孔  
雀翎以知府用粵逆自英霍竄鄂分陷南北岸各郡邑  
文忠率師回而病已不可爲歿前一日招君榻前託以  
身後事舌橋目直氣僅屬猶執手以大器晚成相期文  
忠薨代者爲李公續宜旋調皖君皆從及抵皖而恪靖  
左公方撫浙復奏君恪靖君師也遂辭赴浙監廣信釐  
務癸亥補溫州府兼署溫處道是時全浙惟溫處台三  
郡存而土匪不時竊發君內脩外攘地方以甯甲子冬

授浙江糧道恪靖已督師入關君復從闡瘠區吏治尤  
偷苟公私掃地赤立恪靖舉君辦稅釐力肩勞怨旋權  
藩彖弊革利興恪靖自闡移粵源源饋運得挾全力平  
粵逆繫君力也丙寅春恪靖師旋欲竟君設施奏開  
浙糧道缺久署藩司朝議不許許改延建邵道恪靖  
再申前請仍不許許開延建邵道缺先是君以籌餉功  
賞二品頂戴巡撫徐公薨君承其乏時恪靖奉命督師  
陝甘新創船政奏請在籍中丞沈公總理而以君提調  
丁卯春督撫新至意在痛改前規君去位遂乞病病痊  
專佐船政一赴滬籌運直東軍米捻逆平得旨優敘

小酉腴山館文集十一

四

己巳秋聞隴事亟君辭赴隴恪靖奏統甘肅南路諸軍  
由秦州進鞏昌先後克復狄道渭源收撫范銘潰勇功  
未敘而人言朋興君憤亟乞終養不允然觸發舊疾自  
知不起屏藥餌垂歿猶召諸將毋榻商議進兵機宜不  
移時氣絕是爲同治辛未五月十五日也距生於道光  
丙戌七月初八日年四十六恪靖爲請於朝卹典如  
例君性剛果銳意轡前然不守邊幅敢破羣議爲人所  
難爲其治浙閩也屢以勇任事致人言然其時事方  
亟朝廷方破格待度外之人今軍事定矣獨隴右一  
隅士大夫昧遠圖方優游養望而君踵薦奮發始終一

輒則其困多口而一憤以死不復知生之可樂亦其宜也初娶何氏道州文安公孫女蔭生紹業公女生子先涓早殤未幾卒繼娶熊氏攸縣光垣公女妾李氏劉氏均無出以兄開鑑之子先濬爲嗣蔭生於某年某月葬君于某鄉某原沅陵吳大廷實爲之銘辭曰

嗚呼君幼能文而卒慳一第君壯敢爲而終吝大試前有推兮未終後有挽兮旋繼胡愛者無權而憎者得志一憤樂死大酬眾嫉窮塞裏尸雙親垂涕弱息哀號上天下地謂天有知生君何意綴詞埋幽用示後世朝議大夫晉封通奉大夫梧岡孫君墓誌銘

小酉廩山館文集十一 五

同治乙丑夏余典閩離聞清流令太倉孫君少彭儒者其時先以大軍過境採運失期幾註誤矣會少彭來謁屢與談謙益知其賢爲直其枉事得寢其年權連江明年調侯官再逾年擢臺防同知又皆余力言於當道然少彭固非有干於余也癸酉余典海軍滬上少彭丁內艱自太倉來奉其贈通奉公暨李太夫人行述墓銘求余文表諸墓上逾數日其兄子福太守來見復申前請子福優於學而恂篤不自表異蓋德人也語云脩德必獲報不於其身必於其子孫徵諸通奉夫婦子福昆弟而益信君諱鳳岡字鳴盛一字梧岡國子監生幼穎悟

甫入塾小學卽能成熟年十三父母相繼棄養王父母鞠之學彌力幾成矣已念王父母年高不欲溷以家事乃慨然輟士業自任之不窳益勤平居自奉儉樸而絮膳羞以奉王父母者無不備也自傷惇獨而敦親睦以待伯叔昆弟者無不盡也由親及疏戚黨以緩急告者無不應也嘗遇歉歲矣而凡施粥平糶力所能及者無不爲也子已貴矣而歲時伏臘與田閒父老相問勞如平時無或異也嗚呼古所謂鉅人長德者君近之矣配李氏有賢德能成君志王父母甚安之耕奴織婢作息有程家事日隆隆起而習勞不少休子婦請代弗許進

小酉廩山館文集十一 六

華美弗御卻甘糲弗食自居家以迄居官舍皆然贈公性煦嫗和易待諸子特寬而太夫人教之獨嚴贈公年六十戒子弟勿爲壽第使延畫工貌其夫婦子孫爲家慶圖太夫人不可謂男女有別吾婦人奈何令畫工視也其嚴重知禮如此以子貴 封贈如例贈公生於乾隆六十年十二月二十四日卒於咸豐八年六月六日已葬於本州二十八都七鄙降圩之新阡後十三年正月十三日太夫人卒距生於乾隆五十八年八月九日附於贈公之兆禮也生男子子六人長壽祺卽子福也甲辰進士刑部主事前廣西柳州府知府加三品銜三



壽銘卽少彭也壬子舉人前任臺灣南路理番同知代理臺灣府知府次一壽康附生已卒次四壽仁貢生次五壽昌附貢生候選縣丞次六壽齡女二一字徐未嫁卒一適王守節待 旌孫十人國寶國華國珍皆附生孫女二十三人曾孫男女三人吾聞吳中風俗男婦好行其德者多矣而媵衣美食則習慣若性成焉贈公夫婦獨樂於爲善而不溺於所習故諸子雖用儒術取甲乙科以仕宦顯而束身圭璧弱窮如畏謂竟其志事則未也以之型方訓俗則有餘矣吾故樂爲書之其他里居世系姻婭之瑣瑣已見於行述墓銘不贅

小酉腴山館文集十一 七

左子重墓志銘

今督師秦隴相國恪靖伯湘陰左公之賢冢嗣曰子重者胚胎前光生卽秀異讀書過目成誦年十六出應郡縣試皆前列遂以第一人籍博士爲弟子員明年舉本省鄉試以三品蔭生 廷試優等

天子嘉獎命以主事分部如二品例甲子余遇之杭州節署夜半剪燭讀余所爲古文以爲若者似昌黎若者似介甫其褒譏熾惡如老吏斷獄雖自謂精於古文學莫能過焉幼承家學耳濡目染慨然有經世之志初相國贊湘撫張石卿軍事子重鄉居甫七歲仲父景喬公

每過存子重必條舉戰狀如聚米畫沙又品評諸將優劣如銖稱而量衡之無或爽者後佐相國平涼軍次嘗代擬機密文字每進覽相國未嘗不稱善余最薄劣於時事無能爲役而子重在闕在隴三貽余書皆極論政治得失兵事利弊余讀之又未嘗不怦怦心動也以子重之才與學與其年及其所居之地他日皆當大有成就孰謂名未成進士勳績未大著於時而子重則已死矣其年甫二十有八也哀哉子重體本弱而至性過人相國贊湘幕時毅然卽以身許國爲奸人所中幾賈禍子重每用隱憂得咯血疾母周夫人病危子重時深夜

小酉腴山館文集十一 七

露禱籲減已年益親壽不效則刲左臂和藥以進卒不起子重僻踊哀號數至暈絕葬母畢復亟省相國於隴上相國摩其左臂淚輒涔涔下未幾咯血復作相國良久乃覺亟令回籍就醫時愈時劇踰年二姊以廢疾卒於室子重悲哭不已遂不起然則子重天性純篤誠有大過人者而或者僅以才人不祿哀子重是失吾子重矣子重幼善篆書於說文解字每多創獲此在子重猶爲餘事子重生時值歲旱相國夜忽夢雷電繞身大雨如注驚而寤子重以生遂名曰霖生子重垂歿神明炯然語仲弟子立處置後事曲有條理古人所云生有所



自來死有所自爲相國至是其亦可以自解矣子重諱孝威生於道光丙午八月廿有一日歿於同治癸酉七月十有四日配賀氏善化賀柘農侍御之女淑慎謹厚子重病篤曾封臂以進飲者也生男子三日念謙曰念恂曰念慈遺腹女子一相國自蘭州貽書命余爲墓志余獲交君兩世聞其喪爲悚惕不甯者累月安忍以不文辭不以塞吾相國之悲於是撰次行事系之以銘以待君葬時窆焉銘曰

學足以斧藻羣言而莫或起之才足以鞭笞四夷而若或止之嗟斯人而無年誰實使之生也者吾不知所慕惟昌黎其有詞豈元賓之邁化胡自古而如斯惟雖死而有不死者存庶幾泯垂白之怨咨噫

小酉腴山館文集十一 九

殤兒墳志

吾邑城東二聖許回龍山右有雙碑穹然矗立若門扉余父母墓也墓西數武纍荒石負土若盆孟者余殤長子塚也先是道光戊戌吾母棄養閱二年庚子十月吾兒始生吾父甚愛之生二年壬寅某月兒以痘殤吾父痛甚瘞於吾母之墓右又六年戊申九月而吾父卒葬於吾母墓左兒自是得常相依於地下不可謂非幸也獨念余終鮮兄弟宦游十四年今乃得一歸數日廬於

墓側令人感然增霜露之感又吾族姓子若孫以余久客初歸牽率來見者多至不可辨識而吾兒竟不克長養以迄於成是尤可悲也同治甲子二月書

李宜人徐氏墓誌銘

宜人姓徐氏諱婉字淑卿石阡府龍灣里人鎮遠縣諸生樹德之女同邑奉天候補知縣同知銜李恕皆之妻也宜人性恭謹幼秉庭訓事親以孝聞年二十來歸舅姑皆已老恕皆方攻舉業貧不治生產宜人拮据奉養以婦代子舅姑安焉庚戌恕皆聯捷成進士當爲令或勸以少休而宜人操作如昔癸丑恕皆揀發奉天宜人

小酉腴山館文集十一 十

以事親畱色養備至敬夫兄如兄視猶子如子門以內翕然稱之又二年孺子殤逾月舅氏不祿宜人哀痛過甚遂遭疾丙辰恕皆甫歸自遠又因公賈禍性命寄人喜怒中宜人愈盡焉傷之至戊午隨兄公奉姑避亂僑居湖南沅陵蓋至是流離轉徙已數年病日劇然猶恐傷姑心笑語如平日越庚申恕皆歸自黔將復之官奉天始劉太宜人強遣之且諄諄其子以善視爲言不得已始行未幾病大作舟抵安陸府遂不起時五月十五日也比恕皆來京師爲余泣述其孝親敬夫及逮下之仁甚備屬余爲文以圖其不朽余諾焉而未暇以爲也

久之恕皆自違以狀示余與恕皆兄弟交且有連也  
烏容無言夫孝舅姑敬夫子和妯娌此在常女子爲難  
然猶曰婦順之恆耳獨至嫡庶之際則雖中人之資有  
不可強者昔望溪方氏謂近世士大夫百行不作獨以  
出妻爲恥婦教遂迄今大衰以余所聞見婦人憊恣淫  
佚禍其家連數十年不解甚至甯使其夫終身不嗣不  
使有妾媵一日之得安其居者比比也方恕皆官奉天  
時納姬鄭氏卒於途柩歸而宜人躬爲起壙且以時祭  
婦焉比恕皆再納姬某氏稍踰禮宜人置不與較待有  
加久之姬亦改悔無閒言嗚呼循是以觀而宜人之賢

小酉腴山館文集十一 三

過人遠矣乃既札其嗣又促其年竟不得享一日之安  
而鬱鬱以死此恕皆所以每一念及而欲獻感愴不能  
自己有以也宜人生於道光己丑二月十二日年三十  
有二生男子一人名瓊生早殤繼仲兄子同書爲後  
生女子一人字舉人劉瑞書子名惟典宜人是時尙  
厝安陸府孔家園海內多事歸骨未卜何時余預爲銘  
以待他日之泐石者其亦重哀恕皆之志也夫銘曰  
猗嗟淑卿既孝且敬不妬而仁女躬士行宜壽而促實  
爲命窮匪命之窮於天爲通我書懿美爲世女師敢不  
信者徵此銘詞

節母葉太恭人李氏墓誌銘

余每讀傳記至湯潛庵尹元孚兩母軼事未嘗不歎天  
心之仁愛節烈特厚而賢人志士之生無不涵濡母教  
其來蓋有自云吾友東安葉君兆蘭其治潛山益陽胡  
文忠公嘗特薦以爲與王文成治贛南于清端治蘄黃  
仿佛者也屢爲余泣述其母李太恭人始歸葉氏家中  
落所以劬身奉翁姑及佐夫子者勞勩倍至比新寡年  
甫二十九歲家益貧三子皆幼內憂外侮視昔所處尤  
難太恭人一不爲動獨勤紡織以活諸孤雖常日不再  
食而偶有微貲則爲置書籍督兆蘭學不少寬假今所

小酉腴山館文集十一 三

藏書多秘籍皆太恭人十指之遺兆蘭每念此尤悲也  
始太恭人幼時聞姑姊中聚談李氏先某母死流寇難  
事卽曰此易易耳咸詫焉至是人乃大服太恭人卒以  
咸豐己未九月二十九日享年七十歲踰年有司上其  
行實於 朝奉 旨旌表又以兆蘭貴 誥贈太恭人  
天之報節母者厚矣余惟湯尹兩母誠賢得子如潛庵  
元孚者乃益彰兆蘭誠欲顯其親將其治身居官不斬  
至於潛庵元孚兩先生不止慎毋以胡文忠公所稱爲  
能仿佛文成清端治績遽自足而自揭也太恭人考諱  
光弼母某氏夫爲 贈中憲大夫州同銜諱本嶽生男

子子三人長元樹監生 馳封中憲大夫三元梓監生  
 皆以孝友著稱鄉里次兆蘭道光丁酉科拔貢癸卯科  
 舉人考取丁未宗室官學教習以軍功歷任潛山縣知  
 縣安慶府知府安徽卽補道孫男子十人天眼監生天  
 曜天晟元樹出天暉天曙天旭天暹元梓出天曦卽選  
 從九天旻天暉兆蘭出也兆蘭將其昆季以某年某  
 月某日葬於某山某原來徵銘余爲撮其要書之如此  
 其他殘婦所遭之常則略焉銘曰

荷嗟恭人始閔凶兮含冰茹蘖貫初終兮爰啟良嗣孝  
 作忠兮賢聲著聞愜 宸衷兮綽楔綸綉褒女宗兮我

小酉腴山館文集十一 三

書懿嫩莫幽宮兮子孫世守永無窮兮

馳贈恭人翁母李太恭人墓誌銘

李太恭人武城人甘肅靈臺縣知縣湖南善化石洲翁  
 公之繼室也同治元年以孫學本貴遇 覃恩得請  
 馳贈恭人太恭人年二十一歲始來歸是時前謝太恭  
 人所生二子忠源忠瀚均授室矣太恭人略分言情接  
 子及婦一以誠意相薰蒸門以內和氣盎然以故忠瀚  
 由舉人宰粵東牧滇南皆迎養署中歷數十年家庭骨  
 月無有一語齟齬者昔聖人繫卦謂家之睽起於婦人  
 而婦人之尤易構隙者莫甚於前妻之子蓋其性本純

陰又以其非已出而嫉之甚於路人前世若閔損王祥  
 或爲名賢或爲名臣當其初蓋皆不免於凌虐之苦而  
 至震川所傳歸孝子則後母之所以遇之者爲尤酷矣  
 循是以觀而太恭人之賢豈尋常閨閣中女婦所易及  
 者哉嗚呼是可傳已其它習勤儉好施與教子及孫必  
 以義方雖略而不書可也太恭人生於乾隆壬寅十月  
 卒於道光丙午六月生男子子二人長忠清先卒次忠  
 泰官黃縣尉女子子二人適周適諸皆仕族孫子二人  
 長學本福建補用同知直隸州調補詔安縣署侯官縣  
 事次懋候選通判忠清出曾孫傳煦傳照學本出傳熾

小酉腴山館文集十一 三

懋出太恭人歿時忠泰正官黃縣尉卽於黃縣權厝焉  
 未服闋而歿故靈櫬至今未歸學本生甫十日卽喪母  
 皆太恭人拮据劬勞撫而教之得有今日學本將遺懋  
 赴東扶櫬回里諷於 年 月 日葬於 山  
 之陽而手行狀求余銘其墓銘曰  
 閨門以內王化始叔季而還陰教弛前子後母勃谿起  
 矯其失者惟翁妣焜煌翟弗彰厥美靈輻翩翩歸故里  
 雲麓雄秀茲戾止銘以曝之眎孫子

小酉腴山館文集卷第十一終

小酉腴山館文集卷第十二

沅陵 吳大廷 桐雲

記

明太祖高皇帝御容記

同治壬戌冬余赴臨淮佐軍事明年二月四日偕常甯唐君鏡心過鳳陽謁明陵歸憩縣令周君灝孫署中翌日郡守文君光召飲酒半得瞻仰明太祖高皇帝畫像黃袍玉帶虬鬚如戟目直上視威稜懾人與傳記所載大相彷彿余竊怪帝以布衣至窮極約狀貌魁傑大不類人臣假令遭時清平未知何以自處夫武靈王一霸

小酉腴山館文集十二

一

主耳詐稱使者入秦昭王頗詫其非人臣之度遣人物色而已馳脫關去然後悟帝狀貌魁傑卒能驅滅羣雄廓清宇內開有明二百餘年之基為帝太祖有以也此卷舊懸隆興寺中咸豐閒逆捻陷鳳陽寺燬卷亦隨失項城漕帥袁公求而得之為歸諸鳳陽郡廨而今已剝蝕矣嗚呼三代以還得天下之正者漢高而後惟帝一人曾幾何年太公陵寢已埋沒於荒榛蔓草之間而遺像復零落如是古之仁聖賢人常謂堯舜事業只如浮雲過目其蓋有見於此也夫其蓋有見於此也夫

致經堂記

客有語余者曰世有漢學宋學之分判然若水火不可卒合其實學一而已皆所以發明聖人之道特為漢學也難而為宋學也易是不同耳余聞而惕然曰子謂學無漢宋之分是已而猶狃於難易之見其意蓋謂為漢學者不能憑虛臆造舉凡天地古今典章名物與夫建置沿革及一切金石形聲之文非博綜兼收無由出一言以相質證是以難也而為宋學者視此略不足道壹以心性為事疑若易然豈知孔孟既歿微言大義鬱而未彰者千有餘歲自有宋諸大儒興得不傳之秘於遺經表章推闡於是聖人之學皎然如日中天文章性道

小酉腴山館文集十二

二

非二事也天德王道非兩端也獨善兼善非異致也達而在上則為堯舜湯文武周窮而在下則為孔孟周程張朱而於學無加損也且夫宋儒之學非徒口耳之為貴博學多識窮理躬行而有心得而又能適於用之為貴也余謂方今時雖危迫學者苟能由程朱而溯孔孟以上追堯舜三代之教內之自治其身心而外之以措於天下國家無所施而不當治平之效有不難計日而決者而世之人久不悅學見有講學者羣譁笑之而承學之士高明者出入佛老沈潛者拘守繩尺隘而不達於時務是以我朝如顧亭林閻百詩與夫竹垞東樵

江戴之流精博度越前代而理學名臣卓然接魯鄒洛  
闢之統自陸桴亭張揚園湯文正陸清獻數公而外不  
數數觀焉孰難乎孰易乎千百世後必有能辨之者而  
子猶徂經生之習見強分軒輊舍其源而探其流擷其  
粗而遺其精甯非惑歟客聞言若有省余將筆之書以  
質知言者而未暇以爲也會孔繡山閣讀出致經堂圖  
屬余爲文以發其意繡山爲聖人裔又所交皆海內一  
時知名士主漢學者有人主宋學者有人而又有爲調  
停兩可之說者余最荒陋復何言哉既承命弗敢卻乃  
始詮次其與客辨論難易之旨而爲記之如此咸豐辛

小酉映山館文集十二 三

酉三月望日

重修同安雙溪書院兼建考棚記

同治丙寅華容白君海仙奉格靖伯檄攝篆同安先是  
政教陵夷俗習驚悍君蒞任不數月而冥頑者革秀良  
者勸爰捐廉修復雙溪書院又拓餘地創建考棚工既  
竣走書乞余記其事余因復於君曰余讀漢書嘗疑文  
翁治蜀其精敏未必勝黃霸剛毅未必過龔遂而班固  
取以冠循吏傳之首何耶及觀今日吏治貪黷者無論  
已有能聽斷勤敏而不以苛斂病民者已百不一二得  
焉至教學相先兢兢以化民成俗爲務則或曠世而不

見一人然後歎文翁之化蜀果不可及而班史取以冠  
循吏之首洵卓見也同安泉州劇邑紹興二十三年朱  
子始登第嘗主縣簿矣到任凡職事當爲者大書揭楣  
聞而選邑之秀民充弟子員又請柯公翰職教事徐王  
二生爲學賓特給廚饌待以賓禮使諸生相與漸磨學  
者翕然從之自時厥後文教昌明稱海濱鄒魯焉夫今  
之同安猶昔之同安也何昔者仁讓可親而今者械鬪  
相向豈古今之風氣殊歟將人性皆惡誠有如荀卿所  
言者歟抑宰斯邑者廉隅不飭而教導之方毋亦有未  
至歟司馬長卿云父兄之教不先子弟之率不謹令尹

小酉映山館文集十二 四

者民之父兄也白君承積玩之餘清苦自勵鋤姦戢暴  
威令大行而因念士爲四民之首修復書院以爲肄業  
之地創立考棚以端始進之基是豈徒壯觀瞻邀名譽  
以取悅庸俗人之耳目哉所願生長於斯者遵朱子之  
遺訓先之以格致繼之以誠正修孝弟忠信之行化頑  
靡強狠之習處則型於鄉邦出則利及民物毋使文翁  
治蜀專美於前夫而後於白君移風易俗培植人材之  
盛心庶幾其有合也夫若夫經始之由與董理諸節目  
白君既自爲記矣余可勿贅云

重修福州西湖李忠定公祠堂記

福州城西有湖曰西湖李忠定公祠堂在焉祠右數椽祀今太子太傅侯官林文忠公祠後有亭亭左右種荷花而引湖水灌溉之其名曰荷亭同治丙寅孟秋楊子恂庶常邀余拜公像已憇亭間湖光山色蕩漾宜人惜祠宇荒廢已久子恂議欲釀金修之余曰此茆茆者無動眾爲也首率汪棣笙明府共捐金錢八百緡有奇屬彭敬軒司馬郭兼秋孝廉董其役不五旬而敝者易勦者飾於者通輪煥更新湖水淪漪偶一游憇飄飄作壁外之想時在事者咸以記文請余曰忠定公有宋柱石時君惑於讒言未竟其用致釀南北之禍古今惜之然

小西腴山館文集十二 五

其生平事蹟非累牘所能罄也惟朱子敘其奏議謂公得用於宣和之初則都城必無圍迫之憂用於靖康則宗國必無顛覆之禍用於建炎則中原必不至於淪陷用於紹興則旋軫舊京汛掃陵廟以復祖宗之宇而卒報不其戴天之仇徒以小人齟齬屢起屢躓一篇之中三致慨焉其言美矣備矣余復何言顧念公雖貫邵武籍中間僅於建炎庚戌一至邵武不數月徙居長樂或獨居福州南台天甯寺紹興壬子除觀文殿學士充荆湖南路宣撫使兼知潭州再辭不獲命乃假福州貢院開司浚任僅六月仍罷奉祠歸居長樂者二年時汎舟

水口乙卯除江南西路安撫制置大使兼知潭州丙辰准告兼營田大使踰二年戊午仍罷歸長樂已未雖被旨起用者再公皆辭之至庚申而公薨矣墓在今桐口大家山離公祠堂僅二十里許也竊念公歿爲明神其精氣常流行天壤原不拘拘於里居一隅然維桑與梓必恭敬止福州爲公晚年退休之地釣遊之鄉則西湖一祠宜爲公神所憑依必有非他鄉異域所敢望者而顧聽其剝落使後人無所觀儆可乎余之爲此匪敢謂表揚先哲實欲其鄉之後進登斯祠也緬先輩之風流餘韻誦其書慨然想見其爲人其於尊主庇民安內攘外之略宜有勃然奮油然興而不能自己者然則茲祠之修其於風教豈曰小補之哉是爲記

新修道山朱子祠記

小西腴山館文集十二 六

余視閩離之明年政少暇訪求文獻修舉廢墜既重修李忠定公祠編其年譜又以道山朱子祠就彫剝尙紳士劉劍江陳亨衢林禮熙等請謀葺修之而屬其事於刑部鄭君雲友興工於丙寅八月某日閱五閱月而饗堂暨景堂光風霽月亭次第告成刑部屬記於余余謂將以尊崇朱子與則自聖祖仁皇帝升朱子於十哲之次其尊崇者至矣將以



闡明朱子之學與則朱子所自言於前賢表彰而指示者亦曲盡無遺矣顧念朱子本閩人自避偽學禁入福州而一時從遊如黃幹林薈鄭文通輩其尤著者諸君子以鄉後進過廟思敬景仰先刑不忍聽其傾圮宅心之厚祈嚮之正是皆不可無述也抑余更有進者我朝自乾嘉以來漢學家恃其覩記之雄專務單辭隻字培擊朱子不遺餘力識者早知其有生心害政之禍今則此風寢息矣而名爲朱子之學者卑則涉獵口耳以取世資而不知有正心誠意之事高則空談性命以求元妙而無復有經世宰物之猷其能卓立事功者則又

小酉腴山館文集十二 七

半習永康永嘉之餘風而繩以聖賢之道或猶有缺焉故余嘗謂方今盜賊未平不足爲患惟學術不明以致舉世泯泯夢夢幾失其是非羞惡之本心其流禍比之洪水猛獸而更酷此誠有心世道者之大憂也諸君子既知尊崇朱子則當講明朱子之學以求體用一源不至判聖功王道爲兩途而無有如余前所云者之慮庶不虛重修斯祠之意也夫

華陽掃墓圖記

墓祭非古也然以是爲先人體魄所棲而行吾敬固仁人孝子之心唐柳子厚謫永州以芻牧不禁心常痛之

而後人有廬墓終喪者往往邀表閭之寵以此知古人重廟祭後人重墓祭禮緣義起雖並行不悖可也余客黃州許生光樞出其祖鹽知事諱希曾者所繪華陽掃墓圖索記於余檢郡志知事居鄉以孝友著稱祖母殷母氏李皆以苦節得旌如例墓並在大冶境華陽者所葬地名也推爲圖之意豈非以墓地稍遠祭掃或難時至故爲是以寄其愴慕之意乎然知事隱居未仕大治與黃岡相隔一江未甚遠絕也猶若有恨於祭掃之難余遊歷皆數千里別已十四年尙流轉無定孰無春霜秋露之心而瞻顧松楸睽違如此撫斯圖也其有不

小酉腴山館文集十二 八

愆然媿感然悲西向長號而不能自己者乎書之所以嘉許生之能承先志而誌余之慟也

獨坐捫心圖記

姚江良知之說其源出於象山世以其簡易超悟遂并以禪詆之不知良知之說固本孟子象山之本心亦即孟子求其放心先立乎其大之旨人以孟子不可詆也而顧以禪詆陸王無他卑者溺於訓詁弗知反身克己高者鶩於功利則又亟亟張皇霸術指陳要最而於大本大原或反鱗漏百出弗之顧歛虛千數百年世衰道微人皆歸咎於政術日下而不知其學術非故心術愈



壞積漸始至於此也豈不重可哀哉吳縣吳引之觀察篤於孝友以御史出守三衢復能完固名城於逆勢披猖湖東西先後失陷之際自局外以觀君之心其亦可以無憾矣而君猶若重有感者繪獨坐捫心圖乞言於余歎序君儻有聞於陸王兩先生之說感發而興起者耶使人人能以君之心爲心則雖學貫古今勳高宇宙而返之幽獨隱微必有知其缺陷惕然而不能自安者其於風教豈曰小補之云哉余不敏非能主張王陸之學者特詆之爲禪則問心而有所不敢故嘉君繪圖之意與余同而因附所見以與世之君子共質焉

小西腴山館文集十二

九

徐勇烈公祠記

咸豐三年癸丑九月十三日前按察使銜湖北督糧道桐城徐公豐玉在田家鎮督勇禦賊陣亡事聞得旨從優議卹入祀京師及本籍府城昭忠祠給世襲及卹葬銀兩如制閱十七年爲同治八年己巳今皇帝以大學士湖廣總督合肥李公鴻章言賜諡勇烈其殉難及本籍地方各建專祠又五年癸酉其子宗亮始獲卜建本籍專祠於故第前西城大街堂廡門庭邊豆尊俎悉依會典經始於壬申八月落成於癸酉七月宗亮既奉主入祀而謁余請爲文以記余辭不

獲命謹按公死事本末非獨忠勇義烈有過人者其籌畫方略挈持全局實有戡亂致治之規惜乎兵單賊眾大吏又牽制使賊得豨奔狼突東南鼎沸歷時十餘年費帑億億萬兩厘乃克之而公獨以忠節著悲夫方粵匪之自金陵回竄也意在復據武漢阻截官軍使無可休息然後分黨四出迭肆疲我金陵窟穴益得從容布置守城深堅爲深根不拔之計然而東西梁山形勢天險安慶濱江省會重鎮使得精兵良將分布城隘賊雖游魂飄忽而首尾隔閡形格勢禁賊箠自衰不幸梁山不守安慶改省賊得縱橫長江無所控制別賊之圍江

小西腴山館文集十二

十

西者又得卷甲西趨盡銳於我其時武漢下游之足資屏蔽者獨田家鎮耳田家鎮者江流迴漩逼狹兩湖江防之要害也南岸爲半壁山山勢陡絕與北岸江中沙嘴對峙公以督糧道駐兵田家鎮總理湖北防堵事漢黃德道張公汝瀛副之公既列營諸山豫防陸賊矣又於沙嘴紫木牌夾棉絮竹片中爲城其上以禦礮石而鑿穴於城萬礮狙伏使賊船不能當我是時賊圍南昌自九江以下賊船往來自如公以計解散脅從無算秋八月南昌賊解圍率大隊上犯湖北由九江進據富池口富池爲入湖要口內通興國州踞半壁山之後別遣

礮船先泊鎮之下曰羊子山者猛攻我營公礮擊卻之翌日賊分黨登岸由羊子山再撲營公再戰再卻之九月一日賊復由羊子山來撲公預遣都司某伏兵山側戰方急伏兵橫擊之賊大敗死者數百人越日公出木牌攻賊賊退富池口不出於斯時也大吏若知圖金陵必固湖北固湖北必重防田家鎮而乘公與賊相持之際佐以水陸重兵濟以糧餉鉛藥使得分陸兵扼半壁山以水師攻富池口賊雖悍且眾不能越雷池半步則武漢可不再失武漢完聚糧繕兵握高屋建瓴之勢順流掃盪逆賊竊據金陵亦不至如是之久此張巡許遠

小酉廩山館文集十二 十一

所以死守睢陽蔽遮江淮比物此志也不幸請援兵不前請濟餉又不應十一日賊益添醜黨自興國出知府李公楨請於公率練勇三百渡南岸斫富池口賊營賊已潰矣李公忽陷於潦副將張金甲望塵先奔潰賊返追李公死之賊遂乘勢占半壁山上山下列賊營直瞰木牌徹夜轟擊公督守如故其水賊擊木牌者力戰卻之越日賊分礮船泊羊子山下賊船之在富池口者乘夜晦東北風大作從富池口潛渡北岸黎明風愈熾又大霧賊遂縱火燒木牌乘勢攻張公汝瀛前營死之而半壁山之賊亦乘風登舟渡北岸攻後營其賊之在羊

子山者縱火燒田家鎮及大營我軍將士皆逃散無一存者而統帶礮船之同知勞先泰已先一夕遁矣公知事不可爲乃躍馬出營手刃賊賊來愈眾僕從輩曳公行公怒叱之使去遂以佩刀自頸墜馬賊眾戕之歿田家鎮失矣而武漢相繼復陷東南糜爛嗚呼豈非人事哉公嘗慨嘆賊之得上竄者一失於梁山失守再失於安徽改省廬州非計欲俟田家鎮賊退後擬疏言之并請進兵堵梁山與諸軍會勦故雖時危勢迫有請公退保武昌者不聽可以知公之所用心矣公素有幹略讀書喜講經濟不爲空言在貴州屢平苗難而勦革夷功

小酉廩山館文集十二 十二

尤偉其他善政及世系吾友方存之大令張濂卿孝廉所作墓銘神道碑具矣余概弗論著而第紀其死事本末有關安危大計及祠成之歲月俾宗亮泐於碑使後之人有考焉是爲記光緒三年丁丑五月

雙親畫像記

欽庶此吾父吾母之遺容建德胡君鐵梅用吾同里友人劉君个亭所繪臨摹而成者也吾父辭世二十有七年吾母之卒也更先我父十年詩云哀哀父母生我劬勞吾母生育最艱連舉六男子惟不肖以晚出獨存不幸不見其成立吾父雖及見不肖舉拔萃科然病甚已

不及知之今賴

聖君仁恩逮下以不肖服官中外四邀 覃恩吾父自封徵仕郎晉資政大夫吾母自封孺人晉夫人冠服堂皇輝映卷軸自局外觀之以爲稠疊之遭逢可以慰雙親於地下矣而不獲享不肖一日之養此不肖之所尤銜哀無終極也吾父母懿行已詳不肖行略中惟憾祿不逮養瞻仰遺容心肝摧裂歐陽永叔嘗云祭之豐不如養之薄今養已不及矣猶願及不肖以迄不肖之子孫時節展祭必備必誠庶幾稍道不肖之罪雖然天下豈有無父母之人乎悲哉悲哉同治甲戌不孝男大廷

小酉腴山館文集十二 三

濡淚謹識

贊

亡室孫夫人像贊

謂汝像是毫髮無似謂汝像非音容莫追雖在病中貌應憔悴如何支離全然不類古祭以尸原非已身今代以像仿佛形存歸懸影堂時節烝嘗汝靈來格子孫其昌

哀辭

周志甫哀辭

余臣京師因歛縣王子懷侍郎即知績溪周志甫名比

壬戌春從戎皖江始相識未幾赴六安軍未數數過從也五月返省則往來日密爲深友焉秋初余適危疾君憂甚日一走視逾二月病少瘥自度無足表見於時將歸隱君知之諄切慰留歷數時乃別去去不數日君以病聞余意其體故健當無憂方走書問書至而君已卒矣悲夫君刻苦篤學博大精蘊旁無涯涘而持已堅約行事守繩尺乍覩之喞舌癡步容貌衣服無異中人久與處則溫然可親或質所疑則天文地志兵法律歷算術旁及鳥夷製器之精巧皆能舉其源流同異得失而言之鑿鑿窮日夜不厭惜余學殖荒落又與君遊從未

小酉腴山館文集十二 十四

久而未能窺其所獨得者若何殊愧恨耳嗟夫以君之博學力行而又值軍需鱗雜興革利弊之時出其所蘊蓄必富有補於世即不然伏處空山需以歲月殫精撰述以搜逸訂譌亦必能與其鄉先生江戴諸君子相頡頏上下乃困於諸生窮阨橫鬱既不得少行其所學又年甫五十餘迫寇亂流離轉徙雖求一日之窮居著書不可得而遽死此余所以每一痛君蓋非獨良友淪落之感而因以歎自古學人修士坎壈終身如君者蓋亦不可勝數是尤可傷也辭曰

嬾媿蹇淺今世之所珍兮敦行洽聞乃造物之所忌然

不才而騰達兮隨滅沒於煙雲身賢而運屯兮名逾久而罔翳夫亦何悔於無生兮吾其攬八荒而破涕

吳幼桓哀辭

同治二年三月龍陽陳少海同年自湘以書抵余告幼桓凶耗意彌悲時以臨淮軍務填委未及為文以抒吾哀又自歎也憶咸豐丙辰余官京師禮闈報罷而後親感骨肉之閒多可傷者用此獨居不好詣人意默默殊不自得黃岡吳君幼桓時官刑部獨禮先於余相與致縹緲通款曲自是友朋之密文酒諷譏之歡垂三四年若忘其身之窮而遇之塞也迨歲丁巳秋幼桓以祿養

小酉腴山館文集十二 五

出刺湖南營權桂陽及辛酉春余從軍畱鄂幼桓亦改權鹽於衡州雖不得繼見而居隔一湖吾兩人候問之書不絕於道厥後余從軍入皖一病幾殆病中屢得幼桓書余皆未能答也會冬少瘥赴臨淮軍其時頗聞幼桓以勞績薦升知府權澧州而役役兵閒料檢少暇至今今年春始獲一奉書相聞而君已卒計此書吾幼桓蓋猶未及見也悲夫幼桓之齒長余十歲其才氣豪邁詩文跌宕超妙視余又遠過之居常喜議論事會所感觸踔厲風發率常屈其座人然每與余語翰鋒斂鏘抑抑然常若不自克者而或者見其睥睨一切輒以才人負

氣少之是豈知吾幼桓之深者哉夫時至今日需才亟矣天既負幼桓以過人之才又居官頗為大吏所引重足以發摠其志氣乃年近五十而賁恨以終然則天之生斯人也果何為也耶嗟夫幼桓死矣余方歸自臨淮他日過黃州泊赤壁下返棹洞庭皆吾幼桓生長遊宦之鄉山川猶是而其人已化為淒風幻為浮雲嗚呼其尤可痛也夫辭曰

猗造物之生才兮固將奠烝庶於平康胡庸庸者之多厚福兮志士恆摧折而坎傷羌蘊蓄既闕而不舒兮或文采追古哲以翺翔乃甫中道而遽徂兮痛年命之不

小酉腴山館文集十二 六

長嗟自古豪傑莫不皆然兮豈吾儕之獨當顧撫今情而尋昔歎兮悲泉路之混茫魂磅徨於竹樓兮或棲仰於橋袖之鄉慳執手而晤言兮涕反袂以浪浪

祭文

祭國子監典簿銜候選知縣韓研仙文

嗚呼先生為邑儒宗大文焯焯內行窮窮充賦京國名重公卿甫教虎胄旋歌鹿鳴宜獵清華芥拾青紫司鐸義章乃逾半紀有司交章馳告 闕左謂宜治民天子曰可遽賦歸來雙親老矣乘歡餘閒以教諸子時惟鍾守曰此人師虎谿主講蘇湖之遺未幾雙親先後

辭世不言居憂毀瘁彌至一再起復猶樹噬人保衛鄉里損精耗神

天子嗟嘆特畀京銜士無智愚先生是瞻忽奉雙魚告余以疾意躋大年但進參朮孰知天道近亦難憑恂恂仁者偏慘百齡嗚呼先生唯以令終哀茲邑子誰警羣龔矧余薄德辱知獨深提我挈我納我赤心記昔辛亥來遊成均就我款別迪我殷諄曾幾何時計音南來蕭蕭殞舍黷黷泉臺噫吁先生鬱志未舒末學標幟其孰宗余獅嶺之陽馬山之側哭不憑棺心悽以惻唯有紀述示世師資先生有知其鑒余悲嗚呼哀哉尚饗

小酉映山館文集十二 七

祭李希庵中丞文

嗚呼公初知我自太保胡飛章 闕左我馬其徂扁舟過鄂與公先遇其時辛酉倥傯戎務公訥無語公意實孚人或疑公謂視我疎余聞旁皇兩書求退公曰毋然懇留至再太保旋薨

帝命公代吏瘼民疵又躓彗字公曰艱哉予惟汝望宿將故人拔我其上事無鉅細於我諏咨是非可否筆專我持凡我設施進輒稱善公喜鬚張我忘足蹇自秋徂春罔離左右魚水之歡漆膠之厚暇則呢語夜寂無譁如兄如弟其公謂耶忽去院置公先我後月未一周維

箕有口或謂府權或疑植黨易東爲西誣直爲枉遂余至皖棋局一新匪公我薄實惟譏人豈伊譏人我實無狀性頹而狂氣矜以抗凡茲詬厲咎皆自余蓼城揖別左圖右書庶幾省過慎終於初聚難散易豈其然乎不然眇躬胡遽毒痛公亦聞計倉皇戒途同居皖城僅一再見我悲在心公憂於面貽我參朮覓我泉刀我疾漸已公去益遙壬戌之冬祇役濠梁往來贈答語短情長謂當繼見春日載陽遲久未至一豎爲殃迄於嚴冬我歸自淮魚沈雁杳日繁我懷忽奉友書遽承凶問棟折榱崩天乎不憖嗚呼公之勳名已重山斗公之得年未

小酉映山館文集十二 六

濟中壽是時秣陵尙穴羣醜冀揮天戈黠虜授首乃奪太保公又云亡胡盜跖壽而顏回殤究其修短何足校量大功未竟有識憫傷矧余躉直公不我尤我有肝膽終與公投一朝永訣誰知我憂抽詞寓哀不在醪羞

祭通政使嚴仙舫先生文

嗚呼別公六年今始旋里謂傾肺肝一竟端委胡承凶問我始疑嗟如公老壽天豈靳耶已而計來公果死矣眾萬叢生誰爲知己憶歲乙卯遇公京師如金範冷如馬受羈公齒視我爲丈人行謂我曰弟子豈克當厥後三載公竟歸田星移物換我亦南旋奉 命過鄂適蒞

戎旃萬絲在手百鈞壓肩不勞不頗憐若涉淵公時家居聞而色喜既期有成又箴自恃是時雄才公獨推左落落人寰其次惟我孰期公逝一往莫追誰披我進誰持我危嗚呼兩世循良猗公獨盛有懷古人忠宣文正海內仰公泰山喬嶽我自持金渾玉璞晚年生子卓有祖風又逾中壽如公奚憫獨余知舊又承恩私攀仰末獲泣涕陳詞嗚呼公其果聞知否尚饗

祭曾文正文

嗚呼時難未已公胡云亡中外震悼匪獨余傷憶昔粵逆煽禍一方轄楚踰鄂遂穴建康公以卿貳讀禮家居

小酉腴山館文集十二

九

帝曰咨汝往簡師徒公曰艱哉臣敢不力採幹搜巖誓殄此賊廼率子弟鼓行而東剌湘刺岳爰成鄂功眾謂義聲可吞石岡賊旂返走師老豫章不蜚不鳴再蹶再起竟克僞都報功

天子北定中原南平吳越孰非自公勳庸卓絕公何能然知人善任文武同升賢能並進猶有餘暇雅歌投壺投戈息馬敦禮說書片善微長兼收並蓄士萬爭趨如射有鶴煌煌金陵六朝所都四夷懷畏萬姓謹呼一調赤畿仍鎮南國君子有歸小人蒙澤名德益崇吐哺愈篤有而不居卑以自牧然而大疑倚公以決時進讜言

忠忱排側天下望公倚為安危豐饒是翁耄耄可期天不憖遺大星墮地福備箕疇公誠遂志獨惜時局孰為維之朝傾樑棟國失蒼龜善類疇依下民何福內難未平遠人何服嘗考古人罕公其伍郭李無文范韓不武況乎問學程朱為壽經術鄭孔文章韓歐它人有一皆足名世獨在我公猶為餘事歎嗚呼公世仰天人一朝恒化薄海吟呻矧余志事賴公以伸而今已矣將屏江濱一樽致奠泣涕陳詞為天下痛兼哭其私嗚呼哀哉尚饗

祭文林郎沅陵縣知縣洪公文

小酉腴山館文集十二

三

嗚呼余始成童不鐘而缶公獨我知衰然舉首衣我食我先後六年貽我書史期我勉旃嗚呼孰使余之絳驂於康衢趨趨而不得進也而公已奄逝於重泉昔人報德一飯不遺矧公撫我如父如師自惟北遊亦有知己莫我公先淪肌浹髓涓埃未効公不我留迢迢京國莽莽荒邱羌招魂兮難即望沅浦兮煩憂然猶幸公之有後也或藉手以相酬而未卜遇合之果有因緣否也亦付諸蒼天之悠悠而已矣

祭大京兆梁矩亭先生文

歎嗚呼余生於世三十六年遊徧南北狂態大言睥睨世



人橫罹罪愆猶幸侍公儼然人師鍼砭沈錮抉摘毛疵  
提我挈我不假色辭憶昔公語姚君正甫曰吳生才志  
子卽不言余已知之稔焉而不稍假借者蓋將折其盛  
氣而高明須克以沈潛余時聞言毛骨爲竦如涉波濤  
神魂震恐孰期公竟捨我以去而奄忽以長終乎徒心  
摧兮神慘嗟趨步其焉從乎歎序公今逝矣夙昔倦倦  
憂余氣盛誓當去矜與物無競邇來慙慙患余多病唯  
務養心嗜慾退聽若弛諾責我則非人匪獨負公上有  
明神至公胸襟風光月霽兩秉文衡一膺置寄亮節清  
操夷險一致晝夜死生何有芥蒂獨其成我之恩目鉅  
心劇感念恩私而獨不能已於浪浪之垂涕也歎序哀  
哉尙饗

小西腴山館文集十二

三

祭周壽冊文

歎序我初識君辛酉之夏爭長鄂州各不相下從軍至  
皖對宇望衡君南赴浙我旋北征睽隔三年榕城再見  
我心日虛君情彌眷是時左帥來閩督軍政無鉅細倚  
我與君我始典巖君繼權藩凡百利弊我知必言君勇  
於爲與人使氣我蝨其閒和調五味如膠投漆如磁引  
鍼我箴君失君知我心有利必開無弊不塞昔日貧區  
寔爲強國不圖政成當路爲讐三進三黜我勸君休君

意不然佞諛是擇於公今日誠爲順適一旦失勢賣公  
自售大寐獲醒幡然念舊我已徂東密詞通問君惑既  
明我心奚愠泊我回驅君意愈厚前喁後于朝詩暮酒  
凡我所喜君意承之我豈敢當君實我知顧瞻關隴同  
疔猖狂往佐左帥撻伐用張原期一心以成大功天胡  
不諒君西我東別恨未消忽聞君死詢其所由憂讒至  
此嗟君一身與讒始終用人不當咎集厥躬我攻君過  
君無不可獨於用人意恆相左以君雄才何功不就卒  
以此窮並斬中壽歎序君今已矣其孰知余悶仗誰解  
志共誰據嗟君後事有賢弟兄飾詞表墓余敢不誠是

小西腴山館文集十二

三

是否否直言無忌文正申公敬援斯義歎序君其尙聞  
此言否尙饗



小酉腴山  
館主人自  
譜

光緒壬午冬十一月  
德清俞樾題



小酉腴山  
館主人自  
著年譜

光緒五年  
季秋之月

興化劉熙載署檢

小酉腴山館主人自著年譜卷一

沅陵 吳大廷 桐雲

道光四年甲申十二月初八日辰時生時在小開廟老屋西廂

曾祖諱仿聖字紹臣妣胡氏祖諱元佐字相周妣

張氏父諱諸字金章前母氏聶母氏鄧先是江南

常州府武進縣人始祖昇二公官辰州衛後遂為

辰州府沅陵縣人

八年戊子五歲姊妹同邑李名高翔姊前母聶氏出也

九年己丑六歲姊生

是年入塾業師為同邑廩生修受亭先生名增祜

年譜卷一

十七年丁酉十四歲

是年冬遷居新宅距老宅百餘步

十八年戊戌十五歲

是年應縣府試十月初二日娶同里孫公士林之

三女閏三日鄧太夫人卒葬回龍山之西原

二十年庚子十七歲十月長子生

二十二年壬寅十九歲正月初二日女文招生十月長子鴻葬鄧太夫人墓右

是年應院試從虎谿書院山長益陽拔貢生蔡雲

帆用錫先生學詩賦始知名

二十三年癸卯二十歲冬月次子生後二年殤

二十四年甲辰二十一歲

是年春縣試歲取第二名科取第一名邑尊為洪

夢雲慶華先生浙江慈谿縣人以淡客賦城眉淡

面為取第一名覆試投筆封侯賦玆定遠投筆因

是場係考文故取第二名邑尊兩次懸牌贊賞甚

至府試歲考古學四邑合取第一名府尊為朝邑

雷震初成棧先生己丑翰林題係壺頭山懷古五

古鳳尾蕉七律四首分限庚青蒸尤韻歲科皆列

前茅

二十五年乙巳二十二歲

年譜卷一

二月院試歲考取中府學第七名科試一等第二名

應補廩生學使者歸德陳公壇乙未翰林官御史

二十六年丙午二十三歲三月補

六月赴省應鄉試不第冬月讀書鳳凰山

二十七年丁未二十四歲

是年春仍讀書鳳凰山郡守與國鍾子寶音鴻先

生戊戌翰林甄別虎谿書院考取第一名先是先

大夫於甲辰夏已抱疾至是更劇余恐先大夫因

家事勞心請移居外祖母鄧家避暑居甲第巷邑

尊洪公為送酒食六月回家

二十八年戊申三十五歲三月考取拔貢九月先資政卒十二月三子文元生

上年學使者觀風卷發取第一名是年歲試考古

第一名正場覆試均第一名科試考古六學合取

第一名正場覆試第一名得府學拔貢生學使為

梁公同新番禺人丙申翰林是年與宜春段子升

孝廉光運同館郡守鍾公署頗相知九月丁資政

公艱與鄧太夫人合葬事畢布衣蔬食閉戶讀書

著讀史論百餘篇十二月三子文元生

二十九年己酉二十六歲

是年六月水災糾同人施粥賑饑凝塵滿案兩月

年譜卷一

三

餘冬月赴浦市收捐為修貢院也與激浦舒雲槎

其錦明經訂交

三十年庚戌二十七歲

春讀書鳳凰山從游為從姪文銘從姪孫永宏八

月鍾郡守延襄校府試卷請託一無所受九月靖

州牧裘公現鳴慈谿人字石蘭延襄校州試卷十二月服

闕妹嫁張名高堦十五日晉省

咸豐元年辛亥二十八歲

在長沙與沅江張哲堂同年訂交余先擬補會

考後即行入京學使車公願歎陝西人以例註有願歸

入下屆者聽不肯補考余爭之曰願歸入下屆者

聽此從優之意不願則不能強也學使猶不應後

城南山長陳公本欽字堯農長沙人王辰熙常周旋於中丞駱公

秉章字藩門順德人王辰翰林及學使兩公閒余始糾同年黔陽

楊繼善平江丁步賢攸歐陽鑄具呈撫部駱公因

為咨請部示正月館長沙郡守鍾公署六月延襄

校郡試卷同襄校者其十餘人余總其成得士劉

君蓉字霞仙湘鄉人後官陝西巡撫是年恩科鄉試山長以某

等錄科為言學使曰應錄遺余曰遺者不列三等

七名之謂余未經會覆固不得謂之貢然已考取

年譜卷一

四

拔貢丁憂服闋無再應科試之理安得為遺若錄

遺則有拂衣而去耳後學使準與貢生一律錄科

六月部覆回準補會考八月鄉試不第九月回里

閩九月仍至長沙十月補會考冬月自省起程北

上同行為同邑王孝廉大杰洪仲韓從九文湖慈雲師十二月望日入京寓崇文門西東草廠八條

胡同辰沅會館

二年壬子二十九歲是年寓京師

初與激浦舒伯魯郎中繼與巴陵吳蘭坪學博

敏樹交稍聞古文法於是始知酷好望溪文集矣

六月在禮部補朝考是時都中徵歌選舞之風  
尚盛余未知擇交亦不免染於習俗幸木心未昧  
終不自安秋闈同考官編修尹公國珍漢軍薦  
而不售始決出都之志適奉天府丞張振之先生  
翰林乙未延余教讀書啟兩席毅然往焉

三年癸丑三十歲是年到奉天古文約鈔成

正月單騎出山海關塞外荒涼風景與內地迥異  
二月初七日抵瀋陽學院館學徒名增輔後官振

之先生嗣孫也振老見余課徒文悅之命劉生  
書來受業開原漢軍人二月振老薦襄校治中曹君敦

年譜卷一

五

新建府試卷三月襄校院試卷揭曉後振老命劉  
生錫鈞來受業四月隨出棚考試錦州府振老得  
賈生春直錦州人誦賞之命來受業後成丙辰庶常五月旋瀋  
與張君鏡字鶴臣長沙人李明府文森字恕皆鎮遠人劉司理杞字松雲  
宛平人訂莫逆交是時畿輔戒嚴振老邀余勸諭旋  
民地方官協領塔芬布字蘭承德令延瑞字膏原  
紳士明太守俊字玉田王庶常滋樹字小屏二公俱瀋陽人  
倡行團練按戶出了自備器械不斂一錢不經胥  
吏文檄告示皆余秉筆稍有眉目復為徧致津門  
諸當道講求團練之法自是振老事無鉅細悉倚

小西映山館主人自著年譜

余有文移用印已發而振老尚睡不知者振老不  
以為疑外人亦不以為專知遇之感蓋生平所未  
有也余初至瀋陽尚有京中風流跌宕餘習自振  
老器重過分從游漸多聲望日重遂痛自收拾至  
襄校時不通賄賂不受請託於出都窘迫時此心  
已默誓天日或有笑余迂腐他日寶山空歸者但  
微哂而已是年取舊作古今體詩二三百首焚之  
冬應海城令王薌湖肇光鎮遠人聘閱邑試卷  
四年甲寅三十一歲是年在奉天

年譜卷一

六

閭觀瀑布上望海亭邑令貴徵堂肇京旗人主張供饌  
徜徉竟日繼游北鎮廟至行宮少坐夕陽在山  
乃回旅舍季春科試奉天吉林黑龍江襄校前數  
日有故人子出千金帖欲為其姻關說余不詰其  
名取帖對燈焚之而已秋賈生春直自錦郡來受  
學是年事簡向友人借王文成公集朱子全書繕  
閱一過稍稍識良知之學而於四子書仁義禮智  
字亦因朱子之書畧有會通然入之太淺未久而  
旋輟矣  
五年乙卯三十二歲是年五月在奉天以後入京冬月十八日納姬王氏蓋平人

八〇五

秋八月舉順天鄉試冬月納姬王氏時東三省學額甚少至咸豐元二三年學額恩科出貢補廩諸形滯碍余代振之先生手稿設法疏通咨部請示報可士林賴之奉天每屆向例僅正取優貢生三名并無陪取振之先生欲創陪取之例余力助其成是年優貢生正取三名賈生春直王生麟詰趙生之迪陪取三名蔣生維垣許生大觀邵生培崇是年賈生秋試獲售蔣許兩生亦售遂以邵生充補優貢六人無一向隅者遂為奉天定例初取陪優時士子尚不願覆試經余苦口勸導至是人

年譜卷一

七

始知咸焉振之先生以鄉試在邇命賈生春直劉生漢書劉生錫鈞與學徒在署會課余於課閱之暇亦藉習帖括是年與王小琳紹元臨榆人祥錫九學博輪甯遠漢軍旗人庚訂交五月二十二日赴京兆試自瀋陽起程入京友人祖餞城西十二里許珠林寺車塞路不能行自來幕友去館者無此也關外州縣皆沿途供張遣人護送六月十三日入京與嚴仙舫通政同寓辰沅會館朝夕晤談夜分乃輟如是年餘余向視天下事無不可為自是聞嚴丈教始知天下事不易為而不敢肆矣先

是去夏今春關東友人為余兩次援例得內閣中書遂於六月二十八日到閣行走分在三直當差九月揭曉中順天鄉試第口口名同考官為裴石麓內翰季芳河南人丁未進士積黃縣正主考為賈中堂積黃縣榜花尚書沙納京蒙古何侍郎形雲雲南人及門賈生春直劉生漢書同榜獲售凡奉天經余歲科襄校及書院所甄拔者是科滿漢中十六人前數十年所未有也與石蘭泉彭勉吾同年履成新重聚京師情好頗密六年丙辰三十三歲是年在京

年譜卷一

八

與嚴丈同寓辰沅會館應會試薦而不售同考官為潘學士祖蔭吳縣人口口探花五月六日妻孫氏女文招子文元婢孫氏來京伴送者為妻兄漢京萬宏二十五日遷居寶慶會館李恕皆丁憂自遼來京為其仲兄文澤仲子華堂諄切求婚遂納贖費馬六月初三日漢京暴卒是年景況窘甚居家尤人所難處於是讀蘇詩復藉詩歌以自遣兒從澈浦向碧橋刺史先薰丁酉受學遂訂交焉七年丁巳三十四歲是年在京寓京師寶慶會館劉松雲來京款留在家情好益

密因松雲與成奎垣協領嚴鰲遠暨舊友李子和

給諫鶴年義訂兄弟交三月派充方畧館分校四

月武昌范月槎副貢志熙來訪復因月槎與吳又

桓比部榮癸丑進訂交是時同寅王璧人佩璋雲

平江李遜吾年丈侍敬口口舉及諸君與余居甚

邇往還甚密未幾鶴生鳴錄王子庶常來與族叔

月槎同居月槎蓋因鶴生知余同人詩酒唱酬備

極一時之樂是年因嚴仙舫丈與左季高先生宗

王辰舉人始通書問嗣後季老每月摺弁至必有

書來往至是又激發其經濟之志矣六月孫芝房

年譜卷一

九

侍讀鼎臣善來京投分甚洽相居亦邇張鶴臣因

差來京館余家四月友朋之樂五六兩年中所未

有也雖家計甚窘藉此亦頗可消遣而積詩亦自

此日多嚴丈仙舫秋末出都余始與鄭小山丈敦

乙未庶常長沙人往還小山丈極垂青眼致書胡

後官刑部尚書往還小山丈極垂青眼致書胡

宮保林翼益陽人由翰稱余為湖南京官中第一

人宮保於是始以書來嗣後摺弁來必有書余亦

復書答焉臘月派委署侍讀上行走是時梁矩亭

師升順天府尹延余相助與歸安姚正甫徵士

承與同館幕中情分頗投余薄劣北上以來不合

小酉映山館主人自著年譜

於世自癸丑正月赴遼東館振之先生以國士相

期朋好因之日眾比乙卯季夏來京振老未回奉

常任歿於南皮余復鬱鬱長安中無可與語然傲

骨嶙峋於人無求嚴丈仙舫八而知之謂為有氣

節者於是聲譽少起而是年舊日相知及一時賢

人志士一見相洽者接踵相聚余益以氣節自礪

多發揮於文詞蓋作人根基之固得於是年多矣

秋嚴丈出都乃遷居辰沅會館

八年戊午三十五歲是年在京春居順天府幕中妻

在館子女仍居會館兒子女元從師

年譜卷一

十

二月派充 國史館分校舊識奎文軒大令壽京

人回京情好愈密因吳又桓與張小石比部向庚

制府之訂交是年芝房丁艱回長沙朋友遷居相

距日遠雖閒作為詩歌然不如七年之盛矣六月

遵心疾條而羸弱先是三月遣人送妻兄靈柩回

籍妻子亦定於是月初七日出都留京伴余者

獨妾王氏而已至是余節省應酬姚正甫徵士為

處方調理甚獲其益余亦兢兢衛生嗜好日淡而

文字之習亦輕暇則看名臣言行錄及性理精義

知養生在治心主敬不專藥餌遂暗中以理學自

繩然精神不能耐勞看書亦不能多也想堂中丞  
先出館費二百金交余旁觀頗有覬覦者余堅持  
不允至六月恕老赴浙江任余出館金為置辰沅  
新館刻石紀之館中長班工食及修理祭祀之費  
至是始有所出前二百年來所未有也三月十八  
日引見補授實缺冬松雲鮑敦庵同來京師知  
余弱且苦節所以相助者甚厚可感也

九年己未三十六歲是年在京寓辰沅會館  
冬劉海峯古文選成

正月舊友易笏山孝廉佩紳龍陽人同年陳  
少海齡之妹婿也邀田

鼎臣大令王梅龍山人來訪鼎臣口雖不言以笏山故

年譜卷一

十一

與余有締交之志矣三月應會試不第笏山與余  
過從較密浸浸有向道之志焉六月因笏山往謁  
王子懷少司馬茂蔭歙縣人  
王辰進士自是往來極承青盼  
為會館買置對門房屋一所整舊一新顏曰別業  
乃隨州牧向君先薰蕭山令李君榕沅人所寄館金  
也公事難辦余此次較前買置新館用力較難用  
心較苦刻石以記之八月遷居余家胡同雲夢王  
璧人舍人宅也笏山是時住呂祖閣在順城門內刊落  
嗜好研究經書四子先儒語錄殷殷與余商訂笏  
山自謂生平受益朋友惟余第一余實藉笏山為

同志益毅然前朝夕取宋元明諸大儒書尋譯  
浸灌有疑相質得味頗深夙疾漸退矣武甯羅  
惺四孝廉亨奎義甯陳右銘孝廉寶箴因笏山先  
後來訂交諸君皆有志士非世之汨沒於利祿者  
比蘭泉之子啟銑來京憫其孤貧留住寓邸  
十年庚申三十七歲是年在京秋陶詩選成

寓余家胡同與笏山諸君講習如恆不作小楷不  
作時文恐奪志也三月應會試不第舊識郭筠仙  
編修嵩壽湘陰人因左季高知余久泛交二年至是見  
余文察余行事悔相知晚遂締交焉田鼎臣自河

年譜卷一

十二

南以書來嗣王子懷先生屬笏山語余致書胡宮  
保推轂鼎臣宮保得書薦十六人鼎臣與焉稱其  
膽畧任戰後以剿捻匪殉於汝甯府城五月笏山  
出京余為致書推轂於左季高處季老得書飛請  
笏山贊軍未赴然自笏山回里而吾道乃大孤矣  
六月李恕皆來京張鶴臣自天津來均未久別去  
是時夷務日駭八月八日  
聖駕巡幸熱河九月撫局乃定與黃翔雲即中州人  
為文字交翔雲甚篤厚工為詩封篆以三句  
萬壽覃恩封父祖皆奉直大夫內閣中書加四級前母



氏聶母氏鄧祖妣氏張杜皆贈太宜人

十一年辛酉三十八歲

是年四月出京春擊壤集詩選成

寓余家胡同正月派充本衙門撰文因郭筠仙太

史書來遂與馬平王少鶴樞耶原名錫振或名拯

一字定甫辛酉進士訂交所作古文經少鶴勘定稱為入震川望溪

之室并以示代州馮魯川郎中稱之亦然蓋余之

術業與兩君同而少鶴古文尤勝魯川則詩較佳

魯川之稱余詩亦如少鶴之稱余文也二月二十

三日在署輪直適奉二十一日灤河

上諭令赴皖營差委蓋皖撫湘鄉希庵李公績宜奏請

年譜卷一

十三

十人有人品端方才識卓犖之語散直歸寓並未

告人奉 旨之事蓋欲斂浮囂之氣使之歸於厚

重耳閱日邸抄已出始走書潞河告王子懷先生

先生復書大喜因先生始交光澤何願船主事清秋

乙巳其人博洽多聞蓋績學之士也三月與鎮遠

進士鄭東甫茂才錫澤約同赴皖營曲阜孔繡山侍讀

憲彝已玉田袁杏村舍人開第已潼梁吳春海主

酉舉人至是情好愈密其他如鮑子年舍人

鴻恩已至是情好愈密其他如鮑子年舍人

康欽縣人錢塘許星叔舍人庚身王亦皆有親近

之意至僅謀面而性情未甚浹洽者至是亦多暱

小酉映山館主人自著年譜

就余余之蹇拙非久而人或不易知其底蘊也若

王子懷先生范鶴生黃翔雲吳春海范月槎石小

岑諸君知余將別依依不忍離去其諸異姓骨肉

之義歟四月朔過王少鶴處晤楊湘筠郎中寶臣

福建人志節清苦以王子懷王少鶴兩先生之故一見

如舊恩將別未及久與周旋也初三日出京先

是聞 命月餘不以可得遷擢為喜亦不以皖地

糜爛為憂至是沿途驟馬痛病過順德至新鄉元

村駟一帶土匪會匪相距不遠同人咸有戒心余

但付之天命畧無憂懼二十八日行至距樊城百

年譜卷一

十四

里之新店舖登舟五月朔到樊城初四日登舟順

襄水下駛十八日舟泊漢鎮是時南岸逆匪踞金

牛保安離鄂城六十里北岸逆匪踞黃州城離省

一百八十里其南之蒲圻崇陽咸甯通城興國大

冶其北之德安隨州廣濟黃梅蘄水蘄州均為賊

踞皖撫李公率師回援駐城南三十里之魯家港

鄂撫宮保胡公尚在太湖行營臥病未愈所收復

者僅孝感武昌兩城而已大官大商資重均寄舟

中人心驚惶余於二十一日渡江至武昌府城外

鮎魚套泊舟二十二日入城巷無居人二十九日

八〇九

赴魯家港皖撫大營始見李希庵中丞六月初四日胡宮保回省請余擊眷寓城內而命余居署中始知皖撫之奏宮保實主之重其意不忍卻也初七日移寓眷屬山前後撫街十三日余襍被往節署適宮保病日加重余決計引去皖撫以文案照會余作書辭之皖撫答書勸留是時東安葉介唐刺史兆蘭到鄂八月四日余復作書辭皖撫力請還山而皖撫及葉介唐刺史營務處張刺史武甯皆武甯有書相留皖撫且有請至營小住數日如果視余無足有為再不相強等語余重違其意即

年譜卷一

五

日隻身赴營李公及葉君等情意真摯禮貌優隆先是余將辭歸薦東甫於左公季高行將赴江皖撫以余故并留東甫然左公之約不可負也而余自是不能負皖撫矣始許其相助胡公歿皖撫調撫鄂疆九月與介唐同寓貢院幕府余掌牋奏十月贊李公赴援壽州解苗練沛霖之圍李公與余均屬意葉君請主餉軍事遂專摺奏請以道員記名留安徽補用十月葉君赴霍六李公尙在病中界余私印一切公事皆令余先行裁決然後判行湘鄉曾沅圃方伯國荃侯王人樹都轉勳先後

來署均謂李公君何緣得此幕友此吾楚之人傑其成就豈有量耶余聞而媿之冬月十七日移寓撫署文案例案各員先後抱病余一人總理是年始立日記年譜本年事詳日記中

同治元年壬戌三十九歲

是年在皖春陳白沙詩選成

正月十九日準李希庵中丞照會保舉補用員外郎冬月十六日奉旨允準二十四日李公自鄂登舟赴皖撫任余送至舟猶殷殷促其速來二十八日擊眷登舟順道爲石鐘山小孤山之游十五日泊安慶十六日進謁李公則葉介唐觀察請緩

年譜卷一

六

渡淮一稟大受呵斥十七日李眉生駕部鴻裔以曾節相因其弟沅圃方伯遍獎鄙人亟欲相見因往謁焉復過李公處彭公雪琴迭次欲請鄙人管理牋奏李公未之許也二十一日移寓呂八街姚宅月杪得成大吉總兵潁州挫敗信李公憂甚此舉創議於介唐鄙人贊成之若全軍覆歿李公軍勢難振介唐不便生還余亦無顏立於人世矣然鄙見料其必能解圍函慰介唐將發而潁州解圍之信至矣三月十八日從赴六安大營四月初李公已將介唐總理釐局撤去余先未之知也介唐

前在鄂未行時余告以李公如擊肘余當先行至  
二月批介唐稟不必與聞軍事今又撤去釐局余  
見其倚任不專聞於讒忌遂決歸志以踐初約李  
公知之復為加禮并屬蔣之純觀察疑學湘人勸留  
余未允也然不欲絕交出惡聲四月十一日介唐  
自固始來悲喜交集求歸愈殷李公以余非介唐  
比有伊負余余不負伊之語然鄙人重然諾不肯  
食言又恐徑遂使人難堪多方婉轉於四月二十  
七日託詞告歸安慶省寓蓋至是已決入山之志  
矣臨行介唐策騎送至舒城二十九日介唐返六

年譜卷一

七

安五月初二日抵省寓則舊友劉个亭守中已來  
此月餘矣欲少與會節相彭侍郎勾留即買舟回  
辰適接李眉生駕部書鄙人為浙撫保舉堪任浙  
江司道不能不候 旨決去留浙撫者左公季高  
也次日謁節相頗承刮目而續溪周志甫歲貢誠  
武甯汪晴溪孝廉 因羅惺四大令亨奎早知余  
亦相款結六月初四日至銅陵夾水師大營蓋彭  
部也十一日返寓傍晚得左中丞所保六人江君  
忠濬放皖藩劉君典放浙臬其餘四人鄙人與趙  
玉班煥聯觀察楊司馬昌濬林員外聰文忠並

留中之信余決計言旋而節相留之堅且謀代修  
寓室弗能卻也二十八日遷大南門新居七月初  
三日節相來新居談藝文事甚愜先是節相過余  
寓代謀日用費余辭之今復出資葺屋蓋不能不  
少待也詎初五日早餐後頭痛入內室臥閱日請  
汪晴溪治之未瘥初九日李申甫廉訪裕來視疾  
薦其鄉人向晴嵐治亦未見愈而妾王氏復病至  
初十日病愈沈重寒熱大作延數醫方皆未妥力  
主不藥十六日節相來握余手力任刊刻拙稿照  
應後人堅令坦懷聽其自然并屬勿藥申甫復為

年譜卷一

六

遣人走建德延醫閱四日來診所立方亦未當余  
復謝之然浸浸漸入膏盲妾病亦幾殆未幾妾病  
稍輕余仍如故頗自厭其餘生二十二日病忽退  
然瘳甚大非故吾將進調養藥二十六日節相復  
來力戒勿藥二十六七八三日雪琴侍郎日一走  
視二十九日葉介唐觀察李儲源學博益林自六  
安特來寓中是月也僕從亦多病者朋友最關切  
周志甫汪晴溪李眉生在寓照應則劉个亭石少  
楠啟銑章子亮國均始終無懈志節相自初十日  
後天甫曉即走价省視至二十七八日始罷皖省

大小官紳賓僚無論識與不識皆知余之病矣八月七日儲源回巴陵介唐仍留十二日病復作甚輕尚不覺也十四日復病大腸秘轉痛倒地仍復寒熱余不作生望矣二十二日寒熱復退則皆自主方藥介唐參酌而腸秘苦仍如前先是初一日希庵中丞自六安丁艱回省資送甚厚亦聞日一遣人來視郭筠仙觀察亦自湘陰來是月杪妾王氏復重病數次僕人蕭姓死於寓外甥李大旺死於漢口僕人謝姓死於辰州均可悲也閏八月腸秘之症得徐雪村壽治之漸輕減二十二日病復

年譜卷一

五

作希庵中丞以二十三日奔喪回籍余亦決計歸里而唐義渠中丞訓方適來再三諄留九月初一日義渠具關聘請主軍需章奏文案其禮特隆閱數日復請余會同馬穀山新貽山東人總理營務列衙馬前辭之不可十一日介唐赴皖南道任余送之登舟是日襍被節署痔瘡又大作血淋漓不止手足兩股乾瘡復變黃泡坐臥行動艱苦異常終日偃坐一室溫習四書十月乘舟赴臨淮留個亭照料安慶公館是時久病甫退瘡尚未瘳冒風霜涉波濤猶有憂心十六日過大通痔血漸退十

八日進三汊河泊無爲州二十二日泊巢縣二十三日渡巢湖未出湖十六里泊二十四日泊廬州府城東三里廬州署守唐鶴九景皋桂陽州舉人遣人來迎二十七日改陸行三十日抵定遠縣晚間大雪冬月二日自定遠踏雪起程初五日未刻渡淮抵臨淮關大營休焉各部將領紛紛來見李恕皆自奉天奉調挈眷先來此數日矣此間兵疲餉絕殆甲天下苗練逼處下蔡李世忠阻邊淮河水利人民流亡殆盡聞有存者率皆圩寨林立不知王章爲何事蓋亦極難處之地矣接劉个亭自皖來信

年譜卷一

三

曾相每月發給薪水令伊代理公館家事亦可感也是月邵陽友人周琳圃秉圭之子步衢茂才來受學是月苗李兩豎時來糾纏馬穀山等皆聽鄙人商量多方操縱幸不褻體開豐然究未能制之也成陳右銘四覺草堂記周志甫哀辭包孝肅畫像跋尾

二年癸亥四十歲是年在皖春以道員記名備放并賞戴花翎

正月在營二月初同唐鑄吾大令鏡心義渠之子謁明陵返宿鳳陽縣周述人刺史顯孫署中初四日應署鳳陽府文太守光之召得瞻仰明太祖畫像已刻

返臨淮時馬穀山廉訪奉唐公命赴蒙城調和蒙  
 練苗練之事是時僧耶已生擒巨擒張落刑磔之  
 駐節亳州白龍王廟穀山去後營務處遂一人任  
 之十日唐公接僧耶咨屬其赴臺會商善後事宜  
 欲亟往余力止之三上書籌備苗練事蓋料其必  
 復叛也十四日唐公率親軍四營赴邱帥營以宋  
 鎮慶千三百人守臨淮兩岸歸余節制而留病卒  
 五六十八人畀余守老營余重違其意為留守焉凡  
 一應軍事吏事餉事皆得以權宜裁決其時聞耶  
 帥將去苗逆叛志已萌飛函曾相請其派兵守壽

年譜卷一

三

州正陽城關要隘以伐奸謀請唐公挽留僧耶乘  
 苗未叛先發制之事皆不行三月營中無餉多方  
 拊循嗣聞僧耶定期回東飛書唐公請其速回臨  
 淮以靜待動不果而苗逆遂得於十六日劫我蚌  
 埠戈船踞懷遠縣城逐知縣戎典史蓋黑夜舉事  
 也十七日早戈船自蚌埠退回僅六十里順風下  
 行瞬息可到軒然大波倏忽而起商賈居民紛紛  
 遷避訛言苗逆乘主帥未歸以二十萬眾定期二  
 十日分道取鳳陽府縣并襲臨淮大營營中人人  
 震恐以為其勢萬不能守宜速為計意欲懲余余

策苗練多智而見事遲三日必不能來尙可從容  
 料量因出告示不準屯積米糧分派礮船巡上下  
 游不準居民出境日派戈什帶領親兵巡行街市  
 緝拿遊勇禁止謠言三鼓騎馬與秦觀察崇查夜  
 或坐礮船巡河以繫人心又虛張聲勢出示謂鮑  
 軍門追賊已至廬州唐帥已帶親軍自蒙回至臨  
 淮又修理老營四角大礮借宋鎮礮手數十人守  
 之黑夜令將所存旗幟槍械於天未明時徧行豎  
 立營壻不知者以為果有援軍至也於是又咨調  
 張軍門得勝梁園之師速行撤回以二營守定遠

年譜卷一

三

三營守臨淮並派親兵改裝四出赴唐公蒙城行  
 營告變人謂其必不能達以苗逆處處伏人短劫  
 而余不顧也營中見余守志甚堅不敢輕動苗逆  
 不測我軍虛實亦未敢襲余復外示安閒辦事後  
 即為門人周賓卿講學不輟二十一日張軍門得勝  
 自梁園來人心粗定唐公在蒙聞變愴然曰臨  
 淮不守矣行次宿州得余信臨淮鳳陽巍然猶存  
 大喜過望以為非某守臨淮不至此冒雨兼程於  
 二十三日回臨淮二十四日請唐公派兵趨援壽  
 州其時苗逆尙未合圍因無餉而止惜哉二十六

日派兵進蚌埠以圖懷遠二十七日疏請

皇上一意主剿以唐裴度平淮蔡事為證並請禡從苗

已保提鎮道府諸人之職以明順逆如能自拔來

歸再請開復唐公並以余苦守微勞有裨大局上

聞余本不敢言功唐公初歸余善願無伐善無

施勞二句揭於壁間然竟不能辭也其疏片云再

臨淮為臣營根本長淮樞紐素知臣營務處前員

外郎吳大廷才略過人諳練軍務臣於前月馳赴

蒙亳時飭令該員留守老營總理庶政月餘以來

辦理裕如比苗逆倉卒舉事與臨淮近在咫尺徒

年譜卷一

三

黨四出人心洶洶我軍兵孤餉絕大有朝夕莫保

之勢該員向在李續宜軍中素知苗逆伎倆此次

聞警竟能屹立不移從容料量拊循戰士鎮定人

心聯絡官民力修守備該逆偵知防範甚嚴未敢

來犯保全要區厥功甚偉前湖北撫臣胡林翼深

重該員商之李續宜於咸豐十一年春間奏調來

營一切倚任頗著勤勞臣在鄂時實所親見曾國

藩亦大加賞識去年四月開復經浙江撫臣左宗

棠奏保堪勝浙江司道之任眾論允孚該員學術

正大識微見遠上年八月自入臣營諸多助助此

次保全臨淮心力交瘁臣未便沒其微勞可否仍

照左宗棠所奏以道員交軍機處記名遇有道員

缺出請旨簡放並賞戴花翎出自

天恩逾格云云同治二年四月初七日欽奉初三日

廷寄唐訓方所請吳大廷以道員記名之處已論

軍機處遇缺請簡矣同日又奉旨吳大廷着賞

戴花翎欽此初十日同唐公赴前敵北蚌埠大營

是時苗黨踞黑窰相去僅二三里也十三日返臨

淮商之唐公咨請清江吳漕帥棠派礮船相助以

懷遠地為渦淮交匯之區非水師不為功也先是

年譜卷一

三

穎上縣與懷遠同日并陷至是苗逆北圍蒙城南

圍壽州蒙城有馬廉訪新貽督兵駐守壽州則毛

牧維翼以飢卒五百與之相持而蔣觀察之純周

軍門寬世奉會相檄援壽州屢次多傷精銳不能

解圍其勢岌岌殆哉五月髮捻合眾數萬由鄂入

皖北越舒桐趨六安余料其必由壽州趨爐橋以

經定遠已而果然捻首張宗雨因敵已極偽請投

誠唐公欲許之而余策其為苗逆所誘力為阻止

張宗雨果以苗逆接入懷遠城中少住二日資送

回亳州雉河老巢以分蒙城兵勢是時營中絕糧



數日大有潰散之勢余多方拊循每夜四鼓至中軍帳仰天長歎而已六月初十日坐萬斤礮船赴前敵四鼓至黑窰提督張得勝過余舟告曰林家圩已投誠矣懷遠可以得手蓋林家圩爲渦淮咽喉不奪此隘懷遠終不可得也余曰何據伊出苗黨投誠稟示余余見稟中有沛霖姪苗景開已由圩入懷遠縣返下蔡之語卽察其僞力戒以宜備張不以爲然五鼓至李家嘴普鎮軍承堯營中張以告普普更以爲真余復力阻之不可則勸其預備防敵具勿徒手受縛并傳水師各營官天明出

年譜卷一

三

隊見賊卽擊勿受張普節制其時已將曉矣將熟睡而聞礮聲震天從者告余謂林家圩賊果以投誠賺我張軍受傷退幸礮船先受余誠已出不意直趨下洪余亟起觀戰但聞礮聲如雷不一時而水師大捷奪獲賊船十九隻擊沈者不計使張普能信吾言水陸兩路均可獲大捷也惜哉十五日返臨淮卽得壽州失守之信蔣周等軍俱奉曾相檄撤回六安臨淮前敵與蒙城勢益吃緊乃商唐公謀之曾相調何鎮紹彩四營自甯國回臨淮以資策應是時苗逆派黨斜出普軍之下於南蚌埠

河沿築三壘以阻糧道唐公欲自臨淮派行隊擊之余力阻不允至十九日三鼓分布已定余趨寢所告之曰苗逆善守天氣酷熱我軍趨七十里至蚌埠苗伏兵不動待至日中我軍飢渴溽暑逼人其勢必退退則苗逆自後擊我取敗之道也否則我軍一到肉薄攻墻其勢必多傷精銳而賊壘亦卒不可破唐公卒不允余曰毋已則請派兵先至長淮衛立營次早進兵勝固妙卽不得手而我退守老營僅二十里其勢可不至敗唐公允之二十日臨淮隊至長淮衛并糾合張得勝自上擊下二

年譜卷一

三

十二日兩路並進肉薄登墻果傷二百餘人而還曹溜集苗黨偽請集練紫營禦苗唐公已給札矣余曰此詐也苗勢正盛伊等何爲而至我哉不聽已而果肆擄掠爲患七月苗逆復添萬餘人斜出張得勝黑窰之後層層包裹其勢甚危蓋兩岸賊壘濱河大爲糧道之患唐公曰事急矣非予親往一行就近調度不可余慨允之將行龔智軒大令翰林曰須坐礮船爲妥民船猝有變不可恃唐公以爲然乃函致前敵飛調礮船來臨淮而苗逆已於河中洲宋家灘築營六座并以鐵鎖攔江糧道



大阻前敵消息已不可通矣十二日曾相派外江礮船百隻赴援軍威甚盛余指示形勢并告以宜水戰先清賊划切勿登陸十三日外江師船自蚌埠進奪獲賊划十九隻遂乘勝攻賊陸壘更番迭進皆受重傷其勢幾不能軍矣而前敵缺糧更甚十五日清江水師來援唐公命余赴前敵聯絡客軍商運糧之計二鼓抵蚌埠賊壘下泊賊以礮擊我未中也乃請外江水師助戰而以清江水師斬關破鍊送糧前敵十五日黎明出隊清江水師痛擊賊沙洲拔樁斬鍊而過然僅送糧三萬斤只敷

年譜卷一

七

兩日之食而苗逆益加樁加鍊并沈民船實以沙土橫亘河中余請諸將再商運糧之法皆氣餒不能任也余乃回營十八日晚張得勝自賊營偷過來營求救商量至四更餘二十一日高寶水師黃鎮開榜來營請救甚急唐公憂甚復請余往余毅然任之立即登舟抵蚌埠詢悉前敵仍議以北岸渡過南岸一齊退下礮船能衝下固善不則燒之不可棄以資敵張君已率八十死士親至宋家灘東紮卡擬令上游陸師紮卡宋家灘之西緊逼賊壘以牽制之令上游礮船得以專力衝下余曰雖

然張提軍不親回黑審則北岸無主必亂乃遣張君去後高寶統將請外江水師助戰余乃婉告王提軍吉成提軍發俱蒙允諾舟泊河心密邇賊壘不能成寐四鼓後傳言前敵已撤礮船已燒軍資器械盡行拋棄勇丁傷亡不少有請余速回者余曰余行則近於畏蕙姑俟之以作亡羊補牢之計天甫曙有前敵勇丁來詢之果然余仍堅忍不動并留糧艘擬待諸營取食至辰刻南岸賊壘豎旗出隊北岸賊距岸不遠余令坐船裝礮首先逆敵而賊馬已東下矣是日風逆浪高坐船顛簸至

年譜卷一

五

午刻高寶及外江水師紛紛下駛余知不可留又恐臨淮有失乃冒雨歸二更抵營或謂某軍與賊私通留之恐貽後患不留又恐為變唐公乃委余辦之並告以如何方妥余對曰謹盡力唐曰勢已至此吾諸事賴君君乃不下斷語吾誰望乎余曰非此之謂也且謁吾力而為之費數日勸諭乃撤張得勝部下譚鎮善夫唐副將萬清趙副將昌富三營然謂其通賊吾不敢信謂其久戰膽怯貪戀妻室不能整齊隊伍則彼亦無詞以對矣八月初八日婉辭唐公告歸省墓就便勸捐助餉十一日

登舟同行爲秦子仁都轉榮開行三十里至茅灘泊署鳳陽縣周述人星來別并執贄爲弟子經安瀾集雙溝舊縣盱眙至蔣壩盤壩換船歷雷城汜水高郵州謁露筋祠經邵伯過揚州出三汊河至瓜洲出口到七濠口望金焦二山回泊瓜洲出三汊河至儀徵泗源溝換湘鄉釣鉤船至十日出江過通江關至草鞋夾泊九月朔出來過九袱洲至南京雨花臺曾沉園中丞大營留一日初二日早餐後告辭回舟初四日過兔兒磯訪楊軍門載并訪邑子楊生紹初八日過板子磯晤邑人

年譜卷一 三

王鳳藻鳳藻爲派礮船送之十三日由王家洲坐舢舨十四日到安慶妾輩已登舟矣新知爲江達川方伯忠鄧伯昭明經瑤徐毅甫孝廉子江慶開行十月二日至湖口縣復登石鍾山十三日至黃岡界七磯洪阻風詢知吾故友吳又桓觀察靈樞已回距此僅十里乃造其室哭之且致賻焉十七日至漢口二十一日同劉个亭登黃鶴樓謁胡文忠祠二十八日過新堤冬月朔至岳州龔智軒來會同登岳陽樓已而李儲源來初二日去泊

小西映山館主人自著年譜

君山初九日至常德易舟上行二十日至北溶許生顯授徒於此遣人相邀并謁其祖姑周節母節母猶道及先大夫之厚德也二十二日至辰州詰朝步行至先父母墓展祭家人親族紛紛來見以次展謁先塋歸栖墓側帳房二十五日到家除夕復與老姊至先父母墓側燔柴以祭歸已二更矣自八月二十二日過雷城迄冬月朔至岳州成馮魯川觀察詩序一首吳又桓觀察周志甫明經哀辭各一首秦太夫人吳府君墓表各一首太史公報任少卿書書後一首通蔽論上下二篇江忠

年譜卷一 三

烈胡文忠行狀書後各一首謝老僕傳一首三年甲子四十一歲是筆到浙冬十有二月讀易隨正月在沅陵原籍月杪謁祖墓辭行二月初四日登舟是日風雪所阻行十餘里同行者姊李一人初八日下午泊北溶離城僅六十里而姊病矣初十日風雨泊桃源十二日至常德時龍陽陳少海同年景將自鼎赴澧知余有二月東下之信明日啟程先遣人至河干徧訪而余舟始泊岸欣喜過望同余蓉初司馬祥來見留一日在蓉初處暢談十四日少海赴澧州而姊病益重數醫治

八一七

之未愈幸甥志先來姊欲歸許之二十八日過岳  
州適遇雲夢王璧人刺史佩璋挈眷赴雲南任因  
同泊焉三月初五日舟泊漢陽初六日黃西春翦  
先來見初八日西春來字以喜桂亭昌曾識余於  
前任鄂臬閻丹初敬銘座中頗有傾慕之意初九  
日移舟武昌喜桂亭協領兩次見過比余答拜均  
未晤復晤倪豹岑主政文蔚望沈師竹司馬葆祥  
人孫樹人太守振銓巴陵人沈孫同招飲樹人并請下  
榻糧臺至再至三辭之初十日回泊漢陽十二日  
桂亭來送情意甚殷十三日解纜二十日抵安慶

年譜卷一

三

適王子懷侍郎丁憂自京將返吳城寄寓阻風於  
此不期而遇相向痛哭次日入城謁曾相并訪唐  
義渠馬穀山及李眉生徐毅甫莫子偲友芝馮簪  
川志沂方存之宗誠諸君二十二日大雨許令光  
時為唐客來書極其詆毀幾不自克欲與辯論  
以明是非子懷侍郎力阻乃止二十三日侍郎上  
行余乃遣人將捐項移交穀山與諸友往還論文  
二十七日穀山移到文批擬即日返棹而為風阻  
四月初二日解纜上行十三日過黃州次七磯洪  
亡友吳又桓之子峻臣借宅留居地居八大股在

水中央無市無鎮十五日挈眷居之先是自辰州  
登舟日閱易經少有論著已積數十條至是乃專  
力為之五月寓八大股天已漸熱早起著易至午  
未止以後閱五代史維日孜孜若忘其身之窮困  
也者閒亦發揮文辭時捻逆下竄烽火隔江余亦  
不顧也桂亭遣人投以蘭譜余亦答之六月廬海  
門彝奉李恕皆書由三河尖閒道繞光固麻城達  
余寓舍堅請赴潁余以他故堅辭不赴海門乃請  
為浙行七月桂亭西春以書來招因便服就之十  
九日乘小舟西行二十日達倉子埠黃陂界也留

年譜卷一

三

連五日二十六日返寓先是因代辰州里人捐輸  
部照未得不能旋里前遣僕人王三赴臨淮請領  
并致書當事諸友僕去月餘今始旋寓仍係空歸  
為之悵悵獨鄭東甫自浙兩次來書以左公厚余  
再四相招李眉生亦以浙中來者俱道左公盼余  
若飢若渴力勸赴浙東甫為余薦拔知已之感固  
應如此若眉生於傾軋成風小人嫉忌之時獨拳  
拳關注非近人所易有矣八月署猶未盡每晚涼  
輒作五言古詩一首以資陶遣十七日西春自黃  
州來傳述桂亭之意勸速赴浙十八日同西春赴

桂亭黃州大營二十日同西春游赤壁山川如故  
而亭閣僅存灰燼斷碑殘碣悵惘久之二十一日  
桂亭餽兼金為贖是日返寓三十日祭亡友吳又  
桓靈輓九月初三日登舟初四日薄暮抵黃州晤  
西春桂亭初五日午刻抵巴河左子仁軍門光培  
人留晚餐而歸初七日讀易六十四卦已有論著  
乃讀繫辭上傳初八日泊九江以書抵蔡芥舟觀  
察錦青時署請給船票驗行十四日抵蕪湖讀繫  
辭下傳十五日過金陵晚抵鎮江十八日就原舟  
赴蘇讀說卦傳二十三日抵蘇州二十六日讀序

年譜卷一

三

卦雜卦等篇二十八日抵嘉興晤署守許雪門同  
年瑞光知馬穀山已升浙江巡撫二十九日作雜  
卦象傳合解十月初二日抵杭州初三日鄭東甫  
以馬來迎是時東甫寓糧道楊石泉昌濬署因拜  
石泉坐次東甫來見石泉留住署中初五日謁左  
宮保并訪夏殳甫先生折太平仍歸糧署初六日  
江筱城司馬紹華來晤午後歸花牌樓寓所雪  
門之別宅也是日閱朱子全書初七日署台州守  
劉蘭洲來見徽臨李卓如別駕煥元和託東甫約  
余會飲初八日潘小浦司馬紀恩鄭東甫招飲

晚閒小浦送到殳甫景紫堂全書并其弟賺甫校  
勘兩朝剝復錄先撥志始諸書蓋皖南遺老博古  
之君子也初十日殳甫先生來訪携余文三冊而  
去十四日殳甫先生來書并為拙著跋後極蒙獎  
借已而陶宅誠司馬來鴻勳十八日重讀蒙卦  
知朝廷以拿獲幼逆左公封一等伯蔣蔞泉方  
伯賞騎都尉世職二十二日許雪門來自嘉興代  
述蔣方伯之意以其護理撫篆聘余助之是日蔞  
泉招飲并申前語以曾託楊石泉代白宮保故也  
二十三日赴殳甫處暢談而宮保招飲意甚勤懇

年譜卷一

三

不媿故交二十四日蔣方伯送關聘至并託雪門  
道意交卸後派人護送入闕往就宮保二十八日  
出望山門送宮保督師赴閩傍晚抵聞家堰宮保  
招飲散已三更矣十三日蔣護撫為治居室於五  
聖堂移眷屬居之長至日讀杜工部詩年年至日  
長為客忽忽窮愁泥殺人竊以窮愁不足道而曠  
戀松楸不能不增旅人霜露之感二十八日讀易  
隨筆成嗣後擬治孝經先是二年過三山歙  
購得知不足齋叢書有日本所傳古文孔傳茲柳  
範吾大使徽相復送今文鄭註遂決意為之購

月初四日同傅少卿員外洋鴻湖鄉人李蘭生大

令必昌臨吳梅泉太守作梁歸安人游西湖晤楊石泉

糧儲薛慰農太守時兩全椒人現任杭州府知府十七夕蔣護撫

將卸篆余遂回寓是日奉札委辦通省忠義局務

十八日馬穀山接浙撫篆除夕約余蓉初司馬度

歲是日百感交集因細攷古今文孝經及山陽丁

儉卿晏所輯唐元宗及司馬溫公范祖禹三家之

註以克之

四年丙寅四十二歲是年到閏春二月孝經古今文輯論成夏四月奉旨簡放福

建鹽法道家孫承繩生

年譜卷一

三

正月寓杭州以浙江吏事兵事水利減漕四事啟

告中丞初六日起註孝經古今文輯論初八日奉

左公延平大營札調中有熟諳戎機等語往見中

丞中丞已函致左公留余在浙并屬蔣蕪泉方伯

楊石泉廉訪加函關說初八日題薛慰農太守雲

烟過眼圖五言律詩八首十六日薊泉方伯接左

公營務處夏小濤獻翰來書已奏調四人赴閩首

周壽珊開錫次鄙人次胡雪巖光墀次張聽庵樹

茂二十日與織造恆仲年延定交題錢塘丁松生

茂才所藏黃石齋先生墨蹟二十六日登舟薊泉

運道府縣各官暨織造均出望山門河干登舟相

送其賃船及薪水各事則皆方伯所預備也家眷

尚留杭州二十八日過富陽而署湯溪合陶宅誠

舟亦至二十九日蘭溪合江筱城擊舟來送遇之

江心因同泊桐廬城外三十日同筱城宅誠泊釣

臺下盤桓竟日二月朔過嚴州魏直齋陽人觀

察來見初二日泊蘭溪宅誠先在此權釐款留一

日初三日守雪初四日解纜宅誠擊舟相送至十

五日始依依而別是日過龍游縣成李恕皆太淑

人八十壽序初七日抵衢州謁南關里瞻仰聖

年譜卷一

三

師聖母像是日孝經古今文輯論成初八日馬中

丞遞到左公書允余留浙十三日大雨過姚嶺再

過仙霞關成七言律詩二章十四日過楓嶺五顯

嶺則已入浦城縣界矣十五日過仙陽行二十五

里黃太守現望周大令彙及典史來迎又五里入

城住梁蔭林中丞花園十九日抵延平大營謁左

宮保二十一日力薦黃西春蒼先韓旭初承道可

用左公從之即時札調二十七日奉宮保札赴省

會辦軍需稅釐局務三月朔抵省居軍需稅釐局

四月初八日得宮保委署鹽法道信十一日奉札

閩中大小官皆以閩巇疲敗萬難整頓爲余危十  
三日接篆二十九日自作字免節壽門包并裁浦  
下關軍工廠驗船陋規若到任辦差與到任規費  
則奉札時已通飭禁止矣是日妾王氏自杭州過  
甯波由海道來五月朔傳各商館辦酌議設立南  
臺課釐局試行釐課並抽之法初三日各商館辦  
來以抽鹽釐不便爲言并有云裁革陋規伊等並  
不感激蓋委員所得者微各商所漏者鉅也壽山  
大怒余請改日再議次日復傳館辦來法語異語  
無一不到商人始知官商相近之意允改票運十

年譜卷一

三

二日題張佑之方伯遠祖興化通判殉難記跋一  
首十五日成請改票運稟稿其稟曰竊某因現辦  
官運亟須趕籌銷配業於四月二十一日縷稟憲  
鑒在案伏念視事以來已及匝月凡閩省巇務無  
不博採旁詢悉心體察原期整頓疏通仰酬知遇  
無如全綱頹壞已入膏肓僅事補苴無從著手蓋  
其積弊相沿非一日並非一端其所從來者漸矣  
請爲我憲臺詳陳之查福建鹽課 國初定制歲  
僅徵銀八萬五千四百七十兩雍正元年各場委  
官監管地方官隨處設卡委員收稅先完課而後

給單聽其配運售賣至乾隆七年奏定盈餘銀十  
四萬一千七百六十九兩較之原額增至兩倍後  
因歸商辦理劃地分售即以當年所收稅銀作爲  
引額此法一變商之浮費遂增鹽之行銷遂隘後  
人補偏救弊朝令暮更於是分而爲官幫爲商幫  
爲縣鴻官銷引滯則責令各商代銷舊商欠帑則  
勒令新商攤補迨道光年間一變爲僉商再變爲  
試辦三變爲官運而鹽法之敗壞極矣今以西路  
商幫論之一商倒幫分派各商代課課額愈多成  
本愈重又加以規費之需索流交之帑息海溪之

年譜卷一

三

險阻虧折坐耗不數年而貲產蕩然倒罷相繼雖  
有善者無如之何此商力之不可救者一也商幫  
倒懸蓬額無人認配則又變爲官運以補不足試  
辦之初尙能認真經理報有盈餘迨其後官盡視  
爲利藪開消挪墊虛抵搪塞辦運者惟扣費以入  
私橐督銷者則賣私以取盈餘而課額太懸於是  
撥報失水搶毀等情上下分肥弊端百出遂將  
國家成本日銷磨於冥昧之中而莫可究詰此官  
運之不可救者一也縣鴻各幫距場較近收私賣  
私習爲固然其始地方官姑爲隱忍久之官勢寔



衰私梟寢熾遂於埳私場私包私船私幫私引私  
 之外復有糾黨持械明目張膽之擔私與官爭利  
 與商為讎莫敢誰何流毒以至今日此縣溥之不  
 可救者一也福興泉漳各府二十一廳縣謂之官  
 幫向皆歸縣徵收毋論已未徵存均應按日計算  
 責令完課久著定章奈州縣畏難苟安任人包辦  
 名曰襍戶襍戶者館辦之別名也一二刁悍之地  
 不敷徵解者閒或有之而其中大獲盈餘者亦不  
 乏人乃因甲年所收之錢必待乙年奏銷遂相承  
 以二三分抵兌藩庫軍需冒銷無着之款避免革

年譜卷一

三

職處分其餘則盡飽奸囊攘為已有雖歷任鹽道  
 嚴札頻催而抗延不交竟成積重難返之勢此官  
 幫之不可救者一也各場員有督晒配運之責即  
 有緝私脩坎之勞今以場署大半無存官坎莫攷  
 遂不留心整頓惟挾帶鈐記高居省垣遇有海私  
 進口商人收買運銷各場員則冒認場分指私為  
 官截角收費藉圖餽口以致埳坎全廢遍地皆私  
 濱海之民又皆麤鄙近利竟不知場員為何官配  
 鹽為何事肆無忌憚糾眾橫行此場務之不可救  
 者一也夫鹽為天地自然之利綜核 國家全年

財賦以四分計之鹽居其一焉唯為大利之所在  
 即為大弊所由生故雖軍興十餘年閩省被禍較  
 他省為最輕閩省鹽課亦較他省為最少而蓬額  
 可懸私人必不可去 國課可缺私費必不可除  
 日引月長馴至全綱將盡易曰窮則變變則通通  
 則久閩省饑務之窮至斯極矣若不速籌變通之  
 方何以克濟庫儲之急 職道 檢查咸豐元年戶部  
 奏閩省商疲引滯請飭該督撫督飭司道在於就  
 場徵課按包抽稅二條詳細妥籌擇一可行之策  
 另議章程據實具奏已奉 俞允迄未奏復至咸

年譜卷一

四

豐三年又據閩人御史蔡徵藩條陳閩省鹽務請  
 復收稅舊章按照現商完課數目改收場稅關稅  
 一摺又奉 敕下該省督撫詳悉妥議切實具陳  
 後經前督撫憲奏請將續例懸額七百五十餘蓬  
 試行招販辦運往返札行積贖盈尺迄無成功 職  
 道 查兩淮改票之案皆在平世一經通變課額日  
 盈即近年皖浙被兵之後商散民窮舉行票運釐  
 課並抽亦復有裨軍餉閩省僻在海陬山水險阻  
 雖非商賈輻輳之區然資富能訓以十閩之眾熙  
 來攘往究與別省人丁寥落者有閒況西路各幫



舊商猶在官幫積戶倚此爲生若能廣示招徠改行票運除釐課外一切冗費概予裁除再飭各場員駐場督配并於各府州縣設立局卡重抽販私開設官行勻配銷數下游一帶產鹽地方凡濱海擔夫及廣浙船販皆素以買私爲業法禁久弛刁悍成風擬俟全省肅清請以凱撤之水陸雄師量移海上藉示彈壓俾知警懼畏懷庶可一勞永逸廠道固不敢謂確有把握輕議更張然目擊全綱盡頽再爲因循必致額懸課細縱使飲水茹蘗而於國計無補卽寸心何安連日會督官運局員

年譜卷一

望

暨現存各商悉心講求酌擬改行票運釐課並抽章程理合據實遞陳仰祈察核如蒙允準并懇據情入奏試辦一年限內儘征儘解免計分數考成俾得竭力殫心以籌補助於萬一云云十八日得家書兒子以四月十七日生子命名永繩二十一日得李春樵丁松生由杭州寄來拙集葉板蓋齋泉方伯所捐貲也二十二日赴南台設立課釐局得簡放鹽道信二十四日成請免商人帶輪八十餘萬兩詳稿蓋課繼以釐用商力不能不恤商艱也閏五月初七日成革除鹽道浮費稟稿又成

贈壽山七言律詩一章十四日籌畫下府鹽務辦法整頓西路幫館各事二十七日考試鰲峰鳳池兩書院月課親加校閱招取優等生童來署面試分別獎勵并具酒食以款之六月十六日作裁革西河浦下兩關私費請提耗羨津貼辦公稟稿二十一日分致各局卡幫館書以公事相敦勗七月鹽務漸有起色而余積勞已病脾不思飲食月餘任事之難如此初十日韓旭初來自辰州遣彭光藻赴石碼設局撤漳龍等廳州縣鹽務改歸局辦八月初七日遣韓旭初赴泉州辦課釐局亦如石

年譜卷一

望

碼之法至是權操自上歷年廳縣侵挪之弊爲之一空十八日成徐樹人中丞七十壽序七月正考官丁濂甫紹周僕少自京來閩初四日審定大穆溪盜案一起以先奉中丞札代辦臬司故也初六日入闈充監試擬作闈墨一篇試帖二首十五日成壽山本生母任太夫人壽序十七日成壽山嗣母許太夫人壽文又成自序小西映山詩鈔續編文二十四日成上左公七言律詩二章二十五日成悼王子懷侍郎七言律詩一章十一日出闈十五日赴鹿鳴宴二十四日奉左公轉行部札豁免商

欠帶輸已遂 允準獨駁票運為不可行二十八  
 日頂覆部駁改票原議層層折詰左公據以入告  
 字字堅辣末段別開中丞鹽道專以禍福自任尤  
 見擔當臘月作變通海運告示跋梅伯言石瑤臣  
 傳後序墨跡初七日楊仙夢鼎勳書來欲執贄為  
 弟子除夕清查征收課釐實銀較前任已逾兩倍  
 有奇殆非始願所及矣劉蘊山茂才其情從浙江  
 來執贄為弟子

五年丙寅四十三歲是年在閩夏兒子文元入縣庠  
 臺灣任是月奉 旨調補臺灣兵 署成冬十月赴  
 備道十有一月 賞加二品頂戴

年譜卷一

星

正月得左公克復嘉應州信而長髮盡矣為故友  
 江後城作詩序十九日三從姪文銘來自辰州二  
 十三日奉左公札頂覆部議駁改票運一疏竟荷  
 特旨嘉獎允準不交部議三十日作福州訓士  
 課程二月朔赴南校場監試武闈十八日左公自  
 粵凱旋二十日赴撫署飲鷹揚宴是月招書院門  
 人林星廣張亨嘉陳慶禧三孝廉來署讀書資以  
 膏火并為閱改藝文三月二十三日作裁革西河  
 關未盡陋規及札諭四月初二日成益陽胡文忠  
 叔父贈光祿春藻公墓誌銘初四日作請緩征鹽

商積欠帑息稿初七日得兒子文元書三月初  
 日取進科試縣學第二十一名十八日作請奏免  
 鹽商帶輸詳稿二十一日以鹽課贏餘籌添鳳池  
 書院膏火令與鰲峯相埒五月初二日成楊仙夢  
 母氏元太恭人五十壽序初六日成送鄭心雅之  
 任全椒序六月初為同安令白海仙作雙溪書院  
 并建考棚記十六日作候官縣翁蘭畦學本 祖母  
 墓志二十六日考試鰲峯鳳池兩書院月課擇其  
 佳者自校之招覆獎賞如前并諄諄訓以義利之  
 辨七月初六日試辦票運一年期滿奏銷詳冊上

年譜卷一

星

院綜計課釐雜款竟六十萬三千有奇不特近數  
 十年鹽務所未有即自有福建鹽務以來亦未有  
 如此之起色也余方憐憫商力拮据而各商咸無  
 怨言并為立長生祿位於天后宮先是楊子恂仲  
 愈庶常欲勸捐重修西湖李忠定公祠請余為之  
 倡余謂不必勸捐願獨任之至是福州舉貢生監  
 復請余重脩道山朱子祠余亦任之八月初各商  
 以余將調臺灣先曾合詞額留左公未允至是復  
 送萬民牌繳并下里江紳耆因與商人爭訟吾為  
 秉公處置論理合應如此而紳耆以為歷年積弊

一朝除之甚加感激亦送萬民牌繳二十六日新  
 立蓮軍靖海營將帶赴臺灣任也九月初六日得  
 左公調督陝甘信息即謁左公辭調臺灣未允重  
 陽節門下士鍾笠雲大鈞葉敷恭大道林礪勤星  
 賡張燮鈞亨嘉陳秋帆鴻波五孝廉葉芭恭大滙  
 選拔沈亦帆穎超廩生張慶濤黃常經楊雪立施  
 絢諸生饒余蒙泉山館福州府城勝境也王荔丹  
 葆辰 孝廉請為弟子辭之而待以賓友之列十六  
 日奉札調補臺灣兵備道二十六日卸鹽道篆移  
 寓姚宅福建票鹽志畧成十月初二日五更夢游

年譜卷一

聖

朱子祠蓋余所指脩而功未竣故夢中猶記之也  
 楊仙夢太守來執贄初九日起程東渡文武傾城  
 走送而壽山及小濤復請留一日允之十一日五  
 鼓開行阻風柏秋十三日泊南日澳時猶在福清  
 界也成留別壽山七言律詩二章十四日至莆田  
 之安海守風一日十七日抵臺灣從行者妹張妾  
 王三從姪文銘甥李繼曾甥女張妹入城寓海東  
 書院十九日成通飭各屬潔清自愛各抒己見札  
 稿曉諭全臺軍民士商示稿二十一日接篆盡革  
 陋規并免辦差二十二日成諭嘉義土豪吳志高

小西腴山館主人自著年譜

劉德元諭稿二十四日遷至道署自是早起閱近  
 思錄辰刻辦事未後閱親兵技藝二十九日觀風  
 初二日月課初八日調取觀風月課優等生童而  
 試十一日出榜撰訓士告示十二日坐堂獎賞生  
 童十五日成通飭府廳縣清理獄訟示稿二十日  
 作祭徐樹人中丞文旋奉左公札以籌餉出力蒙  
 恩賞加二品頂戴連日作調補臺灣道并 賞  
 二品頂戴謝 恩并到任日期暨奉  
 上諭責成鎮道實力經理條陳大概情形各摺稿訪施  
 進士瓊芳定明年海東書院主講之約前人所屢

年譜卷一

聖

請而未肯從者也三月初成福州李忠定公祠堂  
 記諭彰化舉人蔡鴻猷生員陳玉盤札稿初十日  
 遣吳子俊帶隊之彰化十八日定籌議海防稟稿  
 二十六日訊參將林鵬程游擊陳兆熊互訐口供  
 案纏已久省中迭次委查而未能結以一堂了之  
 二十七日南路三屯屯弁隊目為立萬民織並立  
 海嶠福星扁額以屯餉至余到任嚴催始能領得  
 故也作楊臥雲希閱所訂李忠定公年譜序先是  
 彰化有拒捕戕官之案首夥要犯未獲該令撤任  
 留緝始獲案犯數名以陳文為首犯定讞由府轉

八二五

詳將處決矣舊例決犯必由道過堂畫供後方行處斬陳文過堂泣訴其冤余檢卷贖首犯的係陳魯陳文其黨誅之無詞而誣為首犯則不服發府覆訊府執前讞者再并請由道專案奏報了事余再駁斥必得首犯治之乃已久之首犯未得該縣遂將該犯案由盡行更改倒填年月通詳大吏暗中屬託人在省打點為規避處分地步果奉撫部札飭以該犯情證確鑿即由道就地正法自行奏報余守初議愈堅將前後情節明晰復撫部無奈何奏明飭令該縣勒限緝拏正犯而陳文之罪

年譜卷一

哭

無可謝其枉則已伸矣又新左營勇丁因黑夜觀劇調戲良家婆婦被鄰右羣毆翌日而斃鎮軍及營官必欲得犯抵命飭臺灣縣嚴拏該令多方購獲在場肆毆者一名欲擬抵余謂律有故殺擅殺誤殺之條情罪迥別彼特隨眾共毆未必有故殺之心當以誤殺論而案乃定余之不忍妄戮一人類如此余未東渡之先臺灣紛紛思亂至冬防更甚幸視事兩月人心大定結盟樹旗地震風災並未竊發各營亦無噪餉者鄙人藉此臧拙可謂天幸矣

六年丁卯四十四歲

是年在臺灣

正月成薪脩道山朱子祠記一首又成黃席聘侍御家傳一首定水陸兵制義學章程二十日拜發晚稻收成并附陳辦理地方情形一摺一片二十三日成陳孺人傳饒唐高望曾之妻也先數日商請劉鎮軍帶勇赴五虎蔡緝拏著匪并派臺邑白鸞鄉嘉邑鄧宗堯鳳邑吳本杰同行訊供是日鎮軍回就地正法者七人而曾文溪向之劫案層出者至今絕矣成抄輯時人古文小序一首二月作訓士訓民錄自序調取書院超等生員陳月三施

年譜卷一

哭

學珍孫如林盧元亨方斫至內署面試黜去陳旌二生之文理不符者而抄襲之風少減跋自輯會候相左爵督及時人奏疏各一首三月成籌改海防奏稿十一日遣黃西春帶本部與新左營同赴學甲莊搜捕餘匪而以土人朱必昌為嚮導次日得朱必昌受傷之耗該莊廬集萬餘人洶洶欲圍幸鄧令宗堯趕至呵斥之乃散然犯無一獲也復用白令言招嘉紳陳熙年往學甲助之而美國總兵官費與駐廈領事李讓禮來見以該國有輪船名羅妹者至鳳山瑯嶠洋面遭風擊碎船主等登

岸被砲礮山生番殺十二人欲爲興兵報復其氣甚銳內憂外患萃於一時亦甚費手矣余再四閱導夷酋欣然而去閱日吳子俊自彰化親解僞大都督趙蘊來郡卽屬其前赴學甲調和黃西春與新左營毛副將惠德等二十一日得報學甲拏得正犯四名誅之官威自此伸矣二十三日復得西春書與吳子俊鄧子敬攻破滬汪匪莊獲賊甚夥閱日又攻西港仔匪莊得著匪一名立誅之四月四日西春等自學甲撤隊回成勦辦土匪奏稿是時久雨心常鬱鬱默禱於天至二十二日始得放

年譜卷一 兇

霽二十四日奉去冬批摺回尙蒙獎借次日於勦辦土匪奏疏外作附片稿是月新任吳督派人來臺密查余置若弗聞五月二日拜發修造戰船拏辦土匪并自陳辦理情形兩摺一片十四日作合眾國兵船至瑯嶠報復生番奏稿是日接行知奉旨加按察使銜次日卽作謝恩奏稿接壽山筱濤書兩院新來於前任事大有更改是時全臺紳商知省中大吏意在報復左公宿嫌圖爲牽制鄙人之計知余有意求退也合辭臚余治績赴省願留余峻卻之十四日澎湖紳士以賑濟迅速

民沾實惠臺商以土匪斂戢商旅暢行來送牌繼近日又傷亢旱恐誤晚稻栽種正擬設壇祈禱次日大雨連綿天人相感之理如此益用寅惕成臺賜書事五言古詩一首每月十一日新添詩課皆面試親爲指點自此臺灣諸生詩學大進差爲一快及見省中舉動畏夷如虎而於貪鄙昏憤之夫無不獎進又不禁爲之悶悶也七月二十二日奉到六月十二日批摺二十九日作早稻收成一摺一片奏稿八月初九日奉到洋番交涉批摺回而李領事亦至吳制府以余前書力陳生番不

年譜卷一 辛

可剿夷人不足畏之狀大拂其意奏明責成鎮道辦理是時余早圖引退坐此羈絆未便上陳乃謀之劉簡青明燈鎮軍與督委前鎮會輯五元福臺防王柳莊文榮會同領事李讓禮前往圖之而自留鎮守全臺并爲籌畫軍餉二十日成寄周壽山七言律詩一首又成送劉个亭七言絕句一首并上乞病之稟其時天熱事逆體已憊矣成五言律詩一首重九日送黃西春之鹿港廳任成送行五律四章十三日余峙亭來自艋舺述及滬尾何酋爲霖兇橫謀奪樟柖之事紊亂二百年軍工廠舊

章殊堪痛恨然大吏畏夷無如之何因默授機宜  
 令峙亭回艤相機圖之以求保全地方匪直樟枳  
 一事已也連日外閒議論琅嬌一案李酋反爲番  
 子求和而劉鎮不允余正憂其貪利忘害十八日  
 簡青移軍大繡房莊以勦撫兩策相決余乃手陳  
 不可勦五條以覆之力主和議禍福願獨肩之次  
 日曾輯五書來洋番和議已定局矣未三日而督  
 撫密函謂布國有輪船於同治三年在臺灣梁各  
 口遭風失淺被搶人職未獲欲仿照美國瑯嬌故  
 事願以兵船助剿來相恫喝毋論此案已據前臺

年譜卷一

三

灣府陳芍亭烈查覆并無梁各地名亦無布國  
 洋船被搶之事就令有之何以事隔三年復翻成  
 案夷人之狡悍固可惡而大吏之異懦更可恥也  
 十月朔王柳莊自瑯嬌回述及李酋頗有勾結生  
 番賄通閩粵客莊之事余早逆料及此曾致書柳  
 莊設法破之柳莊能從吾言未墮李酋之計若簡  
 青一味主勦雖係虛聲然生番與客莊愚而昧事  
 必真以爲官兵不能相容反不如夷人之愛我其  
 後患乃更大耳日來省中小人藉端傾陷情狀大  
 露而臺中巧滑從而應之悲憫之懷恨不獲質諸

彼蒼否則將挂冠而去矣二十五日自定旌表節  
 孝奏稿蓋舉報節孝例由督撫學政會題余憫臺  
 俗淫佚故破例由臺徑奏以省經費而期迅速有  
 裨與否不敢計也欲上第二次乞病稟而前乞病  
 之稟甫上正值全臺紳商公呈籲留兼督英撫部  
 李乃優批慰藉不準引退冬月初四日赴彌陀寺  
 城隍廟上杭街保安宮各義塾面閱捐設義塾幼  
 童工課十六日作三次請病假稟十八日獎賞各  
 塾幼童各歡欣叩頭而去十二月查覆布國洋船  
 被搶之事聽督撫如何咨呈總理衙門能使布國

年譜卷一

三

聽從甚好否則聽之亦不懼也連日亢燥鬱蒸久  
 於臺地者均恐有地震之災余夜半焚香籲天願  
 以身獨受其罰初七日竟得大雨地氣宣泄無虞  
 震動矣爲之寅感不已先是英將軍兼署督部得  
 余二次乞病之稟准予內渡就醫備議瑯嬌設官  
 添汛之事必自余定之余不喜設兵而劉鎮則謂  
 非設兵不可以將軍催議不能延緩乃撫拾與署  
 府葉峭巖宗元前議少設塘汛營兵以應之而佐  
 以屯弁屯丁或無大礙也十一日覆巴陵吳南坪  
 敬樹先生書并次去夏見懷七律元韻一首十三



日面試教讀楊元鴻取課幼童亦多能成誦者孰謂臺人獨愚亦由無好官倡導於上無明師益友切劘於下故墮於荒陋耳次日復召幼童當堂獎賞之十九日定續辦土匪奏稿二十二日成書事五古一首又成贈福州某某七律一首以紓牢憤又成五古兩首是年全臺安靖南北千餘里道路通行紳商士民無不歸功鄙人而不知鄙人此一年中因省中有人圖報左公宿嫌藉端掣肘吾之志厄而不得伸者多矣嗟乎天實爲之謂之何哉七年戊辰四十五歲 是年在閩冬臺灣進退志成

年譜卷一

三

先是除夕得嘉屬後大埔葉陽春山外匪徒結會行劫之稟余料其必爲大土豪吳志高作眼線也緣志高近頗斂戢而嘉義在城紳士恨其舊惡謀之鄧令劉鎮圖之陽春志高中表親戚察知消息故爲此以探鎮道之意或又言其入內山以爲巢穴者余憂劉鎮鄧令之輕舉妄動也故於稟中批示明切一破其疑一杜其勾結內山之計且俟相機圖之以爲穩着耳委嚴合成儀署嘉義篆拜發晚稻收成一疏又請旌節孝一疏二月成送黃西春五言古詩四首定保舉勦辦土匪及辦理合眾

國與傀儡山洋番交涉案奏稿望日成雜感五古一首十七日護道梁守來臺十八日交卸二十日臺郡郊商迎余長生祿位借奉於水仙宮演戲慶祝又以余去在卽有涕下者次日赴安平祭江神歸過水仙宮正各商供余長生祿位於殿中而演戲於廟外鄙人視之不覺涕下矣又有淡水廳在籍布政使銜捐職道員林占梅再四求見緣伊有重案懸擱數年抱病來城力求昭雪不料余卽交卸聞耗神魂俱喪黃莊氏一案亦積年未結奔赴來城欲及余在臺爲之了當甫至而余已卸事若

年譜卷一

三

輩固蒼黃若失鄙人亦撫心怛怛又次日滿城紳衿士子以余長生祿位衣冠奉迎游城并以鼓樂隨之本署書役亦供長生祿位於公廨二十四日辰刻出城沿街香案排於店內滿城紳商士子送至離城十五里之安平并有送至海邊亦有登舟出洋至四草湖相送者鎮道及文武各官亦同送至安平午刻乘船出海至四草湖上船二十五日阻風夜半開行二十八日午正抵番船埠寓上杭街福森春棧東道主人則楊子恂太史也三月二日周壽珊夏筱濤邀赴馬尾見沈幼丹 葆楨中丞



小住三月初八日遷居三牧坊公館十四日送壽  
 珊等赴滬採辦軍米運津門其時捻踪已至天津  
 征兵四集故也未幾沈幼丹中丞奏報鄙人病痊  
 以提調船政為請奉 旨允準與梁禮堂鳴謙吏  
 部訂交同孫少彭大令閱視道山朱文公祠余所  
 捐修也四月從楊卧雲處借得所臨劉海峯批抹  
 壯梅堂稿臨之閒出己意斷其是非又臨卧雲所  
 臨梅伯言圈點五代史記本并跋於後閏四月從  
 卧雲處借得魯山木文集閱之新城之倡為古文  
 詞者又借得姚惜抱莊子章義圖識評註臨之於

年譜卷一

五

所購莊子翼上并係跋語二十一日壽珊自滬歸  
 敘及相侯曾公於鄙人頗為眷眷亦知前此之佑  
 唐為非事久論定不能誣也五月初三日邀同壽  
 珊卧雲禮堂笠雲宴於小西湖壽珊成七言律詩  
 一章次韻和之又題徐清惠書于清端在柳州羅  
 城與友人書卷子又次壽珊和卧雲客感原韻七  
 律一首又和壽珊用杜公詠懷古跡韻五首并成  
 徐清惠公墓志銘六月十二日奉督院行知前在  
 臺灣保舉文武各員已準部咨奉 旨允準又代  
 沈中丞作祭江神土神文緣船台濱江為大潮汛

所醫築石隄禦之屢成輒毀沈公自請嚴議自為  
 文祭江神土神之後石隄成而船台無恙矣二十  
 四日又感寒疾適接總理各國事務衙門書催予  
 回任以臺灣道缺最緊要不能任意由外委署幼  
 丹中丞為設法留之從卧雲處假得太乙舟山房  
 文集閱之蓋守惜抱家法者七月為卞頌臣寶第  
 中丞題我園話別圖卷子又撰陳氏二烈婦傳從  
 卧雲處借得吳仲倫初月樓文鈔閱之文體潔而  
 不蕪屈而不突議論亦有根據於古文可謂能知  
 正法眼藏者矣作同里陳玉海孝子傳八月閱朱

年譜卷一

五

梅崖文集又從卧雲處借得張皋文茗柯文集大  
 雲山房文集從禮堂處借得沈果堂集閱之二十  
 日復同劉个亭章子亮吳子俊遊鼓山留詩別去  
 其詩長善甫慶協領刻之喝水巖石上成李恕皆  
 觀察墓志一首又作諸暨農夫包立身傳甫成忽  
 奉飭催回臺灣本任 諭旨并飭查劾劉鎮不職  
 之狀而余知臺灣事多掣肘斷難成功已先一日  
 稟請開缺矣次日復感寒疾病中再稟求開缺兩  
 院優批慰留并俱親臨勸慰余以病辭不見三上  
 稟求開缺詞更迫切督院復遣心腹長善甫慶協

領楊楚雲在元中軍來勸復堅辭之旋聞兩院已  
代奏請開缺而劉克庵典中丞書來決計請余入  
關共圖補救先是幼翁有請余爲輪船統領之議  
重九日與禮堂同定章程十條禮堂屬草而余潤  
色之一定官制一定廉餉一定操練一定日期一  
定賞罰一定脩整一定運餉一定分段一定巡緝  
一定探報禮堂又草輪船請設統領疏稿余附參  
管見而潤色之洋洋大文也十月臥雲處借得魏  
叔子日錄閱之叔子蓋志於文而求幾於道者也  
禮堂以詩相贈亦賦七古一章答之閱朱竹垞文

年譜卷一

五七

集乃悟筮法以本卦爻辭爲斷積疑爲之頓消十  
五日挈眷居番船埠麥晴川花園風景大佳閱閻  
氏尙書古文疏證畧有進處從此將治尙書二十  
四日聞余開缺摺已奉旨允準是時臺灣進退  
志成十六日率章子亮張小齋暨僕周三元登  
美也駕輪船二十日抵上海寓陝甘採運糧臺次  
日往龍門書院訪劉融齋熙載甲允道遇方存之  
宗誠即過存之寓邸存之贈儀衛軒文集姚惜抱  
年譜游定夫文集閱一繙閱各識數語又得閱存  
之續編古文爲小跋遺之二十七日搭快也堅輪

小西腴山館主人自著年譜

船十二月初二日抵漢口次日過江訪何小宋璜  
護院留晚餐未終席叩城門而歸詰朝仍回漢口  
阻風三月初八日爲子初度風息開行晚泊金口  
成七言律詩一首舟中閱胡文忠遺集一過十二  
日至岳州吳松巖贈以李次青所撰國朝先正  
事畧槎觸身世忽忽不樂因三分日力以一分閱  
漢書一分半閱先正事畧半分閱惜抱古今體詩  
望日舟次益陽泉交河詰早訪周壽山而雨雪載  
塗風狂如虎行半日僅五里許乃寄書壽山次日  
壽山來談竟夕十九日早壽山歸舟繞沅江西上

年譜卷一

五八

成贈沈幼丹中丞七律兩首二十五日泊常德成  
憶臺灣七律一首壽山自益陽專足投詩次韻答  
之二十七日補成小除七絕一首除夕舟次桃源  
掛榜山泊是日陰雨滂沱氣象慘淡成七言古詩  
一章

小西腴山館主人自著年譜卷一終

八三一

小西腴山館主人自著年譜卷二

沅陵 吳大廷 桐雲

八年己巳四十六歲是年赴陝旋回閩中秋沅陵吳氏宗譜成冬女孫寶珍生

正月初三日成儀衛軒文集序一首初六日申刻

抵茅庵登山謁先母墳墓酉刻歸家孫男永繩

已牙牙玉立矣而老屋數椽漸已積敗竟無託足

之所閱數日往後山掃墓適接劉克庵中丞催赴

陝西之書十六日復往拜雙親墓以次徧謁

祖墓閱數日登新建文昌閣形勢據一郡之勝決

其必發科目適淑浦舒河槎其錦廣文辰谿劉幹

年譜卷二

臣永建廣文來皆廿年老友別而未見者二月劉

个亭邀飲於鳳凰山余舊時讀書處也作傳家至

寶課兒工課初九日五鼓大雨不忍與老妻女媳

作別乘閒登舟十二日至桃源晤郭蘭生世欽孝

廉十四日泊常德邵陽周琳圃秉圭太守及其子

賓卿已來此相候久矣二十五日泊沙市留書與

王子壽柏心刑部之十七日盤堤走小河三十日

至黃家嶺三月朔至河洋易舟初四日抵鍾祥義

河口吳子俊留住二日初七日子俊同行初十日

抵樊城十五日先遣章子亮赴閩二十三日過河

南浙川廳自樊城舟行至此閱唐詩別裁一過二

十四日抵紫荊關途中閱王船山先生讀通鑑論

四卷頗有奇闢創解未經人道者四月朔抵龍駒

寨局員黃澤浦備公館以待初三日抵商州謁四

皓祠初六日過秦嶺拜韓文公祠又訪碧天洞藍

橋極高之山俗名爲湘子廟也次日過七盤坡初

九日進西安長樂門沈吉田應奎朱蘭田瑛先後

來見次日晤袁小鵬保恆學士復晤王孝鳳家璧

京卿於關中書院同子俊游西安府學碑洞次日

訪翁玉孚同爵方伯英伯文奎廉訪楊□□光澗

年譜卷二

太守十三日同子俊赴三原縣留行李於西安令

張小齋守之次日謁克庵中丞於大營時方因公

與左公相忤人頗惶惶余爲力解之克翁以余來

有裨大局維繫甚殷十六日辭赴乾州次日抵營

左公極依依故人之意二十二日克翁之弟劉樸

堂倬雲太守來見意甚懇摯二十五日奉左公委

督辦駐陝軍需之札吉田仍改爲提調張子衡岳

廉訪來自汧陽出鐵瓶詩相贈且乞序言甚力

其時住營十日左公亦時以克翁不能和衷爲言

余又力解之二十七日辭赴三原反覆闢說督撫

之嫌盡釋克翁款留久住而余不能待矣五月朔  
自三原啓行晚抵南院制府行臺卽駐陝軍需局  
也甫行文知照各營各局暨地方官忽奉左公轉  
行沈中丞奏調時已奉 廷寄諭知湖南巡撫劉  
峴飭催余回閩襄理船政不得延悞等因蓋不知  
余已至陝也初七日林穎叔壽圖方伯來始訂文  
字之交時以軍餉支絀建議樊城抽收鹽釐先令  
子俊回襄陽十二日爲擬抽收河東鹽釐疏稿援  
古證今詞旨頗暢十五日同陳淀生乃瀚太守游  
大小鴈塔次日游灌園西安城中園林僅有之境

年譜卷二

三

也又從筱鵬處得閱董香光所臨涪化閣帖眞跡  
十卷差爲眼福成吳氏先墓表一首其時左公以  
疏力舉鄙人主河東釐政疏云至西北餉源素絀  
本無可開之源然古今才臣籌餉贍軍每多取資  
鹽務就陝甘而論陝食河東之鹽甘食花馬池鹽  
池之鹽各有引地頻年回捻土匪肆擾陝甘遍遭  
蹂躪花馬池鹽池之鹽因路梗不能暢行每鹽一  
斤須價百數十文甘之殘黎時苦淡食臣擬俟北  
路之兵進至花定卽當妥爲辦理其河東之鹽雖  
頗暢銷鹽價仍形昂貴西安市價每鹽一斤須錢

七十餘文乾州市價更貴軍民苦之而河東場產  
不旺細掣時形短絀臣聞河東一道除每年正雜  
各款開銷浮費竟至一百餘萬兩之多而應解甘  
餉五十二萬兩則積欠甚鉅一任呼號敦促從無  
一次大批旺解者查河東鹽務本係先課後引庫  
款現存至五十餘萬兩縱不能全局通籌隨時接  
濟亦豈可坐視飢軍待潰不展一籌乃該道則必  
俟一年而始開甲綱之銀遞年積壓儼成定例殊  
不可解前任道員楊寶臣廉倨有聲不曉事理現  
任道員李慶翱鄙詐成性惟解鑽營宜乎陝西之

年譜卷二

四

釐務不能振興甘肅之餉源日形涸絕也臣前在  
閩浙因鹽務敗壞至極奏調道員吳大廷署福建  
鹽道變法疏銷積引力除中飽通計一年徵獲銀  
六十餘萬兩而商民稱便臣去閩後照章收課聞  
每年仍可四十餘萬兩足徵理財在於用人有治  
人而後有治法古語匪虛河東鹽道一缺若能廉  
能勤慎如吳大廷者委任而責其成功則浮費必  
裁正課必裕效可逆睹而甘餉亦期其實濟矣臣  
因餉事奇絀焦灼萬分偶有思慮所及不得不瀝  
陳於

君父之前不自知其有當與否謹據實附奏云云其意甚殷然余已奉 旨飭令回閩遂上書左公婉辭南歸六月朔得左公覆書準令回閩料量赴天津驗船事竣再行西上初二日成曹君殉難記一首克翁筱鳴均各餽贖卻之初五日自西安南下初八日過商州初十日抵龍駒寨次日登舟過紫荊關十四日過老河口次日抵襄陽十六日薄暮渡江阻風十八日開行二十三日抵漢口范鶴生來自武昌留住三日二十八日登輪船七月朔抵滬上成張子衡鐵瓶詩鈔序復與劉融齋中允相見

年譜卷二

五

道德之氣靜對久之使人之意也消初六日由輪船赴閩十一日抵番船埠萬閱日捐俸千金寄本邑為鄉會試寶輿之費二十六日赴黎召民兆棠觀察之召十年舊識余薦以作替人者也八月初楊卧雲代草宗譜成仍自為訂正其時壽山復攜眷來閩勸之入隴十七日別去二十六日同沈中丞等祭告天后即迎其神牌供奉萬年清船上並祭江神土神申正展輪率船北上管駕官為副將銜南灣游擊員錦泉黃丞維煊張縣丞家澗小齋文案委紳林弼士毓辰伴行者為周琳圃九月初

二日抵滬初三日蘇臬李眉生鴻裔同年來訪別已五年矣而情意彌厚初五夕送壽山登舟赴隴十一日展輪出吳淞口十五日泊煙臺故人厚庵之子成雨林印來見並出余所寄若翁書札見示午後開行暴風忽起三晝夜不休瀛壚損壞其勢甚危貝將出新意修整十九日風少定展輪二十日進大沽二十一日泊紫竹林謁同年崇地山厚侍郎訪天津道周琳粟家勳同年陳仲荃翰芬觀察二十八日寄曾侯相書其時候相方督畿輔是日奉 旨委崇侍郎勘驗萬年清輪船十月初

年譜卷二

六

二日崇侍郎登萬年清船初四日始抵大沽口詰早出欄江沙外演礮演操畢乘風進口回泊大沽侍郎登岸覆奏初七日同黃丞貝將暨張小齋乘車北上初九日入都陪軍機夏芝岑獻綸同年次日謁鄭筱珊欽大司馬同年許星叔庚身鴻少同寅陳子敬欽農部二君一直軍機一為總理各國事務衙門總辦訪閩人黃濟川貽異中翰歸憩寶慶館又次日訪同年朱敏生智鴻少為頭班軍機領班閣讀江蓉舫人鏡同年為二班副領班十一日進內城謁見 恭邸極蒙優待暢談至時許

始辭出復謁賈佩衡大司農是大軍機而當國者談至兩時許已戌刻矣辭出憩楊理庵泰亨太史寓次日謁譚竹崖延襄大司馬總署之堂官也訪左翼總鎮榮仲華祿都護歸憩理庵宅次日訪閣讀學希虞臣凱座師花松岑沙訥冢宰之令嗣也訪舊友銘鼎臣安閣學同年成竹坪林光祿蓋新得總署堂官者十五日訪郭子新錫銘助教出城復訪朱敏生潘伯寅祖蔭少宰憩芝岑處次日訪閩人林錫三天齡太史同年又次日軍機二班領班朱修伯學勤光祿召飲始獲把晤復赴

年譜卷二 七

己酉值年諸同年之召飲於芝岑處歸憩興勝寺明日與黃子壽彭年太史相見彼此聞名久矣而今忽同居寺內幸何如之十八日謁見倭中堂謙待有加次日謁李蘭生鴻藻侍郎

今上之師傅也觀其風度端凝器識嚴重的是端人次日入內城到內閣總拜同僚帶黃貝二人赴總理衙門相召之約而堂官譚大司馬毛旭初祖熙總憲董永卿梅大司農成竹屏光祿僅延余入見內花廳談片時散竹屏同年復遠送余遂邀至東文案處請與黃貝二人相見面加獎勵二十一日訪

小西映山館主人自著年譜

同鄉黃恕皆侍郎並謁沈經笙桂芬總憲次日飲酒醋局恆仲年延家是日接會候相書於福建鹽道臺道兩任極蒙獎借並云官聲在江南即逃聞之蓋不通書者已六年矣二十三日赴同年楊禮南秉璋學士之召次日二班軍機復公宴於湖廣會館訪同年景劍泉其潛學士又次日南齋翰林已酉同年黃孝侯鉅乙卯同年歐陽用甫保遜孫子壽貽經李若農文田公宴未終赴鄭筱珊大司馬之召二十六日林心北拱樞邀赴天甯寺會飲次日頭班軍機復公宴於湖廣會館燈下又赴

年譜卷二 八

李未彥常華同年毛申甫鴻圖同僚之召二人皆總署總辦皆官戶部以海關道員待簡者也次日江蓉舫見召與故人秦澹如細業觀察相晤飲酒極醺秦逸亭炳文繪宣南話別圖相贈次日赴袁子久保齡中翰之召酒半文大家宰祥引見於內室陳子敬陪子敬復括余言稟請恭邸傳見貝錦泉獎以袍褂荷包小刀等物冬月朔貼出都二字於門與黃子壽談論時事極相得午後過門人賈如亭春暄主政處與子敬談海疆大計初三日芝岑來訂蘭交周琳圍餞於東興居酒罷諸友復

八三五



走送至沙窩門外而別初五日至天津員將已於是早赴大沽口去矣次早乘輿抵大沽口河已成冰員將昨赴大沽即駛赴瀾江沙外去矣憩海關委員高淇之處初九日同小齋礪士自大沽乘車走滄州鹽山入山東武定濱州是夕有紅燈引路過萊州黃縣行十有日至煙臺二十二日登萬年清船展輪南下二十五日抵滬時劉蘊山已從浙來滬本定二十八日啓行劉融齋中允留飲飲畢與蘊山礪士小齋過邑廟湖心亭二十八日決計啓行而船上水勇被搶復留一日次早登舟十

年譜卷二

九

二月朔抵甯波黃芍巖少春軍門來船相訪並約次日戲筵辭之未刻進城答拜芍巖初五日泊鎮海初七日至馬尾往見沈中丞遂乘小輪船回梅花道旅寓十八日蹴居馬尾山上遂留此度歲是年周歷十一省往返數萬里成詩一百十餘首工力較前大進矣

九年庚午四十七歲

是年五月赴津十月到江南上春二月六日納姬劉氏蘇州人夏劉海峯古詩選成

正月成題瑞芍軒詩鈔五律二首閩海歸裝圖七絕一首評點國朝二十四家文鈔一過上倭相國

書二月初三日奉督撫將軍船政大臣會奏委赴天津驗收闕米十萬石札子此差屢辭不獲初六日納姬劉氏蘇州人蹴居水流灣之半野軒閱讀史方輿紀要海運考禹貢錐指總論及凡例海國圖志三月朔成英薈巖制軍七十壽序送下頌臣中丞回籍迎養序閱劉靜修楊椒山兩先生詩文晤劉炯甫存仁時自甘肅奉差回省得閱其篤舊集岷雲樓詩選奇懷周壽珊甘肅七律一首五月手抄劉海峰五言古詩七言古詩各若干首序之省城地震二十三日自馬尾登萬年清輪船率諸

年譜卷二

十

委員赴滬韓旭初與馬成送別曲一首得天津民人戕殺法國領事暨各國夷酋男女二十一各之信黃子穆貝敏修二人皆熟夷務者聞天津信皆畏懼不敢去余心鄙之決計前往六月初八日展輪初十日泊煙台十二日進大沽口次日泊伍家嘴成東劉融齋中允七律擬古詩五首潘伯寅七律二首十四日抵津楊見山暇同年來見備道曾相盼望甚殷其時奉命來津查辦津案遂即往謁並晤其幕客吳擊甫汝綸直刺閱日曾相枉過並召員將見之又數日擊甫書來曾相有留辦教



堂案之意得晤陳荔秋蘭形 主政已聞夷人要挾  
有開兵端之意遂見曾相力請調兵防備先發制  
人允之二十四日起著讀書隨筆蓋處亂時調心  
之法也而夷首仍肆要挾強以必不可從之事曾  
相復欲留余襄辦並令代擬復法普照會又以書  
與曾相勸其力持正論以拒邪謀而備豫不虞以  
爲可戰可和之地次日曾相召與計事復力言之  
曾相於是乎有定見矣七月成津門感事五律四  
首初五日毛旭初和熙 大司空奉 命來津會辦  
津案通商大臣崇地山侍郎所奏請者謁見後得

年譜卷二

二

晤吳子健元炳 學士劉雲生員外陳子敬郎中樞  
杏耘觀察諸君相與縱論夷務曾相並稱余別後  
不但學問經濟長進卽作人亦甚長進之語成秋  
夜不寐五古一章盼曾相又稱余有豪傑氣有不  
待渡圖五古一章晤曾相又稱余有豪傑氣有不  
避艱險之志爲近時罕有又成津門寓內五律一  
首盼家書不至五古一章二十六日丁雨生日昌  
中丞自蘇州奉 命來津幫辦津案又成醉後放  
歌七古一篇臨榆王小琳紹元 自籍來見八月方  
存之自保定來同飲曾相處成中秋七律一首次

日存之來極言津案辦理之非而咎曾相之不能  
納言用人語意切直蓋指曾相用地山侍郎之言  
將府縣奏交刑部治罪用兩生中丞之言徧拿津  
民議抵兩事此兩事誠爲失體余曾力言之曾相  
頗似採納自 朝廷屢派大臣來津余遂不便再  
參未議矣二十七日李少荃鴻章 協揆自西安來  
新調直隸總督曾相仍回兩江會逢江督馬穀山  
被刺開缺故也九月晤史繩之念祖 是介方存之  
來見者年雖少而頗慷慨可造也初七日曾相奏  
報閩米運竣代某聲明受 恩深重不敢仰邀議

年譜卷二

三

敘而另片奏調江南綜理輪船操練事宜極其推  
重疏云前任福建臺灣道吳大廷於同治七年在  
臺灣道任內因病呈請開缺回籍調理八年三月  
經沈葆楨奏請起用奉 旨諭知湖南巡撫飭令  
迅速回閩襄理船政該道病痊遵 旨復出以八  
年七月到閩旋經督解萬年清輪船赴津請驗本  
年又經奏派運米赴津驗收臣 查該道學問淵遠  
才識闊遠前因李續宜奏調來皖常在臣 營卽擬  
儲爲 國家異日之用後入浙閩睽隔數年此次  
來津適臣 查辦津案屢與接晤見其學益精才益

鎮議事尤有通識洵堪勝艱鉅之任目下沿海防務亟宜籌備閩滬兩處鐵廠成船漸多而未嘗議及海上操兵事宜該道熟悉船政於兵事洋務講求有素近來南北往返屢涉重洋不畏艱險擬請調至江南綜理輪船操練事宜徵臣稍資臂助該道久駐閩廠閩滬亦可聯絡一氣於整頓海防實有裨益云云十二日 批回奉 旨允準重九日登天津玉皇閣成七律二首二十三日送曾相入覲至楊村而歸二十七日別天津二十八日登萬年清船十月朔抵煙台初二日展輪有無數大

年譜卷二

三

魚貌均奇怪向南拜舞與船相近者半時俄而逆風大作船極顛簸初五日抵上海得沈幼丹中丞丁艱督撫奏委鄙人與夏筱濤代理之信十九日晤上海道涂朗軒宗瀛二十四日劉姬自福州來二十九日張氏妹王姬暨外甥女姪子新來自福州暫憩陝甘糧臺閏十月初三日挈眷遷居大東門外花衣街寓初四日至吳淞看花旗大兵船演礮點定魯山木文集成曾相六十壽序十六日率梁寵亭榮錫乘馬莪園復震總戎所帶操江船赴江甯十八日泊瓜洲口易舟赴揚州抵鈔關翌早謁

見曾相旋回瓜洲晤曾劼綱紀澤李眉生二十日抵金陵下關二十一日進城寓甘露庵洪琴西汝奎周漸遠玉鴻來見晚謁曾相商議公事次日孫琴西衣言勒少仲方筠梅小巖啓照張世堂福年凌曉南煥賀幼村緒蕃來二十六日往謁吳竹如先生廷棟蓋一生宗程朱者次日再見曾相二十七日復至曾相處辭行二十八日乘金蓉齋榮都司所帶測海輪船午刻泊焦山下登松寥閣枕江閣憑眺久之二十九日回滬冬月朔冬至開局擬定專留操江測海二船泊滬操練稿校定耶溪文翼

年譜卷二

十四

成吳竹如先生拙修集山木居士集書後各一首定操練章程四條成輪船製造操練問答中國駕駛輪船應用洋人抑用華人問答各一篇十二月閱王白田先生朱子年譜得閩札以鄙人運津之役奉 旨交部從優議敘同陳荔秋容菴甫閱至虹口看花旗兵船十八日感冒寒嗽大作二十二日范鶴生來自杭州成繙譯外國書籍議一篇司馬溫公功名論書後一篇留鶴生度歲十年辛未四十八歲是年在上海夏六月次孫承緒生元旦謝客閱昌黎集成送范鶴生回鄂五言古詩

一章得會相札第四號輪船成令余綜理具報即  
 委金都司榮管帶而測海船改委徐參將傳陞試  
 帶初四日率操江測海威靖三船出洋操練槍礮  
 舟中閱王漁洋唐人萬首絕句選十三日復率測  
 海威靖兩船至川沙演礮十七日登威靖船十九  
 日至金陵謁見會相次日謁鄭筱珊大司寇係奉  
 旨會訊馬制軍刺案者晤獨山莫子偲友芝孝  
 廉蓋別已六年矣二十七日回滬二十九日閱測  
 海洋槍隊二月朔閱操江操礮初三日妾王氏妹  
 張暨甥女輩乘測海回籍骨肉分離惻惻殆不自  
 支

年譜卷二

勝十一日成泰誓中一篇成送李儲源回巴陵五  
 律一首次日成泰誓下篇十八日赴蘇州舟中成  
 讀韓昌黎上陸祠部員外書書後一篇二十日抵  
 蘇州成七絕四章次日謁張子青之萬中丞晤何  
 子貞紹基太史飲李眉生廉訪處二十三日遊虎  
 邱成孫琴西遜學齋文集序成蘇州雜詠五首與  
 王少鶴書一首自蘇州回上海七律一首二十七  
 日回滬後成孫文靖公泰雲堂集序三月成收誓  
 篇初十日成武城篇十九日成洪範篇二十四日  
 成旅葵篇二十七日率威靖測海出洋次日至普

小酉腴山館主人自著年譜

陀山操演槍靶畢過前寺上佛頂山過後寺至梵  
 音洞屬威靖天文司招毅生錫恩測日經緯度數  
 復用速率表測每半時行船之里數次日過銅沙  
 命威靖操泰西陣法行船打靶四月初三日至吳  
 淞閱操槍隊回滬次日登恬吉船看操各技俱皆  
 純熟初九日作編隊伍聽號令嚴紀律勸功名四  
 絕句訓輪船水師十四日成金際篇望日赴吳淞  
 閱法夷鐵甲兵船成容菴甫邀飲一粟庵五古一  
 章二十四日成大誥篇次日作札威靖管帶船主  
 訓練稿二十六日率恬吉威靖出吳淞閱操畢黜  
 去威靖正副礮手之濫充者次日至銅沙試礮飭  
 天文司用測量法求彈子之遠近里數因思英國  
 水師陣法必用羅盤爲標準方合度數方得四正  
 四隅合成圓形以語天文司招錫恩頗謂不謬遂  
 率二船復至銅沙如法試演排日復分閱各船槍  
 礮隊伍三十日回滬奉會相行知吏部調取引  
 見之案會相特疏奏留謂海上用兵創始甚難非  
 精心果力不能訓練就緒未便遽易生手並稱大  
 廷奉旨徵召復出與自報病痊者不同應請免  
 其送部引見並請俟訓練有成免其坐補臺灣

年譜卷二

去

道缺請 旨破格錄用等因奉 旨允準五月初九日成微子之命篇寄范月槎五言律詩一首成康誥篇二十五日率威靖赴崇實砂較準礮法二十六日泊普陀成五言絕句一首捕斬魚鰩五言古詩一首二十八日避暑前寺成普陀舟中晚景卽事詩一首游普濟寺五古一首二十九日遇湘陰左厚齋 暉 孝廉遂同憩普濟禪房連日操練槍礮舳舻等技分別賞罰三十日回滬令習算學徒習航海簡法六月成白衣觀音像贊次日成題畫七言絕句一首晚坐納涼五古一首率恬吉威靖

年譜卷二

七

至吳淞操舳舻陣法復至銅沙合操英國水師陣法十七日次孫生命名永緒乳名申孫成徐家衛納涼五古一首連日閱測海威靖洋槍陣法成寄寄室記取鄭少谷詩集劉蘇州攜酒過寄寄堂之意七月初十日成左宮保六十壽文十一日小病成祭周壽珊文十七日成輪船南北分巡議一篇規畫操練輪船事宜議一篇皆從泰西新法得來略參中國兵法皆未經人道者十九日擬會李伯相書辯明輪船以巡洋為操練之非其時病尙未瘳也二十三日成酒誥篇率恬吉威靖測海三船

出吳淞閱操凡四日早作夜休猶在病中也成梓材篇八月乘威靖赴金陵初六日謁見曾相范鶴生來自武昌因晤武昌張廉卿 裕 劍 孝廉初八日曾相招飲於莫愁湖上次日莫子偲招飲甚歡十一日辭曾相次日返滬成召誥篇為貴池劉芝田 瑞 芬 觀察校閱詩文稿得當塗夏徵甫 祈 廣文書並文三篇時年已八十三矣九月率測海威靖至銅沙演英國水師陣法第七圖及槍礮舳舻諸法成曾相招飲莫愁湖五言古詩一首十六日閱恬吉測海操二十五日抵蘇州晤德清俞蔭甫 懋 太

年譜卷二

六

史蓋專治漢學而兼治古文詞者游虎邱回泊陸墓二十八日至呂口謁見侯相命同住湖南會館十月初三日辭侯相先歸初四日抵滬看各船操練初七日侯相自松江來次日張子青中丞自蘇州來十一日同侯相至吳淞十二日侯相屬至寶山旋回吳淞請侯相登恬吉看操十三日早侯相屬赴寶山校場監武弁射畢送侯相至威靖後回寓十七日各船送侯相至金陵回述及侯相於沿途駕駛之時閱看各技尙蒙獎賞二十七日成無逸篇冬月初成君爽及蔡仲之命篇十三日閱三

船合操十七日乘威靖至定海之栗岡是日風勁浪高成受山墓志銘一篇十八日風益暴成送涂朗軒宗瀛按察湖南序十九日看打礮鞭午初回輪成詠鄭成功七律一首為桐城馬莪園總戎校定詩稿題七絕一章十二月初成多方篇初七日成初度五古二章次日得家書又成七絕一章十一日赴龍華閣操江測海威靖槍陣晚歸成五律一章望日成立政篇二十日成周官篇成孟襄陽踏雪尋梅圖七古一章成送馬莪園總戎回桐城七律一章二十六日成君陳篇小除夕成除夕嘆

年譜卷二  
七古一章除夕龍陽易笏山佩紳觀察來別已十二年矣三鼓成願命篇

十一年壬申四十九歲是年在上海春二月讀書參成冬十有二月妻孫夫人卒隨筆成夏六月詩經序傳合

正月初二日與笏山談時事多有合者以此嘆志同道合之朋不以久別異趨也初五日成康王之誌篇又成贈笏山七律二章初七日成鄭少谷集書後一篇十九日乘恬吉船赴吳淞過威靖船宿次早率恬吉威靖測海三船至銅沙操演陣法礮法並操舢舨成海上操兵謠五古一章二十日飭

小西映山館主人自著年譜

威靖測海再出銅沙操演陣法余乘恬吉回二十五日復由吳淞乘威靖展輪是日申刻抵普陀次日游磐陀石紫竹林潮音洞二十七日游後寺看白梅至方丈觀珠寶大士像蓋

仁廟送寺供奉者午初回輪二鼓泊銅沙舟中爭見神燈煜燦忽焉已逝不可見矣夜半搗鼓集眾操演成普陀雜吟四章二月朔成呂刑篇閱兩日成文侯之命篇初四日登威靖船次日泊江陰成七絕一首初六日登焦山得觀楊忠愍公墨跡手卷二軸筆法極似顏平原成五七古各一章歸舟又成

年譜卷二  
費誓篇次日易舟自瓜洲至揚州成七絕一章汪曉村丙焜茂才邀游天甯寺後至梅花嶺訪史忠正公墓過興教寺登萬佛樓天下之奇觀也初八日聞曾侯相凶耗亟回鎮江展輪二鼓抵金陵下關初九日早成秦誓一篇午正入城弔曾侯喪不覺痛哭十一日歸舟燈下展輪次日酉刻回滬十七日起閱陳荔秋蘭影比部詩經解而評議之為詩經序傳合參二十一日買舟赴蘇州二十三日過甬里村成宿澱湖五律一首甬里村五絕一章次日抵蘇謁見故人柯小宋景中丞次日晤何子

八四一

永慎修前輩與論學極有見並得借閱倭文端日

記二十九日至嘉興府成西樓五古一章三月朔

日晚舟至杭州萬安橋泊晤周琳粟家勳同年詰

旦出錢塘門過蘇小墳岳武穆廟至飛來峰一

緣天進靈隱寺僧人導游羅漢堂出觀冷泉亭以

韜光寺距靈隱尚數十里不及一游由靈隱右行

歷下天竺瞻仰大士像時已未初琳粟遣人來迎

遂至茅山埠登舟飲於平湖秋月亭畔飲畢移船

至孤山過巢居閣拜道仙墳聽放鶴亭旋至三潭

映月時已薄暮乃命棹還飲琳粟處次日回舟成

年譜卷二

三

西湖雜吟五首又七古一章五日至嘉興張智三

仁勳邀游南湖登煙雨樓過八詠亭會飲抵暮乃

散成七律二章成祭曾侯相文初八日成湯四如

傳午正回滬十九日與何子永書論學二十日看

操江船操演閱二日成章六峰詩序四月十六日

乘操江船至吳淞次日申刻到江陰與李質堂李

眉生相遇十八日至金陵下關二十日送曾文正

公靈輓登舟後兩與張廉卿論文極暢二十二日

邵子進順國邀游秦淮河次日同質堂眉生游莫

愁湖二十四日至下關易舟先是在金陵何小宋

署督欲委余赴總理衙門幫辦法蘭西換約之事

以為可得優保眉生曾世子劫網均極贊成而余

以和我非其志也力辭乃已二十七日過無錫小

金山登水月軒文昌閣次日抵吳門下榻眉生處

三十日游木瀆至天平山訪范墳世所稱萬笏朝

天處也五月朔同敖季和游倪雲林獅子林傍晚

別蘇州初三日抵滬初九日補作秦淮四絕句木

瀆行短古游小金山天平山七古各一章六月作

東亭成五律二首初八日出吳淞看操三日回

得涂朗軒宗藻廉訪都中書李伯相密疏保薦鄙

年譜卷二

三

八十二日詩經序傳合參成二十一日夜半醒寅

正復寐以經菽渥邀御筆連圖奇哉七月朔晨

起成潘少白林阜聞集邵位西遺文跋後各一篇

初九日成秋感五古四章又成苦雨五律一首十

八日閱李文貞詩所一過八月初二日乘測海至

吳淞與李質堂遇次日水陸閱操初五日復赴大

衢山洋面回輪操演礮陣如對敵狀十九日黎明

地震九月初四日乘舟初五日至嘉興初六日抵

吳門憩湖南會館次日謁張振軒樹聲中丞重陽

梁梅村邀往虎邱登高飲於舟中十一日別蘇州



次日同十四日成游虎邱七古一章十九日乘威  
靖赴吳淞次日閱威靖測海操演申正乘測海展  
輪二十三日卯刻至甯波辰刻同徐吉雲游天童  
山四更同舟次早成七古一章又成赴小白河及  
贈陳禹門 政鑰 同年五律各一首二十六日抵鎮  
海登威遠城招寶山夜泊銅沙次早操演礮靶礮  
陣畢同成登招寶山七古銅沙夜泊七律各一首  
十月望成南山集跋一篇二十三日成題鑿研圖  
五古一章十一月朔閱恬吉威靖操演十一日成  
曾文正文鈔跋十五日桐城蕭敬孚 穆 來數日

年譜卷二

三

前人言對廳脊上有光如星閱之良然不解何祥  
也二十二日乘測海赴江甯二十四日至江陰與  
署江督張振軒遇二十七日至金陵下關次日謁  
送何小宋中丞丁憂回籍十二月朔午刻自下關  
回輪戌刻至瓜洲與彭雪琴侍郎 玉麟 李與吾軍  
門遇閱二日回滬除夕料檢是年日記元旦卜牙  
牌不利二月聞曾文正公凶耗寄寓江南百事已  
矣幸與何子永前輩交借得倭文端日記奏議抄  
錄一過因重閱朱子雜著並稍及諸儒先書胸中  
漸覺恬適而貌益加豐境遇雖困怡然安之

十二年癸酉五十歲 是年在上海正月十日

正月初四日成小西腴山館別集目錄書後一首  
初五日早成何去非備論筆記閱春秋直解傍晚  
得妻姪孫應球與其弟應昭書妻孫夫人於去冬  
十二月初六日子時死矣三十四年夫妻久病而  
未得一見以別妻死而余奔走於外二十餘年曾  
亦將老矣能勿慟乎十六日接兒子書報其母凶  
耗卽作書處置一切二十一日成小西腴山館書  
目序二十四日爲亡室設奠一粟庵弔客踵至不  
受賻贈二十六日刪改年譜是日

年譜卷二

四

今上親政正中外臣民望治之日也二月八日就古文  
詞類纂捐益劉才甫八家文百篇序十一日成姚  
惜抱評江季持詩稿卷子跋一首十三日成字雲  
巢文書後燈下成悼亡五言律詩四首十六日婁  
縣優貢生沈約齋 祥龍 來受業二十二日訂十一  
年年譜郭慕徐來辭行叩余以讀書之法余曰近  
治春秋初抄白文繼閱註釋似稍見聖人筆削之  
意然未敢自信也擬遲以歲月徧閱各家論著而  
又沈潛於經旨以俟有貫通之一旦乃始筆之書  
適閱朱子中庸章句序所云沈潛往復蓋亦有年



一旦似有以見其要領迺敢蒼萃眾說而折其衷  
 則余言固猶是朱子家法也二十六日接兒子書  
 正月十八日午時次女孫生三月初七日二更登  
 舟赴蘇題嚴伯雅東臯負土圖七律一首初九日  
 燈下至閶門外泊初十日早成七絕一首次日登  
 岍十二日成贈李眉生五律二首十五日午後邀  
 梁梅村同遊滄浪亭歸成贈彭雪翁七律一首十  
 六日夜與梅村約遊洞庭山十七日遊拙政園十  
 八日辰初出胥門登舟偕梁梅村胡少齋遊洞庭  
 山亥初舟泊礪橋頭至梅隱山莊宿為東洞庭山

年譜卷二

壬

主人謝青來也次日與少齋梅村青來徜徉碧雲  
 懸雷山房至晚乃一至山頂青來屬撰聯句為書  
 君為五湖長我亦洞庭人十字贈之二十日早成  
 贈隱梅庵主人五律二首旋同主人梅村乘船過  
 葑山至殿前登岍行二里許至古雪庵見陶雲汀  
 彭雪琴兩宮保題句依韻和之歸少齋與主人置  
 酒晤潘莘田其鈴次日乘舟回寓午刻吳雲麓邀  
 遊劉園湖田等處亥初至胥門回舟二十四日五  
 鼓開行早成遊劉園五古一章行十八里至夾浦  
 泊午坐小船未初至吳江與雪翁遇雪翁留飲同

泊夾浦閱其奏牘詩稿李質堂吳朝杰先後來同  
 飲至三更歸舟質堂朝杰又談至四鼓始去次日  
 別雪翁出湖歸滬成遊劉園五古一章夜成孝經  
 古今文輯論序二十六日成寄雪翁七言古詩一  
 章四月初七日登測海船至吳淞過威靖船次日  
 閱威靖操礮初九日校兩船槍靶命中者多未初  
 乘威靖出銅沙次日寅初泊定海外洋魚子山辰  
 刻移泊舟山陳淀生遣輿來迎飲於廳署十一日  
 早移沈家門口午刻展輪順風夜丑刻進吳淞口  
 十七日辰刻乘火輪舢舨至吳淞略詢水手與掘

年譜卷二

壬

港營關殿事未初開行申初至劉河洋面泊申正  
 進劉河口約十里左右口門水祇三四尺落潮一  
 二尺外護坦沙左有營房礮臺基址口內則水十  
 二尺餘東竄山西太倉州鎮洋縣西南嘉定縣正  
 南稍東崑山縣又西南常熟縣由內河至蘇州百  
 八十里四通八關吳淞口之次要也聞之土人向  
 為堤後營裁歸平望而以崇明鎮協標守之口內  
 外事權歸一布置極協獨將口門礮臺壞不復修  
 則失策矣口內二三里有灣坡毛賊昔以礮臺  
 守之以杜接濟又劉河口之次要也而今亦毀矣

步行晤李花樓協戎歸至口門水落舳板火輪不能行另易民船以戌刻歸舟十八日卯刻至楊林口河口極狹口外落潮水僅尺餘口內期水增十倍矣口外沙灘民房無多鎮洋縣轄午刻到許浦時值潮落水尺許不能進口口內船隻最多昭文縣境也夜泊江陰口外十九日辰刻進江陰口登君山俯眺一城全勢在握形勝必爭之地也迤東橫山嘴亦須屯營以防包抄午初回舟晚泊圖山二十日辰初率金蓉齋登圖山俗名徐山關左右皆有舊礮堤與江北岍礮堤相對礮招毅生用測

年譜卷二

壬

量法測得左邊距對江三百九十六丈五尺三寸右邊距對江三百八十二丈九尺六寸窺其形勢左邊地勢在山窩稍平夷可作品字圖形礮臺三座右邊後崎而前直宜作半邊月形礮臺一線多少臨時酌量可也測畢渡江江北平原僅只礮臺一線取以夾擊又來船必靠北岍故不可少其形勢固猶在圖山也恐圖山東有支港包出山後復乘小火輪至吳家橋徐家港一帶小港但可東折而不能西包山後午刻歸舟申刻至瓜洲鎮拜吳朝杰少飲再至焦山謁彭雪翁而歸二十一日午

初赴焦山自然庵觀雪翁畫梅芥航邀觀文信國公卷子八大山人墨蹟天風海濤琅琅不絕戊刻同朝杰歸舟二十二日爲方丈芥航跋文山眞蹟卷子夜卽大瀉口渴身熱徹夜不眠次日移舟瓜洲申刻至江甯漢西門黃軍門送陳蘿葡茶並薦孟河徐醫治之藥方並服略驗二十四日仍服徐醫藥二劑熱退渴止二十五日瀉亦止二十六日辰刻往謁李兩亭制軍堅留多住過妙相庵昭忠祠而歸二十七日早同李樹勳陳秋臯出太平門坐小艇入玄武湖約三里許時荷花未開登湖

年譜卷二

壬

神祠少飲李雨翁召飲折回督署雪翁導遊煦園傍晚辭雨翁歸舟二十八日黎明開行以小火輪船拖之極顛簸至儀徵遂遣小火輪赴圖山關招威靖燈下成周易隨筆序一首四鼓威靖至余卽登之二十九日開行成至定海登君山遊後湖詩三章泊揚舫五月朔抵滬寓二日刊定易經序文編定書目五日題芥航守鶴圖七古七日題秦誼亭畫十四日成讀書隨筆序又題湯雨生畫冊八首晦日文元自辰州來六月初四日乘威靖至吳淞合看測海操演次日調兩船合操礮法日暮回

寓初十日成書李文公集後文一首十七日成票  
鹽志略序二十三日題張力臣遊嶽麓山圖七古  
一章閏六月初二日草周延卿及其適陸夫人傳  
初八日坐測海至吳淞口調考威靖新募水手酉  
刻開行次日泊普陀辰初閱操頭礮登舫想法雨  
寺與陳秋臯及兒子文元散步山門海山環繞林  
木葱蘢真人間佛國也十二日草陳子敬太母墓  
表成夜與秋臯玩月飄飄作出塵之想十三日由  
後寺赴前寺憩於方丈禪榻赤日騰空綠陰閉遮  
但聞風聲鳥聲落葉聲四無人語匪特毫無暑氣

年譜卷二

壬

靜坐久之直覺富貴功名文章詞賦圖書彝鼎聲  
色貨利概無關於念慮幾欲遺棄世事頽然終焉  
酉刻回舟展輪次日午刻回寓十六日成遊普陀  
五言古詩一章十九日未刻假寐夢見方望溪先  
生欣喜過望語先生曰京師友人謂余爲歸方之  
學其實於歸尙淺而先生之文集則圈識五過近  
洽春秋直解先生曰以爲何如余曰先生此書能  
貫通全經其書法皆經文有字無字處求之信經  
而不信傳頗有前儒所見不到者醒而記之二十  
日至吳淞二十二日見龍吸水二十四日看操槍

礮未初登舫校靶至恬吉船次日兩船駛至崇寶  
沙恬吉操槍礮水龍測海試放頭礮午刻回寓二  
鼓題亡室孫夫人像贊二十七日跋堯峰文鈔書  
於卷首七月初八日乘馬車遊西人芳園十三日  
乘威靖冒雨至吳淞次日考驗水手看操槍礮十  
六日回寓十八日夜夢捉龍猶魚形也八月初二  
日元兒薄暮登舟同里愁來無端僅早起一閱日  
知錄而已初四日草孫少彭父母墓表初八日校  
定沈仲復九經辨字十一日乘測海至吳淞閱操  
三日十三日午初抵寓成月禪師傳李吉人婿自

年譜卷二

辛

長沙解餉來十五日同親友乘馬車遊芳園陶春  
園二十三日吉人婿辭回湖南二十四日成飲西  
城樓五律二章二十五日乘恬吉到吳淞三船用  
舢板演習水戰陣法是夜濃雲密布秋谷語明日  
必雨余以明日決計出洋雖雨必晴屢試屢驗次  
早果然三船開至銅沙外操第五第十陣圖晚泊  
大羊山二十七日至甯波訪芍岩軍門一談二十  
八日至粟岡閱舢板演陣法夜夢 先父痛哭不  
己蓋自統領兵輪視波濤如衽席我 父遂不入  
夢前此每遇航海未有不夢我 父者蓋其精神

常在不肖之左右可悲也是日風暴大作我父  
殆恐其蹈險耶二十九日上岍閱操九月朔過恬  
吉閱大操午後上岍閱靶多奇中成詩二首初二  
日刊泊大羊山二詩成贈劉芝田七古一首並諭  
各管帶以凡操洋槍不外轉左轉右上前退後分  
開合攏八字又操法先身法次隊法次陣法則得  
之矣知陣法兼知隊法者有之未有知身法而不  
知隊法陣法者也初三日出栗岡三船操第五六  
陣圖初四日過東溝操礮未刻回滬初八日成與  
沈仲復參韻詩二首初十日成重九五古用陶韻

年譜卷二

三

十一日草輪船不用管帶議十六日晚從黃浦歸  
成竹枝詞二首十八日乘威靖至吳淞督同測海  
恬吉合操陣法次日登焦山金山瞻東坡了元像  
暨東坡所留玉帶內有四片  
純廟所補者御題各一詩於上觀周宣王時遂啓期鼎  
葉東青所留也歸舟展輪二十三日晚至太平府  
提軍李與吾遣舟輿來迎小住二日二十五日偕  
與吾遊采石太白酒樓薄屋數椽門外僅餘殘碑  
斷碣未初別與吾歸舟展輪晚抵金陵二十六日  
謁李兩亭制軍寓李樹勳處二十八日成采石太

白樓七言律詩一首是月江督蘇撫將余勞勩情  
形先後據實入告奉旨交部從優議敘十月  
朔回舟初二日泊吳淞初三日閱三船操槍礮未  
初登岍校槍靶兼閱測海操車輪礮並皆精熟晚  
乃回寓二十四日放舟赴蘇成陳堯農詩序一首  
二十七日成紅藕香中顧曲圖短古詩一章謁張  
振軒中丞二十九日赴劉智林觀音山之約冬月  
朔歸舟評定施均甫文稿初三日晚回寓十三日  
成遊觀音山七言古詩一章二十日成輓吳南屏  
詩二首二十一日成輓劉霞仙詩二首輓王子壽

年譜卷二

三

詩一首十二日題潘偉如乘槎展觀圖詩一首  
二十日遷居小南門外之裏倉橋二十六日成祭  
竈五言古詩一章  
十三年甲戌五十一歲是年上海八月中秋三  
孫生十月二十六日  
正月初二日成金元四家文鈔序一首初六日赴  
吳淞晝夜大風浪詰早將出洋而風止天晴屢試  
屢驗元宵成卽事七言律詩一首十六日登舟赴  
蘇州二十日泊烏龍橋成五律七古各一首二十  
一日至胥門移駐湖南會館游安徽會館亭臺樓  
沼韓慕廬先生宅也與同鄉諸君邀飲於滄浪亭

並瞻仰五百名賢像二月朔日回滬寒嗽大作成  
 左子重墓志銘一首三月鐵廠移交五號輪船名  
 海安即委王子照管駕其餘酌派職事當差署藩  
 司應敏齋方伯自蘇來詢日本赴臺灣構衅事宜  
 四月朔至吳淞赴海安輪船看布國人教練砲法  
 旋出洋過栗岡至普陀舟中成介亭文集序一篇  
 遊法雨寺返普濟寺回舟成胡壽林少宰神道碑  
 文又成遊普陀七古長塗五古詩各一首返滬後  
 得知 朝廷命沈公葆楨赴臺灣辦理日本生番  
 事宜成選錄嚴樂園文鈔書後一首十五日長妾

年譜卷二

三

王氏同兒媳孫男女自籍來再赴吳淞看操布國  
 克鹿卜礮極有準操江自天津來二十九日奉江  
 督札吏部行知十二年九月十九日經督部堂以  
 操練勞勩入 告奉

硃批吳大廷着交部從優議敘欽此經吏部於同治十  
 三年二月二十一日具題議敘加一級紀錄三次  
 奉

旨依議欽此五月接沈幼翁書奏調帶輪赴臺助防公  
 牘六月張中丞樹聲來札飭議海防作議上之得  
 閩督李子和書印須甚迫林穎叔方伯並有書勸

駕振翁又以鄙議海防與李質堂軍門同屬即會  
 商辦理先後遣測海輪船赴閩威靖輪船赴臺嗣  
 得江督書以江防緊要商之幼翁留鄙人於江南  
 不能赴閩七月初旬連日與李質堂軍門張振軒  
 中丞往來寶塔灣崇寶沙南北兩岬吳淞口舊礮  
 臺審度形勢二十日測海自廈門來迎沈仲復抄  
 來江督寄幼翁書允鄙人留佐江防又得李和翁  
 書催赴閩垣之信遂與仲復商十日往還二十四  
 日登測海船補成月夜泛舟吳淞七絕一章自滬  
 返閩七律一章別內五古一首二十七日到馬尾

年譜卷二

三

船政衙門設行館留住兩日一夜晤林穎叔方伯  
 等二十八日傍晚抵省略發寒熱進謁李子和制  
 軍歸憩門人李翼龍東昇中協署中次日往謁文  
 星巖煜將軍王補帆中丞晤陸存齋觀察心源於  
 和翁座中病益不支八月朔司道等來見旋往答  
 之不赴其席次早和翁來召余已乘小火輪赴馬  
 尾登測海船矣初三日展輪初六日回滬中秋卯  
 刻三孫生二十七日乘測海威靖至崇寶沙試打  
 布國克鹿卜礮靶甚合法度遣海安出洋後過測  
 海閱操甚為精熟又閱恬吉操十六日晚登舟成

題符子琴芋園清燕圖七律一首次晚泊盤門往  
弔張振翁之母喪成曾仰堦所贈古瓮七古一首  
二十九日知日本撫局已成十月初十日出吳淞  
連日閱操十八日三孫病作危險之至多方挽救  
漸有生機二十四日出吳淞二十六日乘海安出  
洋不數日余正出洋而三孫遽化去惜哉十一月  
蘇撫吳子健元炳同年自蘇來同登威靖出吳淞  
看礮臺形勢畢中丞乘威靖出江余與同事乘測  
海二鼓同寓成揚忠愍福堂遺囑卷跋後又成  
雙親畫像記一首十二月朔日出吳淞閱操初二

年譜卷二

美

日成郭子澣讀書秋樹根圖詩一首初八日誕辰  
成五言古詩一章十七日恭聞

大行皇帝龍馭上賓大慟良久除夕成七言律詩一章  
又守歲七言絕句一首

光緒元年乙亥五十二歲是年在上海選鈔黃山谷  
詩集成 四月王妾率兒媳

韓氏孫男永繩  
永緒等同辰州

元旦成試筆五言古詩又用遣山韻成五言律詩  
各一首次日成贈沈仲復按察河南序又成惜別  
篇一首越日又成卽事七絕五古各一首初十日  
乘威靖出洋次日泊普陀阻雨寓後寺與修伯薤

小西映山館主人自著年譜

等唱和十七日回吳淞過海安操礮二十四日赴  
龍華憩馬蕤園處成五古五律各一首二月初日  
舟行赴吳門草閩撫不宜移駐臺灣議初二日抵  
胥門次日由胥門赴鄧尉探梅和宋牧仲還元閣  
五律韻六首司徒廟古柏石壁七絕各一首初九  
日返棹閱二日出吳淞乘海安至崇實沙打靶多  
命中者復閱水軍學測量算法成山谷詩集書後  
文一首三月初五日亡室孫夫人滿二十七月初  
七日同劉芝田乘鐵皮過瓜洲進揚州小住二日  
十二日至金陵下關次日謁見署督劉峴莊連日

年譜卷二

美

與友人訪金陵諸名勝十三日返棹阻風燕子磯  
兩日四月初七日成王子懷少宰神道碑文謝公  
墩半山寺七言律詩平山堂七言古詩各一首郭  
筠仙嵩燾自都赴閩臬任來見別十四年矣五月  
草成近事一篇次日復拊餘論題碧湘老屋八叟  
圖七古一章又陰雨五律二首六月初二日成海  
防操練輪船水軍議二篇旋赴松江訪李質堂軍  
門十四日乘惠吉出吳淞晚操舳舻並閱洋槍陣  
法打靶測量等事十八日再遊普陀七月初十日  
至吳淞閱威靖海安打靶測量等事分別賞罰八

八四九



月十六日赴蘇慰應敬齋廉訪內用與楊厚庵宮保遇於胥門舟次次日集飲滄浪亭成中庸衍義書後一篇又成贈楊宮保七律一首王樹人勳自浙江來距別浙江十年矣九月九日遊城隍廟外園萃秀堂成七律三首郭筠仙嵩燾以待郎候補充出使英吉利 欽差大臣自閩來見之十四日乘測海十五日到甯波遊月湖天乙閣名存而實亡矣十八日至招寶山下泊十九日赴舟山閱曉峰嶺竹山門等處礮臺陳淀生乃熹時署廳篆見之旋至普陀十月朔閱海安測量晤張小石向宸

年譜卷二

三

距別都門十七年矣初三日至吳淞初七日沈幼丹制軍自福建來梁禮堂觀察偕行同至高昌廟泊舟幼翁邀赴江甯初十日同至江陰閱新築礮臺十一日抵下關趙梓芳同年繼元邀住行臺十二日至校場謁劉峴翁與李與吾成謀軍門次日晤劉省三銘傳軍門周海舲盛波軍門在樸園小憩衛靜瀾榮光陞皖臬自通州運糧回見之二十二日送劉峴翁赴兩廣總督任成整飭淮甯議一篇十一月初四日幼翁委辦上海去年四明公所華洋滋事案初八日回輪過十二圩小泊遂至

七濠口初九日登焦山陳少荃翰芬偕退院方丈芥航留一日成次芥航退院七律一首又題陳容齋所藏曾文正公遺像遺墨冊子五律二首黃濟川太史貽楫楊雪滄中翰汝自閩來見之十二月初七日赴法總領事沙伯倫之宴十一日宴沙總領事譚譯阿林同來十二日劉晴嵐光煜來見故人松雲之子也二十三日乘威靖出吳淞點名再閱惠吉操二十四日至操場閱視海安勇弁次馮吉雲韻五言古詩一首

二年丙子五十三歲 是年在上海

年譜卷二

美

正月成棟李眉生廉訪七律一首元夕後一日赴蘇州二十一日返棹成遊春七古一首又成感懷七古一首與法國總領事葛篤互相往還葛篤旋命譚譯官阿麟來寓說四明公所華洋滋事案無理已極抗議駁之二十七日赴金陵舟中成金陵懷古七古一首春夜泛舟至金陵五律一首又和萬劍盟咏吳大帝七律原韻一首二十九日進城住奇望街行臺二月初六日出下關陪段培元起洪琴西汝奎兩觀察閱測海操初十日返棹與修伯薌萬劍盟唱和成花朝七絕二首五律一首黃



天蕩懷古七律一首過江陰弔閻典史七古一首  
又成江上行七古一首十三日返滬十八日法酋  
復來說前案無理如故復正詞卻之吏部於船政  
告成積年出力案內應請將奉 旨從優議敘之  
花翎二品頂戴前臺灣道吳大廷照三等軍功例  
從優議敘例給予軍功加一級於光緒元年十二  
月十三日具奏本日奉

旨依議欽此二十一日滬上沙船衛船董事鼓樂臨門  
送恩同再造匾額以其歷年派撥輪船救護該沙  
衛船等在洋遇難故也題胡鐵梅小照七絕一首

年譜卷二

完

又成香篝雪鴻卷五古二首三月朔至吳淞閱操  
成七古一首上巳與法酋書辯論四明公所案是  
非至徐園展襖初七日閱各船操後乘測海出洋  
霧雨多風惡浪拍天船橋上亦有水次日抵甯波  
夜半同修伯香梁亞甫萬劍盟黃俊生換船遊紹  
興過長亭逢寒食成七絕二首過餘姚訪王文成  
嚴子陵故里成七律二首清明日又成五古一首  
七絕一首初十日渡曹娥江次日入紹興城泊謝  
公橋下午初出偏門遊蘭亭成七律一首回至小  
雲棲成七古一首又次日乘畫舫出都泗門拜大

禹祠登窆石亭上稽山謁禹陵訪禹穴成七律一  
首又成七絕一首復至柯巖共酌歸過梅市成七  
古一首十四日返棹十五日泊魚山十六日回滬  
十八日法使羅淑亞自京來滬遣繙譯阿麟來議  
論四明案無理如故余峻卻之次日往見羅酋羅  
酋素性兇暴余談笑對之次日羅酋允不要四明  
公所地并願撫卹死者家屬大吏及久於洋務者  
僉謂羅酋如此遷就為從來未有而余仍執抵償  
以要之蓋不忍匹夫匹婦之含冤地下也四月朔  
成方望溪詩義補正序一篇初六日出吳淞放餉

年譜卷二

罕

閱操十二日赴蘇州踐督撫之約十三日至呂口  
泊成五律一首次日抵常熟遊城隍廟登虞山謁  
虞仲子游墓成五七律各一首晚見沈制軍舟次  
十八日返棹次日先赴吳淞閱操二十日赴道署  
會法翻譯阿麟次日至松江制軍委校步箭鎗靶  
又次日同制軍至吳淞大閱水陸各營二十六日  
制軍邀赴江陰履勘劉文沙礮臺形勢又二日抵  
金陵旋即返棹五月十四日法酋遣師繙譯克勤  
自京來堅請四明案內死者家屬以撫卹之余  
不允次日答拜復與師克勤阿麟辯論時許渠等

無可如何此案遂作罷論制軍與李相以法使兇  
狡異常此案如此罷議大出意外制軍并以書與  
總署極贊之又五月初二日赴吳淞閱操成林文  
忠公政書序一篇二十九日乘威靖海安赴崇寶  
沙打靶六月成遊也是園觀荷七古一首又成送  
脩伯薊回長沙鄉試五律二首七月初二日奉沈  
制軍檄兼辦滬釐捐總局初六日任事七夕成  
七絕一首自是每日必至總局辦事見客至交卸  
日止二十二日失腳踏傷未至大病幸也然而風  
溼起矣二十五日力疾出吳淞閱各船打一尺八

年譜卷二

望

寸見方鐵靶蓋從來所未有也二十九日三從子  
文銘卒于寓八月成楊性甫抱山草堂集序一篇  
中秋後一日乘惠吉赴金陵先過揚州與劉芝田  
談一日夜二十日抵金陵二十三日返輪次日回  
滬成芝田五十壽序一篇二十八日赴蘇州次日  
泊胥門九月初三日赴孟河就費伯雄醫成五古  
一首初六日返至惠山觀第二泉成五七古各一  
首楓橋五古一首重九偕友人至萃秀堂登高十  
五日出吳淞閱操三日成楊見山詩文集序一篇  
十月二十九日乘惠吉赴金陵十一月補操場看

菊五古一首三日到金陵得詩三首又成雜感五  
古三首初五日返輪閱二日回滬得題湯鵬鐵畫  
贊一篇又成雜感五古一首十七日大風出吳淞  
放餉閱操又閱胡少齋畫得七絕二首又成宴馮  
展雲閣學於仰山堂七絕二首十二月成送展雲  
入 觀五律二首臘八日初度成七律一首十三  
日乘威靖出洋至甯波會哨十五日返輪成七絕  
五律各一首二十七日成荆軻傳書後文一篇除  
夕成淮陰侯傳書後一篇計自七月兼辦總局以  
來日日判事不換一人不改一章惟不受請託不

年譜卷二

望

愛小利與諸僚屬推誠相與令出惟行征收較前  
倍旺撥款於向不應付者皆能先期撥解合肥相  
國歎為從來未有然余之志事實十未用一也  
三年丁丑五十四歲是年在上海秋間至京師冬十月初出京十四日回上海寓所  
正月初二日接吳子建中丞書以日斯巴尼亞有  
調兵船來華之語囑為防範作書報之初四日早  
起檢行李午初登舟初五日晚至蘇之婁門初六  
日戌正過無錫初七日夜半抵石橋灣泊初八日  
夜半抵常州西門初九日酉刻抵蘇之胥門初十

日上院拜客十二日登舟十三日申刻回寓閱雨  
局公牘二十七日申刻赴吳淞憩籌海樓二十八  
日辰刻閱惠吉測海威靖船打靶已刻閱測海威  
靖洋槍未刻閱惠吉水操申刻回寓是月成重乘  
洗冤錄詳義摠遺序友石山房詩鈔序文二首二  
月初四日申刻至操場初五日辰刻登惠吉開行  
亥刻抵滬港初六日巳刻抵甬上初八日至粟岡  
泊初九日亥刻泊吳淞初十日巳刻回寓三月初  
五日日本竹添光鴻以詩文就正求序十一日竹  
添又以日記來十二日題竹添日記一首十五日

年譜卷二

聖

竹添漸卿又來求予點定之詩已經收去棧雲峽  
兩日記余已題跋渠仍求逐段細批至再至三并  
以其國八十餘老翁槃溪之著作求批求序殷殷  
至再不許不休亦可謂慕名好善者矣聞與筆談  
皆推誠相與易以與中華各敦信義始終和好渠  
頗領悟若日本人居政府者能如此人之務正學  
好結納名流吾無東顧憂矣十七日成日本槃溪  
古今文視序一首二十五日起吳淞登海安輪船  
點名散餉二十七日回寓四月十五日至吳淞操  
場十八日閱威靖槍靶陣法十九日回寓二十二

小西映山館主人自著年譜

日閱日本竹添漸卿詩走筆成棧雲峽雨詩序一  
首五月初四日起吳淞演武廳閱海安操洋槍陣  
旋回寓二十六日起吳淞乘測海威靖出銅沙演  
英水師陣法第七第八兩圖申刻回至崇實沙打  
礮靶酉刻回吳淞口內泊二十七日早閱測海威  
靖舳板操陣圖辰刻登演武廳閱海安槍靶申刻  
閱測海威靖槍靶亥刻回寓是月成黃母胡大夫  
人家傳徐勇烈公祠記書歸安姚子展孝廉景詹  
閣遺文後文凡三首六月十六日起吳淞十七日  
登演武樓校威靖鎗靶十九日乘海安展輪二十

年譜卷二

聖

日酉刻抵普陀泊二十二日申刻展輪二十三日  
卯刻進吳淞口泊申刻回寓七月初八日起吳淞  
初十日閱海安操礮未刻回寓十一日患病十六  
日赴吳淞憩籌海樓十七日力疾乘測海出口過  
海安船二十一日早抵煙臺泊二十六日開行二  
十七日未刻抵大沽口外過操江船二十八日傍  
晚抵紫竹林二十九日登岸謁李伯相嗣接許星  
叔來信知沈幼丹制軍摺已 留中八月初一日  
謁李伯相談極洽以幼翁摺 留中可喜初四日  
赴紫竹林登操江出口過海安船初五日伯相到

八五三

船看操極細并在海中設的展輪打靶亦有命中者未正伯相去申初過操江初六日子刻回經司胡同寓亥正到紫竹林初七日謁辭伯相伯相允出 奏至三汊河登舟十一日抵通州十二日乘車進東便門十三日拜許星叔前輩知李伯相之保舉甚結實十六日入城謁見 恭邸頗蒙獎借九月初一日赴吏部驗到二十六日卯刻引 見養心殿歸奉 旨仍着以海關道員用異數也二十七日大風念病軀明日謝 恩大不相宜胸膈不愉快飲食難進尤為可慮二十八日大風忽止精

年譜卷二

望

神亦爽意外之幸也卯正引 見養心殿暖閣奏對另有記未刻謁見寶中堂 稟辭二十九日謁見沈中堂 桂芬 辭行謁 恭邸因沐髮未晤十月初四日出京初七日至天津謁李伯相并命戴風帽談次極洽初九日登舟十四日抵上海到寓十五日未服藥僅服費伯雄丸藥亦不見容而胃口不開十一月二十九日黃昏枕上成五言古詩一首并命元兒及劉韞山寫示劉融齋中允劉芝田觀察及諸相好分詩云有書必有夜有生必有死天運本循環此是常事耳憶昔同治初沈病幾不起全賴文正師撫摩視猶子應盡便須盡長恐二豎累不料十五年一病復

爾爾皮嫩血已枯如挂荆棘裏吾其學蒙莊物外逍遙矣

小西腴山館主人自著年譜卷二終

年譜卷二

吳